













کار و اسباب  
۱. الیوهی یا زاری [۶] عرفی

تصحیح

اوتوزنجی صحیفه ناک اون دوردنجی سطرنده کی ( زخم ) کلمه سی فضله در

## فهرس

صيفه		
۱	خارستان وکستان	۱
۳۹	لانه منکسر	۲
۸۳	معمای دل	۳
۹۵	چیچکلر	۴
۱۰۳	رنکلر	۵
۱۱۱	صاچلر	۶
۱۲۵	بر بنقشه نك سرگذشتی	۷
۱۳۵	حسن و عشق	۸
۱۵۷	نقیمه حاله	۹
۱۷۱	یشیل بووا	۱۰
۲۰۵	توجیه وجیه	۱۱
۲۱۹	ایلك کوروجی « حسب حال »	۱۲
۲۲۹	آه شو اُرکیکلر »	۱۳
۲۳۵	یکنم »	۱۴
۲۴۵	صلحانك کناهی	۱۵
۲۵۷	ذوق خیال	۱۶
۲۶۹	ایکی مکتوب	۱۷
۲۹۵	بردامله قان	۱۸
۳۰۳	نینی	۱۹
۳۱۷	ایستیورم که ...	۲۰
۳۲۱	نقرات	۲۱
۳۲۵	لیلاقلر آچارکن ...	۲۲





~~~~~  
فہرس  
~~~~~



پاريلتيلي بر مرصع قاپو هييتيله كوك آچيلير كي اولور . چيچكلريه  
يشيللكلريه دنيايه ... خندا خندا ، نورانور ارمغانلر صاچان  
طوپراق ، جهانك بوموسمده اوکا بر اوراق هديه منقابله سي اوله جق  
بنم وجود ضعیفمه ده البته حسن قبول کوسترر . طوغارکن اغلامق ،  
پکی .. فقط یأس ایچنده اولمکی بی لزوم کوریور ونشئلی بروداعی ،  
حزین بروصاله ترجیح ایدیورم . اونکچون ، اوح .. اونکچون  
ایسته یورم که دغدغه حیاته بویله پرشوق وشغف برهنکامه بهارنده ،  
لیلاقلر آچارکن ، جهان بکا ، بن جهان کوله رک وداع ایدهم .

— ۸ تموز ، ۱۳۱۷ : شیشلی —

صوڭ



عالم حیاتک بایلیور کبی روحی آزالییور ، بگزی صولیوردی .  
 بولوحه خاطرکه کلیورمی سودیکم ؟ اوزمان بکا ، سن دیوردک  
 وصورییوردک که : « روم ایلی حصارینک کولکه سی ایستیه قدر  
 اوزانمش ، کوریورمیسین ؟ قندیللی نک اوستده کی سهکوتی  
 ایشیدیورمیسین ؟ قارشى ساحلده کی آغاچلرک کولکه سی بزه قدر  
 ناصل اوزانیور ؟ شوباجه لردن توتن دومان ناصل بی تاب برتسلیمیت  
 ایله کوکاره دوغرو یوکسلیور ، کوریورمیسین ؟ شو صاندالک  
 کوره کلرینک دکزدن قالدیردیغی بر ایکی آووج صویک شپردیسنی  
 ایشیدیورمیسین ؟ .. اوح ! بوراده بویون ، بوراده یاشایان هیچ  
 بر زمان فنا آدم اوله ماز ! .. بو هوایی تنفس ایدن قلبده هیچ بر  
 وقت بر لکه بولنه ماز ! .. »

أوت سودیکم ، بو بوغازک بر ساحلده کیزانن بر روحده  
 البته بر صفای روحانی حس ایده جک .

حصار جامعنک مناره سندن ، سکونفریب بر سسله اوقونان ،  
 آقشام اذانی تیتیه تیتیه شه و سرویلرک آراسنده طاغیلرکن ،  
 آقشامک سکوتی کچن شیلری اونوتمه بی اخطار ایدر . و بر بالقجی  
 أونده اونى بکله یین اویقوسنه قاوشمق ایچون یورغون ، یورغون  
 استعجال ایدرکن کیم اولدیغمی بیلمه دن روحه بر فاتحه جق یوللار .  
 عظمتلی بر بهار کیجه سی ، انسانیتک تیتیه یین دوداقلرینه لذت  
 ابدیت دوکر . سطح خاکدانه قاپانان هر کیرپکه مقابل صفح آسمانه  
 بر سیاره آچیلیر . سکونت تغنییه ، مجهولات آغلامغه باشلار .



آتکننده کی قایلرده ، سرویلرک اوفاق یاپراقلی داللری تیتره شدکلری  
زمان ، او تک توك کولکه لردن برینک خداسنه تودیع ایتسینلر .  
ا کر لایق ایسه م ، بنی سوه نلرک دوکدیککی برایکی دامله کوزیاشی ،  
— که حسنات عمرمک برزبدۀ آثاریدر — دائما پرشطارت دوران  
بوغاز ایچنک صفوت شوقنه ، محزون برچو جوق معصومیتله کولومسین ،  
بوکوشه جکدن دریای مغفرت الهیه یه قارشسون .

بیلیرمیسین سودیکم ؟ بر بهار آقشامی ، بوغاز ایچنک باغین طالغه .  
جقلری ، ساحلک کردنی اوپرکن ، صولرک درین درین چار پندیلری  
ایشیدیلوردی .


افقلرده کونشک صولغون شعاعی ، هوائی ماوی وقویو کوموشی  
آراسنده بر رنکده کی بولوط کومه لرینک آلتدن کورینوردی .  
اورتالقدۀ سس یوق ، حرکت یوق ، اهتزاز یوقدی . دکزک یوزی  
حاره لرله مستور ایدی . یالکیز لاجورد صولرک اورتاسنده ، کونشک  
معکس شعاعاته ، صادف ، بیاض یلکینلی برکمی ، دیکله نیرکبی ،  
باغین بر حالدۀ یوزیور . دیرکن ، اوزاقدن تاوهات لیلیه یی  
آکدیرر بر چیغلق ایله بر مارطی اوتیور ، واوچیور . دیکری  
اوکا جواب ویریور . صوکره بر اوچنجی دهـا باغیریور .  
دکزک اوفاق حاره لی قاتمرلری اوستنده سراسر نور پارچه لری  
پارلایور . کوکک خداسنده ، آغوشنی آچمش ، بر مفتور غرام  
توانسز لغیله ، بوغاز ایچی قوجا بلامق ایسته یی ایری بر قوش قانادلرینی  
کرمش حرکتسز دوریور . اورتالق قویو بر رنکه صاریلیور ،



## ليلاقلىر آچارى

ليلاقلىر آچارىن ومور قوقولرى آقشامك كواسىلرینه  
بورونوركن ، بوغاز ايچىنك سىسسىز بر كنارنده ، چارپىنىسىز ،  
دېدىسىز بر اوجىكك ، تىمىز ، تنها براوطه سنده اولمك ايستهرم .  
ليلاقلىر آچارىكن شو چركىن ، عبوس قاره طوپراق ،  
كولمىكه باشلار . جو هواده حس عشقه بىكزر ، بر آهنگ لين وزمىن  
ايله سرائر نواز بر جريان خفيف ، بر ملك نارىندىكىله ليلاقلىرى  
آچارىكن ، بولوطلىرى اوقشارىكن ، بر بهار اقشامنده اولمك ايستهرم .  
اوينجه روزكارك آغوشنه اوزانان بوغاز ايچىنك سىلچنه دوشرو ،  
قويو يشىل طاغلىرك ، قويو يشىل قورواقلرىدن ، روحى آرامق  
ايچون ، اينىن ملكلىركى ، بولوطلىر بر سرعت خفيفه ايله سوزولدىكى  
زمان ، روحىك اونلره دوشرو ، لىلاق قوقولرى اراسىدن پران  
اعتلا اولماسىن ايستهرم . بى ، همان اوراجىدن روم ايلي حصارىنىك





ليلاقلر آچاركن ...

سویله که حیات ندر ؟ روح ندر ؟ محبت ندر ؟ ایسته  
 شیمدی اکلایورم . رایحه ازهارای آندیران نازنین روحک  
 بورونمش تیرهک ، کوچک سسکله سویله ؛ دنیادن علاقیمی کس ؛  
 بیتمک بیلمین آمالمه بویله ، اوح ! ایسته ، یالکیز بویله نه-ایت  
 ویرمک ایسته یورم ، بوسسک آغوش نرمینده بو آهنگ قلبی  
 رفته ، بونوای شفقتی مستغرق اوله رق س-ویله اولیم . بو  
 کوچیکک ، طاتلی سسکک یوموشاق ، نارین قاتمرلری کفتم  
 اولسون ؛ اوکا بورونه بورونه اولیم ، اونو اوپه اوپه بیتیم . اوکا  
 او هوادن خفیف ، اوسمادن صاف سسکله صارینبوب ایستدیکم  
 کبی یوکسکلره اوچیم ... کوزلرم حشره قدر بو ط-اغنیق ،  
 بو کوچکک کوچک تترهین ، بو براوفاق قوشک قانادلری کبی  
 چیرپینان سسکی بلبللرک منقارنده ، بولوطلرک سوزولوشنده  
 کیجه طالغلرک فشافشنده ، قرق حزننده آرایه جق ...

آه طورمه ، سویله ... الله ایچون ، الله عشقنه سویله !  
 عودکله برابر سویله ، کولکله برابر س-ویله ! روحک روحکله  
 سویلشدیکنی دویورم ... آه ایسته یورم سویله ! ...








## نقرات

سويله ... الله ايچون ، الله عشقنه سويله ! طورمه ؛ عودگله  
 برابر سويله ، کؤکلله برابر سويله ! .. روحك روحگله سويلشديکني  
 دوييورم . عودگي ايکلت ، کؤکلي ايکلت ... آه ، ايسته يورم سويله !  
 سسك ... اوايجه ، او بلورين ، او کؤکلک کي بلورين ،  
 او کؤکلک کي ميني ميني سسك ، ني در آغوش ايدم رک ياواش  
 ياواش اوقش-اسين ؛ رقيق قلبك ، رقيق کوشه لرندن ، ستره  
 ماسوادن سيلمکنوب عريان و کريان يوکسکاره سوزولوب کيدن ،  
 صوکره نازلي نازلي عودتله اترمک دوداقلريله آلني کيزلي کيزلي ،  
 اوصول اوصول اوپن اوبابل ، اوشعر ، اومنظوم سسگله  
 سويله ، آه سويله ! ... روحم کي ضعيف ونحيف ؛ کؤکلم کي  
 اترمين اوقيريق دوکوک ، اوايجه سسگله سويله ... عودگله  
 برابر سويله ، کؤکلله برابر سويله ؛ روحك روحگله سويلشديکني  
 دوييورم ... آه ، ايسته يورم سويله !



نقرات



بویله غریب ، بویله مشتاق ، بویله آتشلر ایچنده اولهیم ...  
ایستیورم که سحرلره ، شفقلره بورونهرک کیزلی کیزلی  
ایکلهین قوشجغری ، باغچه کده کی لیلقلره یاشلر دوکن سحابیاره بی  
طانیه مدینک کبی بنی ده ابدیاً طانیه میه سـک ، ایستیورم که نه بنم  
یاشادیغمدن ، سنک ایچون یاشادیغمدن ... نه بنم اولدیکمدن ،  
سنک ایچون اولدیکمدن ، سنی سوهرک اولدیکمدن خبرک اولماسین  
بنی کورمیه سـک . بلکه .. آه ! بلکه اوزمان ... ایشته بن اونی  
ایستیه میورم ، اوکا قائل اوله میورم .

ایستیورم که .. ایستیورم که بنی بویله ابدیاً طانیه میه سـک ،  
بیلمیه سـک .. بن پک آجی ، زهرلی بر هجران ایچنده یاشایم ..  
هجران ایچنده یاره لنه یاره لنه ، آغـلایه آغـلایه ، قیوران قیوران  
اولهیم .. یاره لرمله بیتیم !






## ایستیورم

ایستیورم ... آه ایستیورم که بنی بویله ابدیاً طانیه میه سک ،  
بیلیمیه سک ، بن پک آجی ، زهرلی برهجران ایچنده یاشاییم ،  
هجران ایچنده یاره لنه یاره لنه ، آغلایه آغلایه ، قیورانه قیورانه  
اولهیم .. یاره لرم له بیتیم .

سَنک ایچون اولدیکمدن ، برق سَیِرَنک نَکاهک خیالی  
قارشیسَندَه ، یانه رق ، ازیله رک سوندیکمدن خبرک اولماسین ، ینه  
هیچ خبرک اولماسین که پڑمرده برکوکل سنی دوشوندجکه ، سنی  
حس ایتدجکه بوتون کنجلیکی ، بوتون عمری ، امللری ،  
امیدلری ، خلیلرله برابر سَنک ایچون محزون یاشامق ، محزون  
اولمک ایستیور . او بی چاره کوکل هپ بونی ، یالکز بونی ایستیور !  
پروانه کبی ، کولکه کبی کیجه کوندز یانکدن آریله میسان  
بن شیمدی یه قدر نیم لحاظه دقتکی جلب ایتدم ، بوندن بویله ده  
هیچ جلب ایتیمیم . اوخ ! بویله اولهیم ، بویله مهجور و متحسر






ایستورم که

يو وامنك بېلى ،  
 باغچه منك بر كلى ؛  
 صاچلرى صيرمه ايپكى ،  
 آنه جكنك ملكى ...  
 اويوسون يا وروم ، ننى !  
 . . . . .

قوشديلر . زاهره ياننده ياتان داديسنى اويانديرما دن بوش  
 باش-يكنك ياننه كچمش ، يىنلرى اريته جك ، كوكل-لرى ياقه جق  
 آجىقلى برصدا ايله معتادى اولان نىنىنى اوقويوردى :

صاچلرى صيرمه ايپكى  
 آنه جكنك ملكى ...  
 اويوسون يا وروم ، ننى !  
 . . . . .

قاپويى آچوب ايجرى كيردكلرى زمان بوپى چاره والدهنك  
 قهقهه لر فيرلاته فيرلاته بايلىپويرديكنى كورديلر . بوقهقهه لرله  
 بوننى آرتق زاهره نك ، يكانه كلامى اولمشدى . هيچ بر تدبير  
 نه بوننىنى ، نه بوقهقهه لرلى تداوى يه موفق اوله ميوردى .  
 آرتق سوقاقدن كچنلر زاهره نك قهقهه لرلندن ، بو خراب والدهنك  
 ننىلرلندن محزون ومكدر باشلرينى اوكلرينه ايكىرلردى ...



صبح اوليور ، طيب كليور ، چوجوغك برايكي كون  
چاملغه چيقارلاماسني اسكي تداوي يه دوام اولونماسني توصيه  
ايله كيديور ... تصادفي ، آقشام خاله سيله انشته سي كلديلر .  
كيجه عيني اويقوسزلق ، عيني خلجان ، بوتون مايوس  
چاره سزلكلرله تكرار چاغريلان طيب ينه برعلاج ويرمەدن  
عودت ايديور ؛ آتق زاهره بويوك كدرلرله برابر كلن تحمله  
بكرر برشاشقنلقله آغلاميوردى ؛ قورو ، ياقيجي برسكونت  
ايله صوصيوردى .

صبحاين ، خاله سي بشيكك اورتوسني آچديني زمان ،  
بونجه زماندر بسلەنن ، بويوتولن املار كمنقطع اولديغي كوردى ؛  
ويان كوزله زاهره يه طيشاري چيقماسني اخطار ايتديكي وقت  
بوقادين ، والده لكه بوقدر سندر برعشق مجنونانه ايله مفتون  
اولان ، مجلوب اولان بوضيعف قادين ، برقطره اشتكا دوكمەدن  
اوطەدن چيقدى . بكجي برتخنه پاره اوستنده شاله صارلمش  
بو كوچوك وجودى قابودن چيقاراركن بيله ، زاهره ينه برشى  
سويله ميور ، ينه فرياد ايتيور ، آتشلر ايچنده محوم اضطراب آجي  
برعذاب آلتنده بوكالمش ، برهيكل باس كبي مبهوت طور ييوردى .  
زاهره يني او آقشام استانبوله اينديرمك ايسته ديلىر ، ايندى .  
لاقيردى سويله ميور ، ويريلن تسليلىرى آكلاميور ، ايشيتميوردى .  
اقشامه قدر كوزلرندن ، انجق ايكي اوچ دامله ، ياش دو كوله بيلدى .  
خاله كيجه ياريسى برتغنى ايله اوياندى . زاهره نك سسي :



آ کلاتمغدن باشقه بر شيئه خدمت ايتدى . زوجى حليم اون  
 بش کون ايچون، مېرم بر ايش ضمننده از مېره قدر کيتمشدى .  
 شيمدى زاهره اوده، برداديسيله يالکزدى . چاملقده چوجوغى  
 ديزلرينك اوزرينه براقدى . باتان کونشك، اينجه چام ياراقلىرى  
 آراسنده، قطرات روزکاره قاريشان ضيا سندن، شيمدى بويونى  
 بوكوك ، اولادينه جان ، قوت ، صحت ديله نيور ؛ اوراقدن  
 کچن ارباب تنزهك قهقهه لرى ايچنده بر لمعه اميد آراشد يريورى،  
 طالعك وهم ايتديكى ضربى ي اورميه جغنى، کنديسنه البته آجيه جغنى  
 ظن ايديوردى .

لکڼ ، لکڼ ، بوتون اميدلر منقطع اولورسه ، بر سنه يي  
 متجاوزدر، دار سرور اولان اولرينه غم آلود بر ماتمخانه ،  
 بر قبرستان ظلام سکونه مستغرق ومدفون اولورسه صوکره ينه  
 اسكى کيمسه سزاسکلر، اسكى يالکزلقلر باشلارسه... اووح اللهم !  
 آفشام اوه عودت ايتدى؛ چوجوق صباحه قدر اويومادى .  
 کوکسى کيتدکجه صيقيشيور، ممه آلميور، آغلامه سى دينيور، کوچوک  
 بر قوش کوکسى قدر نارين اولان بوكوکس، بوز مرنالك اضطرايه  
 تحمل ايده ميور ، کسيك کسيك خيرلدايوردى .

يواضرک بلبلى ،  
 باغچه مرنک بر کلى ...  
 اويوسون يا وروم ، نېننى !  
 بويوسون يا وروم ، نېننى !

اولان اوغلانك بشيكنه طوغرو ايكيډي ؛ آلتندن تولندي  
 قالديره رق ، اوکا باقان ، اوکا کولان کوزلره درين ، مديد بر بوسه  
 قونديردي . قوللاريني چوزدي . ولادتندن بري ، بش آيدر  
 ضيفلايان بو خلاصه اميدي ، بو نشئه آتيسي چکر پاره سنك  
 يورغون ، دوشکون آلاريني قيملدا تيشنه باقه باقه کوزلري طالدي ،  
 کوزلري طاله طاله آغلادي ؛ شيمدي «رېم، بونچون؟ بونچون؟...»  
 ديه سويلنيوردی . آغلادی ، آغلادی ، آغلادی . صوکره  
 چوجوغی چوزدي . حار و صاف حسيات رقيقه شفقتله  
 يوموشاتلمش ، آزلش ، اوفالتلمش ياريم کله لره شيمدي قوجاغنده  
 طوتدینی اوغلانی تلطيف ايديور ، اونکله درد لشيوردي ؛  
 — سن بويوك ، بويوك اوله جقسك ، قوجامان بر عسکر  
 اوله جقسك ، دكلى يا وروم ؟ بن اوزمان اختيار اوله جقم ؛  
 پنجره دن قيلنجكك شاقيرديسنى ايشيدنجه يوره كم هوپلايه جق ،  
 سوينه جكم ... دكلى جيچيم ؟

اُك تميز البسه لريني ، باشلغني كيديردي . چاملغه چيقدی .  
 اطبانك توصيه سي اوزرينه يكرمي كوندن بري در ، هكبه لي آطه ده  
 برأو طوتمشلردی . زاهره هر آقشام ، هر صباح چام قوقولري ،  
 آطه نك يشيلاكلري ، كوز باشلري آراسنده الله دن اولادينه  
 اميد نجات دعا ايديوردی .

بر چوق طبيبه كوسترديلر ، برخواجه يه نفس ايتديرديلر ،  
 هر چاره يه توسل ايتديلر . بوتون بو چاره لر ، چاره سزلكلريني

ایستدکاری کېې بر قوجه بوله یله جګلرمیدی ؟ بومشکوک جهت  
اونلری دوشونډیریوردی . زاهره دوراندیش بر تهالکله :  
« طوغروسی بن قیه م ! » دیور ، کوزلری طالیوردی .  
بوصیره ده قوجه سنک صرف ایستدکی بر لطیفه قهقهه لرله مقابله  
ایدیوردی .

به بېک نشه سی ، اضطرابی ، سکاتی ، حرکاتی ، اوافق  
پارماق لړینک اوینايشی ، یوموشا جق چپلاق باق لړینک  
چرپنیشی دایم تجمدد ایدن بر منظره کېې اونلری مشغول  
ایده جک ، اکلندیره جګدی . دیزلرنده اویوتیوره جګلردی .  
بوتازه بهار ، عمرک یاواش یاواش اچیلان نادر بر چیچک کېې ،  
اوسته تیره یه جګلردی . زاهره دیوردی :

— بک ، بن اونی هرکون اولچم جکم ؛ هرکون بشیک تحت سینه  
کوچوک بر چنٹیک کسه جکم ؛ باقلم ، هفته ده نه قدر بویویه جک...  
أوت ، سوت نینه یه لزوم یوق ، بومقرر ؛ زاهره نك چوجوغی  
والده سی صاغ ایکن ، اوکسوز بر دیلنجی کېې باشقه سینه عاڼد بر  
غدايه محتاج اولیه جګدی ؛ کمدی آغوشی منتظر ایکن اونی  
باشقه قوجاقلرده کورمک فکرینه قارشى عصبان ایدیوردی .  
بو حال اون سنده در طاشان والده اولمق حس وهوسنه طوقونیور  
والده لك غروړیځی ، شفقتی ایجیتیوردی .

## §

زاهره بوتون بوکچن چیلغینه جه هوسلرینک بر زبده سی

— اوو ، نه کوزل تصادف ! ایشه لولی ، باق کوزل یوزلو  
 قیز دیمکمش ، لولی ... لولی ... اوح ! لولی اشاغی ، لولی  
 یوقاری ، بر سویلنشی وارکه الطف ، کچن کون بری بر تورک  
 اسمی سویلوردی : بی بی ، تاریحه عائده عثمانلی اعظمندن برینک  
 اسمی ایش و عائشه بی بی ، بو اوندن لطیف . دها شمسار وار ،  
 نجمار وار ، بونلر فنا می ؟ ایسترهک سکا نیتله پریراد دیرز ،  
 آجانم ... بری یاوروسی سنک قیزکه لایق بر نام اولمازمی ؟  
 کولوشدیلر ، حلیم علاوه ایتدی :

— عاشقانه ایسترهک ، دانشین قورز ، امینه دلنشین .  
 هله زاهره جکم ، زهره یه دیه جکم یوق آ !  
 اوکوله رک جواب ویریوردی :

— فصل یوق ؟ زهره طویار لاجق بر اسم . زاهره یه  
 باق که تلفظ ایدمجه خاطره نه شه لوند ، نه چکمه یوزلو بر وجود  
 کلیور . زاهره یه نیتله زهره دوداقلرک آراسنده غائب اولیور ،  
 او قدر اوفاق .

قوجه سی طایانه میور : « او ، او ... نه خودکاملق ، نه  
 کس دینی بکیش ... » دیور ، کلیور و سویلوردی .  
 آرتق قرار ویردیلر ، آرکک اولورسه عسکر یاپه جقلر  
 و اومساکه مناسب بر اسم ویره جکلردی . یاقیز اولورسه ؟  
 صاریشین بر قیز اولورسه اوکا کمان اوکوره جکلر ، اونو  
 موسیقی شناس یاپه جقلر ، کزیده بر تربیه ویره جکلر ... لکن



— سن اوطور زاهره ، کندیگی کوزت سن اوشومه ،  
 راحتسز اولما ، بن سنك خدمتكارك ، بن سنك كوله گم !!  
 دیور ، واوگا قیشین ایستدیکی قاوونی بولیور ، اوزومی  
 تدارك ایدیوردی . کونلر ، هفته لر برر برر تعداد اولونه  
 اولونه کچوردی .

کیجه لر ی چوجوغك اسمی ، جنسیتی حقه نه اوزون  
 مباحثه لر آچیورلر ؛ زاهره قیز آرزو ایلدیکی حالد ، زوجه مخالفت  
 ایتمه مک ایچون ارکك تمنی ایدیور ؛ کله جك بیکك اسمی  
 دوشونیورلر ، برچوق اسملر تکرار ایدیورلر . هیچ برینی  
 بکنمورلر ، یگی برشی ایستیورلر ؛ معیندار اولسون ، آهنگدار  
 اولسون . حلیم دولابدن لغات عثمانیه یی چیقاریور ، تاریخ اسلامه ،  
 تاریخ عثمانیه یه مراجعت ایدیور .

— محمد مؤید ، دیور ، احمد مین ... باق بونلر هپ یگی ؛  
 هله نریمان ، رستم زالک جدی ایمش . نه آهنگلی ! سن رستم  
 زالی بیلیرمیسک ؟ مجاهد الدین نه بیوک اسم ! صرف تورکجه  
 اولمقده وار ؛ مثلاً : آلپ آرسلان ... کوز اوکنه برتورک  
 بهادری کتیریور ، دکلکی ؟

قوجه سی برشوق متصلفانه ایله اسملری صایدقجه زاهره ،  
 مست نشئه ، برقادین فراستیه اسمدن مسماه انتقال ایله کیمنی  
 شیشمان ، کیمنی اوزون بویلی بولیور وزوجنی کولدیریوردی :  
 — یاقیز ، دیوردی ، یاقیز طوغارسه ؟

بونمارشه دن كچر كن ، بېكلرك شعبه سى ، او كنده طور دى . اطرافنه  
 باقندى ، چكینه رك ، قورقه رق ، تیره يه رك ياواشجه : « شوبېكى  
 بكا چيقا رك . » ديدى . بېكك مائى كوزلىرى ، يوموق پنبه  
 ياناقلرى ، قوريق صاچلىرى اونى مجلوب ايتمشدى . شيمدى ،  
 مغلوب هوس ، بوطفلا نه آرزولره مامشات ايدر كن اوتانيور ،  
 قيزاريبور دى . دوشونيور دى كه اشاي حمله دائما بوبېكه باقه  
 باقه چوجونى بوكا بکزه يه حكدى . طبيعته قارشى ايدىلن بو حيله  
 پاك وبى سودى بيلم او كا كيم تلقين ايتمشدى . اوده حين حاجته  
 باقيله جق برخىلى چوجوق رسملىر ده اوردى .

سهنلر بوشنه كچدكه بوكى كىزلى چوجوقلقلره ، مېنى مېنى  
 چيلغينقلر آرتيوردى .

نهايت ، بر صباح كينير كن زوجنك قولاغنه « بك ، ياواش  
 ياواش نظر طمقى حاضر لا . » دېسه فيصلدادى . بوكوندن  
 سوكره اوك ايچنه آلرله دوام ايدن بر بيارام نشئه سى يايلىدى .  
 حليم آرتق اوينه اير كن عودت ايدىيور ، ايچميور ، رفيقه سنك  
 نسيانلرني خوش كورييور ، مستبد بر قوجه لقدن استعفا ايدىيور ،  
 قارىسنه قارشى مطيع ، صادق ، وفاكار بر خدمتكار اوليور ،  
 اوك ايشنى او ، كورييور ، شيمدى قارىسى اوندن صوايستيور ،  
 زاهره نك البسه لرني صندقدن اوچيق قارييور ، كمديسنى كيدرييور ،  
 صباحلين كيدر كن منديل آلمنى اونوتورسه آرتق قارىسنه طار-  
 يلميور ، هراقشام رفيقه سنك خاطرني استفسار ايدر كن :

مغمومیتله ، خیزلی برقهقهه ایشیدیلمه یین اولرینه بر حرکت ، بر  
حیات ، بر محبت کیره جک ... هرشیدن ، حتی نفسندن اوصانان  
زوجی دهاچالیشه جق ، دها قازانه جق ، دها ارچمند اوله جق ،  
دها آز ایچه جک ، هراقشام اوینه کله جک ، چارپنتیسز طوران  
یوره کاری چارپه جق ...

زاهره اقرباسندن ، او داسندن کلن لخصه شرتی صراحیلرینک  
قارشیسنده قوللری چاراستلانمش ، مبهوت ومتفکر قالیر واون  
سنه در بویوله تهیتلره هدیله ر تدارک ایدرکن ، کوکلنده حسده  
بکزر بر نفرت او یانیردی .

شیمدی زاهره ، کیزلی فیصلدیله سویلنمش ، حسن تأثیری  
تأمین ایدلمش بوتون علاجلره بر اعتماد املفریب ایله مراجعت  
ایدیوردی . ایوب سلطاندن باغ آلدی ، مرکز افیدیدن طاش  
کتیرتدی ، تیزویرن ددهیه اداقلر وعده ایتدی . بر کون بابا  
جعفری زیارتدن عودتده یاغلیقه جیلردن کچرکن یشیل بردوواق ،  
عبانی برقونداق آلدی ، صندیغنک گوشه سنه کیزله دی ... اوده  
یالکیز قالدقچه پاموق بز لر دیککیور ، لیکن کیمسه یه کوستر مییور ،  
حتی زوجنک استهزاسندن احتراز آ ، اوکایله بللی ایتیوردی .  
آرتق بکله نیلن چوجوغنک صوغوق بز کومله کاری ، فیستولی  
طونلری ، دانته لی تاکیه لری هرشیئی ، هر برشیئی حاضر ایدی ...  
یالکیز اوخیال ، اوسراب وجود بولمیوردی .

بر کون جهانگیرده ساکن اقرباسندن برینی زیارتدن عودتده

اولدینې بوزعیف چو جوغه منعطف ایدی . ذاتاً حدید ،  
 حاشاری اولان زوجی تنبل لکدن متولد بر محرومیت یوزندن بوتون  
 بوتون یتیزلشمش ، واون سنه در عینی اوده ، عینی صوفده ،  
 عینی طور لرله کنديسني قارشيلايان قاریسینه اسکی محبتی شیمدی  
 نقرته بکزر مشکوک و مشکوب بر حسه منقلب اولمش ایدی . بونی  
 زاهرده حس ایدردی . کیجه لری زوجنک میندر اوستنده  
 صیزوبده ، لامپه فانوسنک اطرافنده اوچان پروانه لرك حرکاتندن  
 باشقه خانه ایچنده بر اثر حیات بولونمادینی زمانلر قوجاغنده اوکا  
 کوچوچک کوزلریله کولن ، بر اولادی آراشديره آراشديره  
 ساعتلرجه آغلا یوردی . و صاحب لرینک اوجیله اوینارایکن کوزلریله  
 غائبدن استمداد ایدردی . عینی سنه ده ، حتی کنديسندن صکره  
 تأهل ایدن ، کافه اقرانی ، چو قو قلیرنک یار اماز قلرندن بحث ایتدکجه  
 بوقادین ایچنی چکردی . قومشو چو جو غنک أمک لرن دوشمه سندن  
 منبعث قهقهه لری طویدکجه قانی طامار لرنده قوروردی .

کور یوردی و حس ایدیوردی که آرتق اختیار لایوردی .  
 و اختیار لادکجه زوجنک سرزنش لری ، تهدید لری ، تهور لری آلتده  
 بوکالیور ، ازیلیوردی . سنه لر کچور ، یالکزلق ، اولاد سزلق ،  
 کیمسه سزلک ایچنده محوم و بی تاب ، آقشامی کلز کونلرک ، صباحی  
 اولماز کیجه لرك ایچنده تک باشنه ، بر نبات بی فائده کبی یاشایوردی .  
 او ظن ایدیوردی که او ایصسر کیجه لرده ، آغلامه لریله اوکا  
 یاشادیغنی وارلغنی اخطار ایده چک بر بیک ، سنه لردر بر تر به



ايدن بووالدهنك ، بواذيتدن تعريفة صيغماز برلذت صميميه حس  
ايتديكى ، كوزلرنده اوقونيوردى .

بشيكدن فوران ايدن چيغلق خفيفله دجكه نيننى ده دورغون ،  
آغير برآئين حالنه كليور وبشيكك باش طرفه آصيلى بش پنجه  
برمائى بونجقله برتولبنده صارلمش ، چورك اوتى اوزرلكك ياننه علاوه  
اولمش كونلك پارچه سنه قادينك كوزلى ديكيلمش سويليوردى :

يوواضرك بلبلى ،  
باغمزك بر كلى ...  
اويوسون جام ، نيننى !  
بويوسون يا وروم ، نيننى ،

قاپو ياواشجه غيجيردادى . بو نابهنگام زيارتدن قادين  
اوركدى . قاپو آرالغندن صييرييلان برتكير كدى ميياولا يه رق  
اوطيه كيردى . وبلنى كومه لتهرك ، قويروغنى ديكره قادينك  
ديزى دينه قيوريلدى . بو صيره ده بر فرياد دها قوپدى .

كوزلى قدرت سورمه لى ،  
قاشلى ازل قاره لى ؛  
آغزى شكر حقه سى ،  
بورونى ده كعبه حرماسى ؛  
صاچلى صيرمه ايكي ،  
آننه جكنك ملكى ... نيننى !

زاهره نك بوتون امللارى ازدواجنك اونجى سنه سنده نائل



## يېنى

اوراده بربياض بڑ آصېلى ، شوراده صارى عبانى قونداق  
بوروش-مش طورىيور ؛ بوکوش-ده بياض بوخچه نك برقانى  
آچيلمش ، اورطه ده اينجه باصمه شيلته نك اوستنه باغداش  
قورمش برقادين بربشيك صاللايور ، شيلته نك اوچنده قيورلمش  
بر تولبندك اوستنده چينغراقلى بر اويونچاق ياتيور . صاندايه نك  
آرقه لغنده اوفاق دانته لى بر کوکسلىکله برقاج تولبند اصلمش ...  
آنسزىن بشيکک تول اورتولرى آلتندن برواويلاطاشدى ؛  
قادىنك ص-ولغون کوزلرى آچيلدى ، بلى طوغرولدى ، اينجه  
دوداقلرى آراسندن تيتړه ک حزين بريننى دوکولمکه باشلادى :

اويوسون ياوروم ، يېنى !

بويوسون ياوروم ، يېنى !

برساعتى متجاوز بر زماندر ، بشيکى قوتسز قوللريله تحريك



نیتنی





بر رياميه بکزه ين بياض بولوطلرک آراسندن قايب ، حزانک  
بررنک سهگون و غموم ايچنده براقدينی ، شونماک صحرانک بر  
نقطه سندن دوکيلن ، بومظلوم قوشجغزک پنبه قانی اوستنه قطرات  
نورینی ، بر نوازش واپسين رحمت کبی دوکیوردی .

تفنگی اُلدن آتدم . دیز اوستی دوشدم . شو چاليلنگ  
آراسنده کوزيمه ايليشن خراب ، متروک بریووانک ، کله جک  
بهارده بوزوالی قوشجغزه ، بوکوچوچک قانادرله نه اشتياقلرله  
آغوشی آچه بيله جکنی دوشونیوردم .

برخیلی مدت بویله قالمشم که اطرافده برچوق قهقهه لرک  
بردن فیرلادیغنی دویدیغم زمان آرقداشلر مک بنمله اکندکلرینی  
کوردم . سرگذشتمدن خبردار اولنجه جمله سی صافیتمه آجیدیلر .  
ایچلرندن بری بر قوشی — بکا کوسترمک ایستیمیه رک —  
« پلاولقلرک آراسنه » لطیفه سیله بر آری مندیله قویدیغنی کوردم .  
برهفته صوکره ایدی که آرقداشم بر دقت ویا براسه تهرای  
دقیق اثری اوله رق بوقوشک جسدینی طولدیرتهرق بکا  
یوللامشدی .

حالا بوقوش او طه مک برکوشه سنده محفوظ ، و دوکدیکم  
اوپنبه قانک ایزی ایسه کوکلده برسیاه لکه اوله رق منقوشدر .



تتیکی چکدم وقوشدم . دومانك ارقه سندن بر نقطه نك  
صیچرایه رقیره یووارلندیغی کوردم .

کوچوچك بر قوش ایدی . قانادیغی حالسزجه کردی وجان  
آجیسیله کرییه صیچرادی . غاغاسنی برایکی دفعه آجوب قاپارکن  
بر آه اتشین کی اغزندن دوکیلن پنبه قانك ، توزلره بولانمش ،  
غزل یار اقلرینك اوستنده بر شکل حزین استیضاح الدیغنه باقیوردم .  
المده شريك جنايتم تفنكم اولدیغی حالده او دمیردن دها قاتی  
بریورك ، اودمیردن دها صوغوق بر قانله ، آهنگ نشئه ریز  
حیاتندن ، یالکیز شوپنبه قان باقی قالان ، بوروح لطیف وخفیفك  
پروازینه ، قوتك ، عجزه نحكمنك الكرقیق ، الكوجدان فرسابر تجلیسنه  
باقیورم... اوت ، حالا باقیورم ! المده تفنكمله باقیوردم بو آياغمك  
آلتنده سورینن ، بویونجغی اوزاته رق بر شهقه اشككا اظهار  
ایتمکسزین صولیورن بو کوچوچك چایر قوشنه ، بر فقیر کلبه سنی  
یاقان ییلدیرم حسسز لکیله باقیوردم .

اوقانك ، اومینی مینی قوشك نارین غاغاسندن دوکیلن او پنبه قانك  
تشکیل ایلدیکی اینجه بر ایز ، بکابر عمق بی اتهای رقت کوستردی .  
— فقط سنی بن نه یه اولدیردم ؟

— بیلیم !

— اوت ! اونی بن ده بیلیم ! سنی اولدیرمك ایچون اولدیردم دگلی ؟  
ایری ، بارلاق کونش ، اسکیمش بر مائی قطیفه یه بکزه بن  
کوکک بر قسمی ، تل تل اولمش لیسقه شعاعلریله یالیز لایه رق

شیمدی بومینی مینی قورنازلره قارشى قاشلرمی چاتارق تهیدکارانه  
باشمی صالارایکن ، اونلرکینه استهزایى اکدی ررقهقهقه جقلرندن  
برنشئه رقیقه حسایتدی کمندن تفنکمی ، اوقابا الت تخیری  
اونلردن کیزله مک ایستیوردم .

ارتق بویله کوس کوس کیتمه دن ، چالبرک باشنه بیهوده دکنک  
اورمه دن اوصاندم ، بیقدم ... دکنکی آتدم . تفنکی یانمه براقدم .  
اوراده کوردیکم برطاشک اوستنه او طور یویردم . ایچم صیقلمشدی  
رفقامی بوله رق عودتی تکلیف ایده جکدم .

ظن ایدی یوردم که اونلر بر چوق قوش اورمشلرده بنی بویله ألم  
بوکرمده ، برطاش اوستده اویوقلامقده اولدیغمی کورنجه  
مسکنتمه منتظماً کوله جکلر ، استهزالرندن قورتیله میه جغم .

بوتون کوزللکی ، بوتون تازله ایکیله ، بوتون بویوکلکیله  
یوکسلان گونشه طوغرو باقیوردم . بویونمی بوکش ، آلرمی  
قاووشدیرمش طالمش کینمشدم ... بو صروده باشمک اوستندن  
برروح خفیف ، مینی مینی قانادلی برقارالتی ، خلیا کبی برسرعتله  
اوچهرق اوچ درت مترو مسافده کی بر چالینگک اوستنه قوندی  
وارقه سی بکا طوغرو اوله رق ، باشیله کونشی سلاملامغه ، رقیق برسسله  
اوتتمک باشلادینی بر آنده ایدی که بر ردائت جانورانه ایله تفنکی  
قاورادم . آرتق یوره کم چاریمور ، دماغم دوشونمور ، کوزم  
کورمیوردی ... ارفداشلر مک قارشوسنه ألمده بوکوچیچک  
قوشله ، بو سیاه لکه ایله چیقمق ایستدم .

ایدیور. و شیمدی ارتق تفنکری آشانغی طوغرو ایکهرك اورته پارماقلری تیکلرک اطرافنده آماده بولندیره رق آری آری یورومه مزی توصیه ده اصرار کوسه تریوردی . بویله بر مشی سرسریانه ایله بوستانجی جوارینه واصل اولمشز .

تفنک اوموزده ، چالیرل آراسندن ، سس چیقارمهدن ، حیزلی نفس آلمدن بر حیدود کبی تردد لر و تجسس لر ایچنده بر جولان سه حری یایمقدن بر لذت ، بر لطافت بولمق بختیار لغنه نائل اوله میان ییچاره بن ، نهیه و نچون بوز حمله کیردیکمی استغرابلر و ندامت لرله کندمدن سؤال ایدیوردم . آرقداش لر مزدن یواش یواش ده ا زیاده آیرلمغه و یکدیگر مزی نظر دن غائب ایتمه باشلامش دق . اوزاقدن چات ! بات ! تفنک سسلری ایشیدیلوردی . کونش طوغمش و یوکسلمکه باشلامش دی . کیجه دن یاغان یاغمورک رطوبت یله تار لالرک بلانمش ، عارضه لی طو پراق لرینه باطه ، باطه ایاق لر م کیتدکجه اغیر لاشیور ، و کوجلکله یوریوردم . ائیمده کی اوزون و ایجه دکنسکک اوجنی بیلدیر جین قالدیر مق خیال خام یله اورایه بورایه صاوور ییوردم . فصل اولدی بیلیم ؟ دکنسکک اوجندن سیاه بر شی فیرلادی . ویریلان تعالیماته رغماً اوجان بیلدیر جینک ارقه سندن بلا حرکت باقه قالدم . قوش اوجدی . کیتدی . بنینه دکنسکمی بی فکر و بی امل چالیرله متصل اورمغه باشلادم . اطرافدن کسک کسک ، ایجه ایجه ، شاقراق قوش جیویلتیلری کلیور و ایکی طرفه باقیور هیچ برشی کور میوردم . ظن ایدیوردم که بوشیطا نجق لر بنله ، عجمیلکمه عاداتا کلنیور لر .





## هر دهر فان

ایلولک قاراللق بر صباحی ، هنوز کونش طوغمامشدی .  
یاتاغمدن فیرلادم . علی العجله کیندم . رفقامدن برینک کوشکنک  
یاری آچیق قابوسندن کیردیکم صروده آرقه داشمی بر ایکی  
احبابیله بکا منتظر کوردم . آوه کیده جکدک . تدارک ایتدکاری  
بر چیقته یی :

— قسمتک گور اولسون !

تمنیاتیه اوموزمه ویردیلر . اورتالق هنوز آغیرمه باشلادیغی  
صروده بز تارلارک آراسنده ییچلمش صاری ، ایصلاق اُکین  
صابرلی ایچنده یوریوردق . مکتب فراریلرینک کیفنه بکزر  
بر نشئه ازادکی ایچنده ، قهقهه لرمنزله اطرافزده راست کلن  
قوشلری ده قاچیره رق ایلریله یوردق . ارامزده تجارب صیادیه سنک  
وسعتنه اعتماد ایدن بری ، بزه هدف ، نشان ، اصابت کله لرینی  
بر ضرور متبحرانه ایله ابذال ایدرک بر طاقم نظریه لر انشاد



بر دامله قان



ایشته بوکون سکا بنمله ایستدیکک قدر اکلنه جک زمینلر  
 کوندریورم ، یونلر سنی کولدیله بیلیرکه بنجهده مطلوب بودر .  
 کوزم . « بکا بریول کویستر ، دیورسک ، بیلیم بو سطرلرک  
 آراسنده تعقیب ایده جک بختیار بریول بوله بیلیرمیسک ؟ باق ،  
 بن نه دیورم : قادینلره پرستش ایدنلر اونلرله اوغراشانلردر ،  
 قادینلری عاجز و حقیر کورنلر اونلره احترام ایدرلرکه بوتون  
 بواحتراملر نوعما عجزه قارشى برر صدقه در ... باقی کوزل  
 کوزلرکدن ، او سیاه ایپک صاچلرکدن ، او آل یاناکلرکدن  
 حسرتلر ، اشتیاقلرله میلیونلرجه بوسه لر طوپلامق ازروسی !

متحسر مفتونک :

سلما





یالکزیسی بوتون روحله تبریکدن عبارتدر . اونک او « سود-  
کلرینی آلداتمه میال درین باقیشسلر ، ینک قارشیدنده بوتون  
خفایای نسویه کی اظهار ایدم بیلیر و بومبارزه لرده موفق اولدجه  
تزاید ایدم جک غرور جنسیتک قارشیدنده برانشراح خودکامی  
ایله طی حیات ایدرسک . فانی دنیاده نمکن اولایلین مسعودیت  
بوندن باشقه برشی اولمامالی ! تخالف تربیه ، که ظاهری برشیدر ،  
اوندن صرف نظر ایدیلانجه قوجهکک برهویت اساسیه سی ، بر  
مسلمک حیاتی وار ، سن اومسلکه دوکیله بیلیرسک . قانابه اوستنده  
کیجهکک انتاریسیله سن ده باغداش قورار ، سفره یه حرقه ایله  
اوطوران قوجهکک اخلاقه ، فکرینه اشتراک ایدم بیلیرسک .  
بووافق فداکارلق صیدسعادت قارشی اوقدر تحملفرسا دکل .  
یابن قوجهکک او بی مال ، او بی حرکت سکونت مطرده سنه ناصل  
مماشات ایدیم ؟ اونک اودوشونمکسزین ، براغاجکک صاللانماسی  
کبی عارضی و ظاهری احتراملرینه ناصل تحمل ایدیم ؟ تأهلمزدن  
اول — طیبی خاطر کده در — قوجهمه آمر مجبر اولوق  
ایسته ردم . باق ، فکرلرم ناصل دیکشیدی ؛ شیمدی ایسه یورم که  
او احترام و تعظیمی بن قوجهمدن مزیتیم ، محبتیم ، صرفانمله زورله  
مبارزه یله نزع ایدیم . اوبکا احترام ایتسین ده بن احترام ایتدیریم  
اوموقعه مجاهده ایله واصل اولهیم که اغورنده چکیلن اذیتلرله  
اومطلوب مشتاقک لذتی بالاتر اولسون . اوخ ! حیات چکشیمک ،  
چارپنق ، دیدیمکله قائم ، .. چارپنیتسز یا شامق ایچون اولمک لازم .

اوقادین قولتوغنده اوله رق کچ ، بونی کوره یم ؛ بو طـ اتسز ،  
 بویک آهنگ حیاتمز بریارچه صارصیلسین . بو اوطه برمنارلق ،  
 سن بر منار کبی ، دائما بو اولو حیاتی می دوام ایدم جک ؟ ..  
 یاخود کل ! بنی دوک ، صاچلرمی یول ... ایشته سنی تحقیراید -  
 ییورم ، ایشیتیمورمیسک ؟ اکلایمورمیسک ؟

فقط بوتون بوفورانک قارشیسنده او ، نه بر اثر استهزا ، نه  
 بر شمه حدت کوسـ ترمیه رک یالکز . « بالطومی بولکز ، پارتی  
 باشلامشدر ، آرقه داشلر بکلر لر ! ، دیه ، قورولمش ما کنه لی بر  
 بیک کبی یورومکه باشلادی . و اوطه دن چیقدی . آغلایه رق  
 میندره قایاندم . ساعتلرجه بویله قالدیم ...

بونکله برابر بو آدم هیچ بروقت بکا تقدم ایتمز ؛ اوطه دن  
 بن چیقما ییجه چیقماز ، یـ کی بن آلمانجه آلماز ، هر یرده موقع  
 شرفی بکا ترک ایدر ، قارشیمده اُنناری ایله کز می موافق تربیه  
 بولماز ؛ فقط بونلری بر حرمت مخصوصه اوله رق بنم ایچون ،  
 بکا یارانمق ایچون یا میور ، او بر ما کنه لی بیکدرکه وقتیه ایله او یله  
 قورولمش ؛ سائقی حسی دکل ، اعتیادیدر ... بزى خار جدن  
 بری کورسه مسعودیمه قانع اولور ؛ لکن او کیزلی ، او مستور  
 حقیقت بر کره میدانم چیقارسه ...

عذرا جفم ، قوجه کی بکا تعریف ایدرکن « بر یرده اوطو -  
 ده ماز ، هر شینه قاریشیر ... » دیورسک . دیمک که قوجه ک  
 برارکک ، بر حیات جـ وال ... بوکا قارشی سویلیه جک سـ وزم

یاشنده ، سنك موقعنه كله جك ایکی قربان یتشدیریورم .  
 بوتربیه نظرآ بونلرك دوچار اوله جنی مشکلات حیاتیه یی  
 شیمیدن تقدیر ایدیورم . نفیس لوحه لر ترسیم ایدن ، مکمل  
 آتہ یینوب ، مکمل سلاح استعمال ایدن برقیزی ساکن وراکد ،  
 لنفاوی مزاج بر افندیه ویر ؛ صوکره قارشیلرینه کچ ،  
 امتزاجلرینه ، سعادتلرینه آل چیرپ !

مؤیدك ایشه اون ایکی سنه درک قاریسیم ؛ آئنده اراضی  
 پلانلرندن ماعدا برکناب ، قمار کاغدلرندن باشقه برکاغد  
 کورمدم ، بوبخشلرك خارجنده روحه انجلا ، کؤکله خلجان  
 ویره جك برسوزنی ایشیتمدم ؛ قمارچیلردن باشقه بر آرقه داشنك  
 کلوب کندیسنی آرادیفنه راست کلدیم . دنیاده برشیده اهمیت  
 ویرمز . صایدیغم مشغولیتلردن ماعدا وقوعاتک وجودینه حتی  
 احتمال ویره مز . بونلری ده عینی زمانلرده ، عینی فاصله لرله  
 اجرا ایدر . فلسفه سی صرف برنات کبی سس سنز یاشامق ،  
 یاشادیغنی اکلامق ایچونده قمار اوینامق .

هیچ اونوته مام ؛ بوندن قاچ سنه اول ایدی ، برکون غلیان  
 ایتدم ، یومروقلرمی صیقه رق اوزرینه یوریدم وباغیردم :  
 — بوسکوتکک قارشیدسنده بوغولیورم . نه اولور ، برکونده  
 برایش یاپ ، برشی سویله ده یوره کم چارپسین . قانکک دورانی  
 حس ایتمکله بنده برأرککه رفاقت ایتدیکی کلاهییم . کیت ،  
 هیچ اولمازسه برقادینی سو ، یکاخیات ایت . قابومک اوکندن

بیریکن بوتون یاشلر اوکا قارشی تبسم شکندمه دوکولور . او قدر که  
نظر مده قیزلرم بررکل اولور ، بن برکستان اولورم ؛ اوکلر  
اوتدجه ، اوکستان کولر .

عذراجغم ، دوشونیورم ؛ قوجهمله سهویه علمیه مننه قدر  
مساوی اولسه ، ینه اوکا قارشی برتفوق معنوی حس ایدیورم که  
سببی شفقتدر . بن چوجوقلرمی اوپوچه هجرانلرمی ، محرومیتلرمی  
اونوتیورم . مؤید بونششدن محروم ؛ اوندشه شفقتدن اثر یوق .  
بوکون قیزلرمی آلوب قاجسم ، بنی ایستمرسه ، اونلری هیچ  
آرزو ایتیمه جک . بن بو حس شفقته ، ناصلسه قوجهمه قارشی  
برتفوق دیدم ؛ فقط ؛ ائی دوشون ، بوتفوق اک زیاده بزم باعث  
سقوط وذلتمز اولیور .

قوجه مک اوده یکانه ، اکلنجه سی ، قیزلریله فرانسنرجه  
کوروشمکدر . اونلره فرانسنر لسانک اینجه لکلرینی اوکره تمک  
ایچون بعض تعطیل کونلری ساعتلرجه اوغراشیر . بویوک قیزم  
مهربانه ایکی سنه در بر رسم معلمی طوتدی . معلمی استعدادینه  
حیران . بابالری بعضاً ایکسینی ده آلیر ، چفتلکه ، آوه کیدرلر .  
اونلری مکمل آوجی ، ناشانجی ایتدی . شیمدی مکمل آته ینیورلر .  
لکن بوتون بواعتنارک غایه سی ، محبتدن زیاده قوجه مک اکلنجه-  
سنه منجر بر خود کاملق اولوب قالیور . او قوتلمیه جق رومانلری  
کندی ایلله کتیروب قیزلرینه ویریور ؛ سویله یورم ، سوزلر مه  
اهمیت بیله ویریور ... کوریورسک ، آکوزم ؛ بن ده سنک

بن بومقابلہ بی کورمزسم ، ایچمدہ بوکا وصول ایچون تصدیاتہ  
 قالقیشمق حسلری او یانمازمی؟ اوت ، بن بویولده تحصیل کورمیه  
 ایدم ، احتمانکه دهاسطاحی نظر ، دهاحول ، دها صبرلی اولوردم؛  
 حقارتہ ، مقابلہ ایتک لذتی طویماز وبلکہ بومعاملاتک برحقارت  
 اولایلیمک احتمانی ده خاطر مه کتیرمزدم . نہ یاپیم ؟ کتب خانہ مدہ  
 طقسان جلد رومان وارکہ اکثری بویولده باش-الایوب بنم  
 دوشوندیکم کبی بیتمش وقعہ لردر . انسان دنیایہ بردفعہ کلیور:  
 ایستہ بر فکرکہ مدہش !.. بورادہ خوشکو براختیار قادین  
 وار ؛ کچن کون بزہ کلشدی ، قونوشورکن : « اوت - دیدی -  
 اوت ، صبر ، صبر ... فقط صبرک صوکی قبر! » ... معتنادکلسہ دم  
 مقفا برسوز.. قوجه مک بلا مشکلات ہر ایستدیکنی بندہ بولماسی،  
 بوسہولت بلکہ اونی بدن بیقدیرمغہ سبب اولمشد . لکن بندہ  
 اوندن اوصانہ مازمییم ؟ یا بندہ اونک قدر تحصیل کورمش  
 واونک قدر دوشونہ بیلہ جک برحالہ کلمش ایسم ... بوعکس  
 عمل بندہ ده وقوع بولمش ایسہ ؟ ..

ایستہ بن حیاتی - سنی کولدیرہ جک ، بنملہ اکلدیرہ جک  
 درجہ ده - بویلہ اینجہ اینجہ تشریح ایدرکن کوچوک قیزم نویرہ  
 قوللرمک آراسنہ آتیلیر و « نینہ جکم ، بنی بوکون او پمبورسک! »  
 چیغلغیلہ بویونمہ صاریلیر ، ویاناقلرمک اوستندہ اوچوشان  
 قیزمک اوپوشلری ، بوتون کوکلمدہ کی طیرمیق یارہ لرینی تداوی  
 ایدر . حیاتمک اوپولدیکنی طویارم . اونکله اوینارکن کوزمدہ



بوتقسیم ساعاته خلل گلز ؛ یا لکز کندی خسته اولورسه ایش  
دکیشیور . کولمز ، سوزلری دهان موزوندن وزن ایله ،  
مثقال ایله چیقار .

شیمدی دوشون ، کوزم ! کوچو کدن بری ترقیات فکریه نك  
واصل اولدینی مراتبک کافه سنی احاطه ایده جک برتربیه کوردم ؛  
اُک مقتدر ، اُک احاطه لی و بلسکه فیکرجه اُک مهلک مربیه لرك ،  
معلمه لرك دست تربیتنده بویودم . صوکره غایه خیالمک مثالی عد  
ایده رك اکتفا ایده حکم امیدیه مؤیده واردم . قوجهم اهمیت  
رفاقت یرینه ، بکافارشی قیدسزلغنی کوسرتیر برسرستی ویردی .  
بیلیرسک که تحمل اولونماز درجه چرکین دکم ؛ آینه ایله  
اطرافده کیلر کوزلکیمی کیزله میورلر . نه ایچون بن بوتربیه مدن ،  
تحصیل مدن ، حسن مدن بر انسان کی بوتون عفتمله استفاده  
ایده مییم ؟ بن بویله دوش-ونه جک برموقع معنوییه کلوبده ،  
حیاتمه سورن برزنجیر تحقیر آلتنده بوکاله بوکاله برکون « اوخ ،  
الویرر آرتق ! » فورانیله بررومان زمینی تشکیل ایده مزیمییم ؟  
بونی تحقیر ایدن آدمی برزیل ایده مزیمییم ؟ فقط معنویاتم بر  
قولمدن ، مادیاتم دیگر قولمدن طوتمش ، هر بری بنی کنسیدینه  
چکمک ایسته یور . قوجهمی کیجه یاریلرینه قدر بکلرکن ، قیزلرمک  
یاتاغی اوچنده ، بویکی قوتک آلتنده ، بوتون هویتیم صارصیلیور .  
قوجهمک اسیری اولابیلیرم ، فقط مقابلی کورمه لییم .  
ایسته دیکم مقابله ، اونک طرفندن بکافارشی برفدا کارلقدن عبارت .

زمان او یقوم قاچه جق قور قوسیه لاقیر دیلر مه جواب ویر میور .  
 اوده قالدینی کونلر ، عودمی یاخود پانومی چاله جق اولسه ،  
 همان قانا نهك اوستنه اوزانوب او یویه قالیور . عمرینی اولچور .  
 یچورده کونك یکر می درت ساعتی شویله تقسیم ایدیور :

ساعت	
۹	اویقو . . . . .
۷	ایش . . . . .
۶	اُکلنجه . . . . .
۲	اوده . . . . .

۲۴

آکلادکی ؟ کونده یالکیز ایکی ساعتی بکا حصر ایدیور که  
 بو حسابجه ، ییلده کندیسیه آجق بر آی قدر کوروشه بیلورم .  
 بو کونده ایکی ساعتک ایچنده چو جو قلرک تربیه سی ده ، اومعاملاتنه  
 باقمق ده داخل . مهندس افندی بو حسابی کسمش وبونی علناً  
 تکرار ایدیور . ناصل ، عذرا جقم ؟ قاری قوجه بیننده کی بو  
 انقسام حیاته نه بیور رسک ؟ اؤک کافه معاملاتی بکا راجع ،  
 هرشی بکا محول . کندی هیچ بر قید ایله مقید اولمق ایستمز ،  
 بکاده قاریشماز ، کزه میم ، چو جو قلمه باقمیم ، ویاخود باقمیم ،  
 نقل خانه ایده میم ، اؤک اشیاسنی صاته میم ، تکرار تفریش ایده میم ،  
 خدمتجیلری ، خدمتکارلری قوووایم ...

اویالکیز براوتل کی اوده مک ، ایچمک و او یومق ایچون کلیر ؛  
 یالکیز بو اوج شیده نقصانه تحمل ایده مز . بنم خسته لغمدنه بیله

ایده جک بر سوئیة معنویہ میدر ؟ ایشته اُک زیاده اوزرینه  
 تیترونه جک بر کیفیت . دوشونلسه سعادت ، معاشرت بچشنده  
 کوزلک ، ثروت هپ ایکجی درجه ده تفرعات کبی قالیور .  
 لکن عفواید رسک . سنی غالباً صیقیورم . صوصهیم می ؟ فقط  
 صوصهیم ده کوچ ... کوچو کدن بری سن بنی خیال پرستلک ، بن  
 سنی خفیفه لکه اتهام ایدردک ؛ شیمدی سکا وبکا بوقدر قوجه لرک  
 ایچنده برر قوجه دوشدی که اونلرله تأهل ایتسهیدک مجلسلرنده  
 اون دقیقه بولونمقله صیقنتیدن چارپنتیلره اوغراردق . قیاس  
 نفس ایدرسهک اونلر ایچون بزده بلکه عینی قبالدیز . سن  
 بوعدالته نه دیرسک ؟ بن همان « اوت ! » دیورم . شیمدی  
 بوتضاد لر ایچون بر سبب اولانی بولمالی ، بر مسئل اولمالی ،  
 صوچی اوکا یوکلتمه لی . بن نینه من وبابامن دیورم .

خودکاملق اوله جق ایسه ده عفوایت ؛ بن ده حیاتی سکا  
 تشریح ایده جکم : قوجهم مؤید نصل بر آدمدر ؟ نه حسده در ؟  
 نه فکرده در ؟ .. قوجهمک حسنی ، فکرینی یازمق ایچون مکتوب  
 دکل کتاب یازمالی ، یاخود اخلاقی اجمال ایچون همان شورایه  
 مینی مینی بر صفر قویمالی ... سن ، سنی شوخ قهقهه لرله کولد-  
 یره جک ، سنکه اوینایه جق بر قوجه ... بن بنله دوشوننه جک  
 بلکه ، اولن بر قوشه ، صولان بر چیچکه قارشى آغلايه جق ،  
 اینجه حلی بر آرکک آراردق .

حالبوکه مؤید کیجه یاریسی ، بلکه صباحه قارشى اوینه کلدیکی

فقط بکا نہلر سویلیورسک ؟ مکتوبکده اوچی ، اورطهسی  
بولونه میان پراکنده فکرلرک بی شاشیرتدی . اوپراکنده لکلر  
ایچنه قاریشمش ریزه ریزه الماسپاره لر وارکه بونلر مینی مینی برر  
پارلاق حقیقته بکزمه یور ...

مکتوبکی او قورایکن نه قدر کولدم . شوخ ، شاطر عذرا-  
نک پارماق لرینی چینلاته رق ، کوزلرینی س-وزه رک ، قاشلرینک  
اوجنی قالدیره رق تکمیل وجودینک عشوه کار اویناقلغیله ، بکا  
دیدى ، قودیلرینی اکلاییشلری کوزمک اوکنه کلدى . چوق  
دوشوندم ، هم پک چوق . نظردقتمدن قاچان برچوق شیلری  
بکا اخطار ایدیورسک . اوافق فرقلرله ایکیمزده همان عینی  
سویه ده تحصیل کوردک . فرق دیدیکم پدرک بکا بر آزدها فضله  
تورکجه اوقوتما سیله ، آلتی آی قدر عود مشق ایتدیرمه سندن  
عبارت . مادام روزدوغازون بنمده پیانو استادمدی . میس  
هانسن بنمده مربیه اولدی . نهایت بنم قارشیمه باچیقاده تحصیل  
کورمش بر مهندس مؤید بک ، سنک قارشیکه غیاث الدین بک  
چیقدی . ابونمزهمان بزی اونلرک قوللری اراسنه آتیوردیلر ...  
بکا قالیرسه قاری ایله قوجه یکدیگرینه قارشى برر قات اثواب  
کیدر . بری اوته کنه یاقیش-ه جقمی ، نینه و بابانک ایلك تتبی بو  
اولمالی ، برینک رنکی ، ییجی یعنی اخلاقی ، تربیه سی دیگرینک  
چهره س-نه اندامنه کوره میدر ؟ بوکا باق-الی . زوج وزوجه  
اتخا-بنده ، مادام العمر هر بری یکدیگریله صیقله دن لاقیردی

فقط هیچ بروقت روحم روحنی، معنویاتم، معنویاتی سوهمیه جک.  
 باقی یاناقلر کی بیک بیک کره اوپمک سوداسی !  
 سنی پک سوہن وپک کورہ جکی کلن  
 عذرا



## سلمادن عذرایہ

الماسم ،

بوتون جدیتکله « عقلی قادین » اولدیغکی اکلاتمق ایسترن  
 بوتون خفیفه ککله بکا اُسکی عذرانی اخطار ایدیورسک . اول  
 کال صمیمیت روحله ازدواجکی تبریک ایدیم . شیمدی یانگده  
 بولنوبده سیاه صاچلرینه ، آل یاناقلرینه هوای تاهلک قوندیردینی  
 رنک خلجانی کورمک ایچون ، اینان اولسون که ، عمرمک  
 برقاج سنه سنی فدا ایدردم . اوخ ، عذراجم ، سنی اوپمک ،  
 برچیلغین کبی اوپمک ایستیورم . ایشته کاغدمده شو سبطرک  
 بولوندینی یری اوپدم ؛ و ، ظن ایدرم ، روح محبتمدن اوراده  
 برشمه قالدی . اوراسنی سنده اوپ ، دوداقلر مزک بوصورتله  
 بر یرده قاووشماسی فکری ، متحسر پرستشکارینی بختیار ایده جک  
 سعادتک ایچون اُک صاف ، اُک صمیمی دعاچیث بنم ، ایکی کوزم !



اولدینی زمان بن بوتون بوکوزلری ، نفرت ایدهرک ...  
 دوشونیورم . بن بوکوزلری پک س-ویورم کی ... بوکوزلر  
 اولماسه ، بو آنتاری ایله کزینشلره ، بو قاش-یقلمک یمک یدشلره ،  
 بو بیانونمی تحقیر ایدیشلره دایانه میه جم . بنی دوشوندرن ، بنی  
 قورقوتان آتشی کوزلر ، کوکلی صوغومغه براتیورکه ...

شیمدی ده اخلاقی : اودرین باقیشلریله سودکلرینی آلداتمغه  
 هوسکار ، هر شیئه قاریشمق ایچون برابتهلا ؛ بولوطلی هوا کی  
 نه یاه جفی اکلاشلماز ؛ نه کوزلری قاماشدیران برنور ، نه کوکلی  
 بوغان برقارانلق ... ایشته او قدر . دیورلرکه : قونوشمه سنی  
 بیلیور ؛ فقط بن اوئی دیکله مه سنی بیلمیورم . اوسویله یه جک  
 بحث بولیور ؛ بن افکارمی اوکا آچه میورم ، بونالیورم .  
 کیجه یاریسی ایچمدن ییلدیرم کی بر عناد قویور ، بوتون اوکا  
 موزارک سوناتلرینی ، لیزستک چارداشلرینی چالمق ایستیورم .  
 او بکا کوندوزکی مشغولینلرینی اکلاتیرکن بن آسنه یورم .  
 احتمالکه بن اوکا تووالم حقنده کی فکرینی صورارسم اویویه حق .  
 پکی ، لیکن مادام الحیات بو یویله دوام ایده جکمی ؟ بن بواکلا .  
 شلما مازلوق یوکنی عمرم اولدجه سورو کلیه بیله جکمی یم ؟ اوخ ،  
 سلماجم ! بن بویله قوجه دوشونمیوردم . بویله قوجه آرامیوردم .  
 انسان دایما آرامادیقنی بولورمش .

آمین اول ، قاردهش ! جسمم غیاثک جسمنی بلکه سوه جک

یوقدر ، دیور . بالعکس هر شیدن محروم ، طالعسز ویانختی  
 عزیتندن ناقص اولورسه مکمل برنیکین اولوب قالور ؛ نه  
 کوزل خولیلره ، نه طاتلی امیدلره دوشیور . مثلاً بن دیورم که :  
 غیاث بوجدیتی ، بو ثروتی بوناموسکار اغیله برابر بنم کبی تربیه  
 کورمش ، بنم تحصیلمی آلمش اولسه ... آقشام اوه عودتنده  
 آنتاریسیله کورکنی کیوب صالحیم صاچاق صوفهده کز مکه جان  
 آتسمهده یاتجهیه قدر توالیله کزسه ... مسعودیتی تخریب  
 ایدن شیرلر بونلر ... قوجهمی بو حالیه کوردجه بوتون سعادت  
 امیدلرم زائل اولیور کبی ... مسعودمی یم؟ دکلی یم؟ سکا بوتون  
 شو اوچ آیلق وقایعی یازمیده سن بر حکم ویر ؛ وبکا اخطار  
 ایت ، برده یول کوستر . یوله کله جک هانکیمز ؟ بنی اونک  
 یولنه کیده جکم ، اومی بنم قائمله قانلانہ جق؟ ...

قوجه مک موقع اجتماعیسی فنا دکل : زنکین بر تاجرک  
 اوغلی ؛ پدری وفات ایتمش ؛ کندیسسی مکتب ملکیه دن مأذون ،  
 شکلی تعریف ایتدم ظن ایدرم ، ویا تعریف ایتدم شیمدییه قدر  
 اکلامش بولوندک : سراپا صحت ؛ قوی بر وجود ، اوقدر  
 قوی که عادتاً بر پهلوان . داغیلیرایکن بیاض دیشلرینه چارپدجه  
 کورولده بن نغمکار بر سس ؛ یوموشاق ، پریشان اینجه بیقلر ؛  
 یوموشاق اینجه قاره صاچلر ؛ قاره قاشلر ؛ اونلرک آلتنده بنی  
 دائماً قورقوتان اوسیه کوزلر ... اونک بوتون هویت مادیه سی  
 بو کوزلرده بومر کزده طویلانمش . کوندوزین قارشیمدن غائب

او، پالایبقلردن ایکره نیورم. هله قیللی ایری آلر یله اونو او طه مده کی  
 دولابی قالدیرمغه کلش بکچی بابا ظن ایدیورم. صوکره بو حمالک  
 آتش صاچان قاره کوزلرینک وقار وهیبتی قارشیدسند —  
 دوشون که — لاقیردی سویلیه میورم، نطقم طو تولیور، کله لر می  
 بوله میورم. صانکه بوتون کله لر دودا قلمک آراسندن چیقمغه  
 قورقیورلر مش کبی، آغز مدن چیقمه دن ککزمه قاجیورلر.  
 اونک قارشیدسند عادتاً صافدل، بلکه آبدال بر قادین حالی  
 طاقینیورم.

پدرک اهلالی مشهوردر؛ والدنک ایسه بویوکلیکه، نمایشه  
 ابتلاسنی سن بیلیرسک. صوکره بنی بو آدمه ویریشلرینه نه  
 دیرسک؟ نه زمان ازدواجزی دوشونسیم، درحال کوزمک  
 اوکنه شوفکر، بوتون قورقونج قارالیتسیله کلیر: باشند صاوولدم.  
 والدیم بنی باشندن آتدی. باشنه قاله جغمی اکلادی، برمیعاددن  
 صوکره ایلمک قسمتدن، ایلمک فرصتدن استفاده یه قرار  
 ویردی، وبویله اولدی... حیات هیچ برشی؛ دکلکی؟ اوت.  
 فقط حیات هر برشی؛ دکلکی؟ بوکاده اوت. ایشته بو هر برشی  
 اولمق، ایشته بو امیدلرله دولو برقیصه زمان اولمق فرضیه سیله  
 حیاتک قیمتی، اهمیتی آرتیور.

نه تحف، سلماجغم، نه تحف؟ انسان هر املنه نائل  
 اوله بیله جک برطالعه، برموقعه، برمزیتده اولورسه بدین،  
 خرچین اولویور، دنیاده ایلمک، کوزللك، امید، سعادت

ده قادان ! فضولی ده قادان ... ده قادان ! « ديه-وردی وعلاوه  
ایدیوردی :

— ناصل اولور ، یاربی ؟ کوچک یاش-کزدن بو آنه قدر  
وقتکزی بوش کچیرمه یوب استادلر ، معلملر آئنده تحصیل ایله  
مشغول اولدیغکز حالده ، کندی لسانکزده بو قدر بی بهره بولونشکز  
ناصل اولور ؟ عقم ایرمیور .

آرتق دایانه مدم ، دیدم که :

« سزده میلتنولری ، بایرنلری ، شکسپیه رلری ، لامارتینلری ،  
موسهلری بیلیمیورسکز ...

شیمدی اوحدت ایتدی :

— بن برانکلیز ویا فرانسز اولسه ایدم ! .. فقط ...

آرتق ایکیمزده صو صدق ، باشقه سویلیه جک س-وزمن  
قالماشدی . بنم دوداقلرمی فضولی دیکمش ، اونک قولاقلرینی  
شکسپیه ر طيقامشدی . نه او بنم سوزلرمی آ کلایور ، نه بن اونک  
س-واللرینه جواب ویریوردم ... کندیمی براجنبی ایله تأهل  
ایتمش قیاس ایدیورم ، سلماجغم ! سواقده کوردیکمز او ، یاقه سی  
قالقیق ، تراشی اوزامش اُرککلرله اُکله نیر و دورلو س-وزلر  
بولور ، کولوشوردک ؛ شیمدی غیاثک احوال پریشانیه اوطه یه  
کیریشنی ، اوجشینی ، اوقالب قیافتی ، طبقی یالی یه کیدرکن اشیارلی  
طاشیمق اوزره کلن حماللره بکزه تیورم ده او ، قوجه مان آیاقلردن ،

اختیار لامق ... بوعقله ، خیاله صیغارمی ؟ بوتون کون آغلادم .  
 فاضولیه یی قاشیق له یمک . اوخ !.. بونلری سندن باشقہ سنہ  
 یازامام . سنده حامی آ کلاماز ، وبکا بریول کوسترمز سہک ،  
 عذرا اُریر ، اولور ، محو اولوب بیتر ... سلما جغم ! برکون  
 اوطوریوردق ، بکا ادبیاتی سودیکمی وشاعر لک هانکیسنی  
 ترجیح ایتدیکمی صورتی . پدرک کتب خانہ سنده قیرمیزی قاپلی  
 برکتاب واردی ، پدر اکثریا اوقوردی ، بنده بر قاج کره  
 سوزمشدم ده پک چتین اولدیندن برشی آ کلاماشدم . هان  
 صوفیه چیقدم . کتب خانہ ده کی جلدک اسمنه باقدم . بللی ایتیمه رک  
 « نابی » دیدم .

— نابی ترجیح کزه سبب نه ؟

!! —

؟؟ —

... !! —

آ کلایورسک آ ، سویله جک لاقیردی بوله مادم . او دوام  
 ایتدی :

— بن فضولی یی ترجیح ایدرم . ندر او عشق حساس ،  
 ندر او مؤثر شکایت هجران ! احتمال که سز او فی بیلمز سکز .  
 — فضولی بک ... شویکی شاعر لردنمیدر ، افندیم ؟ اونلره  
 ده قادن دیورلردی ، غالبا ؟ ..  
 غیاث قهقهه لرله هم کولیور ، هم « زواللی فضولی بک !



غریبی زه سی؟ کندی کندیمه طالب ده شوهر زمان سویله دیکمز:

Dites-mois vos chagrins...-

رومانسی ترنم ایتسم غیاث الدین درحال قان ، یاره ، هجران ، وفا ، وصلت کله لر یله قاریشیق بر طاقم شر قیلر اوقومغه باشلار که نه او بنم سویلدیکمی ، نه بن اونک میرلدان دیغنی آ کلایمیز ؛ اوطه نك ایچی بابل قله سنك برکوشه سی اولور . هله اوصیره ده اوطه یه کیرن خدمتچی قاتینه یه بن ، روجه سویله مکک باشلادی ؟ غیاثک ایشته اوزمان چهره سی موراریر ، آلیق آلیق بویوتی بوکر ، یوره کی قاباریر ... برکون طاشدی : صوفه ده خدمتچی یه طاریلیوردم ؛ روجه آوازم چیقادیغنی قدر باغریوردم . یانه حدتله کیردیکم زمان دیدی که :

— شاشیریورم ، سزک روجه کزدن ، انکلیزجه کزدن آتنده مییم ، لوندرده مییم ، یوقسه استانبولده مییم ؟ بردورلو آ کلایه مییورم !

قاتینه تورکجه آ کلایمیور ، غیاث روجه بیلمیور . اوح ، قاردهش ! برکره بکک سفرده ده « دوسا نه روو ... دوسا ایپسومه ... دیه ، بیلدیکی شوایکی کله یی چارپیتهرق ، اوزاته رق دنیاده نه قدر یا کلایش سویله مک ممکنسه اوقدر بر غلط تلفظه روجه سویله ییشی وار که ...

سلمما ، سلمما ! کل حالمه باق ؛ شاشیردم ، بونادم ، تحمل ایده میه حکم ! قارشیکده فاصولیه یی قاشیق له یین بر آدم له برابر

نهایت بن پارچہ بی خواہ و ناخواہ بدیروب صوک نوطہ یہ حدتہ  
برطوقات آتدیغ صیرہده اوده ایچی چکەرک اوصولجہ بر « پک  
کوزل ... لکن آرتق یاتساق ... دیدی ... و اوقدر .

شیمدی او کورده شه جک برپهلوان درشتلکیلہ البسه لرینی  
قاناپه نك اوستنه ، اوتیه بری یه فی رلاتوب دوداقلریله :

قاره در کوزلرک قاره ،

سن آچدک سینمه یاره .

ترانه سی کدی کبی میرلدانیرکن بن زواللی روز دوغازونک  
برتکمه سیله مہندلسونک چامورلر ایچنده یووارلاندیغی کورن  
نیقوغوص اغانک ، قہقہہ لرلہ بوسقو طہ کولدیکنی خیال ایدیوردم .  
دوشون ، کوزم ! موسیقی چیلغین برہوسلہ سومن واون اوج  
سنہ لک حیاتی اویولده سوه ، سوينہ ہبا ایدن بن ، بوکون بزم  
موسیقی مزدن « اسکدارہ کیدرکن برمنديل بولدم » دن باشقہ  
برشی بیلمیورم . معلمہم : « آلرک اعتیادینی غائب ایدر ،  
قولاقلرکک آہنکنی بوزار . » تہدیدیلہ بزم برنوطہ مزہ المی  
سوردیرمدی . والدم قیزم فلان مادامدن آلافرانغہ موسیقی  
اوکرہ نیور ، خیال عظیمنک ویردیکی مستی غرور ایلہ بی تاب  
دوشونہ میور ، پدرمک اساساً بزملہ اوغراشمغہ مشغولیتی  
مساعدا دکل ... بویلہ بردر بدرلک ایچنده بزده تورک اولادنن  
اولہ جق قوجہ مزک قارشیسنه بر « اسکدارہ کیدرکن » ترانہ سیلہ  
چیقمغہ مجبور اولدق .

سلاما جنم ، سویله بکاده جواب ایسته ین قوجه مک شوزبانی  
کوزلرینه فیلاتیم .

أوت ، قوجهم بندن « قاره در کوزلرک قاره » شرقیسی-نی  
ایسته یور ؛ شیمدی بوکا « بیلیمورم . » دیملی ، « اون اوچ  
سنه چالیشدمده آلاتورقه اوکره ندیم . » دیملی ، دکی؟ لکن  
بن بونی دیدم ، « آلاتورقه مشق ایتدم ، افندیم... » دیدم .  
اوبوتون نزا کتتی طاقه رق « باس یوق افندیم ، آلا فرانغه  
چالکز ، باقم ! » دیدی ... دقت ای دییور میسک ؟ باقم !  
شیمدی بن شاشیردم : « نه سورسکز ، افندیم ؟ دییه صوردم .  
— نه اولورسه اولسون .

— سزه واغنه رک تانها وزرینی چالیم .

نوطه نك قارشیدند کوزلرم دومانلانش ، قوللرم سیکیر-  
لشمش ، پارماقلرم کرلمشدی . شیمدی پیانومدن چیلغین بر  
فریاد [ بیلیرسک آ ، بوفکر زواللی مادام روز دوغازونکدر . ]  
فیرلادی ، غیاث الدین [ غیاث الدین بک ، بوقوجه مک آیدر .  
رجا ایدرم ، تقدیم ایدیم ! ] بر دیرسکنی پیانونک اوستنه دایامش ،  
بوکورولتیدن اورکمش کبی کوزلرینی آچش ، دیکله مکی تقلید  
ایدی-وردی . برایکی دقیقه دیکله دی . غالباً صبری طاشمش  
اولمی که وضعیتنی دیکش-دیردی . بر لحظه ده بویله دیکله دی .  
اوطوردی ، قالقدی ، ینه اوطوردی ، ینه قالقدی . برسیغاره  
یاقدی . اوطه نك ایچنده برأ کنه ، بر بوینه کزنمکه باشلادی .

دیو پر مشم . صافیتله ویردیکم بوجوانی استهزایه حمل ایله  
کوله رک :

— آستیک آغا، نیقوغوص آغا اک کزیده بسته کارلر مندر ،

افدیم !

جوانی ویردی . و راحتسز اولمایکیز . بیلدیکیز  
و سودیکیز شرقیلری چالکیز ... البته اونلر مرچدر ! »  
نزاکنیله معیندار بر تبسم ایتدی .

سلماجغم، قارده شجکم، دوشون بوتون چهرم قیزارمش،  
بایله جق بر جاله کلشم. آه مادام روز دوغازون، کلده شاگردینک  
پیانو اوکنده طاش کسلدیکینی کور . الله یالکیز موسیقی ایچون  
یاراتمشد . دیدیکک بو آلرک ، هربری بر پرده آهنگدر دیه  
تقدیر ایدوب اوپدیکک بو پارماقلرک شیمدیکی ذلتی کور ؛ اون  
اوج سنه در کیجه کوندوز یالکیز بویله برکونی دوش-ونه رک ،  
بویله برکونه قارشى تدارکلی بولونمق سوداسیله اسراف اولونان  
چالیشمقلرک نتیجه سنی کور ... صوکره نیقوغوص آغایری  
آلریله کلسین ، سنک یاقه کدن طوتسون و یوزگه توکورسون ..  
اویله می؟ فقط بن نه یه چالیشمشم؛ مادامکه بر شیئه یارامیه جقدی،  
مادامکه بندن بونی قوجهم ایسته میه جکدی ، مادامکه مهندسون  
نیقوغوص آغانک قارشیدسنده بویله قیزاروب طونوب قاله جق ،  
صوکره مغلوباً دوشه قالقه فرار ایده جکدی ... اویله ایسه ،  
اویله ایسه بو قدر سسنه لک دیدینه لر مده کی فائده ؟ س-ویله بکا

اوندن بر دعوت بکله یوردم ، سوزی موسیقی وادیسنه دوکدم  
و موفق اولدم .

— سزی کوزل پیانو چالار دیبه ایشیتدم ؛ لطفاً ...  
بر تقسیم یاپارمیسکنز ؟ حجازی پک سوه رم ... دیدی .  
طوردم .

— افندم تقسیم اولمازسه ...  
کوزلر مک ایچنه باقهرق :  
آستیک اغانک :

چشم غمورک سبیدر ناله و فریادمه ،  
خسته هجران عشقم ، کل یتش امدادمه ...

و بوتون عشق و شوقیله اتمام ایدهرک :

چاره ساز اول وصلتکله خاطر ناشادمه !

شرقیسنی لطف ایدرمیسکنز ؟  
پیانو اسکمله سنک اوستیده دونوب یوزینه باقیشمندن  
بیلمدیکمی اکلامش طوريله :  
— یاخود نیقوغوص آغانک خرج عالم اولان « قاره در  
کوزلرک قاره » شرقیسنی البته بیلیرسکنز ...  
دیمز می ؟ بلا اختیار :  
— آستیک آغا ، نیقوغوص آغا کیملر در ، افندیم ؟

قور تولدم، لاحول لرله اونى باشمدم صاودم، يوره كمك خلجانی  
 طورمه دن سكا شوسطرلری یازیورم. بونلری اوچ آیدن بری  
 هرگون یازمق ایستدیکم حالدده سیکیرلر مه عارض اولان تفلله کدن،  
 دائما یکی برشی اوله جقمش کی بر مجهولیتک قور قوسی قارشیدنده  
 بولونمقدن متولد پریشانلقدن، وقت بولامیوردم. صباح اولمادن،  
 آفشام اولویور. اوکله ین یمک وفتی آجق اوطه دن چیقیورم،  
 قهوه لر ایچیلیور، دیرکن بزم دیو پچه، دیو چمنک فسنی باشنه،  
 پالطوسنی اوستده ییغوب اونى آشیرنجیه قدر عجایب حالار  
 کچیریورم. صوکره مسافرلر ... صوکره آفشام ایچون کینمه  
 چیقیورم و آفشام اولویور، دها بن کندیه کله دن او، اوه  
 گلش بولونیور ... کیجه ... های! بونم ایچون برجه نم عذابی،  
 هر طرفده سسلر کسلیور. لوش برقار انلقدده بر بن، برده  
 قور قوچ بره یکل قارشی قارشییه قالیور. قور قیورم. یوره کدن  
 قوپان فریادلر، ناصلسه دودا قلمک آراسنده صیقیشیور.

بوایشک ناصل اولدیغنی، دوکونمزک اساطیرینی، تاریخی  
 مکتوبیمی کتیرن عادلہ خانم سکا اکلاتسین. بن سکا بوراده  
 یالکیز هجرانلرمی دوکه جکم. شو اوچ آیلق حیاتی سکا لوحه  
 لوحه آچمه ده باق کور، وبکا آجی، سلماجنم!

او قیزاق خیالاتی بر سرچه قوشی خفیفه کیله و کوچو جک  
 قاناد ضربه سیله اوچدی کتیدی. دوکونمزک ایکنجی، یعنی جمعه  
 کیجه سی ساعت اوچه طوغرو، پیانومک باشنه کچمک ایچون






## ایلی مکتوب

— عذرادن سلمايه —

روح ،

باشقه سنه ایده میه جکم کوه زه لکرمی ، سکا یازمق ایستیورم .  
استانبولده دکلک که کلهیم ، جازمی چیقارمه دن ، دها یاناقلرگی  
اوپرکن تکمیل دردمی قوجاغنه دوکهیم . سلانیک ، اوف !  
بورایه پک اوزاق . سنک قوجهک وار ، چوجوقلرک وار ،  
مشغولسک ؛ باقلم ، بکا فدا ایدیلرک وقتک قاله جقمی ؟  
باق ، مکتوبمه « نصلسک سلما جغم ؟ » دینه باشلامالیدم ،  
دکلی ؟ بیلورم که بیلدیکم کیدسک . حیاتکده نه اُکسیک ، نه  
فضله برشی یوق . یابن ؟ یابنده نه لر اولدی ؟ صورده سویلیهیم ...  
دایانامیه جغم ، صورماسه کده ایشته سویلیه جکم : سکا اولانلر  
بکاده اولدی . ایشته اوچ آیدرکه کلین ! ! اولدم . سنک دائما  
« دلی برقیز » دیدیکک عذرا شیمدی « عقللی برقادین » اولدی .  
یاریم ساعت اول یانمده ائتاری ایله کزن بر دیوک پنجه سسندن




## ایکی مکتوب

— خالد ضیا بکھ —



سحر چپچکله ناصل چي دانه لری سر پر سه ، کونش  
 کلری ناصل رنگلره سوسلر سه ، طالع لری ساحلره ناصل بوسه لری  
 یوللار سه ، روز کار دالره ناصل نغمه لری تعلیم ایدر سه بنده  
 سکا او یله عشق لری تعلیم ایتسه م ، سنی او یله سودا لره سوسله سه م ..  
 کونش کلنجکلری ناصل او پر سه ، بنده سنی او یله او پس سه ..  
 روز کار سر چه لری ناصل اوقشار سه ، سنک صاچ لری او یله اوقشار سه م ..  
 اوخ ! بویله ، چوققاغمز بویله ، کنجلاکمز بویله کچسه  
 صوکره ایگمز بردن خسته اولسه ق ، ایگمزده بردن اوصول  
 اوصول او کسور سه ک ، ایگمزده حالسز لکه یکدیگر مزه دایانه  
 دایانه کچیلر مزی بوزاغلر مزی تعقیب ایتسه ک ... نهایت  
 ایگمزده بردن بر صبا ح شویوکک تپنک کنارینه تصادف ایدن  
 زیتون آغاچک آلتنه ، سورینه سورینه کله ک ، کونشک  
 طلوعیله دوشن ایلک نورینه ، روحز قاریشه .. بویله دنیایی  
 طایفه دن طبیعی صافیتمزله ، پاکئ حسمزله بویله صاف وتازه  
 سس سزجه اولسه ک .. بزى همان اورایه او آغاچک آلتنه  
 کومسه لری .. بزى آرایان کچیلر مزی ، بوزاغلر مزی ، قوشلر مزی ،  
 کله بکلر مزی ، فقط یالکیز اونلر ، بزى اوراده آراسه لری ، بزه  
 اوراده آعلاسه لری ، تر به مزی یار اقلر ، تر به دار مزی بلبللر اولسه ...



قاچميانلر قاچانلره ديسه كه : « بدلاميسكز بونلر بزدندر ! .. »  
 آغاچلري، روزكارلري، استجواب ايتسهك .. پاتيه لرله دردلشسهك ..  
 كلينجكلرله سويلشسهك .. آريلرله اوچوشسهق .. قطره قطره  
 دوشن ياغموردانه لرينك فيصيلديلريني اكلاسهق ... روزكار، بو  
 خواننده روحانيت بزه دائما يكي يكي محبت شرقيلري تعليم ايتسه ..  
 قوشلرك نغمه لري، ملهكلرك مكله سيدر ؛ اوكاده قاريشسهق ..  
 شو اورمانك قلمبنده محبت كبي ياشاسهق .

اوكله ين ، ايكمزده باشمزي براري طاشه قويهرق ، زيتون  
 دالرينك يشيل طاقى آلتنده بلبلرك نينيسي ، سرجهلرك  
 ماصالليله اويوسهق .. سن بندن اول اويانجه كنديني آراتمق  
 ايچون بر آغاچك آراسنه صاقلانسك .. ايشته ، يالكز اوزمان  
 هجران، افتراق نه ديمك اولديغنى طويسه م ، باغيره م ، قوشه م ،  
 سنى آراسه م . سنى آراسه م . صوكره دوداقلرنده صيقشمش برياني  
 كله ، بكا طوغرو قوشديغكى كورسه م .. سنى قوللرك آراسنه الديقم  
 زمان قلبكك بر كوچك قوش قانادلري كبي چارپديغنى طويسه م ...  
 اقشام اوستى ، دكز اوتر ، قوشلر اوتر ، اورمان اوتر ،  
 روزكار اوتر ، آريلر اوتر ، بوجكلر اوتر .. بوسرود دورا  
 دور ايچنده بزده كله مزه عودت ايدركن راست كلديكمز بر  
 پيكار كنارنده سنك مينى مينى اياقلىكي ، مينى مينى آلركى يقار  
 ايكن سن نيم كونشدين قارارمش يوزمه صولر سرپسهك ..  
 هر كون، هر كون مشغله مزبواولسه .. يكانه خايجانمز كچيلر مزك  
 بوزاغيلر مزك صحتنه ، بولتمش بر چيچكلر رنك وشكلنه عائد اولسه ..



یاشامق ، سکونتله یاشامق ، چارپینتیسز یاشامق ایستوردم .  
 شیمدی اوبکا بندکمی اخطار ایدن خیال اسمرینک آللرندن  
 طوتدم ، طورغون ایری کوزلرینک ایچنه باقدم : ایستمز میدک؟  
 دیدم ، مثلاً مدللای نك شو « حلقه کوی » دیدکاری ایزبه  
 کولمکه لکنه چکلمش ایکی عائله بدویتده یتشمش اولسه یدق...  
 کونشک ایلک نورلریله برلکده ، سن کچیلرکی تبرشه یاراقلی زیتون  
 آغاچلری الته یایارکن ، بنی اینکلرمله بوزاغیلرمدن متشکل افراد  
 معیتله سکا منتظر کورسهک .. فچرک نفایحندن پاک ، کونشک  
 اولین شعاعاتندن صاف بر محبتله یکدیگری مزه نمون و منبسط  
 صباحی تبریک ایتسهک .. هیچ برشیدن خبردار اولمسهق .. هر  
 شیدن هرشیدن اوزاق ، شهردن اوزاق ، سیل حوادث دیدیکم  
 امواج مزعجه سیاهک تعقیباتندن اوزاق ، پاره ندر؟ اکلالمسهق..  
 امل ندر؟ حس ایتسهک .. زیرپایم زده یکدیگری صیقار کی  
 اوموز اوموزه اولریله قوناقلریله صوغوق ، مخوف طوران مدللای  
 شهرینی بیله بر محبس مضیق ظن ایتسهکده بر احتراز طبیعی ایله  
 اندن قورقسهق ، پک قورقسهق .. شهرک ایپکلریله ، آلتونلریله ،  
 عقوبتلریله آشنالغمز اولمسه .. قارشیک دکزک فیرطنه لری یالکز  
 بزم ایچون ، بیاض کوپوکلر ، شومدللای شهرینک یانغینلری یالکز  
 بزم ایچون قیرمزی علولر نثر ابدیور ظن ایتسهک .. چیچکلرک  
 اک محجوبلری یانم زده اک کیزلی ، اک صمیمی زینتلرینی اکمال  
 ایتسه ، قوشلر بزدن قاچاسه .. کله بکلر اورکمهسه .. بونلردن

فیصلتیلری محترز بوسه لریله اویاندیرلمش برتازه قیزك یاناقلرینك  
رنکینه بکزه یین توز پنجه سی بولو طر ، یشیل یاراقلرک اراسندن  
فیرلایوبده رنك و بوی سودا طویلامق ایچون لایاقلرک ارالرینه  
قنادلرینی اوزاته اوزاته اوچان شوخ و نشه ور روزکار ،  
شهقات هجرانمزی بزه تکرار ایدن رشاشه امواج ، اراقلردن ،  
کوکلردن ، الماسلرک کوز یاشلری کبی ، امیدسزلرک اوستنه دوکلك  
ایستین انظار محجوم ! ای نغمه لر ! ای رایجملر ! ای رنکملر !  
ای نورلر ! شوخ و شنك غمزه لرکزه بزه دائما بروصال ابدی  
ایما ایدن سزلر ! نیچون ، نیچون بزه دائما ستم حوادلله مشبوع  
کورو نیورسکز ؟ بزی الداتمق ایچون عربان کورونمه کز کافیدره .

واپورک دیرکنه آصیلی قیرمزی فنارک شولیل کیندار  
ایچنده متردد مهتر مد و جزر شه عایله سماده آچاله آچاله  
اوچان جزایر سه حائب اراسنه اوزانان نظرم یاواش یاواش  
یورولمغه ، کیرپیکلرمک ایچنه چکلمکه باشلادی . اشغده  
پیانونک سه کوتیله واپورده ده سس کسیدیدی . بنده شوراده  
اویویایم ، دیدم ، اویومق اولومی تجربه ایتک دیمکدر ... فقط  
اویویه میورم .

دنیا ده یالکیز اولمیدیغمی بکا اخطار ایدن بروحود ، شیمدی  
بنی ایقاظ ایدیوردی . لیکن ، هیچ اولمازسه ، شو اذیتلرک  
منبعی اولان سیل پیایی جریان حوادلدن قورتلمق ، منزوی

پارچه دوشوردیكك بیاض صارغیلرله صاروب بزی موقت  
بر حضور ایچنده براقان ، ای زمهریر منجمد ! بن فرسوده  
قلبك کبی بیاض ، عربان بر زمین ایسترم ... شو فیفای حیاتك  
مروی اولان نیلستان خیالک مستهزی بر سراب اوله جفنی  
اکلامه جق صافیتده دکم .

الککه برالماس کچیور ؛ تدقیق ومطالعه ایدرکن بوالماسك بر  
کومور پارچه سندن باشقه برشی اولدیغنی کوریورسك ، شوخ  
وظریف برکله بك طوتیورسك ، قورجالیورسك ، اوره لیلورسك ،  
برایکنه ایله قلبنه طوقونیورسك ، قانادلری قویور ، سوسلی  
توزلری آدوچک بولاشیور ؛ دها صوکره پارماقلرک اراسنده  
پیس ، عجیقلانمش برفورت قالیور ... عشقك صوکی شهوت ،  
علوك صوکی کول ، نورك صوکی ظلام ، برچوق هیلرک صوکی  
بر هیچ اولدیغنی آکلایورسك ، بوکالیورسك ، برفریاد  
مذبوحانه قوپاریورسك ، خچقریققلرک کاربان طبیعتك آواز  
ناقوس هوی وهایی میاننده صبیذشیور ، بوغولیور ، سونیور .  
طبیعت ... طبیعت ! سن نه نظر ربا ، نه دلربا ، نه املربا  
شیسك ! سنی چوق سومکدن متولد برحس تعب وغنا ایله  
سندن نفرت ایدیورم . مشاطه شاعریتك افسونکار آلرلیله  
بویانمش ، سولامش نقاب مستعارکی ایندیرکه چهره عریانك  
کورونسون !

یاپراقلرک پری ماصالارینی چیچکلره آکلاتان نسیم صباحك

کل صولیبور، علو سونیور . لباس الفاظ باشقه، وجود مال بر .

واپور من قارا کلق بر سما، قارا کلق بردکز ایچنده قارا کلق  
بر هده طوغرو دوشونه دوشونه ایله یور ؛ کوزلرم زیفیری  
بر دومان کبی قایناشان سهاره باقیور ؛ قلم مست حضور  
نجومدن برلعه ارشاد تسئل ایدر کبی تیتیریور .

کمینک دیره کاری ، ایپاری پدش چشمده سیاه یاپراقلی  
سیاه آغاچلر کبی بر هیئت آلدی . دهان ظلمتک شوکچن اوتوز  
سنه لک حیاتمک سفالتلرینه، غفلتلیرینه قارشى قهقهه لرتو کوردیکنى  
ومادامکه اوله جکسین، دائماً کولمیسین، دائماً کولمیسین ! دیدیکنى  
ایشیدیورم . اوت مادامکه یاشامق نه دیمک اولدیغنى بیلدیکم  
حاله ینه یاشایورم ، هان کولملى یم ، دائماً کولملى یم ولو کولم لرم  
اسنمه یه بکزه سون ینه کولملى یم .

بوکیجه بر مرقصه خیالت اولان بوکمی ایچنده بر سروی یه  
قونمش منحوس ومتکدر بايقوش شکلى آلام .

ظلام مجهولیتیه مرکوز کوزلرمله بهوده بر حیات بهار  
آراشدیریردم . چیچکلره بورونمش بر نیسان ، کونشلره صارینمش  
بر تموز آرایوردم . . . هیات ! بکا بهوده جبروتلر ، بهوده  
وقت کچیرشلرله طاشان بهاردن حیاتدن بحث ایتیمک ، بکا  
قیشدن بحث ایدک . . . اوح قیش ! اوح فصل اموات ! ای  
کوز یاشلرینک ظلام ایچنه داملا دیغی موسم ! یاره لر منی پارچه

بریلدیرم دوشسه بواولوم اندیشه سنی یاقه ماز . آرتق سفینه سی  
 فیرطنه دن پارچه لانش برکیمیجی قوتیله اندیشه مماته صاریلورم .  
 اوت اوتوز سنه دن صوکره کندیسنی حس ایتدیرن شوانحطاط ،  
 شواولوم... شواولوم ، دائما ، هرکون ، هریرده ، شیم ومفترس  
 بنی اوزه اوزه ایصیریور .

صبره کلنجه بنده اوله جکم ، بنده غائب اوله جغم ؛ دنیاده  
 بنی اگدیره جق برخاطره قالمیه جق . اوخ ، نه چرکین شی !..  
 صوکره ، ینه باشقه لری یاشایه جققلر ، کوله جکلر ، سویشه جکلر ،  
 اوپوشه جکلر ا کلنه جکلر . لکن بو حقیقت ممات قارشیسنده ینه  
 ا کلنمک ، ینه کولمک... بیلیم که نصل اولویورده دوام ایدیور؟..  
 باری شواولوم براحتمال اولسه ینه انسان امیدایله آلدانه بیلور؛ فقط  
 برشی که محقق ، صباحک صوکی اقشام اولمق قدر محقق !

— سن زه یه کیدیورسک ؟

— زنکیندکی قوغالیورم .

— یاسن ؟

— ا کلنمکه جابالایورم .

— یاسن ؟

— عشق یولنه کیدیورم .

خایر ؛ هپکیز ، هپکیز شوبنفشه نک ، شواسکندر کبیرک ،  
 شوقوشجغزک ، شوپووارلانان طالغهنک کیتدیکی یره کیدیورسکیز .  
 تبدیل نام وعنوان ایله آلدانمغه دکر می ؟ انسان اولیور ،

یتشددیردم — بوتون عارضه لرله — بو عارضه لری آلرمله  
 حاضر لادم — بوتون اوچوروملرله — بو اوچوروملری طیرنا -  
 قلمله قازدم — مالی برکچید . بونلرک آراسنده ، ایراقلردم  
 بیاض سیسلرک ایچنده ، قطره قطره بنفشه ییغینلرینک آراسنده  
 بریووا ، ملول ومحترز برلانه سکوت . کوشه سنده اوچارکن ،  
 اوتمک ایسترکن یاره لانمش ، قانادلری صارقش ، برقوشدن زیاده  
 صولغون برچیچکه بکزر برسیاهلق ... دها اوتلری کوزلرم  
 آلمیور . بویول اوتوزسنه لک برحیاتک ایزینی تعقیب ایدهرک تمدای  
 ایدن سسز ، کولکه سز ، عمرسز ، برکریوه فلاکنه اوزانیور ...  
 امیدسز کچن کیچرلر ، نورسز کچن کونلرک ، شوتک توك  
 دیکنلرک قوجاقلرنده صولان قوشلرک ، باقیشیمدن باییلان  
 یاپراقلرک ، قوروپان منبعلرله ایزلری ... سز لر ، ای سز لر ! ..  
 شوقارا کلک کوکدن چهره اغبرارمه بوسه بوسه وداعلر سرپه  
 سرپه ، بنی — خسرانلر ، پریشانلقلرله هرچ ومرج بر طوفان  
 قارشییسنده ، اولوم دنیلن ساحل — لامتہ یتشمک اوغورنده  
 قدرتندن فضله هجوملرکوسترمکه اجبار ایدیلن — بر مبارز حیاتی ،  
 سزه برکره دها قاووشه ماضیلقدن متولد عنیف تقلصلر ،  
 عقوبتلر ایچنده بر اقق سزک اینچون بلکه برشی ، برشعر ؛ فقط ،  
 بوضعیف قوللر ، بویورغون دماغ ، بو طورغون کؤکل  
 اینچون ... آه بنم اینچون ؟ ...  
 بهار عمر ، بوکچن اوتوز سنه ایله کچدی . شیمدی باشمه





## دَوِ خُيَال

مدللیدن عودت ای دیوردم . واپور آطه لر دکزینک معوج  
ساحلی تعقیب ایده رک ، صارصیله صارصیله یوریور ... کیجه  
ساعت اوچ ... کوکرته ده بنیدن باشقه کیمسه یوق ... اشاغیده ،  
صالوندن بایغین بایغین قلبه صاریلان بر پیانو نغماتی قرا کلقده  
یووارلانهرق ، بحر سفیدک سطحی اوپه اوپه یاییلیور ، یاییلیور ،  
اولیور . یالکز ... بوتون یولجیلر ، اوچوق صاری صاچلی  
برقیزک پارماق لری اوچندن دوکیلن نغماتک اطرافنه طویلانمشلر .  
بن یالکزیم ... آق دکزک یورغون طورغون ، یوزنی خیرپالایه رق  
یورین واپورک کوکرته سنندن ، ظلمتک سکوتی دیکله یورم . دریندن  
کلن نغماتک تهزیزیله چشم خیالک اوکنده پرده فرسوده ، حیات  
سابقه قالقدی : شیمدی کورینن برکچید ایدی ، اوتوز سنه لک  
برکچید ... بوتون یر تیجی دیکنلرله — بودیکنلری بن کوزیاشلرمله




ذوق خيال



آراسنده بر شکل قویم و مستقیم ایله قوللارینی اوکا آچیویردی ؛  
 و صلحا بلا اختیار بو قوللارک آراسنه آتیلهرق — قانن والدہ سنک  
 اخطارینه رغماً — اوزون ، چیلغین بر بوسه ناچار اشتیاق اطرافی  
 چینلاتدی ...

— ۱۹ رمضان سنه ۱۳۱۷ —



بوي ، سياه بيقلىرى ، ايرى كوزلىرى ، البسه عسكرىه سيله  
مومك اوچوق ضياىى ارقه سندن ، قىليجنى شيقيرداتهرق ،  
كنديسنه طوغرى كلديكنى كوردى . وبوخىال نوازشكارك  
بوشش حار و نرمينيله مست غرام اوله اوله سوزولن كوزلىرى  
خفيف بر خواب نوشينك سحابه كشيغه سنه بوروندى .

شفق سوكمك اوزره ايدى كه دريندن بوغوق ، اوزون  
آغير براوغولتو ، برينوك واپور دودوكى صيحه سى صلحانك  
قولاغنه اورهرق اونى اوركن بر قوش چاپكلكيله ياتاغندن  
فيرلاتدى . كوشوده حالا نمخور نمخور يانان مومك لپسقه  
ضياىى كوزلرني اوقشايهرق ، غيقلايهرق قاماشد يرركن كنچ  
قادين اوشفافيت كشيغه نك آراسندن مؤمنك باش اوچنده اصيلى  
طوران رسمنه ، براشتياق محترصله دوداقلرني اوزاتيوردى ...

§

صلحا اوكله نمازندن قالقمش ، سجاده سنى طويلامش ،  
نماز بزنى باشندن آتمق اوزره ايدى كه بر آراهه كورولتيسنى  
متعاقب ، سوينجلى بر چيغلق آشاغيدن قوپهرق بر آنده يوقارى قاه  
فوران ايتدى ، صلحا بوتون اوى طولديران بوهيچان مسرتك  
ايچنه ، مرد يونلردن قايار جه سنه سوزوله رك اينر كن ، مؤمنى طاشليغك  
اورته سنده ، كنيش كو كسى ديك صلابتلى انداميله كورونجه يوره كى  
پارچه لانير جه سنه چارپمغه باشلادى . آشاغيدن بر هيكل مشكل  
مه ايتيله طوران مؤمن ، بر آن ايچنده قليچنك شيقيرديسنك



تسديدچلرينك صارى ، يشيل ، قيرمزي پوسكولاريني بررمضان  
بشارتي شككندە اطرافه صاللامقده ايديلر ...

همان هررمضان برلاقيداق ، بردقتسزلق ايچنده غائب  
اوليورن بوشيلره صلحا برهفته دن برى آرى آرى دقت  
ايديوردي .

## §

يورومك بيلمين واپور مؤمنى انجق رمضانك اوچنچي  
كوني، انجق يارين، صاحايه توديع ايدە جكدى ... صلحا متاعب  
سفر ييه نحمّل ايدە مين قانن والده سنك خاطرى ايچون — يينه  
زوجنك رجاسيله — يئنه قدر رفيق حياتنه رفاقت ايدە مه مشدى .  
يالكنز برسنه ايچون ديه بوسفرى اختيار ايدن مؤمن اوچ سنه  
صوكره ترفيع رتبه ايله عودت ايديوردي .

بو كيجه قولانغه اميد وصاله بكنز نكتهلر فيصـيـلدايان  
سكوتلر ايچنده دقيقه لر ، ساعتلر كچيوردي . صلحا شيمىدى  
زوجنك قاريوله اوستنده طوران كيجه لىكلريني بردها دوزلتمك  
هوسيله اوطەنك كوشە سنه طوغرولديغى زمان، خدمتچى قاپوي  
اورەرق سحور يمكنك حاضر اولديغى سويلدى .

صلحا اوطە سنه چيقوبده كوندوز كيردىكى حمامدن حالانملى  
طوران اپسقه صاحلرينك ، كنارى قيرمزي اويالى بيـاض  
تولندينى صيقيلايەرق ياتاغنە اوزانديغى زمان مؤمنك اوزون

افتراقك بواوچنچی رمضان، ایکی کوندن بری حلول  
ایتمشیدی . او ، برهفتهدن بری سوقاقلرده ، اولرده ینه عینی  
رمضان حاضرلقلرینی کورمش ، پنجرهدن باقدنجه کوفه لرك  
اوستنده قیرمزی ، یشیل باغلریله برقاج کلاج دهمتی صاللانان  
یوکلای حمالار کچمشدی . سوقاقل کوشه سنده کی قیرمزی  
آشی بویالی چارپیق اوك جومبه سنك آلتنده قومش ونك  
چوجوغی اوفاق داوولنی بویوننه طاقش ، اوكا ، صدای غلیظی  
هواده نقطه نقطه لککلر پیدا ایدن متلاشی سله لر ایندیریوردی .  
صاری اوك چوجوغی قارشیده کی دیواره ماهیه قورمق  
ایش کذارلغیله قفسی آچمش ، آلدن بریوماق سیجیم ، برکهنه  
ماقاره ، اوغراشیور ، اوغراشیوردی . محله جامعنك جاملرینی  
سیلمك ، قندیللری تمیزله مك ایچون کوسه قیم ، شال اورنکی  
میزتانیله سهپا اوموزنده ، شالوارینی طالعهلان دیرمق مسجدك  
حولیسینی درت دونیوردی . جاده نك قال دیرملری آلت اوست  
ایدلمش ، تعمیر کوریوردی . احبانك اولرنده کی قادینلرده  
هپ حمام حاضرلقلری ایشیدیلیوردی . هرکون اوك برندن  
قولتوقلرنده قوجه برر بوخجه ایله چارشافلی قادینلر  
چیقیوردی . قائن والده سی ینه رچل قاوانوسلرینی ییقامش ،  
افطار طاقملرینی تمیزله مش ، خوشاب قاشیقلرینی طوربه  
سندن چیقاروب برر برر سیلمش ، کیلاری ینه عینی تهالك  
واعتنا ایله یرلشدیرمشدی . سوقاقدن تسبیح آلدن کچنلر

شیمدی بردن بره اوزاقدن ، پك اوزاقدن ، سكونك ، انزوانك  
 اوتەسندن سحور داوولنك متقطع ، قيصيق طراقەسى ايكليور:  
 دان ... دان ... دادان !... برايكي دقيقە صـ وكرە ، اكتمزين  
 گوشە باشندە دماغ خراش برديكر داوول سسى مزعج ، مدەش  
 بركومبورتى ايله قابونك اوگندن ، بوتون اوى صـارصـارق ،  
 اوركن ، اويانان محله كوپكارينك عوعوعەسى آراسندن كچيور ،  
 اوزاقلاشيور ، كيديوردى ...

صلحا بوقورقونج صدایي ایشیتمه مك ایستركی خشیتله  
 كوزلرینی اوغمغه باشلادی . قومشـونك دیوارنده برکدی اینجه  
 اینجه حاولادی . ایراقدن برحروس اوتدی ؛ دیگر برحروسك  
 اوکا مقابلهسى اوزاقلره منعكس اوله اوله بوغولدی کیتدی .  
 صوكره سكوت ... درین ، قورقونج ، قاراگلق برسكوت !..  
 صلحا کیندار ، مغموم برچهره دیوعبوسیتله اوکاقوزغونی  
 كوزلرینی آجان ، وپاصلی برینجه پولاد قوتيله یورکنی صیقان بو  
 یالکزلفك ، بو اوزایوب کیدن تنها کیجهنك ، بو پرده سیاه کشفك  
 یارین ، بریاروفاکار ایلله یرتیلوب پارچه لانه جفنی دوشوندکجه او  
 آلری شیمیدین اوپمك ، اونلرك آراسنه شیمیدین غمور هجران  
 وجودینی آتمق ایچون کندی آلرینی اوصول اوصول ایلری یه  
 طوغرو اوزاتیور ؛ صوكره لامپه نك برانشعاع مترددی اوطه نك  
 ایچنده کی ضیای را کدی تتره تچه برچوجوق احترازیله قوللارینی  
 یانسه براقیور ییوردی .

دېكلیور کې شوق روحانیسندن ینه عینی استغراق ایله سرمست  
صافیت اولیور ...

صلحا ، مؤمن بکی ایلک دفعه ، ایشته بوکیجه تراویحدن  
صوکره بویوننی بوکمش ، آلرینی آچش ، برصدق پاک عبودیتله  
دعا ایدرکن آلدینی وضع تسلیمیت دیندارانه ایله کورمشدی .  
بوضیافت کیجه سنک اوزرندن شیمیدی درت سنه مرور  
ایتمشدی . بودرت سنه ظرفنده ازدواجی ، زوجنک مأموریتی  
والده سنک ، پدرینک ارتحالی ، سلیمانیه ده کی قوناغک وارنلر  
طرفندن فروختی ، عالنه نک طاغلمسی ، قان والده سیله بوکوچک  
اوه نقلی کې حیاتک برتازه قیز اوزرنده براقه بیله جکی اک آچی  
اک خاطره سوز تقلباتی کورمش ایدی .

کیجه ایلریله یوردی . ساعت سکره کلمشدی . سوقاقده  
رمضان کیجه لرینه مخصوص حرکت کیتدجه آزالیور ؛ سوقاق  
چو جو قلیرنک بلورین نعره لری سونمش ؛ برایکی فنارلی یولجی  
اوکجه لرینک قالدیرم طاشلرینه چارپمسندن متحصص برشا قیردی ایله  
کچپور ؛ قارا کلقلر ایچندن کوپکلرک مغموم وتیز هاو لامله لری ایشید-  
یلیور ؛ تیاترو دونوشی کچن بر آرابانک نعل شاقیردی لرندن ، تکرلک  
کورولتیسندن صوکره اورته لغه کثیف برسکونت یاییلیور ؛  
سوقاقلرک چارپنتیسی ، تنفسی ، سسی ، صداسی کسیلیور ؛  
فنارلرک آلورلی صارارمش بریپراق کې کیرلی کوزوکیور ؛

قفسك آرقه طرفنده سربلن حاليلرك ، عراقيه سجاد لرك  
 قيور يقريني بر ايكي خلايق دوزه لتيور . سـلاملقده بشزلى بر  
 قاج شمع داندن صاحيلان تيترهك ، مائتراق ايشينك نحيف ايزلى  
 صفده كزينلرى اوقشيور ؛ صوكره ، ياتسى اذانى اوقونجه ،  
 كنديش سلاملق صفه سنده مسافر لر آغير آغير قوللرينى صيوايه رق  
 ويكديكريله برر كله تعاطى ايدهرك آبدست آلمغه باشـلايورلر ؛  
 آرقه صفده ، آماده طوران مؤذن افنديله اوکا معاون برايكي كيشى  
 آياقده جماعتك حاضر لائمنسـنه انتظار آراستـه جمال خفي ايله اطرافه  
 باقييورلر ؛ هر كس يانـنده كنك آياغى خذاسـنه باقـه رق طولان  
 صفـلرى دوزه لتيور ؛ امام افندى داودى بر صدای مؤثرله  
 « الرحمن » سورة جميله سنك « فباى ... » تأكيد ربانيسـنى بر  
 صـوت مهيب وروح نواز ايله تلاوت ايديـيور ... وهر قعدـه  
 آخـرده كى « صلى على محمد » تهليلاتندن اول ترتيل اولوبان :

« توبه ايدهلم ذنبـزه ، تبت الى الله ! »

« لطفـكـله بـزه مـرحـمت ايله ، آمان الله ! »

الهيديـسنك تأثير ماسوا سوزيني صلحا شيمدى تـكرار دويـيور .  
 تراويحك ختاميله صلـات وتردن صوكره ارتقـ صفـلر اُسـكى  
 انتظامنى براز غائب ايدهرك افراد جماعت بر آزايلرى ، بر آز  
 كرى چكـيلهرك وكيـمى باغدـاش قورارق ، امام افنديـنك قـرائت  
 عربـه امتــالا اوقوديني عشر شربنى صلحا بوكيـجه تـكرار

— صاقین قیزم ، دیدی ، صاقین مؤمن کلدیکی زمان بویوننه  
آتیلیم ، صاریله یمه قالدشمه ...

— نیچون ؟

— اوروجك فاسد اولور .

— اوخ ! .. یکی !

صالحا بویونتی بوکهرک بر تسلیمیت متدینه ایله مائی ایری  
کوزلرینی یره اُکدی ، مستغرق خیال وصال قالدی . اوشیمدی  
بویله بر رمضان کیجه سفی دوشوونیور : اونی کوردیکی ، اونی  
بکندیکی ، اونی سودیکی کیجه بی ...

یاد ماضی ... او هیچاشمش اوزاقلرک ، خراب دیارلرک  
متروک کوشه لرندن کلن بو صرصر هیجان ، حسیاتمزك اُک مرده  
نقطه لرینه بعث حیات ایتدیکی زمان ، یاره لی بروجود اذیتله ،  
عنیف وجه بری بر عزیم ایله کوزلرمزی یومدیغمز آن ، بزى  
احاطه ایدیورن محشر خاطرات اورطه سنده کچن زمانلرمزی  
خطوه بخطوه تعقیب ، دقیقه بدقیقه تماشا ایدهرک بوهرج وهرج  
خیالات ایچنده یشارز ... اوخ ، بودقیقه لر !

درت سنه اول پدرینك سلیمانیه ده کی قوناغنده ، افطاره  
کلن مدعوین آراسنده بر آقشام . اوسنه مکتبدن چیقان مؤمن  
بكده پدریله برلکده بولونیوردی . افطاردن صوکره قوناغك  
کنیش دیوانخانه سنده ، اوشاقلر تراویح ایچون سجاده لری یاییورلر ،  
هراقشام اولدینی کبی ، حرمله سلاملق قابوسی آراسنه قونولان





## صالحانك كىناھى

سەدىرك ياصدىنى اوستىنىدە طوران اوپىبە كاغدى بىلكە  
يىكرىمىچى دىفەمە اولەرق بوىكىچە بىردەھ سوزدى . شىمدى صالحا  
قوجەسەنك يىروتىن چىكىدىكى بو تلغرافك يىپىراشمىش قاتىرلىرى  
آراسىنىدە ، اوقومق اىستەدىكى اىلك ، خاطرات تاھلى اگيور .  
صالحا مىندىرە اوزانمىش ، تلغرافك كىتىردىكى مژدە وصالە  
كوكلىنى آچمىش ، آق دىكزىك لاجورد طالىقەلىرى اوستىنىدەن صىچىرا .  
يەرق ، چىرىپىنەرق ، سەندەلەرك ، سەيلەكنەرك ، قوشەرق  
ھەرقىچە زوچىنى ياقلاشدىران واپورك اىچىندە ، يالىكز كىندوسىنى  
دوشونىن مؤمىنى ، قوجەسەنى كورىيوردى .

شىمدى قاتىن والدىسى ، اوطوردىنى كوشەدن بو كۆلمىش بىلىنى  
طوغىرولتەرق ، سەنەلك اتخاف ايتىدىكى تىجارب دورادور حىياتىدىن  
مىتولد بىرىبوست جىدىتلە طورغون انظارىنى كوزلىكىنىك اوست  
كىنارنىدىن آغىر آغىرسىكىرەرك :



صلحانك كناهى

اوطونی دیگر ایلله قاورامش ، صاووریور ، و « ناموسم بر  
 پاره‌لق اولدی ... بو قاپوده دها طورده مان ... بن کیدرین! ... »  
 دیسه آوازی چیقدیغی قدر کورلیور ... باقدم ، اولیه‌جق ،  
 یکنمی قورتاردم ، حرمه طيقدم ... بوکا بردرس عبرت ویرمک  
 صیره‌سی کلمشدی ؛ دوشوندم ، طاشندم ؛ همان اوکوندن اعتباراً  
 بوکا برایش بولغه تشبث ایتدم ؛ اناطولینک شویله برقییجغنده  
 برسیاحت تجربیه اجرا ایتمه‌سنى قرارلاشدیردم ... زونغولداق  
 خاطر مه کلدی ؛ « زونغولداق ... اوخ! زونغولداق !! ... شیمدی  
 کوررسک سن مولهن روژده قانقان اویوتی ... عمرکه برکت  
 زونغولداق !! » دیه‌رک زونغولداقده بر معدن مهندسلیکله  
 یکنمی باشمدن صاودم ،

بووقعه‌دن تام بش سنه صوکره اوشامپانیا کبی قابنه صیغمایان  
 یکنم ، زونغولداق‌دن عودت ایتدیکی زمان ، ایران کبی ساکن  
 وراکد ، آیدشمش قالمشدی ...

۸ مارت ، ۱۳۱۶



مطلقا او طور و له رق سـ و يله مك الزم ... اون : — بزده كوك  
 كوز، فتنه لكه، كم نظره علامت ، و منحوس ؛ اونلرجه مائي كوز  
 مبارك ، او قدر مبارك كه ملكلري بيله مائي كوزلي اعتبار  
 ايدرلر ... اون بر : — بز يازي يه صاغدن باشلارز ، فرنكلر  
 صولدن ... اون ايكي : — السنه غريبه ده فضله حرفلر يازيلير ،  
 فقط اوقونماز ؛ بزده ايسه يازلماز لكن اوقونور ... ديكه ،  
 اون اوچ : — بز مكتوبلر ك تاريخي آلتنه قوروز ، اونلر اوستنه  
 قورلر ... اون درت : — بزده قناعت بر فضيلت ، اونلرجه  
 بر مسـكنت ... اون بش : — هله بزده بيقلريني تراش ...  
 ديركن باشمي قالديروب باقديغم زمان يكنمي قويدكسه بول ...  
 او ، چوقدن صيقلمش قاجش ...

### « آياقلريني يره اورده رق : »

آراتق بتون بتون حدتلندم . هنوز حدتمي تسكين ايتمەدن  
 آشاغيده كي مطبخدن طوغرو بر كورواتي ، برخيراتي فيشقيردي ...  
 بزم يكن اوزانمش طيرناقلرينك اوجيله ، كشكول فقرانك فيستەنندن  
 آلمق ايسته مش ؛ آشجي ايدش ، يكنمك بويله ملوث طيرناقلريني  
 كسمەدن مطبخه كيرمكدن منع اولماسني بندن رجا ايچون يرندن  
 فيرلاديني صيره ده اوده بچارەنك عربەجي پاولي ، آيواز خچادور  
 واسطه سـيله آللريني ، آياقلريني طوتديروب دها شيق ، دها  
 آلافرانغه اولماسني تأميناً ، بيچارەنك بيقلريني تراش ايتمكه  
 قالقيشماشمي؟ ايبشك قفاسي قيزمش ؛ اوقلاواي برألنه آلمش ، يانمش

بوتون جدیتمی طویلادم ، ستره می ایلیکلهدم ، کوزلکمی  
 طاقدم . بورونمی سیلدم « سیر » بر کوزلده اوکسوردم  
 « اوکسورر » ؛ دیکله ، دیدم ، بو بر : — بزده باشمزی  
 آچیبوب ایانمزی چیقارمق حرمت ؛ فرنکلرده بالعکس آیاغنی  
 چیقارمیوب باشنی آچق تعظیم ... دیکله ؛ بویکی : — بزده  
 اوتهدنبری اوك الت قانی خدمتجیلره ، یوقاری قانی افندیلره ؛  
 فرنکلرده بالعکس آلت قات افندیلره ، اوست قات خدمتجیلره  
 مخصوص ... اوچ : — بزم آیاقلمزك آلتنه سردیکمز حالیلری  
 اونلر باش اوجلرینه آصارلر ... دیکله ، درت : — بزده  
 اوتهدنبری صاغده اُرکک ، صولده قادین ؛ فرنکلرده صولده  
 اُرکک ، صاغده قادین بولونور ... بش : — بز پلاوی ،  
 مقارنایی اُك صوك یرز ؛ اونلر اُك اول یرلر ... آلتی : — بزده  
 یمکده آز سهویلهمک وچابق یمک تربیهدن معدود ؛ اونلرده  
 عکسنه چوق سهویلهمک ، حکایه لر نقل ایتمک ، وقهوه یی سفرده  
 ایچمک وحقی آلرینی سفرده ییقامق معتاد ... یدی : — بزده  
 کوچکلرک بویوکلرک سهوزینه قاریشماسی بویوک تربیه سزلك ؛  
 اونلرده بالعکس بویوک برنشانه ذکا ... سکز : — بزده ساعت  
 اون ایکی یاصباحدریا آقشام ؛ اونلرده یااوکلهدریا کیجه یاریسی ...  
 دیکله ... باقدم ، یکنم کیجه یاریسی سهوزیله اویوقلامغه ،  
 خورولدامغه باشلامش ؛ صارصدم ؛ دها بیتمدی ، دیکله  
 دیدم ... طقوز : — اونلرده شرقی یی مطلقا آیاقده ، بزده



عرفانده بش سنه لك كيجه لی كوندوزلی « كوله رك واو كسوره رك »  
 كيجه لی كوندوزلی بر تحصیل متادینك ثمره سی ایمش ..!  
 آكلادیكزمی ؟ .. بش سنه دن صوكره ، ناپولیون کاری بر  
 وضعیت ، هومبرت کاری بر صاج ، ویلهلم کاری بر بیدق ... ایشته  
 بو قدر ! .. یگی قفا اولق ایچون بو قدری کافی ایمش ... آح !

« کنیش بر نفس آلیر »

بر صباح ده باقدم که آشاغیده کی بیوک اوطه ده بر جور جونا ،  
 بر قهقهه ، بر تپشمه در کیدیور ... قاپوی آرالادم ؛ یکنم  
 همشیره سنی پیانویه اوطورتمش ، حاجی باجی ایله کهیا قادین  
 نالیه منلاده داخل اولدیغی حالد ، خلائقارک تکمیلنه ده قولته  
 اولق ایچون قوللرینی صیواتمش ، کوکسارینی آچدیرمش ،  
 اولره قانقان اوینا تمیورمی ؟ .. « لاحول ! » دیدم ، « یاصبور ! »  
 دیدم اولمادی . همان اوطه یه آتلدیم ؛ اونك اوپوماطه لی صاچلرندن  
 یاقه لادم ، سلامغه آلدیم ... بزم یکنك « نشر مدنیت » وظیفه سی  
 ایمش ؛ قادین نینه سنه بو قاسك حکایه لرینی اكلاتمق ، خلائقاره  
 مولن روژ سرگذشتلرینی نقل ایتك « نشر مدنیت » ایمش ! ..  
 آرتق لطیفه یه ، شاقیه محل یوقدی . دیدم که : — اوغلم سن  
 شرق و غربك یاقلاشه میه جغنی اكلامادگی ؟ سن ترکانه وفرنکانه  
 تربیه نك بوتون بوتون بری برینه ضد اولدیغنی اکلایه میه جقمیسك ؟ ..  
 اوله ایسه دیکله :

کنديمی دهشتلی بر منظره قارشیدسنده بولدم : بزم یکنک بور وونک  
 آلتندن، قولاقلرینک حذاسنه قدر بر بزله باغلی چهره سی صاب  
 صاری بار لایور ... آیاقلرینی قاریوله دمیرینک اوستنه دایامش ...  
 آلرینی پاموقلره صارمش ، کوزلری قابالی ، کنديسندن کچمش ،  
 یاتیور ... فلاکت ! دیدم ، فلاکت ! .. اوطه دن دیشاری  
 فیرلادم ... هکیم ، آمان هکیم ! .. اؤک ایچنده بری بریمزه  
 کیردک ، چیققدق . بز هکیمله اوصول اوصول اوطه یه کیررکن  
 یکنم ده شاشقین شاشقین قاریوله سندن قالقدی ... صوفه ده کی  
 قادینلرک « کنديسنی اولدیردی ! » فریادلری اوی طولدیریور ؛  
 یکنم بو حالدن اورکمش ، قاقچق ایستیور ؛ بزتکرار یاتماسی  
 ایچون یالواریورز ؛ آلرینه آیاقلرینه صاریلیرورز . بر قارغاشالق ،  
 بر کورواتی ، بر پاطریدر کیدیور ...

« بر پارچه توقفدن سوکره »

نهایت ایش آکلاشیلیدی ؛ یکنم ایرتسی کون کاغذخانه یه  
 کیتمه یی نیت ایتمش ... یگی بوتینلره آیاقلرینی صیغدیرمق ، قانی  
 آشاغی ویرمک خولیاسیله آیاقلرینی هوایه قالدیرمش ...  
 یوموشاسین ، پارلا سین دیه ، یوزینه ، آلرینه قولدقرم سورمش ...  
 ییقلرینی دیک طور درمق ایچون بر جندره ایله صارمش ...  
 وبوعذاب واذیت ایچنده اویقویه ، خواب راحت طالمش ...  
 هم بوندن ساده ، بوندن طبیعی نه اوله بیلیرمش ؟ .. بونلر اودیار

بو صيره ده ديزلرندن آشاغى اينن رده نغو-وتك آرقه جيپندن  
 برياض منديل چيقارر كن ، پارماقلىرنده آللى ، يشىللى ، مايلى  
 بر چوق ساخته ، قابا يوزوكلارك بنمله اكلانير كبي صيرتدقلىرينه  
 دقت ايتدم ... بيلمم دوداغى اويدىكى ايجونميدر ، ندر ؟  
 منديليله بر تحف طرزده بورونى ، دوداقلرينى سيلدى ... بزم  
 حاجى باجينك بونجه سنه لك ده وشيرينه مخالف بر ده وش-يرمه  
 ايجاد ايله منديلى اورتاسندن بوزدى ، بوكدى ، صاردى ...

### « تقليدنى ياهر ق »

ميندره كنديسنى آتدى ... حاجى يانماز كبي سالاندى ،  
 سالاندى ، صوكره ديم ديك قالدى ... بزم يكن بزم يكنلكن  
 چيقم شده اعجب العجائب بر ما كنه شكلنه كيرمش .. مندرده  
 اوطورمى ... قانپاده راحت ايدمى ... بنى ، سو كىلى  
 عمجه سنى بكنمى ... سوزلرمى بكنمى ... وضعيتى بكنمى ...  
 يورويوشى بكنمى ... باقىشى بكنمى ... نفس آليشى  
 بكنمى ... اوف ! بكنمى ، بر شيشمى بكنمى ... اوك  
 ترتيبنى بوزمغه ، هپسنى دكش-ديرمكه قالقيشدى : اوشاقلره  
 قهوه كتيرر كن بياض اديوهن كيملرينى ، آشچى ايشك قفاسنه  
 برياض كتن تا كيه كچيرمه سنى ، وكيانچر كوسه كهيانك هر  
 صباح تراش اولماسنى ايتيور ، ييرتنيور ، اصرار ايدنيوردى .  
 بر كيجه ، بر آز نصيحت ويرمك ايجون اوطه سنه كيرديكم زمان

فنونيله متفننم !، دیور ... دیور اما او دارالفنونك تکمیل  
فنونيله متفنن اولنجیه قدر بنده دارالجنونك تکمیل جنونيله  
متجن اولدم ! باقك ، آ کلاتیم سزه ، یکم اولام معمارلق  
اوکره نمك هوسيله بکا برچوق سوسلی قابولر ، یالیزیلی قبلر  
یادی ؛ کیرینیللی وجیقینتیسز ، یالانلرله پارملری چکدی ...  
صوکره بونده تمل طوتدیره مینجه ، کیمیای معدنیدن اذابه تحصیلنه  
یلتندی ؛ اذابه تحصیل قیزیشدقچه بزم آلتونلرده اریمکه باشلادی ...  
یکم بوندن ده صیقیلدی ... «طوپراق طوت آلتون اولسون» فیضنه  
مظهر اولق آرزوسيله چیفتجیلکه باشلادی آنده برچیچکچی  
قیزینه یشیلانمك اوغورنده ایلک تجربه لری کیسه مک دینه داری  
أ کمك ... صوکره اوجاغمه اینجیر دیکمك اولدی ... نهایت ،  
برصباح یکمهی قارشیمده کوردیم : یاقهانی برمرمر قویو چنبری  
کبی غیرتلاغنه صاریلیمش . اوزون ، قیوریق صاچلری قالبسز  
قیرمزی فسنگ آلتنده ، روزکاره طوتلمش هندی تویلری  
کبی ترسنه دوئمش ؛ یکی طوغان برچوجوغه شیلته اوله بیلجک  
قدر قوجامان برپلاس-ترو بویون باغی کوکس-نه طاقش ...  
قارشیمده بویون قیردی ؛ اوپدیرمك آلیشقیغیلنه بن المی اوزاتیرکن  
اوده قلمداه دن دوداقلرینی بکا اوزاتدی ؛ ایکم زده نه یاه جغمزی  
بردن آ کلایه مدق ... بنم ألم معلقده قالدی . نهایت ، بویونمه  
صاریلهرق لا ابالی-انه دوداقلرمدن تکرار تکرار اوپدی .  
اوپلهمین زوالی المدن محجوب اولدم . ناچار گری چکدم ...

# کیم

حسب حال

## کیم

« قیرچیل ، چنبر صقاللی ، ستره سنی یوقاریدن اشاغی ،  
 « ایلکله مش ، آچیق ، بوروشوق آلنی کوسترن طوبارلاق فسی ،  
 « آرقه یه متایل ، اوموزلری دوشوک ، اندامی او که ایلکله مش ،  
 « چهره سنک خطوطی استهزایی ایم ایدر درجه ده متحرک ،  
 « براختیار ... یاشی الی ایله الی بش آراسنده . »

نیم بریکنم وار ... پارسده تحصیلی بیتیردی ... پارسده  
 تحصیلی بیتیردی نه دیمکر بیلیرمیسکز ؟ بنی یدی ، بیتیردی ؛  
 دیمکر . بن بیتینجه بندن تحصیلاتده بیتدی ؛ تحصیلات بیتیر  
 بیتمز پک طبیعی دلمیدر ، تحصیل ده بیتدی ... تحصیلاتی بندن  
 چکدیک یارملر ... لکن تحصیلی ندر ؟ اون بردرلوا کلایه مدم ...  
 « عمجه ، سن برشی آ کلامیورسک ، بن دارالفنونک تکمیل






یکم

آیا قلمزك آلتنده سورونورلر ، اك كوچ مطالباتمزی آلفیشلرله  
اسعاف ایچون تهالك کوسترلر ، اك كوچوك آرزومز ایچون  
جانلرینی فدا ایتمک حاضرا ولدقلرینی تأمین ایدرلر ، بزى اوقشارلر ،  
اوقشارلر ... نوازشلر ، بوسهلر ایچنده شاشیرتیرلر . او زمان  
بر چیچك ، برشعر ، برملك اولورز . تجر به سبز ، کوكلیزی تسخیر  
ایچون شیطانجه یالانلرله ، حیللرله مسلح اوله رق بزه هجوم  
ایدرلر ...

لكن بو حیللر ککله اخلاقنی ناصیل اکلایمالی ؟ بو پولاد  
کوکله رى ناصیل یوموشاتملى ؟ اوف ! آر ککله قلیلری ، روحلری  
حتی آللری بیللر قاتیدر .

بو ییچاره ککله مزك چاره سی ده یوق !  
هپ تجر به لر مزله بیلیرزكه ، اوللری رد ایتسهك بزى  
تعقیب ایده جکله ، تصدیع ایده جکله ، راحت بر اقییه جقلر ...  
یالوار سهق بزى عادیلکله ، بایاغیلقله اتهام ایدرک قاچه جقلر ،  
بزدن نفر تلرله قاچه جقلر در ! ...  
نه یایمالی ، یاربم ، نه یایمالی ؟ ! ..



صـورکـز ، یوزکـزه لاقید براسـتهزایله : « قادیـنلر کـنجـلرک  
 اکلـنجهـسی ، اختیارلرک خدمتجـیسیدر ! » جـوابـی فیرلا تیر ؛  
 و بیقلرینی بوکـرک باشنی چویریورر . ایشته شکران نعمت !...  
 آه !! دهـا چوجوق ایکن برادرلر مـزک حقـسنر چیمـدیـکلرینه  
 طوقا تـلرینه آغلایه آغلایه قاتلانـرق بویورز . صوکره ازدواج  
 ایدرز ؛ زوجـلر مـز بزی ترک ایدرک ، اوتـده بریده اکلـنجهـلـرده  
 کزدکلری قدر ، بزم عمر مـز اولر مـزده مصـرف طولایـله دیکـش  
 چکـمجهـسی آراسـنده کچرکن ، عودتـلر نـده یـنه کـندیـلرینی کولر  
 یوزله قارشیلـامق مجبوریتـنده بولونورز .

نهایت وفا تمـزده اولـره اولـا بـزدن قور تولـق ، ثانیـاً تـکرار  
 اولـمک کـبی ایـکی تسلی بر اقیرز .

ایشته بواندیشه لرله ، حیاتمـز بیتـمز توکنـمز ایچ صیقـنتیلری  
 عصـبی بـحرانـلر ، باش آغـریـلری ایچـنده سونـر ...  
 اولـر ، فرضـا ، بر قادیـنله برلکـده بولونـهـجق اولـسهـلر محـضا  
 برمدت کولـلرینی اکلـندیـرمک وصوکره اونـی تحقیر ایتمک ،  
 تـزـیل ایتمک ایچونـدر . قادیـندن بحث ایـتـسهـلر ، مقصدلری مطلقـا  
 برکردابه دوشور مـکـدر . فقط کورمهـلی ،... آه بوظالمـلرک بزمـله  
 برلکـده بولونـدقـلری زمانـلر اوتیتیز لکلرینه ، او قاباطورلرینه ،  
 او قیدسـزلـقلرینه او مـرائـیلـکلرینه موقـه نادـم اولـمش کـبی مونس ،  
 آجینـدیـره جـق وضعیتـلر آلدقـلرینی کورمهـلی... هـان اودقیقه مظلوم ،  
 متواضع ، نوازشکار ، عالیجناب ، فداکار اولیویرلر ؛ یالتاقلانیرلر ،

اساساً نظر لرنده عادی برما کنه اعتبارنده ، براویونجق منزله سنده بولمق حرمتسز لکنه قارشى ، شکوایه حاضر لانیکن اونلر دها اول طاورانهرق ، بز زوالیلردن ، بز ییچاره لردن دورلو وسیله لرله شکایت ایدرلر ؛ عالم ایسه ک ساخته وقار دیرلر ، عاقل ایسه ک قتان دیرلر ! بر آرز صاف درون اولدقی ، اسممز مسکین طاووقدر ! سکوتی ایسه ک ، لاقیردی بیلمیور دیرلر ! چوق سویلسه ک سوز ایه سی اولورز ! متوسط اولدقی ، عادیلکدن قورتوله مایز ! ملتفتیمیز ، ییلشقا نر ! آغیر طور دققی ، بت کبی دیرلر ! خفیف اولنجه چیلغین دیرلر ، حویپا دیرلر ، دها بیلم نه لر دیرلر ! زنکنیمیز ، قوروملو ... فقیرمیز ، کورکوسز ... طشره لیمیز کنارک دلبری ...

بونلره انسان ناصل تحمل ایتسین ، جان ناصل طایانسه یین ؟ فقط دها بیتمدی که : قضارا مکدر بر طبیعته مالک اولدقی ، آغلامش یوزلی ، قسوتلی ... کیفیلمیز ، خفیف مشرب ... اداره لی ایسه ک طبیعتسز ... جو مرد ، عالیجناب اولدقی کندیخی بیلمز بر مسرف حکمنی کییرز .

الحاصل نه اولور سهق اولالم ، آرککلر ایچون دائماً هیچز ! .. آه بو آرککلر ... بو آرککلر ! ..

حالبوکه آنلری تسلیه ایدن ، اکلندیرن ، اونلرک هر المنه اشتراک ایدن ینه بز ، یالکیز بز ، بونعمته مقابل برشکران می ایسترسکز ؟ بر جمیله می بکلر سککز ؟ هانکیسنه ایسترسه کز



حسب حال


— سیکیرلی برقادین ، کچیجی بربحران صمیمیدن صوکره —

## آه سوا رکظر

أرککلر ؟ .. سیکیر علتتک اُک برنجی سیدلری ! .. بزقادینلر  
نه زوالیلرز ؟! طوغدق طوغه لی أُرککلرک ، اوکبرلی ، عنادجی  
خودیین ، خیرچین ، متلون مخلوقلرک هجو مندن ، جفا سندن  
نه چله لر چکدک ، ونه لر چکیورز ! ..

بودرجه عاجز ، ضعیف ، مظلوم قادینلر ، بویامیاملره یالکنز  
لذید ، هضمی قولای برغدا اولمق تجلیسمیله یاشارلر . اوت ،  
بزطبیعتک کوزی باغلی قربانلری یز !

جهانده هرشی ، هر برشی أُرککلر ایچوندردر : قانونلر  
امتیازلر ، شان ، شرف ، سربستی ، قوت ، بتون حقوق انسانیه  
اونلره عائددر ؛ حتی بزقادینلری اکثریا پریشان ایدن ، أزن  
آلام طبیعیه دن بیله اونلر ، قانون خلقت حکمنجه مستنادرلر ...





آه شو آرککلر ....



یتون جدیدیله برابر بکا مسترحمانه یان یان باقیوردی. اوطانیوردم ..  
 برهفته ، ایکی هفته کچدی . کلن یوق ، کیدن یوق ، آرایان یوق ،  
 سوران یوق ، نهدن صوکره ایشیدلدی که بوعدم تنزله سبب ...  
 بیلمم س-ویلیه یم می ؟ آمان یاربی ! س-ویلر ایکن کوله یم می ،  
 آغلا یم می ، بیلمیورم ... آرتق بن سویله یم ده سز ایستر کولک ،  
 ایستر آغلا یم : اوت ، سببی خانملرک یوزینه دیک باقمشم !! ..  
 قارشیسنده کنه باقان بوقیزی آلوب ده مخدوملرینک حیاتی تهله که یه  
 قویا مازلر مش ... کوروجی یه چیقان بر قیز کوزلرینی استعمال ایتمک  
 حقنه مالک دکلش .. اکلادیکنز می ؟ بوزواللی ، کوزجکزلرینی  
 استعمال ایتمک حقنه مالک دکلش ...!



باننده کی ده مطلقا قیزی اوله جق ؛ بوده بوتون دنیا ناک  
 کوروجی لری کبی فتنه وقیصه - انج . بللی ، او قدر بللی که ...  
 آنه سنک صاووردینی سیغاره دومانلری آراسنده آتش بوجکی  
 کبی - سونه سونه پارلایان یشیل کوزلریله بکا باقدیجه نظرینک  
 آلمده ، یاناقلرمده ، صاچلرمک آره - سنده قاتی قاتی کزندیکی  
 - اینان اولسون که - طویویوردم ! قاینانا قهوه نک صوک  
 قطره سنی اینجه دوداقلریله آمرایکن : « بوقادینلر مزیتلرمی  
 ناصل آکلایه جقلر ؟ بونلر صرف کوروجی ، آکلایجی دکل ...  
 دییوردم . یان کوزله والدیمک یوزینه باقدم . بر آزدها او طو -  
 رمق لازم ایمش ...

— کنیش بر صولو قدن صکره —

اووخ !.. او طه مده بیوک نفسی آلم . کیمی او طه ده  
 صومور تدیغمی ، کیمی باله کس کوزلرمک قیزارقلنی چهره مه بشقه  
 بر لطافت ویردیکنی - سویلورلر . یاربی ، بنم شیمدی به قدر  
 حیاتی صرف ایتدیکم معلوماتم ، عودم ، پیانوم نه اوله جق ؟  
 بونلر بکا آغز .. آغز دکل کوزبیلله آچدیرمادیلر که مزیتیم معلوم  
 اولسون ... آه کوکلی ، افکاریمی ، حس - یاتیمی اکلایه جق بر  
 قوجه به تصادف ایتسم . تصادف دییورم ؛ بویله ازبر ازدواج  
 ایچون بوندن بشقه کله بوله میورم .

خاتملر کیتدیله . اوغلار ندن بر چوق بحث ایتشلر : مدحله ،  
 شالار ، تفاخرلر ... ینه کله جکلرینی ده سویله مشلر . پدرم اقشام

— طور قوردمله گئی دوزلتهیم ...

— صاحکی قالدیر .. هایدی ، شیمدی یورو ...

— شویله ، هاه شویله آغیر آغیر !..

اوط-مدن ایجری کیردک . قارش-یمده ایکی قارالتی ، ایکی اومماجی !.. قارشیلرینه کچدم . یورلمشدم . دیزلرم بنی چکمدی . قانابه نك اوس-تنه حیزلیجه اوطوریویریم می !.. نظر دقتلرینی جلب ایتدم قورقوسیه قیزاردم ؛ دوشوندکجه قیزاردم ، قیزارمامق ایستدکجه قیزاردم ... قیزاردکجه قیزاردم . باری مشغول اولهیم ده اونوتهیم دیه ، اُتکمک قاتملرینی یوقاری طوغری چکدم ، دوزلتم . براز کیری چکلم .

« شو باشده کی اوطوران ، حسابجه ، قائن آنا » دیدم ؛ ریوزنده کی عموم قاینانه لره بکزییور : برجادالوس قوروسی ، قدرت قاوورمه سی وجود ... قورومی قوری ، قدیمی قدید !.. یوصمه کورونمک ، نازک طاورانق ایچون بوزولیور . اوزولیور ، سوزولیور . متصل پارماق لرینی چیتلاتیور . دوداغنی لاقیردی سویلرکن اودرجه بوزیورکه آره سندن کله لر یام یاصی ، ایگری بوکری فیرلایور . ایکی کوزندن فیشقیران اوایکی ماوی قیویلجم کبی نظری ، ایکی میزراق واری اوموزلرمدن اوطوردیغم اسکمله یه میخیلیور ... « عجبا اوغلی ده بوکا بکزییورمی ؟ » دیوردم . هله سونن سیغاره سنی یاغغله مشغول ایکن بردها یوزینه باقه - بیلدم ... الله ایچون .... بکنمدم .

« انشاء الله ینه کلیرزا ! » تاحیف مروتمندانہ سنہ انتظارا، او خلقی  
 چارپینتیلرہ اوغراسین ؛ صوکرده ینه بلکہ — بویله هیچ چرکین  
 اولمدیغم حالده — اللہدن قورقہدن بکنمہ سینلر ؛ هرکسہده  
 « بکنمک .. بزم آرادیمز بشقه رنگ ، بشقه بوی ، بشقه  
 قیراط ، بشقه بیچم ... » دیسینلر ؛ « اوغلمز شوپله  
 ایستر ، بویله ایستمز ... » دیه بلاپروا سویلنسیئلرده بزمکیلرک  
 « قیزمک فکری بو ، املی بودر ... » دیه بیلیمک حقه لری  
 اولسین ! اوفکمدن آغلا یوردم ... دادیم ، عقالا دادیم  
 متصل : « آغلامه قادیئم ... های الله ، کوزلرک قیزاره جق ! ..  
 هیچ اولورمی ؟ هیچ اولورمی ؟ .. دیوردی . ألم توال  
 ماصه سنک اوستنده کی قوطیلری بری برینه قاریشـ دیریور .  
 پودره توی دیه فیرچه بی یوزمه سورییور . طاراغی صاج  
 ماشه سی ظنیلہ آتسه کوستریوردم .

حیزی آدیئم آنـاملی ! پک آغیر یوریمه ملی ! اطرافنه  
 باقاملی ، صیریمـاملی ! صومورتاملی ! کوزلرینی آچـاملی !  
 کوزلرینی قاباماملی ! فنلنمش کبی کورونمہ ملی ! پک آلیق کبی ده  
 طاورانـاملی ! بر پارچه — سـوز بینمزده — ایریجه اولان  
 ألمی ، ایاغمی اونلره کوسترمه ملی ! .. ایمش . هله او کچن سنه  
 چیقارتدیغم دیشک یری کوزوکورسه وای بنم حاله ! .. ایمش .  
 بودیزی دیزی اینجی — کبی جانم تعلیماتی ، دادیم بکا طاراغمله  
 فیرکته لرمله برابر ویریوردی .



كديم «مستان» ده اونلردن قورقش كه آرقه مدن اوده  
چيقدی، آيا قلمه سورومكه باشلادی . پيست ! مستان !..  
ارتق سنكه دوستلغمزك موسی كچدی ... كورميور. يـسـك  
كوروجيلری ؟..

شيمدی هـيـچ بللی ايدلميه جك ... نازلانيله جق ...  
« بيلمديكم آدمرك يانلرينه كيدهم » ديزيله جك ... داديم  
ينه كلدی . ينه بورونندن صوليور :

— هايدی !

— نه هايدیسی دادی ؟

اطرافنی آلدیلر . نهـايت پنبه لره قرار ویردك . متصل  
« چابوق اول ! » ديورلردی . طوغوسنی ايسترسه كز بو حال  
بنم كبرمه طوقوندی ، اوفكه لدم . كندی می موسی كچمه دن  
علی العجله ، تنزیل فيئاتله صـاتـلـمـق اـيـچـون جامكانلره قونیلان  
وتكمیل مشتربلره كوستربلن اتمه يه بگزتدم . سيگرلرم بوشاندی  
بيلمديكك ، طانمديغك برينه وكالة كورمديكك ، كوروشمديكك  
بر طاقم قادينلر كلسينلر ؛ انسانی صلاچبور آلیركی ا گئی، بونی  
اولچرجه سـنـه مـهـاينـه ايتسونلر ؛ سن ده قارشـيـلـرنـده روحسز  
حسـسـز ، قابسز بر هيكل كـيـ ديم ديك ... بر صوچلی ، بر  
محكوم كی كوزلرینی يره ايكوب طور ؛ اوچ دقیقه ده ايچيله جك  
بر قهوه یی ياریم ساعتده ايچسينلر ؛ استقبالك ، حیاتك قهوه  
فـنـجـانـيله كوروجی خانمرك دوداقلری آره سـنـده صيقشسين ؛

طولاشمه!.. ایشته شیلر کلیور لر!.. شی.. شی.. شی!.. دیه دیه  
والده مک یانه قوشدی. یالکز «آول دادی! عربدن نه  
چوق شیلر چیقمش!..» دیه بیلم... فقط، بیلم نه ایچون  
تیتزدم... والدهم او طه قاپوسنک آرالغندن کوزوکدی. کمال  
جدیت و مراسم تشریفاتیه ایله الی قالدیردی و پارماغیله یوقاریسی  
کوستره رک: «هایدی قیزم، سن بر آرز یوقاری چیق» دیدی.  
«نیچون» وقت قالمدی؛ دادیم آرقه مدن ایتمه، قولمن  
چکمه باشلادی. بودقیقه ده ایچمدن بر عناد قوپدی: کیتیمه.  
جکدم، کلنلری کوره جکدم. لکن ایاق سسلرینی ایشیدجه،  
فیرت!.. یوقاری کنیدلکمدن قاچدم... هیچ برشی اکلایه  
میوردم... یوق، یوق، قاپو چالینوب ده قادیلری کورونجه  
یوردم اوفاق برهوب ایتدی دیسه بالان سویله مش اولورم.  
اکلادم!.. کوروجی! کو... رو... جی!!..

— بعدالتوقف —

بوکلن کوروجیلر بکا، اولیله می؟.. دها دون — اون بش  
یاشنده کی بتون قیزلر کی — بوکونک کچیکدیکنی دوشوندجه  
حیاتمدن بیقیور، اولومی ایستور، اوفاق برشیده قیزجه اوخلقنه  
«الله جانمی آلسونده آنکزدن قورتیلهیم!» دیوردم. ها،  
هانکی قیز بنم کی بلاسب «الله جانمی آلسونده قورتیلهیم!»  
دیرسه، اوقوجهیه وارمق ایستیور دیمکدر؛ بونی اکلایویرملی!!..



بر قېز لساندن :

حسب حال

## ایلك كوروجی

قاپونك او كندن سوسلو بر عربه چكدی . ینه كری دوندی .  
كچر آ ... دونر آ ... بوندن طبیعی نه اوله بیلیر ؟ چین ... چین !..  
قبو .. بوده طبیعی . مسافر لر .. بوده طبیعی . مردیون باشنه  
كیتدم ، باشمی اوزاتدم : ایکی خانم ، یانلرنده بر خلائق .. بوده  
طبیعی . دیر كن اشاغیده بر تلاش ، بر قیامتدر قوپدی .. بو طبیعی  
دكل ! دادیم ائتكلری ایاقلرینه طولاشه رق ، باصام اقلری ایکیشر  
اوچر صیچرایه رق یوقاری چیقدی . صولوق صولوغه :

— شی ، دیدی ، شی كوچك خانم ...

— شی نه ، شی کیم ، دادی ؟..

— اونلر ایشته ، شیلر جانم !.. آ ، والله شیلر !.. سن

بویله شیله اولماز .. شورایه شیه کیر .. هایدی ، بورالرده



ايلڪ ڪوروجي

— اوکھی فکر لر صاحہ ایمش ! والدہ نک — الفبادن باشقہ  
 برشی او قومامش ، شمدی یہ قدر بزم اؤک خارجندہ نہ اولہ ۔  
 بیلہ جکی احتمالندن بیلہ بی خبر — برخلافی وار ایدی ۔ اونی  
 آلم ۔ پک کوزل سوکوک دیکور ، راحت ایدیورم !  
 رفیقی سورکلی برقهقهہ صایویردی ۔  
 وجیہ پک کمال جدیتلہ دیدی کہ :

— محبتدہ کی سعادتلر ، صفالر ، علویتلر ، یالکز خیالات  
 ایلہ تجلی ایدیور ایمش ! تاهل کبی مادیتدہ ، اوطنطنہلی  
 لذتلك ، اوپری صفالرینک دوشونلدیکی کبی حاصل اولہ میہ جغفی  
 اکلام ۔ آنک ایچون بو بویله اولدی عزیزم !

۱۰ تموز ۱۳۰۹





کنج : کوزینک اوکنده آفوردی بوزولمش پیانولرک ، رنکی اوچش رسم لوحه لرینک خرده خاش اولدیغنی ، وزنی بوزولمش منظومه لرک ، فورطنه یه اوغرامش خزان یاپراق لری کبی برر برر اوچوشدیغنی کوریوردی .

آز قالدی اونوته جق ایدک : وجیه بک ایکی کون صوکره قیزدن : « تنده جانم ، محبتلی جانانم ... اکر طرف احوالمدن سؤال بیوریلورسه آتشفکه پریانم ... » طرزنده غایت فنا برخط ایله برمکتوب آلدی . حمدان آفاقنیاب اولدقدن صوکره خاطره اضطراب اولق اوزره صوک علاجی صاقلایان آدم لری کبی وجیه بک بومکتوبی ضایع ایتمه دی . خصوصی کاغدلرینک آراسنه ادخال ایتدی . بوندن صوکره فلاکت زده وجیه نه امید ایتسه نه یی سوسه او آنده آیاغنک آلتنده درین براوچوروم پیدا اولدیغنی حس ایدر ، اونی طولدرمق ایچون هفته لرجه چالیشور ایدی .

## §

بووقعه نک اوزرندن آلتی سـنه کچدی . وجیه مأموریتله آوروپایه کیتمش ایدی . بورایه کله لی آلتی آی اولدی . سوقاقدنه بر رفیقنی کوردی . استفسار خاطر دن صوکره آرقداشی دیدی که :

— ناصل ، ینه معلوماتلی قالدین آرایورمیسک ؟

— تاهل ایتدم .

— آمان ! کیملکه ؟ ناصل ، برلکده کتابلر تألیف

ایدیورمیسکز ؟

برکناره چکدی . کولکه کبی بر آغاچک آلتنده طور دی .  
نظریله سودیکنی تعقیب ایتدی .

بوکون کوچک خانمک یاننده برتازه دها واردی . بونلر  
بر آزیوریدیلر . او ، اطرافنه باقندقدن صوکره قیدسزجه  
مکتوبی یاننده کنه اوزاتدی .

وجیه بردنبره کُری چکدی ؛ ضربان قلبی طور دی ؛  
آووجلری قاپاندی ؛ کوزلری آچلدی .

یاننده کی تازه ، مکتوب بیرتمغه آلمش بر صاحب معاملات  
کبی ، ظرفی کونشه طوغری طوتدقدن صوکره کنسارینی  
منتظمجه ییرتوب اوقومغه باشلادی . او ، گاه آیافلرینک اوجنه  
باقییور ، گاه لاقیدانه مکتوبک سطرلرینه عطف نظر ایدیوردی .  
مکتوب بیتدی ؛ هیچ برشی آکلادیغنه دلالت ایدر بر طور  
ایله رفیقہ سنک یوزینه باقدی . قونشیدیلر ؛ کولشیدیلر ؛ اوتہ کی  
تازه مکتوبی قویننه قویدی .

بوصیره ده وجیه ک دماغنده بربورادر قوپدی ! یینده  
اساس خیالاتنک کاملاً چوکیدیکنی ، هرج و مرج اولدیغنی  
کورییوردی . اورادن سنده لیه سنده لیه چکدی .

بد بخت وجیه ! برصوک چاره ده مراجعت ایتدی :  
والده سنی قیزک اوینه کوندردی : بوقیزک تحصیل علومدن زیاده  
سوکوک دیکمک اوکره دلمش ، اختیار ، زنکیکن برقادینک  
اولادلغندن باشقه برشی اولمادیغنی آکلادی . زواللی حساس

برقاج کره اوسیه مست کوزلره عائد خیالاتی اُک آجی کوز  
 یاش-لریله ترطیب ایتمه دن حرارت قلبی اطفایا ایده میوردی .  
 عشقک ، سعادتك ، پدر و والدہ-سَنک یتمز توکنمز نطقلری  
 خلافه ظهور ایدن بو موفقیتک ، رفیقلرینک سزرنش-لرینه  
 قارشو ، بو انتقامک لذائذی کوکلنی تلطیف ایتدیکنی حس  
 ایدیوردی . معترضلرک کافه-سَنی مغلوب ایده جکندن مفتخر  
 ایدی . وجهک وجدانه تنفیذ نظر اولنسه اوراده برآز  
 اثر خود بینی بولنه بیلیر . بلکه بو محبتک شدتنه اونکده دخلی  
 واردی !

سودیکنی ایکی دفعه دها کوردی . نهایت بر مکتوب یازمق ،  
 همده تجربه قلم یولنده بر منظوم مکتوب یازمق ایسته دی .  
 رومانلرینک عاشقانه قسملرینی کاملاً قارشیدردی . اوچ کیجه  
 چایشدی . یازمخانه سنک یشیل چوخه سی اوزرینه دوکولان ،  
 چنلرده کی سحر شبنملرینه بکزه یین ، کوز یاشلرنده سودیکنک  
 تمثالنی کوره کوره منظومه یی تکمیل ایتدی . برقاج کره  
 اوقوددی . هیچ بکنمده دی . مؤثرک کوزلاکنه قارشنی اثری  
 یک چرکین کوردی ...

دوداقلری حرارت ایچنده تیره یوردی . کوزلری  
 قارارهرق ، باشی دونه رک کوز یاش-لریله مملو اولان بو مکتوبی  
 تقدیم ایتدی ...

آجی آجی تبسم ایتدی . یوره کنده کی خایجان ، کناری آتراغانلی  
او کورده ز فراجه سی وتوللو شمسیه سی ایله کوزینک اوکنه  
شرقلیلره مخصوص ، بر خرام طاوسانه ایله کزینن سـودیکنک  
کله سـنه مانع اولیور : — کیم بیلیر نه قدر فاضلدر ؟ کیم بیلیر  
نه کوزل پیانو چالار ؟ کیم بیلیر اوسـودا کزین حره سرای  
عصمتنده ارچیره دستی مهارتی نه لطیف ، نه شاعرانه لوحه لری  
واردر ؟ اونلری نه ده کوزل تنظیم ایتشددر ؟ کیم بیلیر نه کوزل  
فرانسجه بیلیر ؟ اوخ ! او منظومه عشق سحر حلالی ، او  
آسمان محبتک نور هلالی سیاه قاشـلرک بر تنقید ادبی نتیجه سی  
اوله رق چاتلدیغنی کورمک قدر سعادت تصور اولنورمی ؟

اوخ ! ازدواجـلرک دها ایـلک کیجه سنده نه قدر منظومه لرم  
وارایسه هیدنی کنـدیسنه او قویه جغم ! تنقید ایتسون ؛ یالواره جغم .  
عجبا عیبی اولور ؟ پدرم اک سـودیکنی تاریخک بویله مینی مینی  
برکوزل ملک طرفندن فیلسـوفانه محاکمه ایدلـدیکنی ایشیتسه  
کلینی نه قدر سـوه جکدر ! عجبا ، بابام ، اوغلنک ایستدیکنی کبی  
برزوجهیه مالک اولدیغنه سـوینه جکمی ..؟

وجیه بویله برطاقم خیالات طالعـلری میاننده غلطان  
اولدقدن صوکره یرندن قالقه بیلدی . هر کیجه یاتارکن سـودیکنی  
رؤیاده کورمک ایستدیکنی حالدده بر دورلو موفق اوله میوردی .  
خیالاتی فراموش ایده جکندن عادتاً قورقـیوردی .  
وجیه شمـدییه قدر آغـلامق نه در بیلـمـدیکنی حالدده ،

سو دیکنک ارا به سنه عودته منتظر اولدی . وجداننده خوف و سروردن مرکب غریب بر پریشانلق حس ایدیوردی . جرأتنک موجب نفرت بر تجاوز می ؟ یوقسه ، شایان مسامحه بر اثر تمایلی ؟ بر عادیلگی ؟ عداولنه جفندن متردد ایدی . کوچک خانم عودت ایتدی . آرا به نك ایچنده ، یابانچی بر دمتک بوینی بوکمش طور دیغنی ، کورنجه اولا ترددی ایما ایدر بر طور ایله ، اطرافنه باقدی . وجهک اوراده بر پریشانی ساکتانه ایچنده موراردیغنی کوردی : بنفشه لرك اوندن اولدیغنی آکلادی . منی منی قلبی ، اوافق اوافق چارپدی . بلا اختیار سینه سنده آتشی بر اضطرار بحق حس ایتدی . دمتی اُلنه آلدی ؛ قوقلادی ، وجیهه باقمه یه رق یانسه بر اقدی . زواللی چوجق ، نتیجه حاله انتظاراً اولوم ترلری دوکمه باشلادی . سائرلرینه کوره عدم موفقیتدن معدود اوله بیله جک بوصورت قبول وجیهه ایچون بر نائلیت فوق المأمول ایدی . بو مغرور اطواره جداً مفتون اولدی .

اقشام خانه سنه عودت ایتدیکی زمان دوشونمکه باشلادی . ذهنی پریشان ایدی . شیمدی وجیه سوکیلی پدرینک ، شفقتلی والده سنک کنیدیسنه توجیه ایتدکلی خطا بلری آکلایه میور . وطالغین طالغین یوزلرینه باقدقدن صوکره ، بردها تکرار ایتلر ایچون رجا ایدیوردی .

اوطه سنه کیتدی ؛ بر کتاب آچدی . صحیفه نك برنده کوزلرینه ایلیشن بر کله ده اونی کوردی . یوزینی ایکی آلری آراسنده صیقه رق

رفتاری ایله بر مجسم سودا ایدی . قویی کووه ز ، برطار فراجہ  
 کیمشدی . وجهک میلاتنی ، اضطرابنی کوزلرندن اکلانجه  
 مینی مینی دوداقلرندن ، برنور آل ابتسام پارلادی . معند چوچق  
 بومغورور قادینده ده قصور ارادیسده بوله مینجه قلباً « ایستدیکمی  
 بولدم ! » دییه فریاد ایتک ایستدی . قلبنده کی خلجانی بلکه  
 کوزلرندن اکلار امیدیه ، بوکوزل خانمک یوزینه باققدن بردرلو  
 کندیسنی آله مادی .

او ابتسام ، اوچیچکلرک ، شفقلرک ، بهارلرک ، سحرلرک  
 برغنجہ اوستنده تجلی ایدن انواری ، وجهک دل و دماغنده کی  
 مشوش اضطرابلری ، مظلم ترددلری درحال ازاله ایتدی .  
 پیش چشمنده قوس قزح لرله مستور دریالر ، سر و سیمینلرله  
 مزین افقلر کورونمکه باشلادی .

عودتده یورهک چارینتیلری اراسنده باشنی آرابه دن طیشاری  
 چیقارهرق ، ایلری یه طوغری ، مدنکاه ایتدکجه ایکی آرابه بیننده  
 نورانی سعادت ایزلری پیدا اولدیغنی کوردی . وجیه حال  
 پریشانیسنی رفیقنه اکلایماق ایستوردی .

برهفته کچدی ، وجیه ایرته سی جمعده مسعودیتنی تجسس  
 ایچون سعدآبادہ کتدی . او ، اوراده ایدی . آرابه دن اینهرک  
 راطب چنلر ایچنده کزنمکه باشلادی . وجیه ، بک اوغلنده  
 مخصوصاً اعمال ایتدیردیکی بر بنفشه دمنی تیتره یه تیتره یه بوش  
 آرابه نك برکوشه سنه براقدی ، آرابه سنک یاننده براغاچه طایاندی .



مبالغه‌سز — یوز قدر قادینک قلمله تصویرینی مطالعہ ایتلی !  
 وجیهک بواحوالی آرقداشلرینک آره‌سندہ بنجہ‌ده معلوم ایدی .  
 برکون کندیسنه سرزنش ایدرکن بکا دیدیکه :

— بنجه صرفانی ، علمی کندیسنه معادل اولمیان برزوجهیه  
 مالک برقوجه ، عینیلہ یکچشم بر آدمه بکزر . آجانم ، یاش-امق  
 اولنیکله قائم دکل آ ! کندیمه مکمل بر رفیقہ بوله‌مازسم ...  
 بکار یاشارم ...

وجیهه تدقیقاتی ایلرلندکجه وقادینلرک نقصاتی دها زیاده  
 آکلادکجه ، دائرهٔ انتخابی طارلاشدیریوردی . عجبا ، بو قدر  
 خلق ایچنده وجیهه لایق برزوجه بولونه‌میه جقمی ؟ عجبا ، بو-  
 چوجوق ژورنالنده ، بر قیز حقنده — احوالیه استهزا ایتهدن  
 — متمایلانه برایکی سطر یازمیه جقمی ؟

## §

وجیهه کوپرو اوستنده بر قیزه راست کلدی ؛ تعقیب ایتدی ؛  
 اقامت ایتدیکی خانہ پی اوکرندی .

بهار گلشدی . وجیهه هر زمانکی رفیقیلہ برابر کاغد خانہ‌یه  
 کیتدی . اوراده بر آرابه‌ده بوقیزی ینه کوردی . بو خانم وجیهک  
 نظردقتی زیاده جلب ایتدیکندن حالی ، اطوارینی تدقیق ایچون  
 آرقه‌سندن آیرلمادی . بوقادین اوزون بوی ، سیاه پارلاق کوز-  
 لری ، اک لطیف پنبه کلرک رنگندن لطیف پنبه یاناقلری ،  
 سیاه جاذبه‌لی قاشلری ، نازلی اندامی ، حزین اطواری ، متعظمانه

وجیه بورالرده دکلدی . اڤیکي اوقودینی بر رومانك  
حکمنی خارجه تطبیق ایچون هرکون بر باشقه فکر ایله طوللا-  
شیدوردی . رومانلر تجدد ایتدجه افکار عاشقانه ده یکیشیوردی .  
هریکی رومانه کی مهم اشخاصه کنیدیسنی بکرتمکه چالشیوردی  
وجیه ، یاقیشقلی برکنج اولدیغندن بتون قیزلرك کنیدیسنه  
باقه جغه قائل ایدی . اکثریا بویله ده اولوردی . فقط — هیات  
که ! — وجیه سوه جکی برقادینله فلسفه مباحثاتنه ، تاریخ  
محاکاتنه ، اثار ادبیه تنقیداتنه کیرشمك ایستردی !

کنیدیسنی دخواهی وجهله برزوجه انتخاب ایدمه جکمی  
آکلاینجه والده سنه حسباتی دور ودراز آکلاته رق اويله برقیز  
آرامه سنی رجا ایتدی . حتی بر آره لق مطلوبه موافق اولدینی  
روایت ایدیلن برقیز ایله ازدواج ایچون تلاشه دوشدیکی صروده  
« اساساً وجیه بك مطالعه ایله پك زیاده مشغول ! اولدیغندن  
کوچك خانمك کنیدیسنه ویريله میه جکی » خبری کلدی . بوخبر  
کسکین ، اینجه برخنچر کبی زواللی کنجک یوره کفی دلدی .  
والده سنه اغبرارینی کوسترن برنظر فیرلاتدی و او طه دن طیشاری  
چیقدی .

وجیه کوردیکی ، کوروشدیکی قادینلرك احوال روحیه سنه  
تنقیدات اطوارینه دائر ژورنالنده صحیفه لر طولدورردی . بو  
ژورنالی کورملمی ده دروننده کی یوز قدر قادینك — اوت ،

ایده‌یم . مکمل بر قیز بوله‌مام دیه قورقیورم . قورقیورم ،  
ننه‌جکم ! اولنه‌میه‌جکم ! قورقیورم !

والده‌سی شفقتی اظهار ایدر بر طورله وجیهک کوزلرینک  
ایچنه طوغری باقهرق :

« ایستدیکک کی بر قیز بوله‌جغندن آمین دگم ، اوغلم ، دیدی

## §

وجیه بر ایکی قلم آرقداشی ایله برلکده اوطوریوردی .  
مصاحبه‌لری موفقیت عاشقانه‌یه انتقال ایتدی . هربری‌کندی  
سرگذشت عاشقانه‌سندن بحث ایتدی . بری‌ده وجیهک کوروبده  
پک بایاغی عد ایتدیکی بر قادینله معاشقه‌سنی آکلاتدی . وجیه  
جمله‌سنی عدم تنزل ایله دیکله‌دی . هیچ برینی تقدیر ایتدی . لکن  
ینه بر ارقداش‌نک جمعه کون کوچک صوده کزر ایکن نائل  
اولدینی التفاتلره غبطه ایتمکدن کن‌دیسنی آلامادی .

تجربه‌سز چوجق کن‌دیسنی جداً سون قوم‌شولرندن ،  
اقرباسندن بر قیزک یازدینی بر مکتوبه ، ایچنده بر ایکی املاخطاسی  
بولدیغیچون جواب بیله ویرمدی !

والده‌سی بر کون پدرینه دیدیکه : « وجیه ، کن‌دیس کی ،  
دائماً مطالعه ایله مشغول اوله‌جق بر زوجه آرایور . وای حاله !  
أوینک ایشنه کیم باقه‌جق ؟ سو کوکلرینی کیم دیکه‌جک ؟  
— خانم ! اونلر سوزدر . ایسته‌دیک کی بر قادینک  
بولنه‌میه‌جغنی آکلارسه ناصل یوله کلیر ؟

رفقاسنك يانلرندن آیرلدقدن صوكره بونلر « وجیه ایدر ، اما اخلاقی بك اكلاشلمز » دیرلردی .

بعضیكره یازی ماصهسنك اوكنه كچهرك ، آتیسى ایچون نه درلو بر خط حرکت اتخاذا ایده جكنی دوشونور . تأهلك بك فنا اولیه جغه حكیم ایدركی اولوردی . ماصهسنك قارشیسنه تصادف ایدن پنجره دن افقلره باقار ، وبر طاقم خلیالره مشغول اولوردی .

وجیه بو خولیالرده ایكن والدهسی یاواش ، یاواش اوطهیه کیردی . بر قولتوغه اوطوردی . كوزلكنی بوروشمش آلنك اوستنه قالدیروب اوطهده کی رسملره ، فوطو-غرافلره بر نظر بی قیدی فیرلاتدی . وبر مدت صوكره جریان مکالمه یی تألهه ایصال ایتدی . وجیه والدهسنك توصیه ایتدیكى بش آلتی قیزك كافهسنه بر قصور بولدی : کیمینك یورومهسنی ، کیمینك سوز سویلمهسنی : کیمینك مطالعهیه مراقی اولمادیغنی بهانه ایتدی ، حتی بری ایچون « تأثیرسنز كوزلردن خوشلانم » دیدی . لکن هیچ برینه « كوزل دكلدر » دیمه دی . وجیه بك والدهسنك بو غریب جوابندن متحصل اضطراب دروتی تسکین ایچون علاوه ایدیوردی :

— نه جكم ! اولنك برمعمای حیات ، برمستله مغلظه در .

حلنده جزئی بر خطا ایلریده اوقدر اهمیت کسب ایدركه عادتاً انسانی جانندن بیقیدیرر . آله جغم قادینك مزاجی مزاجه تمایله او یغون اولملی كه ، مسعودیت نه در ؟ ناصل شیدر ؟ بنده تجربه



## توجیه و حیه

وجیه بك ، یكرمی بش یاشنده و شبابنك اُك بحرانی هكافی  
 خیالاتیه برقات دها تشدید ایتش حسیاتنه تابع برکنج ایدی ،  
 هر شیئه لایق اولدینی درجه دن زیاده اهمیت ویرر، تدقیق احوال  
 روحیه اوزه نیردی . حقیقتی ده خیالاتنه تطبیق ایتك ایستر ،  
 بالطبع موفق ده اوله مز، آنك ایچون کیمی کورسه اولا بدبختلغندن  
 بحث ایدردی . بر انسیاق منتظم صافیتله جریان ایدن حیاتی  
 بعضاً بك عادی بولور، حیاتی شمشعه لاندیره جق برشی، بر محبت  
 اراردی ، بك اوغلنی سودیکی حالد اوجعلی نشئه لردن، نشئه سز  
 قهقهه لردن ، تأثیر سز نوازش لردن اصلا خوشلانمزدی .

بو حالك اسبابی اكلامق ایسته ینلره «بو مخلوقلر، بر درجه یه  
 قدر ، فلو برك ائماسنه ، دوما زاده نك مارکریت نه بکزه مدکدن  
 صوکره انسان کندینی نه یه آلداتلی ؟ » دیردی . اکثریا وجیه






~~~~~  
توجیه وجیه  
~~~~~

کوریندی و طونوق و بی مال بر چهره ایله وسیمه ساده  
وروحسز بر :

— الله ایصمارلادق .

دیدى و کیتدی .

۲۰ تموز ۱۳۱۱



ظرفك اوستنه براقیوردی . كوزلری طالدی . شیمدی كچمش  
زمان كوزینك اوگندن تكرار كچبور . واونی اودقیقه لرده تكرار  
باشاتیوردی .

بوصیره ده شدتلی برروزكار اُسدی . شیمدی كاغلدر  
صاچلرله برابر آشاغی یه طوغری اوچیوردی ، همان فیرلادی . صانكه  
بوفرسته مترقب اولان برقی رلانغیج ، وسیم بكدن اول طاورانوب  
خیزله یره سورونورك ، اوچان صاچلری غاغانه آلدی . هوالاندی ،  
وسیم بك شاشالادی و آرقه سندن قوشمه چالیشدی ایسه ده  
كاغلدردن باشقه برشی بوله مدی . باشی قالدیردی و اوچان قوشی  
برمدت تعقیب ایتدكن صوكره :

— اونلرله بن ، بن یووامی تزیین ایده جكدم . دییوردی .

## §

بر هفته صـكره وسیم بك اوغلنده طوغری یولده « مادام  
بلوندل » اولدیغنی سویله دكاری ته آئی چیپلاق باجاقلی ، عریان  
قوللی ، طاغینق صاچلی مینی مینی چوجغنی آلدن طوتمش  
سرعله کیدرایكن کوردی .

« مادام بلوندل » طوردی . کوریشدیلر ، ازدواجی سویله دی ،  
نهایت « لیلی » نك فلورانسده « تیفو » دن وفات ایتدیكنی خبر  
یردیكى زمان ، بوقادین آرتق اوزاقلرك سیدلری ایچنده آغیر  
آغیر غائب اولان ماضی بی ، شبابتك اوشـعـریتلری آراسنده  
مدفون اولان محموم و کریان ماضی بی كاملاً اونوتمش

ایکې طامله یاش اوراجنی ایصلاتدی . بلکه ، ته آ ، نک درت  
سنة اولکی یاشلرینه قاریشمشلردی .

اکثری چاملرک قورومسندن اوراسی بر میدانجق حالنه  
گلشیدی . وسیم بی تاب ایدی . طور دینی یره ییقلیووردی . او  
درت سینه اولکی ابتساملرک ، قهقهه لرک ، امللرک ، سرشک  
آلود ، پزمرده صارارمش بر حالده ، طوپراقلرک آراسنده ، پامال  
اولدقلرینی کورر کی اوانجه کوزلرینی قاپادی . بودقیقه ده هوسات  
نامتناهی بشرده ایکې قطره یاشله برابر کوزندن دوشیدی .  
آرتق کندیسندن بیله نفرت ایدیوردی .

بوکون هوا پک صیجاق ایدی . صانکه حرارت ، سمانک ،  
دریانک رنگینی بیله صولدرمشدی ، دکزده ، کولده آچیقلی ،  
قویولی ، اوچوق چیرکین ، کیرلی بر مائیلکده مشهود ایدی .  
بورایه مخصوص اولان سرت بر روزکارینه عینی شدتله  
آسیور . یاقینده رفونده چیچکنک اوستنه تترمین ، بنکلی بر کلک آرتق  
وسیمک نظر دقتی جلب ایده مدی . پالطوسنک دوکملرینی  
آچدی . یان جیبندن ایکې اوفاق ظرف چیقاردی . او تنده کی  
یازیلری بر حس احترامکارانه ایله اوقودی . دروننده کی ایکې  
دسته صاحبی آغیر آغیر دوداقلرینه کوتوردیکی زمان کیرپیکلرینک  
اهتزازندن تکمیل روحنک ، دوداقلرینک اوچنه کلدیکی آکلا-  
شیلووردی . آلرینی ناتوانی تأثیرات ایله یاننه ، یادکار عشقه ده

شیمدی پنجره نك اوكنه ايكي سرچه قونمش مسرتله صچرامغه ،  
 اوتشمكه باشلامشدى . اوزاقدن چاملغه كيدن يولده براوفاق كلبه وار  
 ايدى كه ؛ بوكون قاپوسنك اوكنده چامور ايچنده چهره سى ، لكه ايچنده  
 انتاريسيله بر كوچوك چوجق او طور مش كره ميد دو كيوردى .  
 درت سنه اول ، بر صباح « ليللى » و « ته آ » ايله چاملره كيدر كن  
 بوكلبه ده هنوز بر چوجق طوغديغنى خبر آلمشلردى . آووقات  
 همان دفتر خاطراتنى آچدى . چوجقك ... سنه سى اغستوسنك  
 اون ايكنجى جمعه ايرتسى كون تولد ايتديكى بولنجه چوجقك  
 ياننه كلن والده سنه بوتارينخى تكرار ايتدى . قاديغنز متحيرانه  
 تصديق ايتدى . وسيم كندى كنديسنه « بوچوجق مسعوديتك  
 بر تاريخ حياتى » ديدى . شيمدى يه قدر كنديسنك ده ميفى ميفى  
 بر چوجقنى اوله بيله جكنى دوشوندى . خودين ماضيسنه سرزنش  
 ايتدى .

چاملرك آراسنده بر زمان كچدكلرى يوللردن كچرك ، اويشيل  
 آشيانه يى ، اوصاچيلان كللى آرايوردى . اويوواده مى اوچدى ؟  
 اوكلرده مى قانادلاندى ؟ دييوردى . ديكر چاملره پ دوريله مشدى .  
 بر حيات قالان يالكىز اوچام ايدى كه اونك كوتوكنه اسمارينك  
 ايلك حرفلرني حك ايتمشلردى . نه غريب بر تصادفدر كه اونك ده «ل»  
 حرفيله « واو » ك بر قسمنك محكوك اولديغنى قابوق دوشممشدى .  
 يالكىز « ت » اوقونه بيليوردى . وسيم بكلك ايلك سوداسى بوراده  
 مدفون ايدى . كنجك قاپانمش كيرپيكلرينك آراسندن دوشن

کیدییوردی. اوروپادن کله لی برهفته اولمشدی. ماضیسنی زیارت  
ایچون ایلمک دفعه آطیه کلییوردی. متفکرایدی. خاطر اتنک  
تأثیرالمناکله کوزلری طالمشدی.

کنج آووقات درت سنه ایچنده خیلی دیکشمش، هیئت  
عمومیه سنه حس اولنور درجده بر آغیرلق، بر «بیلکیچلک»،  
طوری کلش، بیقلری اوزامش، چهره سی قیزارمش، سمیزله مش،  
تنه لطیف برنک اصالت چوکش دهـا کوزلشمشدی.  
دیزلرندن آشاغی یه کیدیکی برپارده سویی سراپا ایلیکله مش، اوجی  
ایکری، برکراز باستونی باش آشاغی طوتمش، اوجیله لوسترینلی  
بوتینلرینک اوستنه اورییوردی.

سوریحیلرک آوازه لریله، قالدیرملری شـیقرداته رق درت  
نعله قوشان مرکبلره بینمش، مور فستانی، آل ژیللی، بیاض  
سرپوشلی برطاقم قادینلر، چیغله بکزه ین قهقهه لر فیلاته رق  
ویالانلرک مشینلرینی غجیرداته رق، وسیم بکک یانندن کچورلردی.  
وسیم رولاندیلرک خانه سنک اوکنده طوردی؛ بوسنه کرایه  
ویرلماشدی. نظریله «لیلی» نک اوطه سنی دراغوش ایتدی.  
اؤک صاری بویاسی اوچش، معجونلری بیاض لکه لر شکلنده  
کوزوکه که باشلامشدی. اوصاریشین پری آشیانه سنک پانجورینک  
برقنادی، رزه سی قوپدیغندن، بویوتی بوکش، صارقیور.  
روزکارک شدتیله صاچاقدن قویان اوزون برتنکه بورو  
صالانیوردی. بوأو، فقط برقلب کبی نهـانی خراب ایدی.



اوده بو تکلیفاته لطیفه لرله جواب ویریوردی . بوسره ده  
وسیم بک ته آنک یوزینه باقچه ، اومتحس قیزک او صول  
اوصول آغلادیغی کورمز می ؟ کنج اونی تسریر ایچون  
لطیفه لر ایجاد ایتدی . ته آنمناک مندیلمی یانه براقشدی . آووقات  
اومندیلی « بنی هر زمان دوشوندیره جک بریادکارک اولسون »  
دیهرک آلمق ایستدی . فقط ته آ :

— آراق لزوم قالمدی .

حکم قطع یسیله ممانعت ایتدی . لیکن همشیره سی صاحبلرندن  
برمین مینی دسته جک کسه رک ، کنجه ویرنجه وسیمک اصرارینه  
طایانه میهرق ، کوزلری محمور ، یاناقلری آل آل اولدینی حالمه  
اوده لیللی یه پیرو اولیووردی . کنج ایکیسینک ده صاحبلرینی  
آری آری برر اوافق ظرفه قویه رق ، اوستلرینه ده تاریخلرینی  
یازدی . یلکینک جینه قویدی . آفشام اولمشدی . عودت ایتدیلر .  
کنج آووقاتک یوم حرکتی کلمشدی . وداع غایت حزین  
اولدی . او آفشام وسیم بکک راکب اولدینی لوئید قومپانیاسنک  
« اورانو » واپوری حرکت ایدرایکن ، کنجک وجدانی زهرناک  
برعذاب ، مهیم برندات استیلا ایتدی . شیمدی آلری یلکینک  
جیلرنده اولدینی حالمه سونوک نظریله آطه لره طوغری باقیور :  
— عجبا شیمدی نه یاپورلر ؟ .. دیووردی .

§

درد سنه صوکره ینه وسیم بک ، آغیر آغیر چاملغه طوغری

— کوجنیزدیه ترجیحکی بزدن صاقلایورسین ، بر قرعه  
چکرز: باقلم . کوکلاکی کیم قازانه جق ؟ بوصورته سن تردددن  
(همشیره سنه بر نیم نظر مستهزیانه فیلاته رف) « ته آ ، ده آجی  
بر اُنْدیشه دن قورتلمش اولور دیدی . وسیمدن الدینی کاغددن  
اوفاقه ایکی پارچه کسه رک برینه کندی اسمنی دیکرینه  
همشیره سنککنی یازدی . کاغدلری بوکدی .

کنج ذاتاً مسئله بر جدیت رنکی ویرلمسندن طولایی  
دوشدیکي موقع مشکلدن قورتلمق ایچون چاره آرار ایکن  
لیللی نك بولطفه سندن ممنون اولدی .

— واقعا ، پك آمریقالی کاری بر محبت اوله جق ايسه ده ...  
دیه رک اوزاتیلان کاغدلردن برینی آلدی . ته آیه کوز اوجیه  
عطف نظر ایتدی . کوکسنک حرکات ، اضطرابه سی کوزیکوردی .  
کاغدی آچدی . « ایللی ، !!! یازیلیدی . ته آ صاراردی .  
همشیره سی سوره کای برقهقهه صالیویردی .

— بو صایلمیه جق ، هایدی ! بر ایکنجی تجربه طالع دها !  
لکن بو دفعه هرکس حقنه راضی اولمی ، دیدی . ته آینه  
حرف واحد تلفظ ایتدی . قرعه ینه « لیللی ، یه تصادف  
ایتمشدی . حویپه قیز اوجازبای عزرائیل کوزلریله ته آیی  
سوزه رک :

— بزه دکل ، طالع کوس ! دیدی . ووسیم یکی یانه  
دعوت ایتدی . کنج بونلری هپ ملاطفه ظن ایتدیکندن

لیللی کلرله اوینایوردی . ته آ و سیمک صاغ الینی آووجنک  
ایچنه آلمش ، یوزوکنی کندی پارماغنه کچیرمهک چالیشیر ایکن بر  
طور متجاهلانه ایله بقتہ دیدی که :

— وسیم سنک قاج کوکلک وار ؟

کنج بوغریب سهـؤاله قارشى نه دیمک لازم کله جکنى بیله -  
مدی ده صافدرونانه :

— بر ...

جوانی ویردی وکولنکه باشلادی .

— اويله ايسه ، ايکى محبت بر قلبه صيغمـاز . طوغرو  
سويله ! هانکیمزى چوق سويورسين ؟

— ايکيکزی ده سورم !

— ديمک که هيچ بريکزی سوميورسين .

— حقیقهٔ ايکيکزی ده عینی محبت ، عینی احترام ایله سودیکم  
ایچون بریکزی دیکریکزه ترجیحده معذورم . لکن بی  
هانکیکز دهـا زیاده سهـودیکنى بيلمیورم که .. دیدی . فقط  
یالان سهـویله دی : « ته آ » نک محبتی اولدن بری حس ایتش  
ونهایت کچن اقشام بوتون بوتون تجربہ ایتشدی . « لیللی » نک  
مشرب شوخانه سی ايسه ، اويله محبت جديہ ایله اشـتغالہ مانع  
ایدی .

دمیندن بری سهـکوت ایدن « لیللی » عدم اهمیتی معان ،  
لاقیدانه کوله رک :

بر رایحه خفیفه کیله غنچه لرك ایچنه اوزاندیلر ؛ بومنظره پك  
 حزن ایدی . یاقینده بوکلر صوله حق ، بوقهقهه لر آغلايه حق ،  
 بو محبت هجران اوله جقدی .

محبته مادیاتك بالنسبه اهمیتی یوقدر . اومغبوط صفالر ،  
 علویتلر یالکیز تخیلاتمز ایله قائمدر . ینه بوسبيله ، خیالی واسع  
 اولمایانلر محبتدن لذت آله منزلر . صمیمیات عاشقانه دائمًا تأمین  
 محبتدن ، عدم اعتماددن ، تکریر سرزنش-دن عبارت کبی بر  
 شیدر . تاساطیر اولین افسانه لرندن بو آنه قدر عینی سوزلر ،  
 عینی نظرلر ، تعاطی ایدلمش ایکن بوابدی س-وزلر دوکلدیکی  
 دوداقلرک اهتزاز آتشیندن مال نوین ، نکات دلش-ین آلیر  
 کبی هر زمان باشقه بر کوزلله کده ، باشقه بر مغفاده منجلی  
 اولمشدر .

بوکون پك آز روزکار وار ایدی . اوکله صیجاغی طبیعتی  
 طورغون برحاله کتیرمشدی . یوکسکده سکونت ایچنده طورر  
 کبی اوچان بر چایلاق ، کنیش قانادلرینی آچش ، معلقده بر  
 سیاه نقطه شککنده کوزیکوردی .

شیمدی چاملرک اوکس-کین رچینه قوقوسی اطرافه دها  
 زیاده یاییلمشدی . حرارتلی بوسه لرله لبالب کبی صیجاق طوران  
 کولکه ، بو اوچ روحک چهره لرینک بر قسمنه طاغینیق برحاله  
 چوکمشدی . قارشیده دکز ، تازه بر کلین سینه سی کبی پریشان  
 بر خلجان ایچنده کوزیکوردی .

صوکره نظریله ، دوداقلریله ، قاشلریله یالواریر کبی برطور ایله :  
— برابر کیدم دیدی .

## §

وسیم تدارکات سفریه به باشلادی . آرتق اوصفالی ملاقاتلر ،  
اوکیلی تصادفلر برنک حزین هجران آلدی . مادام رولاندی  
« تریکزدن ممنون ، لکن بزی ترک ایده جکزدن محزون اولیورز »  
دیوردی . کنجک کوکلنه نفوذ ایدن برنظر اوراده پک منفرق  
أملر کوره جکدی . اوروپا حیاتی ، اساطیر پریری کبی توللره ، کلره  
مستغرق برحاله شمیدین کوزینک اوکنه کلیور وزوالی ماده ازل  
رولاندیلرک محبتلری یاواش یاواش انکساف ایدیوردی . وسیم  
بولونندن اونلره رنک ویرمه مکه چالیشیور ، ده طوغریسی  
کندی بیله حسیات قلبیه سنی تمامیله اکلایه میوردی .

برپازار کونی ایدی . ایرکن بیوک آطیه کیتدی . ائنده  
ایکی پاکت اولدینی حالدۀ عودت ایتدی . اوکله ایدی . طوغری  
چاملقده او « یشیل یووا » یه ائنده کی پاکتلیک برنده کی صاری  
کلری صوله ، پنهلری صاغ طرفه یه سرپیویردی . بو آراق  
رولاندیلرده قوشه قوشه کلدیله باشلرینی کونشدن محافظه ایچون  
اورتکلری ایسکلی غازلرک اوچلری کلبک قانادلری کبی روزکار .  
دن اوچیوردی . ایکسی بردن :

— باق بوکون عشقه قنادلر ویردک دیدیلر . وسیم :

— ایشته بنده اوکا کوزل بر یووا یایدم ، دیوردی .

وسیم بک بوکیزلی موفقیتدن متحصل سوینجندن کنیش کنیش  
نفس آلیوردی . ایسته یوردی که یاننده برطاقم رفیقلری بولنه رق  
بوموفقیتنی کورسونلرده ، سعادته غبطه ایتسونلر ...

آرتق ایکسی ده شاپقه لرینی باشلرینه قویمشلردی . ایکی  
دقیقه صوکره پدر ووالده لريله برلکده قاپودن چیقديلر . وسیم  
خایت اوزاقدن اونلری تعقیب ایتدی . ته آنک کنديسنی سودیکندن  
آمین ایدی .

اونلر مدعو اولدقلری خانه یه کیردکدن صوکره وسیم  
عودت ایدر ایکن دوشونه رک :

— لیللی یه آلدسه لر ی نه قدر یاقشمشدی . دیدی .



— مأموریتله اوروپایه کیدیورم .

لیللی ایله ته آ برلکده جواب ویردیلر :

— بزی آلداتیورسک ، وسیم .

برطور جدی ایله تأمین ایتدی . ومع مافیه بر آی قدر دها  
بورادهیم . دیوردی ته آ ، برشیشه قرار ویرمش کبی قاشلرینی  
چاآدی . کنیش برنفس آلدی . لکن بو قرارندن ینه پشیمان  
اولمش کبی درمانسز برحاله ، کوزلرینی یراده کی اوافق قایا  
پارچه لرینه عطف ایتدی ، بویله جه دوشوندی ... دوشوندی



کرییه چککدی ؛ قارشیدهکی ییقیق دیواره طیرماندی ، خالی  
عرصهیه آتلادی . بوکیجه نجوم مینی مینی کوزیکور . روزکار  
یوق ، یاراقلر قیملدایور ، زقاقدن کیمسه چکمیوردی . وسیم  
کندیسنده بریورغونلق حس ایتدی . کوشهدهکی چارپوق برانجیر  
آغاچنه اتکا ایتدی . آللرینی آرقیه قاووشدیردی .

لیللی ایله ته آ او طه لرنده تووالترینی یاپیورلردی . لیللی  
قورسه سنی کیمش ، صاچلرینی طوپلامش ، چهره سنی ،  
بیلاکلرینی ، کردنی پودره لایوردی . آووقات اوپودره نك  
ایلیق شمیم حلاوتی حس ایدرکی اولیوردی . ته آ هنوز  
کیجه لك البسه سیله صاچلرینی طارایور . کوکس علتنه مبتلا بر  
اختیارك نوبت سهالدن صوکره درمانسز نفس آلمه سی طوریه  
وسیم باشنی یاواشیجه آغاچه طایادی . کندی کندیسنه « بورایه  
کلدیکمه نه قدر اینی ایتدم . یارین آ کلاتیرسه م شاشاچقلردر »  
دیوردی وسیم ایسته دی که قوشه قوشه او طه لرینه کیرسینده  
کوزللاکلرندن اونلره حرارتلی حرارتلی بحث ایتسین .

ته آ تووال ماصه سنك اوستندن برچیچك آلدی . بو  
صبح ویردیکی بیاض قاملیایه بکزه یوردی . کنجك ایری ، سیاه  
نظری قارالقدده پارلامغه باشلادی . اوك ایچنی ایجه تفتیش  
ایچون آغاچه طیرمانمق ایسته دی . بجره مدی . آیاغنك اوجنه  
باصه رق یوکسلدی . ته آ قاملیایی دوداقلریله یاواشیجه اوقشادی  
وقورسه سنك آراسنه کیزله دی ؛ همده آلله کوکسنه باصدیردی .

آجی بر یأس دوشدی . اقشامه قدر والده سیله کوروشدی .  
 لکن عقلنه کلنی دکل ، آغزینه کلنی سویله یور ایدی . اونلرک  
 آیاقلرینه قاپانه رق کیتمه ملرینی رجا ایتمکی دوشونیور ، لکن یینه  
 درحال کندی کندیسنه « پوخ ! بنده نه بدلایم ، دیوردی .  
 بوکیجه ساعت برده وسیم بک والده سنه دنه حکم شیمدی کلیم »  
 دیدی بیقلرینی بوکه رک قاپودن چیقدی .

اولا ایکی رفیقہ نك مدعو بولندیخی خانیه قدر کیتدی ، بنایي  
 متجسس بر نظرله برقاج کره سوزدی ؛ قوجه کارکیر قوناغی بر  
 تکمه ايله ییقمق ایسته رکی قاشلرینی قالدیرمش ، کوزلرینی آچمش ،  
 یومروقلرینی صیقمشدی . کیم بیلیر شوصالونده نه قدر کنجلرله  
 رقص ایده جکلردی ؛ اونلرک نه محرق ، نه مخرب التفاتلرینه  
 مخاطب اوله جکلردی . زواللی ! حقیقه بودقیقه پک زواللی  
 ایدی . متصل « قیصقانیورم ، لیللی یی ده پک سویورمشم ! »  
 دیردی . اونک بومسامرده کوره جکی دلیقانلیلری کندیسنه  
 از قضا ترجیح ایده بیله جکندن قورقیوردی . اوراجقده بر  
 آینه اولسه ، کندی چهره سنی ، مشکلیسند بر اختیار رسام کی ،  
 تدقیق ایده جکدی . آلاری آرقه سنده ، متفکرانه یوریمکه  
 باشلادی . رولاندیلرک خانه سنک اوکنده طوردی . ایکی  
 همشیره نك اوطه لری متصل ایدی . باشی قالدیردی ؛ ته آنک  
 ماوی ، لیللی نك آل آباژورلرندن سیلان ایدن لامپه لرک ضیاسی  
 تول پرده لردن سوزیلهرک وسیمک کوزلرینه چارپدی . یاواشجه

کیرمدی . اونلرده وسیمک طرز تلبسندنه بکنمدهکاری بر طاقم  
شیلری اخطار ایدرلر ، مثلاً : دها قویو فس ، اوزمانلر هنوز  
مودا اولان « راباتو » یاقالقلر ، رنکلی فرنک کومدهکاری  
کیمسنى ، قویو دوه تویی رنکندنه بر قوستوم یاپدیرمسنى ، حتی  
بیقلرینی « البروس » تنظیم ایدرسنه کنندینه پک یاقیشنه جفنى  
سویلولردی . وسیم بوصافیانه اخطاراته کولومسردی . مع مافیه  
ینه لیللی نك توصیه مکرره سی سایه سنده وسیم دها دیک وکوکسنى  
کره رک یوریمکه باشلامشدی . وسیمک رسمنى ایسته دیلر ، بونلر  
ایچون آلدیردینی فوطوغرافینک آرقه سنه « پک چاپک اونوتیله-  
جفندن أمين اولدیغنه ، دائر برجه له جک یازیویردی . کوجندیلر ،  
کولوشدیلر .

بر کیجه ینه ملاقات موعود ایدی . صباحلین بولوشدیلر .  
وسیم کتیردیکی ایکی بیاض قاملیانی آنلره تقدیم ایتدی . ته آ  
سینه سنه ، لیللی قوشاغنک اوک طرفنه ایلشیدیردی . وبو کیجه  
برمسامریه مدعو اولدقلری ایچون بولوشه میه جقلرندن اعتذار  
ایتدیلر . ته آ وسیمک کوزلرینک ایچنه باقه رق :

— اکر آرزو ایتمز ایسه کیمه یز وسیم . دیدی .

کنج بودعوتی قبوله تشویق ایتدی ، ایکسی کوله رک  
« طارلمدک آ... طارلمدک آ... » تا کیدیله عودت ایتدیلر .  
ته آ آریلیرلر ایکن دوداقلرینی اوک طوغری اوزاته رق  
خشنودسزلق علائمی کوستردی . وسیم اوه کلنجه ، کوکلنه

دوشونور هیچ بر قرار ویره من ، برنده : نشنه کبی شیرین بر  
 پارلاق ، دیگرنده : تفکر کبی نامتناهی بر سکونت حس ایدره  
 برینک : اوزون کیرپیکارینک زمینلکنک دوداقلرینه سوروندیکنی ،  
 دیگرینک : سیاه صاچلرینک شمیم نار کتیریندن سرمست محبت  
 اولدیغنی تحیل ایدردی . اوده کیجه یالکز قالنجه لیللی نک  
 بیانوده چالیدیغنی مؤثر بر والسک تا کندی اوطه منه قدر واصل  
 اولان متموج آهنلکنک تأثیریه دوشونور ایکن نومیدانه بویوتی  
 بوکه رک « اونلر بی سومیورلرکه ! .. » دیردی .

کنج صبا حلین دکزه کیدرکن اکثری اونلره تصادف  
 ایدر ، بر پارچه دیکلنمک بهانه سیله چاملردن متشکل ، قالیپونک  
 مغاره منه بکرتدکاری ، یشیل یووا جقلرینه التجا ایدرلردی .  
 بعضاً متجسس بر آوجی ویادربدر بر کچی جوانی بونلرک  
 خفاخانه عشقنی کشف ایدردی . بو آشیانه تنهاده نلردن بحث  
 ایتزلردی ؟ ته آ اکثریا بر طاقم متجا اهلانه سوؤلار ایراد  
 ایدردی . هله اونک منفعل و متردد جوابلری اوحزن ایله  
 هم رنک کوزلرینه نه قدر یاراشیردی ! بر فونده چیچکندن ،  
 حقیر بر یاراغ ورنجیه قدر یکدیگرلرینه تقدیم ایدرلر ،  
 مودادن ، فلسفه دن ، حاصلی هرشیدن ... هرشیدن بحث  
 ایدرلردی . بر دفعه کنج آووقات ، کل کبی زمین بر قولاغی ،  
 معدن بر حلقه کچیرمک ایچون ، دلمه نک علیهنده بولندیغنه دائر  
 محاکمه عندیغنی درمیان ایندی . لکن کسه نک قولاغنه

یوروشلر ایدی . لکن صفالرندن بردورلو طوروب  
دیکنه مزلردی .

روزکاردن بی تابانه سالانان یشیل یاپراقلرک میلانی  
کندیلرینی سایه لرینه دعوت ایچون تحریک اولنان آلر قیاس  
ایدرک ، اورادن اورایه قوشارلر ، سانکه آغاچلرک کافه سنی  
محظوظ ایتمه چالیشیرلردی .

ته آیله لیللی پنجه سنبللره بورونمش بر کوزلاکله ،  
یورغونلقدن چهره لری هجوم دمه اوغرامش کسیک کسیک  
صولویه صولویه والده لرینک یانه کیتدکلری زمان ، صغوق آله جقلر-  
ندن بختله ایکی اختیار قادینک ایچریه طوغرو چوکمش ،  
پور صومش دوداقلرندن شفقتلی تویخلر صاحیلور ایدی .  
بر کون وسیمک تکلیفی ایله هر زمان سایه سنده بختیار  
اولدقلری بویوک چامک کوتوکنه محبتلرندن بر خاطره قالمق  
اوزره اسملرینک ایلك حرفلرینی حک ایتدیلر .

## §

وسیم ، بک اوغلنه ایندیکی زمانلر ایکی همشیره یه مینی مینی  
اطلس طوربه جقلرده بون بونلر ، درازه لر کتیریر ، راست کلدیکی  
قادینلرک توالترلی حقنده اونلره معلومات ویرر ، اونلر ایچون  
فیغارو ایللوستره لر ، مودا غزته لری اشترا ایدردی . عودتنده  
واپورده بوهایاهای شبابتک نتیجه سنی ملاحظه ایله ، لیللی ایله  
ته آنک هانکیسنی ترجیح ایده جکنی دوشونور... دوشونور...



باقیه‌رق ، برطاش اوجاغندن صارقار . بوسره‌ده لیللی ایله ته آ  
 بلندن صیقیجه طوتارلردی . ته آقورقوسندن صول ایلله  
 یوزینی اورتر ، دیشلرینی صبقاردی . چیچکی قوپارایسه چوجق  
 کبی سونیرلر ، وسیمی التفاتلره غرق ایدرلر . بری عشوه‌لرله  
 فسنی سوپورور ، دیکری نوازشرله بویون‌باغنی دوزه‌تیر ایدی .  
 نهایت قوشه‌قوشه یورولنجه وسیمک یره سردیکی ژا کتتک  
 اوستنه اوطوریرلر . لیللی یشیل چام دالترینک پریشان ایتدیک  
 صاچلرینی دوزلتک ایچون ، بوتون بوتون چوزدیک صیره‌ده  
 خیرچین روزکار ، اونلری کنجک یوزینه آنجه ، لیللی درحال  
 باشنی کری‌یه چکهرک وسیمک چهره‌سندن آلریله چاپکجه  
 اونلری طوپلار واصراره باقیه‌رق اورمک بهانه‌سیله دهاطاغینق  
 لکن دها دلفریب برحاله قویاردی .

لیللی نک ، ته آنک سودا نواز عشوه‌لری کنج آوقاته محبت  
 فزون برنشئه ویرردی : اوصاریشین‌پری ، برشی آکلاتیر ایکن ،  
 پروازانه برحرکت سریعه ایله کنجه یاقلاشیر ، باشنی اونک  
 اوموزینه طوغری آغیر آغیر تمایل ایتدیرر . آلرینی اونک  
 صیجاق آلری اوستنه قوردی ، بوسره‌ده انفاس متلاشیانه‌سنک  
 دواقلرینه سورندیکنی وسیم حس ایدر ، تیترایدی . ته آسحرک  
 نسیم باریکیله آچیلمش یاسمینلر قدر بیاض ، زمین بیلکلرینی  
 وسیم بکه کوسترمک ایچون اولملی که شیطن‌تکارانه برشیوه ایله  
 صیجاغی بهانه ایدرک یکلرینی صیواردی .



بك پارلاق ديه ترجمه ايتديكى اشعارى مادام بكنمزدى . حقى  
بركون حافظك :

« دل ميرود زدستم صاحب دلان خدارا »

« درداكه راز پنهان خوا هشد آشكارا »

مطلعى غزل مشهورى كمال اهميت له ترجمه ايدر ايكن ،  
اختيار مادامك ياواشجه أسنه ديكنى كورنجه وسيم مغبر اولمشدى .  
بعضى كونلر ، وسيمك والده سى ده برابر اولدينى حاليه  
جملة چام ليانسه كيدرلر ، ايكي اختيار قادين ، حكاية ماضى به  
باشلامه لرندن بالاستفاده ، وسيم ، ليللى ايله ته آي آلهرق آل آله  
طاغه چيقارلر . چام قوقولرينك ويرديكى نشملرك اغفاليله  
كلبككلره اويناشيرلر ، قوشارلر ، سرچه لرله چيغلقلر قوپاريرلر ،  
قوش يووالرى بوزارلر ، ياورولرى اوپرلر ، غاغاچه ليرنى  
ايسيريرلردى . بونلرك كورولتيسندن ، چاليلرك آراسندن يشيل  
كرتنكلر ، قورو يپراقلىر چتيرداتهرق صاغه ، صوله فرار  
ايدرلر . وچالى قوشلرى تلاشله اوچارلردى ؛ يانيق كى سياه بر  
منظره حاصل ايدن ، قارت چام آغاچلرينه طوتونه رق ، چاملرك  
فرسوده ، صارى يپراقلرينك اوستندن قايارلر ايكن ته آ بر قايا  
يارچه سنه چارپهرق دوشر ، معاونتنه شتاب ايدركن وسيم ده  
يووارلانجه مسلسل ، برقهقهه طاغه عكس ايدر كيدرلدى .  
أك اوافق برشيته ، معاسز برسوزه كولكجه كولرلردى .  
كاه وسيم عادى برچيچكى قوپارمق ايجون ، اونلرك محالفتنه

زمان ، ایری دوداقلرینک اوچلری حالا کولومسه یوردی . بو  
ابتساحق صباحه قدر اوراجقندن اوچادی ...

بر موعده ملاقات تعیین ایدیله جک کونلرده وسیم ، قومشوسی  
موسیو رولاندینک اوینه کیدر . بعضاً باغچه ده یاس-مینلرله خانم  
ألرندن ، صاری کلردن معمول قمریه آلتنده مادام ، مور  
دامارلری چیقمش آللرینی آغیر آغیر تحریک ایدرک ، کوچولمش  
کوزلرینک اوستنده کی قوجه کوزلرینک یاردیمیله دانته لرینی اکیله  
چالیشیر . ته آرومانی اوقور ، لیللی دیکیشنی دیکردی . وسیم  
کاه غزته لرده کوردیکی حوادثی نقل ایدر وکاه ته آنک آجدینی  
مباحثه ادییه بی ندیمک ، اکرمک خاطرنده کی شعرلرینی ترجمه  
ایده رک قالدینلری اکلندیرمکه چالیشیردی . بویله آره صره  
ادیاتدن بحث ایده ایده ، اونلری شعر امزک مسلك ادیبلرندن  
خبردار ایتشدی . آرتق مادام رولاندی بعضاً معهود کوزلرینک  
آلنه قالدیره رق ، سیره ک دیشلرینی کوسترهرک ادیب-آتمز  
حقنده رایلر بیان ایدیور . مثلاً : شیخ غالبک حسن وعشقی  
فضولینک لایلا ایله مجنوننی ، فنه لونک تلماقنه ، کوته نک فا  
اوستنه بکزه تهرک بو آدملا اثبات اهلیت ضمننده بر طاقم  
غیر طبیعی موهوماتی توصیف ایتشلر . فقط اثرلرینک مرور  
زمانله طرز تحریرلرندن باشقه مزیتلری قالمیه جغنی بیلهمه مشلردر .  
هله فاوستک ، بسته سی برطرف ایدیلنجه ، زمینی کنج-لرک  
روحنی صیقه جغنی طبیعیدر دیوردی . غریبدر : اکثر باوسیمک

شوقا شوقه قارشى ، تلاطم بادخزانه اوغرامش صارى يپراقلر کي ،  
دونه دونه کردابلر تشکيل ايدرك اوچديلر . ايکي ياننده ايکي قاناد  
کي اوطوران ليللى ايله ته آنک ، يوموشاجق سودا ژيله لرينک  
تموجندن حاصل اولان ، سمعک دکل حسک ايشيته جکي ، نارين  
بر حيشيرتي وسيمک کوکلنه تأثير ، وايجه ايسکلى لباسلرينک  
تصادفاً آلرينه سورونمسي سوداسنى تحريک ايديووردى .

ساعت يشه قريب ايدى . ايشتميه ريك صندالدين چيقديلر .  
يکديکرينک قولتوغنه صيقى صيقى کيرديلر ؛ اغير اغير يورومکه  
باشلاديلر . يولى تمديد ايجون ليللى نك تشويقيله راست کلدکلى  
زقائه صابديلر . مهتاب آراسنده يوللرينى غائب ايتديلر . تا  
چاملقدن طولاشوب نهايت اوه عودت ايتدکلى زمان ، نصف  
اليللى ايکي ساعت قدر کچمشدى . آريلرلر ايکن برى برلرينه قارشيدن  
آووج آووج سلاملر سرپيورلردى .

آطه آطه اولهلى ، بويله شاعرانه بر عشق ودها طوغريسى  
بويله عاشقانه بر شعر کورمه مشمى . ليللى ايله ته آ ، اوطه لرينه  
کيررکن صوفده آلنده موم ، کوزلرى اويوش-شمش ، کيجه لک  
انتاريسيله مادام رولاندى يه راست کلدیلر . مادام حدت علامتى  
کوستردى . بوسرده وسيم اوطه سنده ، صاچلرينک آراسندن  
ته آنک آلنه براقدينى ايلک بوسه آتشرينى دوشدوردي ...  
يورغانه صيقيجه صارلدى . يورغون کوزلرينى قپاديني

اوج کنجك ده چهره لری بوکیجه پک پنبه ، کوزلری پک بارلاق  
ایدی .

ته آهمشیره سنک اصراری ، وسیمک نیازی اوزرینه  
ایتالیانجه بررومانس اوقومایه باشلادی . وسیم اوقویو قیرمزی  
غنجه دوداقلرک حرکات آهنگ فشاننه دقت ایدیوردی . شمدی  
اوغنجه بر بلبل اولمشدی . بو حساس روحک تیتیه تیتیه یوکمان  
محرق نواسی چاملره عکس ایدرک مهتابک دونوق نوریه امتزاج  
ایتدجه ، صانکه ، ولوله طبیعت ، آتشین برجاندن قوپان بوبلبله  
حزینی دیکله مک ایچون صوصیوردی .

یالکیز روزکار ، نازک ، نرمین روزکار ، اصول اصول  
ته آنک آتشی دوداقلرینه نوردن بوسه جکلر قوندیریوردی .  
لیللی نک ده کوزلری طالمشدی . وسیمک صاغ الینی آووجلری  
ایچنه آلمش ، دیزی اوستنده اونک پارمقلریله اوینایوردی .  
کنج آووقات ، خلیجان قلبی طورمش ، قوه حسیه سی ، خاصه  
فکریه سی طونمش ، کوزلری برشی کورمن ، قولاقلری برشی  
ایشتمز مرمرکی برحاله کلشدی . تحفدر : اوقودینی شعرلره  
رومانلره باقلسه ، وسیمک شمدی بر بارلاق خیال عالمنه دالمه سی  
لازم کلیردی . لکن زوالی هیچ برشی دوشونه میوردی .  
کجه لکک بعض حالری واردرکه ، اونلری آکلا ، قاکلا تمقدن  
دها قولایدر . اشته وسیم بویله استغراق ایچنده دیکله مکده ایدی .  
ماضینک مشققلری ، هجرانلری ، آه وایواهلری ، بو هوای

— باقك ! باقك ! كچديكمز يرلري ناصل آيدينلا تيورز .  
 دیدی . اولره قايلارك دكزه عكس ايدن قاراليسي سايه سنده  
 كوزيكن ياقاموزلري ارايه ايتدی . روزكار كاه خفيفجه وكاه  
 شدتله اينجه داللره چارپه رق قيصيق ، پریشان برصدا ايله دكزه  
 دوکوليور ، اوزاقده برقاق روم دليقانليسي « ماروليو » شرقيسني  
 چاتلاق سسليله تکرار ایدیور ، کوره کلرک مطرد صدالري ،  
 ايصالق قانادلرک چارپمسنه بکزر سسلر چيقاران ، طالعهلرک قايلارله  
 معانقهي ايشيديليور .. صيفيه لرک قارشيدن برپارلاق نقطه کبي  
 طوران تنويراتي تيره يور . طبيعت پک طور غون بر پریشانلق  
 ايچنده ، سيسدن برغازه سياهه صاريلمش ياتيور : مهتاب اوني  
 اوپيور ، روزكار اوني اوقشايور ، قوشلراوني اکلنديرييوردي .  
 وسيمک . مهتابي ، اغاچلرک ، دکرک ، روزکاک تموجي ،  
 مائي آسماني تماشا-ي بويکيجه ايلک دفعه دکلدی . لکن نيچون ؟  
 شيمدي يه قدر ملاحظه طبيعت موجود دکلشده يالکيز بويکيجه  
 وجوده کلش کبي حيرتندن مجلوب اوليوريدی . قوللريني قاووشده  
 يردی . بانئي آرقيه طوغري براقدي . کوزلريني آسمانه عطف  
 ايتدی . بويله جه طالدي ، کيتدی . شمدی ساحلده کي قايلرک کولسکلري  
 چهره سنه چو کيور ، ته آوسيمک متفکر کوزلريني بويله حزين  
 لطافت آراسنده تماشا ايدرکن ، قر ضيا-ني اوچنک ده پنه  
 چهره لرينه سرييور . اووقت وسيم بک ليلى نك مهتاب قدر  
 نرمين لپيقه صاچلريني ، نور نظريله بر کره جک دها اوقشايوريدی .



آرتق هرگون بويله جه معهود رومانی دکل يکديگر لرینک  
حياتی ترجمه ايله مشغول اولورلر ایدی . برآق برکجه ده او  
کتوم ، او تجربه دیده آطمنک ، ایصسر و وحشت نواز برکوشه .  
جککنده ، اسمرکبی ، آنکین کبی طوران بردکیزک قیيسنه اصابت  
ایدن ، صیق داللی بر آخاج آلتنده ، ظلمتله ضیانک امتزاجندن  
متولد طونوق بر نورک ایچنده ، تنی باغین باغین اوقشایان ، بیتاب  
برروز کاره بورونمش اوچ روحک ، رباب شعری قیصقاندیران  
نکته لی نکته لی مخاطبه لرینه ، ابتسام لرینه ، یالکیز مرمره نک  
آق صاجلی ، ساخورده ، کار آزموده طالع لر ی محرم راز  
اولوردی . بو کیجه مهتابک دکزه انعکاسی لاجورد بر چنزارک  
آراسندن برالماس ایرماغی جریانی آندیریوردی . باغچه لرده کی  
خروس لرک بيله بویارلقغه آلدانه رق ، طلوعی آلقیش لرکبی اوتو-  
شدکاری ایشیدیلیردی . چکرکه لرک ، جیرلاق بو جکرک لرینک  
مدید چیغلقلری هیج دینمیوردی . وسیم : « دکزه چیقسه ق  
ناصل اولور ؟ » تکلیفی درمیان ایتدی . قیصه برترددن سوکره  
قبول ایدلدی . اسکله یه ایندیلر . بویوجک بر قایق طوتلدی .  
ایچنه آتلادیلر . قایق او لاجورد خارملی آطلاسه بکزه یین  
طورغون ، ساکن سطح بحری بیرته رق یاواشجه ایلریله مکه  
باشلادی . کیج دومنی اداره اتمک ایچون اورتیه او طورمش  
صاغنه لیللی یی ، صولنه ته آی آلمشدی . دومنی آطمنک ساحل  
شرقیسنه طوغرو دوندیردی . باشی آرقیه چویردیکی زمان :



ته آبالاسنك دمينكى قطعى مخالفتندن ممنون اولمامشیدی .  
 آئنده طوتدینى بر قورو دال اوستنده كزینن قرنجیه كوزلری  
 منعطف اولدینى حالدہ ، اصولجه كولهرك :

— متردد ، حریص بر قلبه مالك اولان شووسیمك حیاتدن  
 شكایتلری باقالم نه کبی شیدر ؟ باری دیکلسه ایدك . دیدی . بو  
 جمله بلك پدش امعاننده بر بداهت منطقیه اهمیتتى آلدی . وسیمك  
 قلبی حقیقه حریص ایدی . کنج آووقات ایکی کوکلی بردن  
 قازانق دعواسنده ایدی . يمك زمانی کلمشیدی . اوه عودت  
 ایتدیلر .

وسیم . ته آنك اسمر چهره سیله اوزون کیرپکلرینه حزنی ،  
 لیللی نك مائی كوزلریله افسقه صاحلرینه شطارتی پك یاقشدیرردی .  
 حتی بر کون اونلره « چیچك اوله ایدیکنز بریکز بنفشه ، بریکز  
 کل اولوردی . » دیمشیدی . ته آنك اوفاق آلرینه ، برر مرسم  
 بوسه کبی پارلایان دوداقلرینك ، بیاض دیشلرینك کلخنده  
 تلاؤنه ، قلبنك صافیت مترددانه سینه ، اکثری دوشوندکجه  
 بوینی بوکمه سینه ، اوفاق کوزلرنده پارلایان بویوک بویوک نظرلره ،  
 سیاه صاحلرندن صاحیلان رایحه جاذبه یه باقدکجه یوره کی تیتیر .  
 لیللی نك اندام پریانه سینی ، چوجوچه قهقهه لرینی ، سوییلى  
 چلغنقلرینی ، اثنای تکلمده ، اوچغه چالیشان بر قوش یاورو .  
 سنك قانادلری کبی بر دوزی یه آلرینی چرپمسنی ، دوداقلرنده  
 متدایاً ترهر ایدن ابتسامی خاطرلدکجه پرنشئه اولوردی .

یتمز توکنمز ویزبلیلری کنجه بودقیقه ده بر آوازۀ تبریک قدر  
دلفریب کلیوردی .

لیللی ایله ته آ ، فستانلریله ایکی قنادکی هوایی دالغه لاندیره رق ،  
وسیمک ایکی یانه اوطوریویردیله . ته آألریله شقاقلرینک  
اوستنه دوشن ، طاغنیق صاچلرینی قولاقلرینک آرقه سنه اوطور  
معلوم ایله کوتوردیده دیدی که :

— اویله قراکلق تفکراته طالمق ایچونمی بویله صباح  
قراکلغنده بورایه کلدک ؟ سویله باقالم ؟

— اقدم ! حیات دنیلن شوهیولای موهوم !..

وسیم کندیسینه برج دیت سوسی ویره رک ، درمیان ایتک ایستدیکی  
جمله نی لیللی بتیرمکه وقت براقیه رق ، عصبی برچاپکک ایله  
کنجک دهاتی ، صول آلنک ، برایی کل یاراغی کبی پنجه ،  
نرمین آوجیله قیایویردی ؛ درحال بو اینجه جک تنک تأثیر  
آتشیندن اولملی که آووقاتک کوزلری آچلیدی . کیویه چکلدی .  
لیللی ینه اوأطوار لطیفه پرورانه ایله :

— آطه ده چاملرک آلتنده انسانی متاذی ایده جک شیلردن  
بحث ایتک ممنوعدر .

حکمنی اعطا ایتدی . کولشبدیلر . وسیم آرتق جدیتی  
تفسلفی ، اونوتمشدی . طفلانه برسوینج ایله باغردی که :

— اوخ ! سزکله بویله مائیلک ، یشیلک اراسنده دائما برابر  
بولنمق ایسترم .

سزمله شورایه ، طوپراغك اوستنه اوطوریکنزده ، بوصفالی  
یرلرك ، بكا نه مظلم فكرلر ویردیكنی اكلا تهیم . ، دییوردی .  
وسیم بوسوزی سویلر ایكن مجهول برسیله جمله سنك لسانی  
تیتزه مکه ، قیلیری چارپمغه باشلادی . بوضعف حسیاتك  
نظا هرندن اوچی ده صیقلدیلر . کنیشجه نفس آلهرق اعتدال  
دملرینی محافظه ایتك ایستدیلر ، فقط هیچ بری ده بجره مدی .  
اوچنك ده لسانی حالا تیتزه یوردی .

قاراكلك کیجه لرده ، چاتلمش قاشلری ، نمناك کیرپکاری ،  
تیتزه ین سیگرلری اوقشایه اوقشایه ، دماغه چوكن اورنك رنك  
شعاعات محرقه ، او محالات خیالیه بویله جه بغته وجود پذیر  
اولیویرنجه — نه دنسه — حساس کوکلره طاتلی ، هم پك  
طاتلی برخلجان قلبك عارض اولماسی ممکن اوله میور . بوچارپنتی  
عشقك نظا هراچون برتلاشی ، معصومیتك کیزلی برقورقوسی !  
ایمش . آمان نه اولورسه اولسون ؟! نه خوشدر او !! ..

## §

بوصباح ، روزكارك اینجه ، یشیل چام دالترینك تل تل  
یاپراقلرینه چارپمسندن متحصل او ، يك آهنگ نوای غنبرینی ،  
براستادك مضرا بندن جریان ایدن صبا تقسیمی قدر حس نواز  
ایدی . دریندن طوغری كلن چایر قوشلرینك ، سرچه  
سوریلرینك جیویلتیاری ، اغستوس بوجکلرینك ، آرلرك  
قیصیق قیصیق چیغلقلری ، کومه کومه اوچان اوافاجق سینکلرك

ايپكلى. ماوى پونژه كوملىكنى تيتره تەرك، صدف دوكمە لرك اراسندن  
 وسىمك سىنە سنى اوقشادقچە، نورلرە صارلمش صارى كلبكلر شكنندە،  
 اوچوشان، هوسات خياليە سى، هنوز طلوع ايدن كونشله برابر  
 يوكسلييور ظن ايدردى. سىغارە سى سونجه خيزله فرلاتدى  
 آتدى. ايكي قىرلانغىج تلاشله يره سورينەرك اوچييورلردى.  
 هوا سرين، يرلر، آغاچلر چى دانەلرندن هنوز نىماك ايدى.  
 چاملرك نشر ايلديكى، رايحە شيرين، صباحك جياتيله دها لطيف،  
 دها نرمين ايدى. وسيم فسنى چيقاردى. اوزامش صاچلرني  
 پارمقاريله طاغئدى. آرقە اوستى اوزانەرق صولديرسكنى حمام  
 طاقنىك اوستنە قويوب صاغ ايله طوتدينى بر اوافق كتابى  
 مطالعە يە باشلادىنى سرەدە، تام كتابك اوستنە بر قوزالاق  
 دوشدى. بو آندە ياقيندن فيرلايان بر قەقەھە ايله برابر، كنج دە  
 يرندن فيرلادى. آغاچلرك آراسندە رولانديلر كوردى.  
 آنلردە دكيزدن كلييورلردى. ليللى ديدى كە :

— وسيم بك، بويلە صباحلن هانكى كونشك طلوعنى  
 بكلييورسك باقالم ؟

تە آجوابە وقت براقىەرق « اكر اويلە ايسە سنى بد بخت  
 ايتدك، ديدى. وسيم اولانجه قوۋ نطقىە سنى طوپلادىنى حالە :  
 — امان نە سويلە يورسكز ؟ فرض ايدىكز كە ديدىكز كى  
 طلوع بكلە يورم، ايشتە، الله بريرينە ايكي كونش بردن ويردى.

اصطلاحات جدیددن نفرت ایده‌جکی طبیعی ایکن نه‌یه اگا  
بو یولده اداره افکار ایله‌مشدی ؟

آه! غیا بآرولاندیلرک، کندیس حقنده، نه‌محا کمه‌ده بولندقلرینی  
باری بیلیمش اولسه ... وسیم بوتفکرات ایله یاتاغک ایچنده  
یاریم ساعت قدر دوندکن صوکره او یویه‌قالدی .

## §

موسیو رولاندی بر دعوی حقنده استشاره ضمننده بر  
قاج دفعه آووقتک خانه‌سنة کلدی . مادامده وسیمک والده‌سندن  
منون ایدی . ایکی اختیار قارشو قارشویه کچهرک بری اوغلندن،  
دیگری یاریم بیرتق ترجمه‌سیله قیزلرندن بحث ایدرلردی . کنج  
زیارتلرینی صیقلاشدیردی . روماندن هر ملاقاتده یاریم صحیفه  
ترجمه ایدیلنج‌یه قدر اونلر بر رومان تشکیل ایده‌جک  
کوه‌زه لکلرده بولونورلردی .

وسیم ، بر صباح ، دکر حامی دونیشنده ، ساحله طوغری  
مدید ، ابکم بر اوغولتی ایله شعاعات شمسک آراسندن سوزیلن  
شلاله نسیمک آهنگ مطردینی دیکله‌مک اوزره بر رخاوت  
عصیه ایله چاملرک آلتنه اوزانیویرمشدی . پانطولونک جیبندن  
بر طور کاسلانه ایله چیقاردینی طونوق کوموش سیغاره  
قوطوسنی آچدی . بر سیغاره یاقدی . ایری دوداقلرینک آراسنه  
قیصدیروب یاناقلرینی شیشیره‌رک مائیمتراق دومان خلقه‌لرینک ،  
دونه‌دونه ، روز کاره پیرو اولدقلرینی تماشایه باشلادی . نسیم سحری

ز قاقده راست کلدیکی آدمیره، برر کولکه کبی، عطف نظر ایتمه  
 تنزل ایتوردی! اون، اون بش سنهک مشاق تحصیلك ثمره  
 شیرینی یالکز شو ایکی ساعتک موفقیتمدن عبارت اولسه ایدی  
 وسیم ینه بخیار، ینه مغرور اوله جقدی. کنجلك بو!!...  
 خانه سنده باتاغه کیرجه یه قدر، بو کونکی سعادتی دوشوندی.  
 سفرده والده سینه، برادرینه قومشولرک تربیه سندن، خاطر  
 شناسلغندن بر چوق بختلر ایتدی. برادرینک استهزاسنه بیله  
 اوغرا دی؛ هله بر اجنینک صالوننه ایلک دفعه دخولنده  
 بو مرتبه جلب قلوبه، وخصوصیه مادام رولاندینک «براوو!  
 سز بر فرانسه قدر غرب ادبیاته واقف سکز، کبی بر النفاثه  
 مظهریتی، وآره صیره لیللی ایله ته آنک اوزون کیر پیکارینک  
 تقدیری ایما ایدر صورتده، آکسزین آچیلماسنی بوتون بوتون  
 فوق الطبیعه!! بر موفقیته عد ایدردی. ملعون شیطان بعضاده  
 کندیسینک کوچک قصورلرینی بیله اوپله بویولته رک نظر دفته  
 چارباردی که بوضربه نک تأثیرندن وسیمه، وهله بر مایوسیت  
 کلیردی: نهیه اثنای مکالمده لیلینک کندیسینه توجه ایتدیکی  
 خطاب ایشیده مدی ده تکرار ایتدیرمه که مجبور ایتدی؟ نهیه ته آ  
 چایی ویردیکی صیره ده تیرک ومعنی دار بر صدا ایله تشکر  
 ایتدی؟ نیچون نقل ایتدیکی رومانلرک برنده کی قهرمانک  
 اسمنی اونوتیور مشیدی؟

خصوصیه بر اختیار قادینک اوپله طبیعیون و تجربیون کبی



اولدی ایسه ده، قیزلرینک توجهلرینی جلب ایله دی . فقط یینه بویله متجاسرانه بیان رأیدن پشیمان اولدی . ترکیه تألیف ایدلمش بر قاقچ رومانک زمیننی حکایه ایتدیکی صیره ده ، مادام تشویقکارانه بر صورتده دیدی که :

— ایشته بویله نمونه امثال اوله جق اثرلری سهوهرم . شو نقل ایتدیکنز حکایه بی فرانسزجه یه ترجمه ایچون قیزلریمه یاردیم ایتسه کز ممون اوله جیم . اونلرکده وقتی بوش کچمامش اولور .

بیوک کریمه سی مادمازل لیللی بر طور نازکانه ایله :  
— بزی منتدار ایدرسکنز ، حقیقته شوایصنر آطه ده خوشجه وقت کچیرمش اولورز . سوزلرینی درمیان ایله دی .  
آقشامه قدر بویله کوکل آچیجی سوزلرایله ، امرار وقت ایدلاکن سوکره ، وسیم بک والده سیله کورشمک اوزره خانه لرینه کله جکی وعینی مادام رولاندیدن استیصال ایتدی . ایکی رفیق وداع ایلدکلری صیره ده مادام :

— وسیم بک ، سزی هر زمان بکله دیکمزی اونو تمیه رق ارتق دعوت بکله میه جکسکنز دکلکی ؟

کنج ، تشکرلرله سالونی ترک ایتدی . وسیم بک ، موسیو رولاندینک خانه سنندن چیقارایکن ، بوکونکی موفقیتندن کوکلنه اودرجه بر حس عظمت ، کوزلرینه اوילה بر نور سعادت طوغمش ایدی که کندی کندیسنک اقتدارینه حیرتندن !!!

یوزلی عائله لرك صفاسندن ، بوايكي كيجك ده چهره لرینه برحمت  
مستانه چو كدی .

ايرتسی کون ، ايكي آرقداش موسیو رولاندینك خانه سنه  
کیندیلر . اوسته بر مقصدارک اثر چیره دستی اولدنی کورون  
انکلیز قماشندن ، قویوقهوه رنگلی بر قوستوميله ، بیاض یلکینك  
آلتدن اوزون یاقالری در آغوش ایدن ، قویو یشیل پلاسترون  
بویون باغی ، طویارلاق آلارنی اورتن پودوسونڈ آدیونلری ،  
کنیش اوموزلری ، اوزونجه بونی ، منتظم سیاه بیقلمی وسیم  
بکه سویملی بر شکل ویرمشدی . . رفیق ، اونی مادام رولاندی به  
تقدیم ایدرکن :

— اووقات وسیم بك .

دیدى .

موسیو رولاندینك خانه سنده برقچ زائر دها وار ایدی .  
بحث یکی مسافرك بوسنه مكتب حقوقدن دیلومه آلماسندن  
بر طاقم مسائل حقوقیه انتقال ایتدی . مادام معلوماتلی ، مراق  
صاحبی قادین اولدیغندن قومشوسنك تربیه فکریه سنی موازنه  
ضمننده بر طاقم مباحثه زمینلری در میان ایتدی . کنج اووقات  
جمله سنی علایق اباطلدن وسفسطه دن عاری اوله رق حل ایلهدی .  
ادبیات بحشه ، لطیف لطیف استطرادلر علاوه ایدرک ، بزم الفتی  
شنلندیردی . وسیم یالکاز حکایه نویسارک طبعیون و تجربیون  
مسئلکنی ترجیح ایدنجه مادام رولاندینك اعتراضنه هدف




## بیل یووا

بوندن اوچ سنه اول ، اطه لرك اقشام پوسته سنی احرا ایدن  
آیدین واپورینک کوکرته سنده ایکی کنج قونوش یورلردی .  
نظرلرینک پارلتیمی ، خطوط وجهیه لرینک باشقه باشقه ابتسامی  
کنجلكك روحلی روحلی هوساتی تکرار ایتدکارینی ایما  
ایدیوردی . وسیم بك رفیقنه دیدی : — موسیو رولاندی  
قومشومن اولدینی حالده برمناسبت دوشوبده الفت ایدمه دم .  
ینی تقدیم ایدرسهك ...

— عزیزم . هله کریمه لری ، مادمازل لیلای ایله مادمازل  
ته آنک تربیه لری ، نزا کنلری ، معلوماتی ، خصوصیه کوزللكلری  
سنی خبلی دوشوندیره جکدر .

ایکی رفیق هکبه لی ده واپوردن چیقیدیلر . مرمره نك اقشام  
یواطه جقلره سرپدیکی موجه موجه جیادتدن ، نفحه نفحه سرینلکدن  
اسکله ده کی غازیئوده طوپلانهرق برر کلدسته شکلی آلان کولر



یشیل یووا

دیدیلر . آداب مستحسنة دینه مزدن اولدینی اوزره ینه عسکرلردن  
 مرکب برجم غفیر تابوتک قوللارینه کیره رک تعقیب ایتدیلر .  
 او محمل اخروی طالعه لانه طالعه لانه برناز روحانی ایله یوقوشدن  
 اینیوردی . قاره جه احمد مزارلغنه دفن اولنق اوزره اسکداره  
 امرار ایچون قباطاشه کچیرلدی . جاده یه کلنجه بزی برموزیقه  
 صداسی استقبال ایتدی . ایکی اوچ طابور عسکر ، بو عسکر  
 والد سنک تابوتی اوکندن - ماضیسنی بیلیرلر مشکی - برحس  
 غیبانی احترام ایله ، روحنه فاتحه لر او قویه رق آغیر آغیر  
 کچورلردی . بو ، بر شهید ننه سنه تصادفک صوگ بر مکافاتی ایدی !

۱۷ تموز سنه ۱۳۱۳





اوزاقلردن ، یوکسه کلردن طوغرو طالغهلانه طالغهلانه کلن ،  
تیتړک برسسله تلاوت اولنان اقشام اذانی بنی ایقاظایتدی . قمریه  
اوستیدن صولش کللر ، یاسمنلر نسیم مسانک تأثیریله بوقادینک  
باشنه ، کوکسنه ، قوجاغنه دوشیوردی . قالقدم ؛ نقیه خاله نک  
ایکی آلارینی اوپدیکم زمان ، حسنله حسینک ، اوایکی شهید مبارکک  
والده سی ، کلمه شهادتی تکرار ایدیوردی .

بووقعه نک اوزرندن اوج سنه کچمشدی . نقیه خاله برهفته دن  
بری آغیرجه خسته ایدی . بر صباح ایرکن اوایندم . هیچ  
اونوتام ، برجمه صباحی ایدی . اؤک ایچنده هرکسده بر  
سکوت ، بریأس مبهوت نمایان ایدی ... « سزلره عمر ، خاله  
کیتدی ! » دیدیلر . بن بو آجی نتیجه یه برقاج کوندر ایسته میهرک  
انتظار ایدیوردم . یوره که زهرکی برمرارت ، روحانی بر  
حشیت چوکدی . « آله رحمت ایلیه ! » دعاسی او آجینک ،  
اوبار مخوف یأسک آلتنده ازیان کوکلدن ، برسکوت کسه لان  
ایله دوکولیوردی .

خاله نک تابوتی باشنده قیرمزی یمنیسی ، اوستنده اسکیکجه  
یرشالیله جامعه طوغرو کیدیوردی . جمعه نمازندن سوکره  
پوتون جماعت جنازه نمازنده بولندی . بونمازی ادا ایدن جماعتک  
قسم مهمی نفرات عسکریه دن متشکل ایدی . ایدیلن دعایه  
پوتون اومرحومه نک چوجقلرینک سلاح آرقداشلری « آمین »

در سعادت عودت ایدن رفقاسنك روايتنه نظراً حسين اسير  
دوشمش ، دشمن اردوگاهنه كتورلمشدى . فقط بو حال نفسنه  
يك آغير كلديكندن رفقاسيله بينلرنده ويريلان قرار اوزرينه  
بر فورتنه لى ، ياغمورلى ، شيمشكلى ، ييلديرملى بر كيج ياريسندن  
صوكره قابورلى او كنده طوران نوبجى به هجوم ايله ، آتش ويردىكى  
ياقينده كى برجخانه صندوقك اشتعالندن ياره لنوب كنديسنى  
تعقيب ایدن دشمنك اله كچه مك اوزره ، يوكسك بر يارك اتكيدن  
آقان ايرماغه آتلمش . ايرته سى صباح بونى ارايان دشمن عسكرى  
جسد مباركنى ، پارچه پارچه دره نك ايچنده بولمشلر . بوسايه ده  
ارقداش لرندن اكثريسى ده قور توله زق ، اردوى هايونه عودت  
ايتمشلر .

بو ترك جوهرينك ، بو ترك تربيه سنك ، بو ترك قلبنك ،  
بو ترك شجاعتنك بر نمونه سى اولان ، بوايكى دلير دلاورك ، بوايكى  
شير رحمتك ، بوايكى قهرمان بارقه طينتك — ده اساده جه — بوايكى  
عثمانلنك خيال علويسى آره سنده قالان ، اويالى يمنيسى ، حنالى صاچلىرى ،  
ياسمين چوبوغى ، ضعيف كو كسنى نيم اورتن ، تميز حلالى كوملكى ،  
قوردىنى باغداشك آلتندن اوچلىرى كوزوكن سياه مستيله ، بونجه فدا -  
كار لغه مقابل - شوم مقدمه ليل حزينك اوچوق ظلالى آلتنده ، پاكيزه ،  
معصوم ، صاف بر تسليميت ديندارانه ايله ، قارشيمده بكا كولومسەين  
نقيه خاله نك حال خدا پسندانە سى پيش ابتصار مده بر لوحه بلند  
وبدايع تشكيل ايتدى . براسه تغراق عميق بهت ايچنده قالد .

« سن هر زمان دیمز می ایدك كه : » بن شهید اوغلی یم ، ان شاء الله  
 « شهید باباسی اوله جغم ، ایشه بابا دعاك قبول اولدی . او حسرتلی  
 « یارینه ، شهادته قاووشدی . هم غازی اولدی ، هم شهید .  
 « ان شاء الله بزرده اوکا قاووشورز . ظن ایدرم كه ایکی کون صوکره  
 « ایکی بر هجوم دها اوله جق ... باقی سنك وننه مك آلر کزدن اوپهرم .  
 « دعا کزه محتاجم . بی صورانلره سلام .

« بومکتوبی آلایمزك ملازمی ... بکه یازدیردم . کندیسیده  
 « سزی تبریک ایدیور و آلر کزدن اوپیور . »

اوغلکمز

حسین اونباشی

صولر قرارمغه باشلامشدی : کونش استانبولك آرقه سنه  
 طوغر و غروب ایدیوردی . اوزاقدن ، براسحق ، آره صره کسک  
 کسک اوتیوردی . کوزلرم صوالانمشدی . آقشامك ظل  
 ضعیف حزینی التنده — زیر ترابنده قیمتلی بروجودك بقیه عظامی  
 مدفون ، بر مزار طاشه بکزه یین — خاله نك صولمش چهره سنه  
 باقدم . حرکتسز طوریه — ور ، توتونی توکسمك اوزره اولان  
 چوبوغنی ایچیوردی . کاغدی یینه اولکی کبی منتظماً بوکدم ،  
 اعاده ایتک 'یسته دم ؛ « بکا بر کره دها او قوسه ك ... نه اولور ؟ .. »  
 دیدی . او قویه مدم ؛ حسینك ، او برادرینك شهادتندن متحسرانه ،  
 محرومانه بحث ایدن ضعیف وجودلی ، قوی قلبلی غازی  
 جوانمردك صورت شهادتی کوزمك اوکنه کلدی ...

« کورسہ یدک ! کوزمک اوکسہ سنک او محاربہ لردہ ایتدیکک  
 « هجوملر کلوردی . اونلری بزه نہ ط-اتلی ، آکلاتیردک !  
 « یارہ لرینی نہ سویجلہ کوستردک ! امین اول ، باباجم ، قارده شم  
 « سنک اولادلماہ لایق اولہ حق صورتدہ شہید اولدی . دشمن  
 « ایلریدن قرہ بولوط کبی کلوردی . بز ایکی بلوکن عبارت  
 « ایدک . ییلدیرم کبی بر هجوم کوستردک . ایلک حملہ دہ یوز  
 « باشیمزی غائب ایتدک . چاوشمزدہ یارہ لانتجہ قوماندایی حسن  
 « آلدی . آہ باباجم ، شویله اوزاقده بولنوبدہ ، حسنک « یا اللہ !  
 « دیہ باغیردینی وقت ایامرک آلتندہ کی طوپراقلرک ، باشمزک  
 « اوستندہ کی اوولوو اغاچلرک زانغر زانغر تترہ دیکنی کورمیدک  
 « شاشاردک ! نہایت دشمنی تپہ دن پوسہ کورتدک . قوغالامغہ  
 « باشلادق . اک اوکدہ چاریقلری چوزلمش ، فسی دوشمش ،  
 « باش آجیق ، یالین آباق ینہ حسن قوشیوردی .. قوشیوردی ..  
 « قوش کبی ، روزکار کبی ، آلو کبی قوشیوردی . بوسرہ دہ  
 « دشمن بردفعہ دہا دونمکی تجربہ ایتزمی ؟ ایشته اودقیقہ دہ  
 « حسنی یردہ کوردم . حرصندن حدتندن نہ یاپہ جغنی بیلیمورہ  
 « آلتندن دوکولن قانلر ایچندہ ، قیب قیرمزی کسیلن دیشلریلہ  
 « تتیکی چکمکہ چالیشیورہ ؛ تفیکنک ناملوسی ایصیریوردی .  
 « کوزلری کوکرہ مش قابلان کوزی کبی دیشاری فیرلامشدی .  
 « اونی ناچار اورادہ براقدق ، دشمنی تمامیلہ تارمار ایتدکدن  
 « صوکرہ یانہہ کلدم . کلدی کمی دویونجہ کوزلرینی آجدی .

— آمین خاله جغم !..

صوکره کوکسندن نسخه کی اینجه بر مشمعه صاریلی ،  
 بوروشمش ، قاب یرلری ییپرامش برکاغد چیقارهرق دوداقلرینه  
 کوتوردی ، صارارمش کوزلرندن آغیر آغیر داملایان بر ایکی  
 قطره یانله ایصلاتدی ؛ حسینک صوگ مکتوبی دیه بکا اوزاتدی .  
 » حقیقتلی باباجغم ، شفقتلی ننه جگم !

» اللارکزی اوپوب جمله یه سلام وئالر ایدرم . سزه برشی  
 » سویلیه جگم ، دهاطوغروسی دینزجه بر مرده ویره جگم ، اما اجیمیه  
 » جقسکیز ، اغلامیه جقسکیز . بابا ، ایسترایسه ک ننه مه سویله مه . هانی  
 » سن بوقدر محاربه کوردم ، لکن بردرلو مرانمه نائل اوله مادم .  
 » دیمزی ایدک ؟ ایشته تمام حسن مرانمه نائل اولدی ...  
 » شهید اولدی . اوچ کون اولکی محاربه ده برکیک کی چویکلک  
 » بر ارسلان کی ییکیتلک کوستردکن صکره شهید اولدی . الله  
 » رحمت ایلسین ! دوشرکن یاننده ایدم ؛ حقکزی حلال  
 » ایتمکزی رجا ایتدی . بر قورشونله شقاغندن ، ایکی قورشونله  
 » کوکسندن یاره لاشمش ، برکله ده صاغ آلینی کوتورمشدی .  
 » کندی ألمله کومدم . طوپراغه کیررکن ده چهره سی  
 » کولومسه ریودی . او ، اجدادمنک یادکاری ، سنک هدیگ اولان  
 » یاتاغانی ده برابر دفن ایدم . قیننی ده طاش یرینه باش اوجنه  
 » دیکدم . بیلیرسک که رحمتلی بونجه سنه در ، کیجه لری بیله یاتاغنه  
 » او ییاقله یاتاردی ... آه باباجغم ، دشمنه نه شدتله صالدرق ،

تازەلاڭ ، يېڭى كىلىنلەك نەغىرىدەر ، آيرلدىڭى كىچە ئاھلىسى قوجەسى  
كىندى كىندىسە :

بولۇق كوزل اولمازى ؟

يارىن حق دىوانىدە ؟

كوكسى آل آل يارەلى ،

نشانلىكى يانكىدە ...

دېيە برتركى سويلەش . قىزغىز بتون خستە لغندە كىندىسى  
غائب ايتدىكى زمانلر بوتركى يى تكرار ايدردى . شىمدى ، شىمدى  
بىندە آنجىق اولنرك بوخياللىرىلە وقت كچىرە بىليورم . آرتق بولنر  
بىم ايچون درت قاناددر ، دىكلى اولادم ؟ .. آھ ! ذاتا اولەك  
اولنچە بويلە غىزادە ، كىناھلر نىدن سىلكىنەرك كىتمەلرى اولى دىكىدر ؟  
آرقداشلىرىنىڭ سويلەشە باقىلىرسە اوچى دە آلندىن ، كوكسىندىن  
اورولمىش . آھ حسنەجەم .. نەيكىت ، نەقەرمان ايدى ! بكا كىدركن :  
« نەجەم ! بىنى آرقەمدىن اورولمىش دىيە ايشىدىرسەك ساقىن  
روحمە اوقومە . سىندن امدىكم سوت بكا حرام اولسون ! »  
دىمىشىدى . ذاتا اوچى دە اولمك نىتىلە كىتمەشلىرىدى . حسنەك  
شەھىد اولدىقى خىر آلنچە آغلادىغى كورن باباسى بكا دارلدى .  
كىندىسى سىجدە شكرانە قاپانمىشىدى . اوزماندىن برى نەوقت كوكلە  
بررقت ، بر آجى كلسە كوزمى قاپانچە اولنر كوزمك اوكتە  
يارەلرلە كلىرلر ، كولەرك اللرمى ، يوزمى اوپرلر ... انشا اللە  
سىندە اولادلىرىنىڭ غازىلىكنى كورپرسك .



ویرمشدی . باشمی یانمه چویردم . دیوارك كینارنده کی قالین  
 برکولسك نك آلتنده ، یاری یار اقلری قورومش ، دوکلمش ، توزلر  
 ایچنده ازیلمش ، یاریسی صولمش ، بوکولمش ، برچیچكك  
 اوچوقلنی ... اوتہ طرفده طوپراغه طوغرو چوکمش برقوری  
 کراز اغاجك منظره سی ، دها ایلریده کهنه ، بویاسز برکلبه نك  
 خرابی یأس آلودی . کوزمه ایلیشدی :  
 — مرحوملری یاد ایتدك دکلمی ؟..

یوزمه برنگاه شفقت عطف ایدهرک ، اسکی یارملرینی کوسترن  
 اختیار برغازی کبی حزین برنشئه ایلہ یاواشیجه « اوت » دیدی :  
 — بویله بریاز اقشامی ایدی . حسینجکمی صورمغه کیتمشدم .  
 بر ضابط دفترہ باقدقدن سوکرہ « یاقینده کله جک » دیدی .  
 سوکرہ چیقیوردم ، برنفر یانمه صوقولدی . « حسین آغا بزم  
 نائل اوله مدیغمز رتبه یه نائل اولدی ... شهید اولدی ... والده ! »  
 دیدی . آغلالمدم . ذاتا پدری بکا اونلر ممده ایکن « یاغازی ،  
 یاشهید ، دیبه سوت ویردیردی . نه اوکا ، نه حسنمه ، نه ده  
 دامادمه تأسف ایدرم . آخرتده بنی بکلیه جک شو اوچ قربانمدن  
 باشقه بر شیئم یوق . البت اونلر بکا شفاعت ایده جکلردر .  
 کوکللو کیدن دامادمک شهادت خبری کلدیکی زمان ، قیزم نه قدر  
 اولسه تازہ ، جاهل اولدیغندن خیلی تأسف ایتدی . ذاتا ضعیف  
 ایدی .. افلاح اولمدی . اوچنجی آی اوده مرحوم اولدی .

اسمرین بر روز کار ایله برابر، قریه نك یاری صارارمش آصمه،  
 یابانی کل دالاری آراسندن سوزوله رك، خاله نك یشیل نماز بزینی  
 خفیف نوازشرله اوپیوردی ... کائنات مهیب بر سکوت ایچنده ؛  
 آغستوس بوجکلرینك اوزاقدن ایشیدیلان اوغولتیسيله ،  
 باغك گوشه سنده کی حوضك ایچندن قوربغه لرك فاصله سز فریادی  
 اطرافه سرپیلیور ؛ اوزوم کوتوکلرینك ، کوندوزین حرارت  
 شمسدن ترس دونمش صاری یه مائل ، یپراقلری اوصول اوصول  
 تتره یور ؛ سس سز سس سز ، سرین سرین آسن آقشام  
 روزکاری اطرافده کی آغاجلره ، چنلره ، کیجه صفالره باغین  
 برطراوت ، نازنین بر تازه لك ویریور ؛ فضایه پك رقیق بر  
 « آقشام قوقوسی » یاییلیور ؛ طونوق مائی آسمانك اوته سنده  
 بریسنده بیاض بولوط پارچه لری حرکت سز کی طور ییوردی .  
 — خاله ، سلیمیه قیشله نی نه یه صور دک ؟ ..

— هیچ ! ..

بو « هیچ » شو مبارک قادینك بوتون عمری ، بوتون  
 سرگذشت حیاتی، بوتون ماضیسی ایدی . رنکسز دوداقلرینك  
 آراسندن ، بردعای لطیف ، بو آقشامك روحانی رونقه قاریشه رق  
 درگاه اجابته طوغری پرواز ایتدی . اوح ! شودقیقه پیشمه  
 اوچ شهید والده سی بو قادین نه علوی ، نه فرشته ی برلطافته  
 یوروندی ! کوزلرینك اوچندن طیران ایدن بر ایتسام نور  
 مفخرت ، بر شعله شفق اسیله بکا بر مستی حزین مغنوی

بروسه ده کچیرمش ، اوراده تاھل ایتمش ، اوراده چوجقلرینی  
عسکره کوندرمش بر مبارک اختیار ایدی .

نقیه خاله عسکرلکی ، عسکرلری پک سوردی . استانبوله  
کلدکدن صوکره ، اُک بیوک تنزهی اکثر جمعلر ، قباطاشه قدر  
کیده رک بورادن عسکرلرک عودتی تماشاً ایتک ایدی .

قره غوللرک اوکندن کچر ایکن نوبتجی یه « سلام علیکم  
اوغلم ! » دیه مطلقاً آشنالاق ایتک معتادی ایدی . یولده کوردیکی  
نفرلرله ، فرصت بولدقجه ، لاقردی ایتک پک مراقی اولدیغندن  
او فرصتلری هیچ غائب ایتمز . بعضاً اونلره یمش آلیر ، توتون  
آلیر ، ویرر ایدی . چوق دفعه لر خاله نک قالدیرم اوستنندن  
سوکمش ایری طاشلری — اوغلی کبی سودیکی عسکرلرک آیاغنه  
چارپوب انجیتمسین دیه — قالدیروب برکناره قویدینی واقع  
اولمشدر .

— اوغلم سایمیه قیشله سی بورادن چوق اوزاقیدر ؟ ..  
سایمیه قیشله سی طرفنه باقارکن — چوبوغاک دومانلری  
آرقه سندن ابدپیوند برخیا له قرارگاه اولان — اونوری صولوق  
قاره کوزلرینک اوزاقلرده ، پک اوزاقلرده حزین برشیلر کورر  
کبی کوله رک یاشاردیغنی کوردم .

یوموشاق توپلی ، ایری برصاری یلپازه کبی قسمماً افقه  
کومولمش کونشک اوچوق ضیاسی ، کشیف ، ضعیف ،

اعماره چالیشان ، ساکت ، ساکن ، سکسانک بر « نقیه خاله »  
 هر کسی نه درجه مشغول ایدرسه ، بنیده او قدر مشغول آیلهردی .  
 لکن بیلم هر کسده اویله میدر ؟ بن پک کوچک چوجقار ، برده  
 پک اختیارلرله مکالمه دن لذتیاب اولورم . برینک ماضیسی  
 معدوم ، دیکرینک استقبالی مفقود بو طلوع وغروب لوحه لری  
 بکا پک خوش ، پک طبیعی کلیر ! ..

کیتدم ، نقیه خاله نک یانه اوطوردوم . کناری اویالی ، یشیل  
 نماز بزینک التندن چیقان ، کوکلری اسمرار حیاتدن آق  
 اوجلری خنسان قیرمزی صاچلرینک ... بردانه بیله دیشی  
 قالمدیغندن ایجری طوغرو چوکمش اینجه ، اوچوق دوداقلرینک ..  
 آقلری بیله صارییه مائل صولوق کوزلرینک اوستنده آغیر  
 آغیراینوب قالقان ، کوز قاپاقلرینک .. کهنه چوبوغنک دوماتی  
 فو صور داته رق صاووردجه مدوجذری پک آشکار اولان  
 بوروشوق ، قاتمرلری یاناقلرینک .. حلالی کوملکک آلتده  
 دائما آچیق قالان کیمکلری چیقمش پک ، قیرمز متراق کوکسنک  
 حالی بواقشام بکا پک طوقوندی ...

— نقیه خاله ، صیجاقلرله ناصلسک ؟ بروسه می صیجاق ،

استانبولی ؟

نقیه خاله پدرمک سود ننه سنک بیوک قیزی ایمش .  
 کندیسی مورده لی اولوب ، مهاجرتدن صوکره ، بوتون عمرینی




## نصّ حار

آغستوس نهایتنك اُك حار ، اُك آغیر ، فقط یالديزلی كې  
 طوران بر آقشامی ایدی ؛ اُرن كوينك ایچ طرفلرنده ، بر  
 باغك كوشه سنده کی قریه نك آلتنده ، اوستی اسکی برکایم ایله  
 اورتولو کراز داللرندن معمول بر قانابه نك اوستنده باغداش  
 قوروب، بر ایلله چوبوغنی ایچن ، دیگر ایلله قرمری پوسكوللو  
 عوده آغاجی تسبیحنی چکن ، نقیه خاله نك مور طمارلری چیقمش  
 چیللی ، یوموشاق اُنی معتادم وجهله علی العاده اوپدم ...

— بر خوردار اول اوغلم !

هر آقشام اوه عودتمده بو سالخوردده قادینك اُنی یاریم  
 آغزله اوپدكجه بونجه سنده دن بری طرز وشکلی دكیشمین  
 بودعايه مظهر اوله اوله ، آراتق اوقدر اهمیت ویرمه مکه ،  
 بعضاً نه دیدیکنی بیله ایشتمه مکه باشلامشدم . دنیادن اُنی اُتکنی  
 چکمش ، کیتدکجه مشرف خراب عمر فانیسنه رغماً عقباسنی





نقیہ خالہ



— اویله ایسه چال !

دییہ بر چیغلق قو باردق دن سو کره ، بو حال مجنونانه مدن  
قورقان او وجود ضعیفک اصول اصول یاننه کیدره ک مخور  
و پریشان ، دیزلرینی آغلایه رق او پوردم ؛ اوده بنم صاچلرمی  
تتره یں پارماقلریله اوقشایوردی .

ایشته عزیزم ، آرقداشک کوزلاککه اولان اوچیاغنججه ابتلاسنه  
رغمأ بوکون ذکاوتی ، عرفانی وباخصوص دقت ورقتیله بوقادینه  
چیلدیررجه سنه عاشق اولدی .

اوح ! حسن و عشق ، خیال و حقیقت کبی بر سر مهممش ...

اکلاشیلمییور ...

۱۷ شباط ۱۳۱۴



آرتق بنده آغلا یوردم ... بو او طه دن قاقچق ، بو اودن  
 قاقچق ایست یوردم ؛ لکن بر قوت ، برشی ، برهیچ .. وغالبه  
 بو قادی بنی طو تیوردی . او دائماً بر صنعت حیرت فرمود ایله  
 چالیوردی ، چالیوردی . چالاقچه بو حزان زده ، بو چیچک  
 بوزوغی چهره نغمه نغمه کوزلاشور ؛ پدش چشمانده یواش ،  
 یواش صییریلان بر پرده رقیقک آرقه سندن روح عربانی بوتون  
 لطافت عشقیله منظور اولیوردی .

اوکیجه ، ایرته سی کیجه ، دها ایرته سی کیجه ناصل کچدی  
 بیله نم . بن متصل « چهارشنبه کونی . مطلقاً ایرله من لازمدر . »  
 دییه دوشونیوردم .

چهارشنبه کیجه سی اولدی . کوزلرم قابالی ، روحم او یوشمش  
 حسیاتم طو کمش اولدینی حالده ، برسوق مجهوله انقیاد ایله ، غیر  
 اختیاری شوپنک او بسته سنی تکرار ایتسنی رجا ایتدم ... او  
 دوشونیوردی ، او محزون ایدی ؛ اوتره یوردی ؛ کندی کندیسنه  
 سویله نیر کی دییوردی که :

— بوکیجه چالنه میه جق ... قرار من وجهله افتراق الزم  
 اولدینی بوکون والده مه اکلاتدم .

— یکی ، فقط او قراره رغماًینه چالارسه کز !

دائمی تزیاید ایدن بر بحران و خلجان ایله جواب ویردی :

— قرار من بوزلمش ، بارشدیغمز آکلا شلمش اولور !

آرتق کندی می غائب ایتشدم . ایلری به طوغرو آتیه رق  
 وبر استقراق وجداً وجد حالده :

بکا و یردیکی بر رقت مجنونانه ایله بودفمه سکز بچق واپورینه  
 قدر کوچکله صبر ایتدم ؛ و یارین استانبوله ایتمه مک عزم  
 قطعیه سیله ... ایرته سی کون آقشامه طوغرو نه یاپاجغمی ، نه درلو  
 حرکت ایده جکمی بیله میهرک اوراده متروک و منفعل طوران  
 پیانونک اوستنده کی نوطه لری قاریش دیرر ایکن ، ألمده طوتدیغم  
 بر پارچه یی ناصل اولوبده — رفیقمه چالمق ارزوسنی بر نیاز  
 امر آمیز ایله درمیان ایدمجه — « پکی ، دیمشم ... او شیمدی  
 چالمدهن اول تفصیلات ویریور و دیبوردی که :

— شوپن ایله ژورژ سان ، پارسدن خارج بریره فرار ایله  
 اوراده هرکسدن اوزاق ، بر حیات عشق ایچنده یاشارلر ؛  
 ژورژ سان بغته عودت ایتک ارزوسنی اظهار ایدر . شوپن  
 کندیسنی شوطاغ باشنده یالکیز بر اقامه سنی ، بر شوق روحانی  
 ایچنده کچن ، محبت دقیقه لرینی اخلاص ایتمه سنی ، سودیکنک دیزلرینه  
 قاپانه رق رجا ایدر . ژورژ سان اهمیت ویرمز ؛ ینه کیدر .  
 لکن قادین ، شوپندن آریلیر آریلماز شدتلی بر فورتنده  
 قویار . یا غمورلرک ، روزکارلرک ، شمشک لرک ولوله سی قارشیسنده  
 یالکیز قالان اوبسته کار عاشقده ، پیانوسنک باشنه کچوب شوبسته یی  
 ترتیب ایدر ... شیمدی دیکله یک :

ارتق او ، آلر — یاره لنوبده جریحه لرینک آجیسنندن رقص  
 ایدن اوفاق بر قوش قانادلری کبی — پیانونک دیشلری اوستنده  
 اوچیور ، چیرپینیوردی . اوح ! بوچالیش ، بوموسیقی ایله  
 یالواریشلر ، بواینلر !..

زمان وصولی اولان ساعت بره قدر ، اوضعیف وعاجز  
وجودك ؛ بنم تأخر عزیمتمدن ، ویردیکم وعد متانتدن فارغ  
اوله بیله حکم اندیشه سیله ، کچیره جکی بحرانلری ، والدہ سنک ،  
پدرینک یاننده کی محجوبیتک درجه سی دوشونهرک ، اونفرت  
باغیه نك صوکنده اویانان بر مرحمت رقیقه ایله اون واپورینه  
کیویورددم .

آقشام ، یمکده عائله افرادیلہ برابر بولندیغمز زمان ،  
رفیقه مک پاچهلق البسه سنک شعله سی آلتنده بر حزن خیال نواز  
ایله یوزمه باقارکن ، کوزلرینک بردایشی واردی که ...  
یمک دوام ایتدیکی مدت ، کوردیکم التفاتلردن ، شفقتلردن  
محجوب اولیورددم ...

جیلارمه طولیدردیغم غزته لری ، یمکدن صوکره اعلان  
ستونلرینه قدرحرف بحرف سوزمک صره سی ، کلمشدی .  
بونده قصه ورایتدم ... ایرته سی کون غایت رسمی صورتده  
آریلوب ، مردیوندن اینرکن ، ناقابل ممانعت بر قوه مجبره نك  
تأثیریلہ ، باشمی چویروب ، مردیونک باشنده طوران رفیقه مه  
باقدیغم زمان اونک اوکسکین ، اوئبالسوز نظر انفعالی بی  
تیره ندی .

واپورک قاماره سندن جیقوبده کوپرو اوستنده خفیف بر  
روزکار آلتنده یورورکن ، اوکون آقشامه ، نه اولورسه اولسون  
عودت ایتمه کی قرارلاشدیردیغم حالدہ ، بیلمم نه اولدی ؛ اوباقیشک



— بنی درین براوچورومه آتدیکز ! دیوردم .

بوتون شعر و خیالک ، پنبه کهکش-انلرندن طوپالایه  
بیلدیکم اثیری ایپکیرله ، ایشلنمش قماش-لرله تفریش ایله دیکم بر  
حرمسرای پر یانه نك كوش-دن حوضلری ، نسیم سحریدن  
چاغلیانلری ، فواره لری سروسیمیندن خیابانلری آراسنده ،  
اطرافنده پیک پیام طلوعی اولان ندیمه لری — غالبك مخلوقات  
شاعرانه سندن — آلقانادلی بلبلرک اورطه سنده برطنطنه یورین  
برزیده عشقك بکا طوغری آلارینی اوزاته جغی دوشونورکن ،  
والده مك بر خطاسیله ، بوبنای خیالاتك بر آن ایچنده سقوطندن  
حاصل اولان ویرانه نك كوشه سنده — اوپری حسنه بدل —  
تصادف ایدیلن ، برچوپور قیزی زیر پاینده کورمك ... صوکرده  
بوتون کنجلاکمی اونك قوجاغنده ، بوتون اختیار لغمی ، اونك  
عارضه لی قوللری آراسنده کچیرمك ، اودا ئما دوشونه دوشونه  
اغلایه جق کوزلرندن دوکیان یاشلرک ، کیریتیلی ، چیقیتیلی  
یا قیلرندن سنده لیه رک دوشدیکنی تماشا ایتک ... اوح نه اذیتلی  
حیات اوله جق بنم حیاتم ! دیبه دوشونوردم .

قادینلرک وچو جو قیلرک نقایص و تقصیراته قارشى اکثریا  
انسانلر ، بر آنده ، ایکی حس متضاد ایله متأثر اولورلر : بری  
نفرت بری مرحمت .

شیمدی بن بر طاقم قورقونج ، متهور تفکراتك حمله کران  
اضطرابی آلتنده ازیلمش ایکن ، اون ایکی واپورینك کویمه

تہلکہ کیہ قویانلر انسان دکلیدرلر ؟ ایشته فرض ایدیکز کہ قار -  
 شیکزده کی قیزده بودقیقہده بویله برفلا کنه اوغرامش ، سزه  
 طوغرو قوللارنی اوزاتیور . مقابلنده برهفته قدر خسته لانه -  
 جقسکز ، سویله یکز ؛ نومید بر حیاتی قورتار مق ایسته مز میسکز ؟  
 بو قدر علو جنانی کندیکزه لایق کور میور میسکز ؟ برهفته بی  
 تکرار تکرار آیاغکزه قاپانه رق یالواران شو بدبخته تصدق  
 ایدیکزده ، اونی عمری اولدینی قدر دوچار استہزا اولمقدن  
 قورتاریکز . ہر شیتہ تحمل ایدن قادینلر استہزایہ تحمل ایدہ مزلر !  
 متأثر ایدم . ناچار ایدم . تردہ محل قالمدی :

— یکی وعد ایدیورم .

— تشکر ایدرم .

علاوہ ایتدی :

— اوت ، کلہ جک بچشنبہ کیجہ سی دہ سز تماماً قورتولمش

بولنہ جقسکز ، ایشته بونی دہ بن سزه وعد ایدیورم .

ایرتہ سی کون ، والدہ مک الینی اوپمکہ کیندیکم صرہ دہ ،  
 کیجہ کی ماجرادن سررشتہ ویرمدم . یالکز چیچک بوزوغندن  
 شدتہ بحث ایتدیکم زمان والدہم ، اقربادن برینک دقت و اخطارندن  
 صوکرہ ، الحق بر کون اول فرق ایدہ بیلدیکنی سویلر کن بی  
 تسلیت ایدیور و ما کر بکنمز ایسہک ہر شیتک قولانی بولنور  
 تعمیرنی ، دادیم والکی صاللا سہک الیسی ، دیہ اکمال ایدیوردی .  
 بن یالکز :

اوطور دینم یردن فیرلادم . بکا تتره یه رک اوزانان ضعیف  
 بیلکلی طوته رق : « ایسته دیککیزی آکلایه میورم . » دیشم .  
 او ، هم قالمیور ، هم جواب ویریوردی :  
 — شیمدی بویله برنجی کیجه بقته بورادن کیدرسه کنز ،  
 بن نه اولورم ؟ اقر بامک یاننده نه حاله کیره رم ؟ دوشونکنز اختیار  
 پدرم ، والدم نه قدر اوزولور ، دوشونکنز !  
 — لکن چاره سی ؟

— اوت ، چاره سی ؟ بکا مرحمت ایدرده برهفته مهلت  
 ویررسه کنز : عالمه قارشو ، برهفته سوکره بن سزی ایسته من  
 کورینور وعائله مه بوصورتده آکلایه سیم ، بالعکس ، سز برشی  
 غائب ایتیش اولماز سکنز ، دکللی ؟ بن ده هر کسک قارشینه استهزاله  
 هدف اوله اوله چیقمم . مین بک بونی بکا وعده ایدیکنز ؛ بو  
 ناموسزلقدن بی قورتاریکنز !

بوتکلیف غیر منتظره وهله اولاده عقم ایرمدی ؛ دودا -  
 قلمک آراسندن درشت بر « اکلایه میورم که ! .. » فیرلایو یردی  
 — بن سزکله کچینه مدیکمی عالم دویارسه سزکله استهزا ایتیز ،  
 دقت ایدیورمیدسکنز ؟ استهزا ایتیز ؛ بی بیلنلر ایسه نهایت عدم  
 امتزاجه ویرر . چیچک بوزوغی اولدیغمدن سزی قورقوتمق  
 فرارکنزه سبب اولمق کبی برعبی ارتکاب افتراسنه هدف اولم .  
 زوجهم آغلایه آغلایه سوزنده دوام ایدیوردی :

— مثلاً کنزه دوشن بر بی چاره بی قورتارمق ایچون حیاتلری

— ایشته سزه یمین ایدیورم که بنی تکرار قبول ایدیکنز  
دیه سزی اجبار ایتیمه حکم ...

دیدى . اوشیمدی بلافاصله دوکیلن کوز یاشرندن ، قیزاران  
کوزلرینی ، بر اثر مرحمت آراشدیرر کبی ، چهره مه دیکه رک  
دیزلرینک اوسته کلن دوواغنی ضعیف پارماقلریله اورسه لیه  
اورسه لیه پاره لایه رق ، قورسه سنک آلتیه صیقشمش سینه سنی  
چانلاته جق ، یاره جق بر خلجان قلبه :

— پکی آیریله لم ، دیوردی ؛ بونی ایسته یورسکنز ، پکی .  
فقط طلب ایده حکم ، کوچک بر فدا کارانی بندن أسیر که میه جککزی  
وعد ایدیکنز . شخصکزه عائد بر قصورم ، بر لکم یوق ایکن  
ایشته آیاقلرکزه قاپانیورم . ایشته اونلری اوپیورم .

یاریم ساعت اول بوتون بره وای صاف امل ایچنده مست  
حضور اولان بووجود نحیف ، شیمدی کلینک تاجی ، کلینک  
دوواغیله زیر پایمه مقهور و مضمحل سورینور ؛ بر دقیقه اول بر  
سحاب بیاض نقاب آلتدن ایلاک بوسه زوجیه آغوش آچان بو اوچوق  
دوداقلر شیمدی دیزلرمی ، آیاقلرمی اوپیوردی . غریب دکلیدرکه  
بن بودقیقه ده ، دکل بوکناهنز قیزدن ، حتی بوتون انسانیتدن  
نفرت ایدن بن ، بویالواریشلری بنی تکرار الدائمق ایچون تصور  
اولنمش برخیله ظن ایله حدتلیزیوردم ؛ و بدالانغه یاقلاشان بوصا -  
فیتمله ، باشمه کلن بوبلای ناکهانی ایله استهزا ایدن ینه اومعهود  
« سیاه جارلی ، سیاه شمسیه لی ، سیاه پچه لی » کوزل قادینلر  
کوزمک اوکنه کلیوردی .

قوتسز بر تازەنك بواضم حلالی حاتمك ، حدینی تجاوزه مانع اولدی . نه دیه جكمی ، نه درلو حرکت ایده جكمی دوشونه جك ، تعیین ایده جك بر حالدە دكدم . بلا اختیار اوافق بر ماصه نك اوستنده کی صراحی یه اَلیمی اوزاتیور ؛ صاپ صاری کسـیلن چهره سـنه سرپیور ؛ واعتراف ایده می که هر نه دنسه بر فقیره تصدقده بولنور کبی بر اجبار لاقیدانه ایله : « قالقـکـز ، قالقـکـز ! » دیوردم ... کوزینی آچدی . یوزیمه بر قلب یولادی اریته بیله جك بر وضع نومیدی نیـاز ایله باقدی . صاری ، بیاض ، پنبه طالغه جقـلر آراسنده قالان یاناقـلرینـك اوستنده ایکی اوچ یاش قطره می سس سز ، سس سز یووارلاندی :

— پکی ، دیدی ، پکی بویوریکز ؛ چهره مده کی قصوری بیلیور دیمشردی . شیمدی ... نه ایسته رسه کز یاپکـز !  
یوریوردم . بویونم کوکسمه یاشمش ، آلرم یانمه دوشمش محبـسـدن میدان سیاسته کوتوریلن بر متهم دوشکونـلـکیـله یوریوردم . قاپویی آچه جنم صره ده ایدی که رفیقه م — نازل اولور کبی خفی بر سر عتله — بکا کلدی :

— طوریکز سه ویله یه جکم بر ایکی سهـوزی دیکله مه دن کیتیمیکز .

بیلمم ، غالباً ، « بیوده در ! » دیمک ایسته یه جکدم ؛ دیه مدم ؛ یاخود بونی ده سویله دم ؛ نه ایسه ، ائی بیله میورم ... بر فریاد ابکم طرزنده استعجال ایله :

سليم صاحب اوله لم . « بونلری سويلر ايكن نه يايديغي بيلموردم ؛  
 او قدر كه اكر يانمده بر سلاح بوانسه ایدی ، مطلقا اتخار ایدردم ؛  
 فقط حياتی صارسان ، یيقان بو چوپور چهره نك قارشیسنده  
 دكل ، والده مك ياننده ، اونك كوزينك اوكنده اتخار واوندن  
 بو وجهله اخذنار ایدردم . بو بر آن بجران ایدی كه ، بودقیقه ده ،  
 او طه ده نه قدر مرمر ییبلولر ، آینه لر وار ایسه هپ بردن  
 باشمه طوغرو فیرلاتیلور . و او شایر نیچی شاقیردینك آلتنده  
 بینم ، وجودم ازیلیور ظن ایدیوردم ... برایکی ساعتدن ری  
 ذاتا ، قارشیمده تیره یوب ، هیجانی صاقلامق ایچون یكهجا  
 جوابلرله اکتفا ایدن بوقادین ، آرتق طوكمش قالمش ایدی ؛  
 قیمیلدامییوردی ؛ هیچ برسوز سويلمییوردی . قارشیمده ،  
 بیاض البسه سی ، بیاض دوواغیله ، كفن پوش برکابوس کبی دیم  
 ديك طورییوردی . نهایت قورو برصدا ایله : « ديمك بی  
 ایسته میورسكز فقط نیچون ؟ .. » دیمزی ؟ آرتق بن مجنون  
 ایدم . بربركان مدفعنه بکزه بن آغزمدن آرتق علولر فوران  
 ایده جکنی طویيوردم .

« چونكه ، ديه باش-لاديغم تكدراتمك نه-ایتي کتیرمه دن  
 رفیقه مك ، کری کری قانابه یه طوغرو رجعت ایتدیکنی کوردم .  
 و محرق برخچقریق-له - اوح ! بوبوغوق فریادك طینی هنوز  
 قولاغنده در - قانابه یه ییغیلدیغنی کوردم . نوازش یرینه ، تحقیر  
 کورمش ، کناهمنز بربا کره نك ، اون سسكز یاشنده ضعیف ،



بوراده بن بوتون اعتدالمی ، تربیه می غائب ایتش و :

— نه ؟ مبین ، شیمدی زوجەك برچوپورمی ؟ !

دیبه حایقیرمشم .

— اوت !

بو « اوت » بر ییق قلیك انقاضی ایدی که ایکیزك  
آراسنه ابکم بر طراقه ایله یووارلاندی .

— زواللی مبین !

— زواللی دیکه حقل یوق ! چونکه بختیارم .

دیسه سینمی ؟ شاشیردم ، و :

— خایر .. یعنی .. مقصدم ...

ککه لیوردم .

دیکه ! .. بنده اولاسنك کی دوشوندم . تصور ایتدیك  
قدر زواللی دکل ، بلکه هیچ زواللی اولمنی خود کامی شبا به  
یدیره مدم ... ناصل اوتانمەدن ، قزارمەدن جرأت ایتدیکی  
بیلیمورم ، یالکیز شونی بیلیمورمکه همان یکر می دقیقه ایچنده  
ویردیکم بر قرار نتیجه سنده ، رفیقه مه بکا اوکیجه می دیگر بر  
اوطه ده ، ویا کندی خانه مده کچیرمکه مساعده ایتسنی ، چونکه  
کندیسنی مسعود ایده بیله جک صبر و متانتە مالک برأرکک اولمدیغمی  
سویلدم ؛ و علاوه ایتدم که : « بوفجیه نك کناهی تمامیه یکدیگر مزك  
قصورنی بیان عائله من افرادینه راجع اولدیغندن ، اونلرک کیفی  
ایچون یکدیگر مزك حیاتی زهرله میکی ایستیمیه جک قدر فکر

کندیس۔ نندن بر قاج کون سو کره کلوب نی کوره جکی وعیدی  
آلقدن صکره عودت ایتدم .

§

رفیقم دیورکه :

— یکر می سـنـلـک بر خیالپروراکک اغفالیه ، محضا پک  
کوزل بر قادینه کیجه کوندوز همدم اولق املیه ازدواج ایتک  
ایسته دم . بیلیرسک آ! نه عائلهم ، نه اقربام آراسنده بر تازہ بولنمـدـ  
یغندن زقاقده عربہ لرده — اوح ! بو عربہ لر خیالی نه قدر  
الدامشدی ... — کوردیکم سیاه جار ، سیاه پچه آلتنده کی  
قادینـلـری تمامیلہ بلوطلره صارنمش بر زهره ظن ایدردم .  
وقتـاـکه پنجشنبه کیجه سی حرمله رو برو ، زانو بزانو بولندم ،  
مراسم معتاده دن سو کره یوزنی آچدیغ زمان اوتیتیره یوردی .  
آری آری بوتون اشیاسی رقیق و ظریف ، خرده اندیش  
بر تکلف بدیعی بی معان ، برجنت پاره شاعرانه بی آندیران حجله  
مشعشعـنـک بر کنارینه موضوع سـدـیرک یاننده کی لامپه نک آل  
سپری آلتندن صییریلوب سرپیلن ، لعلین وزمین ضیاسیلہ پنـبـه  
بیاض کورینن ، اوچهره ده کیزلنمک ایستہ یں بر سر حزین وار کی  
ایدی . هفته لر دن بری از برلديکم نطق طویلی ، درلیوب طویلامق  
تلاشی ایچنده باشلادیغ اعلان محبتک ، اک مست انکیز پارچه سنک  
رفیقہ مدہ ، نه تأثیر حاصل ایتدیکنی کلامق ایچون ، یانہ طوغرو  
یا قلاشدیغ زمان ، نه کورهیم ؟ حرم مکمل بر چیچک بوزوغی  
دکلی ؟ !

بر فجر کاذب لوحه سنی آندیران بقاسز ، وفاسز شـعریاتی بوراده  
 ختام بولیووردی . بومکتوب صوک برتهلیل حسن ایدی . او  
 کوزلاکه عاشق ، بلبل حسلی مینک ترنماتی کسـیلدیکی زمان :  
 « بیتدی ؛ بنم بلبلم توت یدی ، مینم تأهل ایتدی ؛ » دیمشدم .  
 بوندن صکره بیهوده اوندن تأهلی ، مسعودتی حقنده تفصیلات  
 ایسته یوردم .

بونک اوزرینه مرور ایدن برحق سنه ایچنده مینندن برایی  
 دفعه وقت معیننده الذیغم مکتوبلر « شرفحلول ایدن عید سعیدک  
 متیمن » اولسنه دائرایدی . بنم مکتوبلرم ایسه برمتهمه صورـ  
 یلان استنطاق سؤالری کبی جوابسز قالیووردی .

ماذونا استانبوله عودت ایتشدم . اک مشتاقانه زیارتیم مینک  
 زیارتی اولدی . رفیقکم انتظام سوابقنه نظراً ممکن مرتبه پریشان  
 کوردیکم سـلاملق اوطهـسـنده ، اونی برانتظار موسوس ایله  
 بکله دیکم صروده . قاپودن ایچری قوجاغنده برچرکین یاورو ایله  
 کیردی . مصافحه دن صوکره چو جخی کوسـتره رک و کوله رک دیدم که :  
 — ثمره حسن می ؟

— خایر میوه عشق !

جوانی ویردی . بکا ا کلاتیله حق غریب برسرگذشتنک  
 مقدمه سی ایچون ، کله لر آراشدیران کوزلرندن ، بن هنوز افشا  
 اولنمیان سرائری صیدایدرکن ، احوال و خاطر می صوریووردی .

اولمازسه سـویملی رؤیالر استحضاری امیدیه ، سعادتمدن سنی  
حصه دار ایدیم : قریباً نکاحز اجرا اولنیور .

« والدہ ، حرمک پک کوزل اولدیغنی تأمین ایتمکه برابر :  
« ایچم سودی ، قائم قاینادی ؛ بر او طوریشی وارکه ... »  
تفصیلاتندن ایلری کتیمیور . دادیم ! اولنه جک کنجلیک یاننده  
قیزلر اوقدر مدح اولماز ؛ هم عیبدر ، هم قنادر . هپ کورد-  
یکمزی سویلسه کصوکره سن هوا لانیور ، اله آووجه صیغماز سین !  
دیور ... »

دیگر بر مکتوبنده مبین دها تشنه ، دها محمو مانه طاورانه رق  
« اهتدا » نامی ویردیکی تأهله بنی سوق ایچون بر طاقم موعظه لرده  
بولندقدن صوکره :

« دوشون ! او یالکیز سنک ایچون پریشان اوله جق ایچنه  
صاچلری ... پنجه برکلبک کبی آووجنک ایچنه قونان ، حرارتکله  
أرییه جک کبی یوموشایان نرمین آلری ... سنی ممنون ایتمک  
ایچون انتخاب اولنه جق رنک لری ، قماش لری ، ترین لری دوشون ؛  
هله اوندن دوغه جق برملک پارینی ، « برثمره حسن » ی قوللرکک  
آراسنده کزدیرمک حو پلاتمق لذت لرینی دوشون ... برکوزل  
زوجیه مالک اولمق ، اوح ! دنیانک خزینهلرینه صاحب  
اولمقدر ؛ بونی ای بیل ! »

دیوردی .

خیالات آتشین رنک شرقک ، لمعه لمعه بلوطاره بورونمش

فقط يك كوزل برقادين ! اما آكلایورم یسـيك : بر پری ، بر  
فرشته قدر ... بر ملك ، بر آلهه قدر كوزل . آه آكلاته پیاور-  
می یم ، بیلم ؟

— آكلایورم ، هم لزومندن فضله آكلایورم ؛ خلیا ،  
ینه خلیا ، دائما خلیا !..

شاعر لر کی حس ایدلمزسه شعرك و اولیالر کی دوشونلمزسه  
تصوفك سرائر و مأثرندن احتراز اولنمیدر . رفیقم مبین شاعر  
اولمقدن زیاده بر شعر اولمغه مستعد ، هوائی بر رقت خلقتیه مبتلا  
برکنج ایدی . آریله جغمز صیرهده او ، متصل :

— تاهل ایده جکم . كوزل يك كوزل بر حرم اوله جق ...  
دیوردی .

## §

یگر می کون صوکره مبین ایله آرامزه قوجه بر بحر سه فید  
کیرمشدی . مواصلتنامه مه جواباً ، بکا یازدینی مکتوب شو یله  
باشلا یوردی :

« ایکی آی صوکره سن بحر سه فیدك طالعہ لی بر ساحلنده  
یالکز اغنی دوشونورکن بن برجفت نویره سـیاهك حضورنده  
كوزلك تقدیس ایله مشغول بولنه جغم ... بدبخت چوجق !  
ین كوزلك عشقنه سكا قصیده لر انشاد ایدرکن ، سن أسزدك .  
شیمدی ده شونلری او قورکن او یوقلا یه جفکه امینم . هیچ

— اوسياه جارى تازەلر ك كاهەنى برر لطيفه خلقتدر ظن  
 ايدييورم ... اون سكر ، يكرمى بهارك متحسس كوكلرله اتقا  
 ايتديكى اواظهار اولنهميه اولنهميه بريكمش ، كوپورمش ،  
 طاشمق ايستهين هوسات عشقك كلينلك سديرنده ، كوزل  
 كوزلرندن شراره ، يوموشاق آلرندن سيالہ برقيه حالنده طغيانى ...  
 ايسته بوني طاشمق ايستهرم !  
 وعلاوه ايدييوردي :

— حرم خيرچين اولسون ، وفاسز اولسون ؛ آم ، فقط  
 كوزل اولسون ! بن اونك اذيتلريله مجروح وداغدار ايكن  
 شهبه لرم قهقهه لرينه قارشسين . بر سحر زمانى ، آنسزين بن  
 اونى اوزاقلره عشق آباد يرلره قاچيرهيم ، اولو آغاچلرك الته  
 كوتورهيم . اوكا بهارك زرینلرندن ، زنبقرندن ، سديرلر ياپهيم .  
 شفقلردن توللر چكوب ، ييرتوب كتيرهيم ؛ اونلره بورونسون .  
 نسيمك ، اوزاق مملككتلرك ايصسز اورمانلرندن ، اوكرنديكى محرم  
 وعريان ماصالريله اويوسون . برآق ايرماقلرك ميني ميني  
 طالغهلرندن منعكس ، اساطير اولين پريلرينك معاشقه لرينه  
 عائد ، لوحه لوحه رؤيالر كوره كوره اويوسون . اويانجه مدهوش  
 ومبهوت بنى چيلديرمش كورسون ...  
 — خليا ، دائما خليا !

بكا اهميت و يرميه رك ، كندى كندينه سويلر كى :  
 آجق بك ، بك كوزل برقادين سويله بيلير ؛ بك كوزل ...



آراسنده ساکن وصامت یتیشن، او بزم مملکت مزه مخصوص  
 کوزلا کلرک ده بوتون چیلغینلقلریله، بوتون خیرچینلقلریله، بوتون  
 بهوده جیویلتیلری، سببسز کریه لریله بر ستره خا کستر آلتنده  
 متحلل رنگارنگ خلیالریله، اورویا، آمریکا، خلاصه بوتون دنیانک  
 تازما کرملری کی سربستی پرور برر قیز اولدقلرینی دوشونمک...  
 مین معنیدار بروقفه اسنفهامدن صوکره قولی صارصدی.  
 بن باستونمک اوجنه طاقیلان — سینئه ساحلدن ریختمه فیلامش —  
 بر یوصون پارچه سنه جواب ویرر کی :

— خلیا، ینه خلیا، دائما خلیا ! ایشته شرقدکی عالم  
 شبابتک خلاصه مسعودیتی، خلاصه حیاتی !

دیدم . آرتق آرقداشمک غلیان خطابتی بنی تهدید ایده جک  
 بر رادهیه کشدی :

— سفسطه لرك، فلسفه لرك سنك اولسون ؛ بوکون یالکیز

بنی دیکله !


دیوردی .

کوشه اغترابه چکیلیرکن، کونشک بوغاز ایچنک تتره یین  
 حاره لی سطحنه عطف ایتدیکی صوک نظره وداعدن صاچیلان  
 نور دانه لری، طالع جقلرک اوستندن فرار ایتک ایستر کی  
 چیرینیور؛ هراکی ساحلده کی غلغله زندگی بر سکونت خوابیده یه  
 منقلب اوله اوله، طاعلرک اوستنده کی کشیف کولکه بو بودکجه  
 دکزک شپیرتییی تزايد ایدیوردی .

قارانلق برکوشه سنده ، دوشون برتازەنک سیاهه مائل کوزلرینک  
 نغمات نورانوری ، اسمرین خیالاتک القات دورا دوری  
 هجومندن فرار ایله — برعرب باجی کبی ، هر امرینه منقاد ،  
 ملال و مسرتنده برانيس وفاکار — پیانوسنک آغوش شبرنگه  
 آتيله رق ، اوبیاض پارماقلى اوپمک ایچون برطرافه احتراض  
 ایله آچیلان قاره دوداقلر آراسنده محزون و منفکر آلرینی  
 ملولانه کزدیره رک ، از جمله :

سویله ای طالع نه لطفی وار بکا جور ایتمهک  
 کنج ایکن کولديرمک ؛ آرتق نه حکمک وارسنک !


شرقیسی چالارکن ، کوزلرینک سس سز ، صداسز کلمات  
 براق سوداسی اولان تلاء لؤلریله ترنمک... هپ بوقارانلقلردن ،  
 بوکولکه لیکلردن قاچق ایسته یین ، اواسیره ظلامک ، برسیاه جار  
 آراسنده ، برسیاه شمسیه آلتنده ، اعتیادی غائب ایتمش  
 آدیملریله اوچق ایستهرکی اطرافه ، احتراز وحشیتله باقه باقه  
 یورویشلرینک حل و تفسیری ، تنها ویلدا کیجه لرده ، یالکیز کنج  
 حسله مودوع اسرار پرور کوزلک... مائی سما ایله دائماً  
 آرالرنده قیریلهماز ، ییقيله ماز برسقف ، برمانعه اولان قفس  
 نشین قوشلرکی دائماً ، زقاده قوپه عربهنک ، واپورده  
 قامارمک ، یولده شمسیه نک کولکه سنده نمو و تنبه آلیشمش  
 لذفای و نارین کوزلک... صکره بوکولکه لیکلرک ، قارانلقلرک



## صواعق

ساحلدن، قلندره دوغرو برکسل تعب نمون ایله یوریوردق .  
کوزلرمن ، بلغراد شاهقه لرینک یشیللکری آراسندن ، کیزلی  
کیزلی سوزیلن، کونشک تأثیر غروبیله یاری قابالی .. دوداقلرمن ،  
بوغاز ایچی آقشاملرینه مخصوص ، یاسمن قوقولرینی آندیران ،  
فضائی ایری پارماقلریله سوه سوه ، اوقشایه اوقشایه ، نمریز  
دوداقلریله ، اُمه اُمه اوپن نسیمک بوی نرمینی ایچمک ایچون  
نیم کشاده ... یوریوردق .

مبین قولمه کیرمش ، بر خطیب متهور واری ، صاغ آلتی  
هواده تیتره تهرک ، سماده آغیر آغیر ایلرله یین بیاض بولوط  
یغینلرینک ، وبوغازک لاجوردی صولرینک یورغون شیدیرتیلری  
اوستنده ، مائی هاله لری اورتہ سنده غملی غملی تیتره یین نور  
قطره لرینک رخاوتنه رغماً ، شدتله غلبانه کلهرک دییوردی که :  
اوخ ! کوزللك ... او آچیلماق ایچون کونشه اقتقار ایتمین  
حرمنشین کوزللك ... مثلاً براخشاب قوناغک راطب، قویتو،



~~~~~  
حسن وعشق  
~~~~~

— عید الله زهدی بک —

پری ، معذب روزگارک ، بر قسـمـنی بیاض بویوننه طولادینی  
بوروق صاری صاچلرینی آرقهـسنه فیرلاتدی . خلاصکرده سی  
بنفشهـسنی سینهـسنک قاتمرلری آراسـنه براوفاق ایکنه ایله  
ایلیشدیردی .

بیچاره بن ، زواللی بن ، غافل بن ! ایشمه پک کلن فلسفه  
بیهوده مک اعماق متموجنه فریح و فخور تمامی امنیت و حیرتله  
دالمش اولدیغم حالده کندی کندیغه : — اوت ، اوت دوغرو ،  
پک دوغرو ؛ بنم محاکم چوق دوغرو !..

دیسه دوشونمکده ایدم . برده لواللا ، بغته ایجه رنکسز  
دوداقلری ایله مائی کوزلرینی آچهرق ، یالکز اغفال اولنانلرده  
کورولان برجهزه ایله :

— آی ! آی ! بوبنفشه ده هیچ قوقیورمش . های مسکین !..

برشی ظن ایتمدی .

دیمسیله برابر حیاتی تهلیکهیه آتهرق قوپاردینی بو طالعسر  
چیچکی — اینانکزکه — پارچه پارچه ایدرک یرم آتدی ؛  
بو قدر انتقام کافی دکلش کی ، حفره فلا کتته بویونی بوکوک دوشن  
بنفشه جکی ده . اسقارینلی ایغیله حدتله آزدی .

ایکی دقیقه کچمه مشدی ... پدري تکرار نصایح ملال افزای  
معتاده سنه آغاز ایده جکی صروده او ، یاقیننده اوچان بر صاری  
کلبک آرقه سنه دوشم مشدی بیله ...



قونوشه قونوشه پارقك وسطنده کی یوله قدر كلدك . یولدن  
 غایت سرعتله بر یوك عربیه سی کچیوردی . لوللا بر آنده پدرینك  
 قولندن صییرلدی ، قورقونج بر چیغلق قویارارق کندیسینی  
 عربیه نك اوکنه آتدی . بنسه تهلكه نك درجه اهمیتی تقدیر ایله  
 همان اورکمش اولان حیوانلرك اوزرینه کیده رك ، کملرینی آله  
 کچیردم . شاشیران عربیه جینك یاردیميله عربیه یی طوردردق ،  
 لوللا بوصیره ده یولك کنارندن بر شی آله رق و بنم تلاشمدن ،  
 پدرینك فریادندن ، تدبیرسز لکنك مرتبه سنی ده آکلایه رق بکزی  
 صارارمش ، آلری ، دوداقلری همان قلبی کبی تیترمه مکده  
 اولدیغی حالده بیله ینه بر لاقیدی طفلانه ایله افسقه کیرپیکلرینك  
 آراسندن مائی کوزلریله کوله رك :

— یازیق دگلی ؟ عربیه شونی ازه جگدی ده ، آجیدمه ده ...  
 دیه جانسپارانه برفدا کارلقله یردن آلدیغی شیی بکا اراؤه  
 ایتدی : بر بنفشه ! ..

شاشدم . یالکیز « قادین قسمنده » کوروله بیان بوجرات  
 صافیانه ، بنی مبهوت ایتدی . نتایج کشفیاتم ! حقایق محاکماتم !  
 اساسندن صارصیلدی . سرائر روحیه نسوان حقنده بر زمانلر  
 ابتدای شبابتك حمای آتشینیه وجود بولان تمایلات ، عینیه بر  
 شفقت مله کانه طرزنده تکرار انکشاف ایتدی ... آرتق  
 قادینلرله تکرار بارشمشدم ، اونلری تکرار سومشدم .  
 پدرینك تکدیراتی لوللانك قولاغنه کیرمیوردی . اویاراماز

انسانه هجری بر کوی ، بر منزوی بر چفتلک حالی خاطر لیتور .  
 آرا صیره چایر قوشلرینک ، سرچه لرك ایصلاق یار اقلر اراسنده  
 جیویلتیلری ، کوکر جینلرک قانادرینک صداسی ایشیدیلور .  
 آدیملرینی بطائله آغیر آغیر آترق مرعایه کیدن فنجان کوزلی ،  
 اینکلرک بوغوق ، مدید ایکلتیلری ، قلبه سیاه بر قسوت ،  
 ویریور ... بندن بر آز ایلریده ، بر اودونجی قیریق بالطه سی  
 قولتوغنه قیصدیرمش ، بر کسلان اعتیادی ایله اورمانه دوغری  
 کیدیور .. آغاچ داللرینک آراسندن چامور لوکبی ، اوزاقدن  
 کیرلی کورینن ، کولک اورتی سنده بر قایق حرکتسز بر حالد کوزو-  
 کیور ... باشمک اوجنده ایکی بیاض کلبک هواده رورکاره  
 طوتلمش ایکی قورو یاراق کبی اویناشیور ... اومنور چهره لی  
 لیلای آفتاب ده ، اوزون صاری صاچلری دوکوک صاچیق ،  
 جامه خواب نرمینندن صویونه رق ، نیلستان آسمانک بر کو-  
 شه سندن چیریل چپلاق یورومکه باشلایوردی ....

قورویه کیردم . اورمانک نفی زمینی اوستنده اوزاقدن  
 متحرک ایکی بیاض لکه کبی کورونن ، ایکی کشی یورویور لردی ..  
 قیزیله موسیو بوره چقایا ایش . کوچک لوللا بیاض قوستومیله ،  
 باشنه قوجامان ، اینجه بر حصیر شابقه کیمش ، صول قولنه سازدن  
 معمول بر کوچک سبت کچیرمش ، پدرینک قولتوغنه عادتاً  
 اصلمش کبی اتکا ایش ایدی . همان یانلرینه کیده رک سلاملادم .  
 ایستردم که اسباب اضطراریمی بو کوچوچک بیکه بیله افشا  
 ایده یم ده آندن نصیحت ایستیم !

بزده سزی او قدر بیلیرز .. نه رفائللرک فورجه سی ، نه هومه لرک  
خیالی ، نه ارسطولرک دماغی ، نه رستم لرک بازوسی ، نه فیدیا سارک  
قلم آهنین تختی اسراروله آنکیز قلب کیزی حقیله تدقیق ایده بیلیمشدر ...

بویله سویلنه رک قورویه دوشرو یوریوردم . یرچیدن ،  
کوک سیددن بیاض تولاره بورونمش ... طومور جقلریله ،  
یاپراققلرینک اوستلرینه بریشیل دومان چوکمش کی طوران  
باغچه چیتلرینک کنارلرنده کی بادم ، اریک آغاچلرینک دونه  
دونه دوشن چیچکلرندن سیاه طوپراغک اوستی قارکی بیاض  
لکه لرله اورتلمشدی ... سحر وقتنه مخصوص ، کتدکجه تراید  
ایدن رقیق ، براق براوغواتی بی ، اوزاقدن اوزاغه ایشیدیلن  
خروس لرک تیز صداسی ، قانادرینی چیرپه رهق قوشوشان قازلرک  
تلاشلی آوازه لری ، کلبلرک درین درین عوعوعه سی اخلال  
ایدیور ... اورمانک برقییسنده کی ییچی فابریقه سنک ماکنه سندن  
چیقمان چرکین برشاقردی یاواش یاواش یوکسلور ...  
کیجه لک قیاققیله برطاقم تازه ، اختیار قادینلر زقاغه ناظر  
نجره لرک پرده لرینی آچوب ، مخمور کوزلرینی بطائتله اوغوشدیره -  
رق یاناقلرینی ، دوداقلرینی سرین سرین اوقاشیان نسیم مصفا  
سحری اوپمک ، ایچمک ایچون باشلرینی دیشاری چیقاریورلر ،  
دوداقلرینی اوزاتیورلردی .... هر طرفدن هوايه یاییلان  
صحراوی مایس قوقوسی ، تازه ییچیلن اوتلرک رایحه سیله قاریشه رق

اخلاق درس لرینك ، شیطان قیزده عصبی قهقهه لره باعث اولیشی  
حقیقه نه کولنج ایدی . بن کندیسنه کوله رك اغستوس بوجکی  
دیمك اولان « مادمازل استرقازا » نامنی ویردجه اوده بکا  
حدتله « حسیس قاریجه » یردی ...

§

استانبولدن دون آلدیغم مکتوبك بینمی ، کوکلی یاقان  
اضطراب فرما مألله برحمای آتشین ایچنده ، بی تاب اویاندم ،  
قاندقم ، دیشاری چیقمه حاضرلاندیم .  
کونش هنوز طلوع ایدیوردی ...

... بو مکتوب !! . بو مکتوب بکا آنك باشقه سیله ازدواجنی  
خبر ویریوردی .

« مادامکه صوکنده بنی بویه اولدیره جك ، ازمه جك ،  
کچه جكدك ، نه مجبوریتك وارایدیده بکامیدلر ویردك ، وعدلرده  
بولندك ... بنی آلداتدك ! کوشه ویرانمده اضطراباتم ، خیالاتمله  
تعیش ایدیوردم . عشقك صاعقه نازله کی کوزمی قاماشدیر  
قاماشدیر من اشته سنی ضائب ایدیورم ! هانیا ؟ .. تمثال خیالك  
هرشیئتك ، هربرشیئتك بن ایدم ؟ .. بندن باشقه سنك  
اولیه جكدك ؟ .. اومواید نه ایچون ایدی ؟ بن سکا نه یایدم که  
بنی آمالمن ، بنی استقبالمن آیردك ؟ . آه قادینلر ، سز  
نه کلاشیلمز شیلر سکز ! .. بر آعما نوردن نه قدر آکلارسه

برده طقوز ، اون یاشنده صاری صاچلی ، مائی کوزلی برپری یه ،  
نازنین برپری یه بکزین « لوللا ، اسمنده کی قیزندن عبارتدی .  
لوللا !.. بومینی مینی قیز کلبك روحلی برچیچکه بکزه ردی که  
رایحه سی شطارتی ایدی .

زیارتلرم ائناسنده — والده سنك اصرار یله — مادمازل  
بورچقایایه فرانسزجه بعض اشعار ، خصوصیلله « لافونتن ، ك  
قصه لرینی اؤزلتیردم . درس آراسنده بو قیز جغزك چتره فیل بر  
فرانسزجه ایله افاده ایتدیکی غرائب طفلانه سی ، اوکیلی کیفلی  
کوه زه لکلری ، تجاهللری بزی ساعتارجه مشغول ایدردی .  
هله کندیسنه اغستوس بوجکیله قارینجه نك حکایه سی اؤزلتدیکم  
صیره ده : « بن اغستوس بوجکی کبی اولسنی استرم . هر زمان  
شرقی سویله مك ، آمان نهایی !.. پوف ! ترا کتسز خودین  
قاریجه ، آلیق حیوان !.. آرتق قاریجه لر یهیچ سومیه جکم !»  
دیه باغردی . او کوندن صوکره باغچه ده نه قدر قارینجه  
کور دیسه : « نیچون اغستوس بوجکنه معاونت ایتدك ،  
ها ، مردار ؟ ، دیهرک — والده سنك مخالفتنه رغماً — اؤمکه  
باشلاردی . اوصرده ، عموم قارینجه لرك دعوی وکیلی صفتی  
طاقینان پدرینك ، بیاض صاچلرندن بر نمونه بیله قالیان عریان  
باشنی ، آثار عتیقه تحریری ایچون حفریات اجرا ایدر کی  
قاشیه رق ، وبوغوق سسینه بر آز کشایش ویرمك ایچون قیصه  
قیصه او کسورهرک ، اوزمه نرك ، بزه نرك ایراد ایله دیکی اوجانم

قیزلری یکدیگر لرلیله اویناشه اویناشه عودت ایتدکلرینی اکثری آقشاملر پنجره مدن تماشا ایدر ، اُکلیردم .

قصبه نك اطرافی کاملاً یشیلک ، کاملاً آنکین ، بر قورولقدی .  
 بو قورویه کیرمک ، طولاشمق ... او اوولو کورکنلرک ،  
 قاواقلرک بللرینی — صارماشیق لرله کل ایپکلرینک آراسندن —  
 در آغوش ایتمش ، خانم آللرینک مشکین رایحه لرینی قوقلامق  
 انسانی مطلقاً سواد فرما تفکر اته مجبور ایدردی . بن  
 بو اورمانک رطوبتلی ، طورغون هوا سنه ، مائیتراق کولکه سنه  
 عاشق کیدم . یکانه مسیرم بوراسی ... یکانه اکلنجه م بورانک  
 اوشوخ ، اونشئلی چایر قوشلری ، سرچهلری ، او سرسری  
 قیرلانغجـلری ، چاپقین بلبللری ایدی ... آمان ! شـوقوجه  
 آغاجلر نه حسسز ، نه آغیر باشلی شیلر ایدی که اوجانلی نغمه لرک ،  
 اوقانادلی نشئه لرک ، اومست دائمی قوقولرک ، شعریت آهنگندن  
 یپراقلرینی بیله قیمیلدا تمازلردی !


بو اورمانک اورته سنده ، کیزلی بر کولک ساحلنده ، اهالی  
 محلیه نك — افترا اوله رق — یارق نامی ویردکلری آغاچلغـک  
 برکوشه سنده برقاتلی ، یشیل بویالی ، چاملرله ، مانولیا لرله محاط  
 برکوشک واردی . بو قصبه ده بولندیغم مدت ، هفتده ایکی اوج  
 دفعه — « غوسبودین بورچقایا ، نامنده برکورجی اصیلزاده نك  
 مالی اولان — بوکوشکه کیدر ، اوراده آلام هجرانی ، مرارت  
 حیاتی اونو تمغه چاشیردم . بو عائله اختیار برپدر ایله زوجه سندن ،





## برېښنه نك سرگذشتی

بر زمان قافقاسیه قصبه لرینك برنده بولنیوردم . موسم بهار:  
یابانی كلردن ، بیاض ، مور بنفشه لردن منسوج برلقای خوشبویه  
بورونمش پنبه تنلی ، مائی کوزلی بر بهار... انسانی مست ایدن ،  
غشی ایدن ، زورله عاشق ، مجبوراً شاعر ایدن بر بهار... سعادت  
حیاتك — بوغریبدر — وجودینه احتمال ویردیرن بر بهار...  
مملكتتمزك قیرلرنده کی مینالره ، پاپاتیه لره ، كلنجكلره بدل  
بوراده صاری بگزلی زرینلر... بیاض ، مور بنفشه لر...  
شیرین قوقولی ، مینی مینی طاغ چیلککری ایله اونلرك بیاض  
چیچککری ایلك بهارک زیتنی ، هله بونلردن آووج آووج  
چیلک طویلامق... اُتک اُتک بنفشه ده وشیرمك بوموسمه  
کویك تازه لریله ، کنجلرینك یکانه مشغولیتیدی .  
قوجاقلری شعره بکزر چیچککلره بررنك وبو... کویلی




بر بنفشه نك سرگذشتی



باغلانوب چیرپندجه عقده اسارتم تشدد ایتسین ... اويله تارمار  
اولهیم!..

شومیلانی، مجربکز اولان حال پڑمرده مه عطف ایدر سه کز،  
بنی بلکه معذور کورر و فضولیلر، ندیملر ایله هم مذهب و هم  
سودا بولور سکز!

۱۸ ایلول ۱۳۱۵



از اسنده یولنی شاش-یروب غائب اولدینی ، تصوراتم ، حسیاتم  
دروننده کیزلنه جک بریر بولدینی ، حل خیالیه اوغراش-دججه  
ایچندن چیقمه مدیغم قیوریق صاچلری هپسینه ترجیح ایتدیگمی  
اکلایه جقمیسکنز ...؟

نه زمان برحس تحسره کوشه کرین وحدت اولسه م قوللرم  
باغلانمش ، نظرم بر نقطه یه صایانمش قالسه م ، ... دوشونسه م ،  
کوزلرمک اوکنده سیاه ، قرمزی ، صاری صاچ تللرندن آفین  
آقین طالعهلر ، قیوریم قیوریم کردادلر حاصل اولور ، بونلر  
دونه رک ، بوکوله رک ، طالعهلاندرق اطرافنی آلیرلر ، بویونمه  
صاریلیرلر ، کوزلرمی اوپرلر ، آلمنی اوقشارلر ، بنی بوغمق  
ایسته رکی قیویریلیرایکین یردن یوکسه لره رک ، صوکره یینه صاریله رق ،  
بکا قوس قزح شکله بدیعهلر ، روحانیاته عائد کوزلالکلر ، عشقه  
دائر نکته لر ، روحه راجع بوسهلر بخش ایدرلر . بن بوتلاطمهلر  
آراسندن قبلر کورورم که اغلار ، بویونلر کورورم که بوکولور .  
امللر کورورم که صارایر ...

اوخ ! نه دیوردم ؟ اوقیوریق صاچلرک ایچنه ، کیمسه نک  
سزه میه جکی برطرزده ، کوکلی کیزله مک ، باریندیرمق ایسترسه م  
منع ایدرمیسکنز ...؟

بن ربط قاب ایده جک او یله پیچده وخم بخم صاچلر ایسته یورم که  
کرفتاز اولنججه بردها دامنندن قورتوله مییم ... او یله باغلانیم



برکون جوارده کی چاملقلرک آراسنده کزیوردوم . اوزاقده  
 برتپه نك اوستنده ، آتشین برکبده چك ، قیرمزی برشمسیه کوردوم  
 چاملقک یشیلا بکری آراسنده یالکز باشنه ، ایری برکلینجه  
 بکزیوردی . بر نشئه نجسسه یاقلاشدم . اوایدی . یاننده کی  
 رفیقه سیله بنی کورنجه حیرتله مزوج برصیحه ممنونیت فیرلاتدیلر .  
 « وعدیکزی بوراده تکرار طلبه کلدم ... دیویرمشم .  
 استرحامده ، مماشات ایتدیره چك درجه ده ، اصرار ایتدم ، بنم  
 ایچون صاچلرندن براینجه دسته فدا ایتدی . بن اوکا شرققزک  
 برچوق شهرلرینی ترجمه ایدهرک جزئداننه قید ایدردم . او  
 غریب ، افکارشاعرانه مزدن ، یانیقلقلر مزدن ، مژگانلردن ، یاره لی  
 سینهلردن ، زلفک تلنه باغلی قالان کوکلردن بحث ایده ایده  
 کندیسینی بونلره آلیشدیرمشدم .. ، کسدیکی صاچلری بر اینجه  
 اورکویادی ، ساعتک اوچنده ساللانان ، قیرمزی مینادن اوافق  
 بریوره کی چکدی ؛ « سزک اسمنی اونوتدیغ ، اواسکی شاعرکزک  
 زلف دلاویزی نامنه ! » دیهرک یوره کجکی صاچلرینک اوچنه  
 طاقدی ، بکا ویردی .

اوخ ! بن بو قیرمزی صاچلری پک سویوردوم .  
 لکن بن ، صاری صاچلری ده سومیورمیدم ؟ ... سیاه  
 صاچلری ده سومیورمیدم ؟ ...

أوت ... فقط بونلرک هپسندن زیاده سودیکم ، مختص  
 برسودا ایله مفتونی اولدیغم شیئی بیله حکمیدسکز ؟ ... نور نظرم

رکزه کلدیکم زمان ، بل باغکزک اوچلرینی پارماغکز ه صاروب  
چوزه رک ، آیاغکز ی صیق صیق یره اوره رق ، دوداقلر کزی  
ایصیره رق — بو وضعیت عصبیه کز دائما کوزمک اوکمه کلیر —  
بکا : — لکن تکمیل سویله مدیکز که ... دییه جک-کز . تکمیل  
سویله یه جکم ؟ حتی کچن کون یازیخانه مک ایچنده کوزکزه ایلیشن  
کوچوک ظرفک مندرجاتی ده کیزله میه جکم . ذاتا کوچلک برنجی  
خطوه یی آتمده در ؛ حیاتمه سزدن کیزی بر نقطه قالمس-ون ؛  
ایله ایسته دیکز ، ایله اولسون !

ظرفک ایچنده کی ، آهنگ طبیعی خلقتله توفیقی ممکن اوله-  
میان ، کوزلمی ، چرکینمی اولدیغنده نظر تماشایه ترددلر ایقاع  
ایدن ، مهم بر غلط طبیعی اگدیرر ، قیر منری صاچلر ... اساطیرک  
« دیان » دیدیکی الهه شکارک باریندینی قوره نت مشجره لری  
جوارنده یتشمش ، ینه اوجواردن کچن شمندو فرک برواغوننده  
تصادف اولنش بر قیز کدر ... بونلر ، چهره سنده ینه اورنکی  
اوقشار خفیف ، اوچوق چیللریله اودرجه غریب ، مهم حسن  
امتزاج ، دها طوغریسی امتزاج حسن حاصل ایتشدی که بنی هر  
تحمیک فوقده مشغول ایتمه کبب اولدی . هم مسکلمر مدن  
برینک کریمه سی اولدیغندن ، سهولتله کندیسنه تقدیم ایدلدم .  
خانه لرینه قبول اولمغه و خصوصیت کسب ایتمه کباش-لادقدن  
صوکره مخاطباتم اکثریا ، صاچلرینک اوغیر مونس رنک لرینه عائد  
اولوردی .

اخطار ایتدی ، اکه مهم مدار بحث عدایدن دادیم ، مکتب اتواخی  
 برنجی دفعه کیمک ایچون ترک ایتیش اولدیغم کوچوک ژا کتی  
 بکا کوستردیکی زمان طفولیت گذشته مک اکه دل آرا بردمنه عائد  
 بردینه کشف ایتدم : ژا کتک اوک دوکمه لرندن برینک آراسنده  
 بکا دوغرو ، بویونی بوکولمش برتل صاچ تیتیه یوردی . ژا کتی  
 قاورادم ، صاغ طرفنده کی دوکمه یه صاریلار ، اوچ درت تل صاری  
 صاچی چوزدم . ماضیده یاشامق اکتانی تصور ایدن بری چاره یه  
 یاقیشیر ، برتهالک مجنون ایله ، دیگر طرفک دوکمه لرینی آرادم .  
 « بولدم ! » دییه باغیر مشم . یوره کیم چا پییور ، کوزلرم سترات  
 سیهرنک عمر گذشته یی تارمار ایدهرک قارا کلک اوزاقلرک اکه  
 منزوی گوشه لرینه ، هیئت اصلیه سیله ، حیات سابقه سیله قاوو-  
 شیدیوردم ، فقط بوتون بونلری اکه کیزلی ستملرینه ، اکه تیز  
 قهقهه لرینه ، اکه طاتلی خلیجانلرینه ودر بردن قوجا قلامق ،  
 اوپمک ایچون کوزلرمی یوموب ، آغوشی آچدیغم زمان قوللرمک  
 آراسنده ... بوشلقدن غیری برشی بوله مدم . آراق ، بیهوده  
 سینهمی دوکییوردم .

اوایکی یادکاری برمحفظه یه قویه رق ، صاقلادم که شیمدی شو  
 سطرلری یازارکن ، ایشته ، ینه کوزمک اوکنده طور ییورلر...

## §

شیمدی ، پک مراق ایتدی ککر جهتی سکوت ایله کچدی کم  
 ایچون وسوسه لرکزی تأیید ایتیش اوله جغم . صوکره ینه حضو-

اوچییوردق ... هوالانیرکی یوره کمزی شیشیرن یوکسکلره بر  
میل ، آشاغییه قایار ایکن سیکیرلرمزی غیجقلایه رق بایلیتیجی  
برمستی آلییه تبدل ایدیوردی . طنین قهقهه آتمز ، قیزارمغه  
باشلایان قمرک انواری آراسنده ، اطراف چینلاته چینلاته دورادور  
چیغلقلر حاصل ایدیوردی . آرتق مست اولمشدق ، اوچییوردق ..  
شیمدی بنم فسم پوسه کولندن برداله اصلی قالمش ، اونلرک  
کمره صاچلرینی ضبط ایده . مین قورده لالر اوچش کیتمش  
ایدی . آرتق ایپک صاچلر یوزمی کوزمی بورومش ، چهره می  
اوپه اوقشایه ، اوموزلر مه صارلمش اوچییوردق . دائما ،  
اوچییوردق ... قانادلر من روز کار ایدی ! دائما اوچییوردق .  
باشمک اوستنده ، بومهد بهاره قاناد آچان بیاض بولوطه  
قوشان قره ، شفاف برقارالتی آلتنده طوران اوزاقلره ، بو  
صاچلرک آراسندن باقییوردم . بو آنده حس ایتک ندر ؟  
دوشونمک ندر ؟ بیلسمیدم ، کیم بیلیر نه کوزللاکلر حس ایده جک  
ویانه چرکین شیلر دوشونه جکدم ...

یمکه دعوت ایچون ارایان دادیلر من بزی بویله برهوا  
بولمشلردی ...

اوچیزده سنده لیه سنده لیه ایرلدق .

§

ایرتسی کون ، بن ایلی بر مکتبه قید اولندم . بو خاطر نک  
اوزرندن ، اون بش سنه مرور ایتشدی که آراسیره بکا چوجو قلمی

اوکون یینه کوچوچک رقیقه لر مک ، فندیق آغاچلرینک  
 یوموشاق ، یاصی یاپراقلرینی ایتوب آلرندە کی ، اؤکلرندە کی  
 یاپاتیهلر ، کلنچکلر ، یابانی کلرله بکا طوغرو قوشدقلرینی کوردم .  
 دادیلرینک یاردیمیله ، اوچیچکلری صالنجاغمزک ایپلرینه باغلادق ،  
 اونلردن باشلرینه تاجلر ، بلارینه کمرلر یاپدق . بوپری سوسلری  
 اوغورندە بوتون چاملیجه تپهلرینک ، باغلر باشنک صاچلرینی  
 یولغه کندیمزده استعداد حس ایدیوردق ... خندقلرک  
 کنارلرندن ، چیتلرک آزالرندن ، آغاچلرک دیبلرندن اوقدر  
 چیچک طوپلادق ، وبونلری طوپلامق ایچون اوقدر یورلدقده  
 — استراحت احتیاجنی چهرهلرمنک فیزلانی اخطارایتدیکی حالده  
 — دادینک ممانعتنه رغماً کندیمزنی یینه صالنجاغه آتدق .

قوللرله ایکیسنی بردن در آغوش ایتمش ، آلرمنک ایچنده  
 ایی ، براحتراض شدید ایله قاورامشدم . شیمدی هوالانیوردق  
 شیمدی اوچیوردق ، اخلامورک تیرشه داللی آراسنده  
 اوچیوردق ؛ قایار کبی اوچیور ، اوچار کبی قاییوردق ؛ هوایی  
 غیر منتظم یاره رق ، مینی مینی کیفمزدن ، بزم هوامزدن  
 نشئه لنوب ، سعادت می ، آل چیرپه رق ، آلقیشلامق ایچون تتره شن  
 اخلامورک صولغون ، نحیف یاپراقلرینه کلچه کلچه بوسهلر ،  
 بوسه آهنگنده قهقههلر قوندیره رق اوچیوردق ... قوجاغمزده کی  
 اطرافمزدە کی چیچکلر بوساچلره ، صاچلر چیچکلره برشیلر  
 فیصلدایه رق صاچیلیور ، دوکولیوردی ؛ کل افشان وکا کلفشان

دائما اُنیریاته بورونمش ، برر خیال اولمق تجلیسیله طوغمش ،  
مادیترلله تماس وامتزاج ایده مه دن یالکمز ، غمکین ایزلر بر اقرق  
رحلت ایتمش ، بر طاقم عشق طرزنده خلیالر ، خلیا نوغندن  
عشقلردر . سزی بو هیچلر اکلندیره بیلیرمی ؟ .. اکلندیررسه ،  
یودفعه باشمه طولادیغکمز اوصاچلر ، حقنده کی مطالعات ده شو  
صحائف حیات منزویدن بر ایکی یار اقدر ، اونلری بوصورتله  
اوقومکزی رجا ایده جکم .

أوت ، والده لر من ، بنم برجسته دن بر بهار فضله کوردیکی  
سویله یورلر . ظن ایدرم که بونلر ایکی برادر زاده ایدیلر .  
بری برینه بکزه بن چهره لرینی ، خجسته نك سیاه ، برجسته نك  
صاری صاچلری نه قدر دکیشدیرمشدی . سیاه صاچلرک ،  
سیاه کولکلی ، قیوریق کیرپیکلرک آراسنده ، اندیشه لر آریان ،  
کریه لر بکله بن یشیل کوزلره قارشی بن پک تعظیمکار ایدم ،  
فقط اونک اوقویولوقلریله بر تضاد ارانه ایدن ، دیکرینک  
مائیکلرندن ، اپیسقه لقلرندن ، بیاضلقلرندن ، هوپا لقلرندن  
خوشلانیردم ، بونلرک بری بنی دائما خیرپالار ، دیکری هر زمان  
حمایه ایدردی .

خالق رنک و آهنگ صاری صاچلره طلوعدن بر لمعه رنکین ،  
سیاه صاچلره غروب دن بر نفحه نارین قاریشیدیرمش ، برینه  
نشئه هوسدن بر اکیلل ، اوبرینه اندیشه سودادن برهاله تودیع  
ایتمش ده بو قدر معنی دار بر ایجه لک وجوده کلش ...



آی بیوک ایدی . بر جستهدن بن بر بهار فضله کورمشدم .  
 سزه بویله چوجق مصاللری اکلایه جقمندن ، جانکز صیقيلمغه  
 باش-لایور . دکلې ؟ .. فقط طبیعی دکلیدرکه سزی وسوسه یه  
 دوشورمهدن عریض و عمیق عرض حسبیاته تشبثم بویله نابود  
 اولمش بر ماضی یه ارجاع نظارله ممکن اوله جق ... هم برافکز  
 بنی ، مساعده ایدیکز بکا ؛ بنم ایچون قات قات ، ماوی نسیان  
 توللریله اورتلشم صفحات رازی حیاتمندن .. کوجنشم ،  
 سونشم ماضیمندن سزه بحث ایدیم که اونلرده بلکه عمر  
 نازکانه کزه عائد اکلایه لر بوله بیلیرسکز .

لکن بونک ایچون آنکین بر ساحل ایستهرم ، اقشام زمانی  
 ایستهرم ، بن اوساحلده ، اومائی توللرک قاتمرلرینی بربرر آچدقچه  
 کونشده خاطر اتمله هم افول اولسون ... بوقاتمرلرک آراسندن  
 کورونه جک ناکام یاشلردن ، نومید خلج جانلردن ، بی نصیب  
 مراسلاتدن ، حزین ونالان یادکارلردن ، اکلایه مامش  
 امللردن ، اکلایه مامش عشقلردن ... آه اکلایه مامزلقلردن  
 بحث ایده ایده بن ، طاقتمسز ، صوصنجه کائناتده بنمله برابر  
 صوصمش بولونسون ، کائناتده خاطر اتمله برابر پرده نهانی  
 استتاره بورونشم بولونسون ... اما اکلایه ایستهرسه کز بو  
 شیلر اولسون ... یوقسه ...

باقکز دمین نه دیمشدم ، شیمدی نه لر یازدم ؟ اوت  
 آکلایه جق شیلر شیمدی حکایه ایتک ایسته دکلم قدر مبتدیر

نرمين ، توزلريله قوروتماليدركه موضوعك حسنيله متناسب اولسون ! لکن بن ...

.....  
اون بش سنه اول ایدی . ماضینک دوره اساطیر خیاله کیرمش بر بهار آفشامنده ، باغچه مزك چاراشیق برکوشه سنده کی منزوی ، اختیار بر اخلامور آغاچنک کولکسی آلتنده ، آغیر بر روزکاره انقیاد ایله ، دوشونه دوشونه ساللانان بر صالنجاغک آغوشنه آتلدیم ... اوت مخاطبکنز اوزمان هنوز سنه لرك بارکرانیله یورولماش ، روزکارک تأثیر مخربی اونک کولکنی صولدیرمامش ، امللرینی قیرمامش ایدی .

باغمزك کنارنده کی چیتک چالیلرینی چیترداتمه دن - بر کولکک کی - « اونلرك » بکا طوغری کلدکلرینی کوردیم ، اونوتمه دن سویله ییم : بوراسی بر موعده تلاق ایدی ؛ هر آقشام بورایه کلدیکمزی ، تأخر ایدنه ، خبرویرمک ایچون ، صالنجاقده ساللانیرکن ، اونلر صاچلریله ، بن قیرمزی فسمله اشارت چکردک .

صوکره حجه سنه ایله بر جسته ، فندق داللرینک آراسندن اینجه اینجه صولویه رق کچوب بنمله ، بو اخلامورک آلتنده ، بر حیدود چته سی کی ، کیزلیجه برلشیردک ، بویمزك یتشه جکی داللرك یمشلرینه عائد ، ألمزدن نه قدر زیان کلیرسه ، بلا نقصان اجراده تردد ایتزدک . بن هنوز اون یاشنده واردیم . حجه سنه بندن آلتی



اوچنجی مکتوب

## صاحل

کامران بر دیگر مکتوبی ده او قومغه باشلادی :  
 « چیچکلره دائر فکر مخصوصم ، استهزا کزی ، زنکلر  
 حقنده کی تصور اتم ، اغبرار کزی موجب اولدیغی ، رفیقہ لر کزدن  
 ایشیتدیکم حالده ، سز حس-یات کزی کیزله دیکز ، فقط یچون  
 کیزله دیکز؟ .. بن صاری بی سویورایسم ، اونی سزه یاقیشدیغی  
 ایچون سویورم ؛ سیاهه مفتون ایسم بن . ( ایشته بورایه  
 کلجه بر نقطه قور ، وچکرم ! )

بنم کی فکر عبوس صاحبی بر وحشیدن استمزاج رأی  
 ایتمکدن فارغ اوله جف کزی تأمین ایتش ایدیکز . کچن آقشام  
 تأمینات کزده مجاهل ایدم رک - اوح ! قادینلرک بوتج-اهلی ! -  
 رفیقہ کزک صاحلر حقنده کی استمزاجنه ، سزده اشتراک ایتمه ملی  
 ایدیکز ؛

پری حسنک تاج احتشامنی تعریف ایچون سویله نه جک  
 شعرلری ملک محبتک قانادلرندن برتوی قوپاروب ، اونی کهکشانلره  
 باطیره رق ، کل یپراقلرینه یازمالی ، صوکره کلک قانادلرینک



~~~~~  
صاچلر  
~~~~~





« بر قاچ کون صوکره بالتصـادف سزی کوردیکم زمان  
 یکدیګر منک یوزینه باقامیور ، سویله یه جک لا قیردی بوله مییور  
 ایدک . بوکونک خاطره لذتی اونوته میه جغم . بر هیج ایچـون  
 ایکیمزده ، اوزون مدت ، ناصل طاتلی طاتلی آغلادق .. بن  
 سویله دجه سز اغلایوردیکز ، سز سویله دجه بن اغلایوردم .  
 ایچمه جک ، اوفاجق مندی لکزی کوزلر کزدن چکدیککز زمان  
 چشمه انکزک اطرافنده ، یاناقلر کزده ، شاقاقلر یکزه دوغرو مینی مینی  
 پنبه هاله لر حاصل اولیوردی ... سویله یکز ! اوکون مسعود  
 دکلی ایدک ..؟

« اوح ! بویله سزکله برابر آغلامه بی نه قدر سـویورم .  
 رجا ایدرم ، بکا دائماً ستم ایدیکز ، بنی دائماً پریشان ایدیکز ،  
 بنی دائماً قهر ایدیکز ... بنی سومیکز ، فقط بکا آجییکز ...  
 خایر ، بکا آجیمیکز ، فقط بنی سویکز ؛ خلاصه نه ایسته رسه کز  
 یاپکزده بن متمادیاً محزون اولهیم . برچوق زمان بی تاب ، خسته  
 دوشهیم ... بویله جه دم واپسینمده ، چهره م اک سودیکم بررنکه  
 کیرمش ، صارارمش اولسه .. سزده ینه باشقه برحسله سودیکم  
 رنکده تلبس اتمش ، سیاهلر کیمش اولسه کز .. بنی زیارته ،  
 بنی تسلی یه ، بکا وداعه کلسه کزده .. دوداقلرمله ، کوزلرمله  
 سزه اغلایه اغلایه تشکر ایتسه ایدم ... اوزمان اوایکی رنک :  
 صاری ایله سیاه ، نه کوزل امتزاج ایدردی ! ..

چوزمكله مشغول اولييورديكز . بوسيره ده كوكلدن ، كوزمدن  
 قوپان بر بوسه يي - كيزليجه - قلكيزه قونديرديغمي حس  
 ايتديككزي برنيم نكاهكزله اخطار ايتديكز . اوح ! .. بن بو  
 دقيقه لري هيچ اونوته يم ! بو آنده باغچه ده كي كلار مهتابه ، قر  
 اوبياض بلوطلره ، آسمان اوپارلاق ييلديزلره ناصل بورونمش  
 ايسه سزده اوصفوتله ، اولطاقتله آغوشمه بورونسه كزده  
 اوچسه ق كيتسه ك ... كيتسه ك .. كيتسه ك .. كيجه نك هجري  
 بر ساحلنده بر بولوطه قونسق ديه دوشونوركن ، سزك « قادين  
 سومك سولمكه مؤكلدر ، سومين ، كيديسني سوديره مين قادين  
 دكلدر » ديديككزدن بالاسنه فاده سزي سوديكمي ، سزي پك  
 سوديكمي بغته اظهار ايدويورنجه ، بيلم نهدن بكا منفعل اولديكز ،  
 اوستي ايشلمه لي ميني ميني ساعتكزه باقديكز . حال و طور كزله  
 « هايدى كيت ، سندن صيقلدم ! » ديمك ايسته ديكز . تعجيز  
 ايتديكمي ، جانم يانارق ، آكلادم . در حال قالقدم . مختصرانه  
 سزه وداع ايتدم . « طوريكز والده مي چاغيره يم ، بلكه سزه  
 برشي سويله مك ايسته ر » ديديكز چهرمك نهرنكه كيرديكني ده  
 كورديكز .. جريان ايدر كي خيزله او طه دن چيقديكز . بن كه ...  
 بوكيجه سزكله صباح محشره قدر برابر بولنق ايسته يوردم ! ..  
 « صانداله آتلادم . صاندالجي بنى محل مقصوده چيقاره جنى  
 زمان : « خير بنى دها اوتلره كوتور ! » ديدم . اودقيقه شو  
 ماويلك مزارم اولمسنى ايسته مشدم .

باش باشه ، قلب قابه قالمشديق . برانژمك شرقيلىرىنى قارىشىد .  
 رىيورديق . آلرم ، لسانم كې ، قابم كې اهتزاز و خلىجاندىن  
 بى تاب ايدى . نظر سېكتاز كز مجموعه اشعارك سطرلرى اوستىدىن  
 سرعتله ايلريله يور... بن بياضله آلك ، ياسمىنله كللك ازدواجىدىن  
 متولد ، بر نور رنكىن ايله منجلى چهره كزك ، شعرايله موسيقينىك  
 امتزاجىدىن تشكىل ايتىش صدا كزك خيال شوقاشوقنه وقف روح ايله .  
 دىكمدن او كهنه برانژمك نديمك ايسته دىكىدىن خبردار دكلم...  
 بىللم بويىچە ، سزىك « برشعر » ايدىكز ! آللىرىكز عريان ،  
 صاچلىرىكز عريان ، كوردنكز عريان ، كوكلىكز عريان ايدى . بومائى  
 صىجاق كىچەدە ، يرله كوكلك . اونامتناهى سكوتى آلتىدە ، ياللىكز  
 بياض دىش-لى كوپوكلك مائى دوداقلريله ، ابدرىانك اوصولجه  
 اوپوشد كلرى طويوليوردى . پرده لرك آراسىدىن خفيف  
 برملتىم ، اوطه يه كىرەرك ، لامبەنك آل - پىر ضىاسى آلتىدىن طاشان  
 شعاعى تىترەتكەن صوكرە ، آللىكزە دوكون صاچلىركزى  
 اوپدى ؛ چىكلىدى كىتدى . آرتق كوكلم سزى راحتسىز ايتىمەك  
 ايچون چارپىيوردى ؛ آرتق آي دوراتى ، دكز جرياتى -  
 صانكە سزى تماشا ايچون - تعطيل ايتىشىدى . كىچەنك  
 رطوبىتله برقات دها تازەلەنن كللك ، ياسمىنلرك ، خانم آللىرىنك  
 لطيف ، خفيف ، تن نواز رايحه سى سالونك ايچنە يايلىمىشىدى .  
 بول ، پریشان طويولانمش قويو قومرال صاچلىركزك  
 اراسىدىن صاچىلان برقاج موى نرمىنى ، پارماقلىركزە صاروب

تقديم ايمه مي امر ايدىيورسكز . سـالونكزك آهنگ انتظامي  
 اخلاص ايچون بنم وجود پريشانم كافي گليورمي كه ، او كوكله بگزهد بن  
 كيمسه سز ، غبار آلود ، سونوك ، چركين ، وحتي وحتي  
 چيچكلارمي ده دعوت ايدىيورسكز . بنم كوز ياشلرمدن بيكس ،  
 بي چاره اولان اوترييه ناپذير ، اومتروك بيا بانيلىرى ، آشيانه  
 ملكانه كزه قبوله تنزل ايتدكدن صوكره ، بن بو طاعلرك ، يارلرك ،  
 دره لرك ، تپه لرك دشت وهامونك صاچلرني يولار ، قوپارر ،  
 كچه چككز يولاره سرپر م ...

« شيمدى ده ، هانكي رنكلرى سويديكمي سؤال ايدىيورسكز .  
 نيچون بكا بوقدر اهميت ويرييورسكز ؟ باقكز نه دوشونديورم ؟  
 بنمله نه دن بوقدر استهزا ايدىيورسكز ؟ ديه جكدم . حضوركز  
 بكا سويله ديكمي ، سويله يه جكمي اونوتدير . يني كبي ، خيالكزده  
 دوشونه جكمي شاشيرتيدور !

« بركون بكا ديمديكزمي كه : « قادينلر برمساعده ني سوء  
 استعمال ايدنلري ، بعضاً معذور كوردكلاري حالده ، اومساعده دن  
 استفاده ايدميينلري هيچ بروقت عفو ايدم مزلر ، ايشته بنده  
 بوجرا تله سزه كوكللي ارائه ايدم جكم .

« صولوق جهرمه ، كريبه آلود طالعه باقارسه كز هانكي  
 رنكي ترجيح ايتديكمي كشف ايدم رسكز .

« بركيجه بيليرميسكز ؟ والده كز مسافر لريله يانمزدده كي  
 اوطه ده ، بزيك اوينايان پدريكزك يانسه كيمه شدي ده بز ديز ديزم




ایکنجی مکتوب

## نظر

کامران الحاح معندانم اوزرینه برکونده یینه اوپا کتک  
اراسندن چیقاردینی بوروشمش ، اورسه لشمش برکاغده یازلمش  
وبرچوق یرلری چیزلمش ، بوزولمش ، شوایکنجی مکتوبی ، القابنه  
برآه مدید وقلبی تردیف ایده رک او قومغه باشلادی .

...

« نخمینم نه قدر دوغرو ایمش .. افکار وحشتنوازمه مطلع  
اولنجه حس-یاتمدن - آزیجق اولسون - نفرت ایتدیکز ،  
جراثمدن - برپارچه اولسون - اورکدیکز دکلکی ؟ ... بونی سز  
سویله میورسکزر آما ، اولکی کون سزی کوردیکم زمان حاله آجیر  
کبی کوله رک ، مکتوبکم شیدای عامری مصاللری ، بیک برکیجه  
افسانه لری طرزنده ، سزی اکلندیردیکنی سویله دیککزر زمان  
بن هیدنی کشف ایتدم . اوغندی مدعیاتمه صانکه برجز اترقیب  
ایله یورسکزرده سزه کلدکجه ، اوطاغ چیچکلرندن ، هر زمان بردمت





رنکھر

بكله يور. اوح ! بلكه شو ايكي چيچكل قانادلري برابر صوله جق ،  
يا خود شو ايكي كلبك يار اقلري بردن دوشه جك !..

• قويو يشيل يار اقلرينه بورونمش ، قيصه داللي شو كيك  
چيچكي بلكه بهاره يتيشه مين برسوكيلي بلك تر به داريدر. مرثيه  
خوانيدر: او قدر صاف ، او قدر پاك ، او قدر محزون طور يور.  
• بكا اويله كليور كه بوتون شو چايرلر يشيل يار اقلري  
بو كوچك ، بو حقير ، بو هيچ قير منيكشه سنك تبسمنه آلدانه رق  
آچيلير ؛ شبنملر اونك كوشله مبادله ايتديكي كيزلي بوسه لرني  
اوقشامق ايچون ، روزكارلر كذر كاھنده كي چنلري جين ساي  
تعظيم اتمك ايچون هبوب ايدر ، كوشلر خا كپاي اولمق ايچون  
طوغارده او ، ينه تواضعي ترك ايدمهز .

• أمين اولكيز ، هيچ بر مرحتسز آل بلا سبب اونلري  
داللرندن آيرمق ايچون مجاهده سز ، قولايجه بوديكنلر آلتنه  
صوقوله ماز ، بو قايالرك اوستنه طيرمانه ماز . ايشته بوتون  
بونلر ايچوندر كه بوپا كدامن ، مشكل پسند ، بو وفا پرور چيچكلري  
بك ، بك چوق سورم !..

• بلكه شو صيرده دوداقلر كزي ، عدم تنزلي اياما ايدر بر  
طرزده بوكه رك ، بكا ، قلباً سفيلى يعنى ... شاعر ديورسكز ...  
باس يوق ، بيليرسكز كه بن سرك هر عتابكزدن بر آري صفا  
حسن ايدر م !..

سمانك اٲكنه باقكز : كونشك بال زرین طاوسانه سی هنوز  
طوبالانماش ، صاری توپلر ، اینجه توللركی كومه كومه دوران  
بولوطچقكلرك اوستنه ، كوچك كوچك نور طالعهلری ، نور  
طاملهلری تیره تیره قونوب قالقیبور: كونشك اېسقه نوری  
شو اوافق چالبلقكلرك آره سنه نصل غیر منتظم ، پرا كنده انعكاس  
ایدیور . آلکزی وریكز ، بنله برایکی آدیم آتیكز ... شو  
چالبلغك آراسنده مور ، صاری ، بیاض ایکی اوچ نقطه  
كوزیكیور ... دكلی ؟

« ایشه بن بوقیر مكشه لرینی سویورم ... اوقدر سویورم كه  
حضور كزده بیله اونلره اعلان محبت ایتكه ، باقكز ، كندیمة  
جسارت كوریورم . طارلیكز ... بن زرده بویله تك توك  
معصوم بر كوزللكه ، تكلفسز ، صنعتسز ، طبیعی بر كوزللكه  
تصادف ایتسم ، دقیقه لرجه بویونم بوكوك اونی تقدیس ایدرم .  
« آمین اولكزكه كونشك ، روزكارلر ، شبنملر ، یاغمورلر  
شو آل مینه جكه ، اطرافنده ، اوستنه تیره یی ، بوكورتلن یپراقلرینك  
تدقیق صحابتندن كچمه دن ، شوفونده لك بی آمان دیکنلریله ، كلبكلر ،  
آریلر ، متلاشی قانادلرینی یارلمه دن ، برامتحان صداقته معروض  
اولمه دن امكانی یوق ، او حس مجرده رومال محبت اوله مازلر .  
« هله شو صاری چیدی كوریكز ! بوقدر كوزللكی ،  
بوقدر تازه لكیله برابر كندی ایچون قانادلرینی یرتمش اولان  
كوكرت رنكنده بركلبكك عودتی ، ناصل برتسلیمیت دیندارانه ایله

هيچ بر قورساڭك قائم لرلى ، دانتله لرى آراسنده ، هيچ بر  
شكوفه دانك آغوش باردنده حائر اولديغى شعريتى ، تاثيرى حاصل  
ايدهمين بوشوخ ، بوقت ان فلاكت زده لرى سوهمم ... سوهمم ،  
ألماسم ! يالكلز اولنره آجيرم . حاللرنده ، وضعيتلرنده بر مغلوبيت ،  
براننتظار سـ قوط اولان بوپك نازنين ، پك نرمين رنكپاره لره  
همده نه قدر آجيرم بيلسه كز ؟ .. اولنرى مطلقا قوبارمق ايچون  
يتشـ ديرن باغچوانك مادي طمعى ، اولنرى تقديم ايدن ألكرك  
خودكام املى ، اولنرى بر آن صوكره دوشـ ورمك ، آتمق  
ايچون قبول ايدن سينهك جملى نمايشى كوزلر مك اوكنه كليرده  
يالكلز مادياته ، تظاهراته قربان اولان ، اوقطرات ألوانى ، قطرات  
اشـ كمله تعزيت ايتمك ايستهرم ... فقط نهـ ايت يكرمى دقيقه  
صوكره مزبله نسيانه ، شو فوژه رلردن متشكل يشـ يل كفينله  
آتيله جق اولان ياسـ منلرك ، ايسته شو كنجك كو كسـ نده كى  
ياسـ منلرك غرور اقبالنى . مستى موقتنى كورورده بوتون جسمله ،  
بوتون كولكلله اولنردن نفرت ايدرم . عجبا حقم يوقى ؟

— يوق مى ؟ ..

— پكى اويله ايسه ، كليكلز ملكم ، كليكلز ! بنمله بر ابر غروب  
زمانى فضانك ، ارضك ، قمر ك تنفسى ، آغاچلرك روز كار شام  
غريب آراسنده كى بوسه صدالرى ، بوجكلرله چنلرك حسـ بـ حاللرى  
ايشيديلن بوصيره ده شو عالم اسمرين خيالات ايچنده سرسرى  
سرسرى كزلم ... ايلريلره قدر كـ يـ دم . شو قويو أنكـ ين

بوتون بوسطرلری نظر حدتکزله قهر و پایمال ایدمک آشاغی  
 کلملره دوزرو برسیاله کبی ، حشمه هجوم ایدیورسکمز !..  
 « آرتق سزی اوزمیه جکم ، ایشته سویله یورم ... بی  
 عفو ایدیکز !

« اوت ، ایکی کوزم ! اوت ، روحم ! بن کلی سومم ، بن  
 سنبل سومم ، بن لیلالقری سومم ، بن لاله لری سومم ؛ هله او  
 قریزانتملری ، مانولیلاری ، غارده نیلاری ، قاملیلاری ، آچلیلاری  
 هیچ سومم !.. آه ؛ اونلرده ایستدیکم ، آرادیغم معصومیتی ،  
 خیالپرورلکی ، وفا پرستلکی ، مردمکریزلکی ، رقتی ، حزنی ،  
 شعری بردرلو حس ایدم میورم ؛ اونلری پک آشفته ، پک هرجائی ،  
 پک بدبخت ، پک کوزل بولویورم ...

« ایشته ، ایشته کوریورم . لکننت لسانیه سندن کوکلنی  
 آملنی سزه تمامیه عرضه موفق اوله میان شو بیچاره مدعی بی ،  
 شو صوچمنز کاغدی ، برطور بطی نفرته یره آتیوردیکمز ؛  
 سیاه اسقارپینکیزک افواجق اوجیلده ایلری دوزرو ایتهرک  
 حضورکزدن دفع ایتدیکمز . سرائر قلبنی دقایقیله افشا ، جرم  
 بی گناهی تمامیه اعتراف ایچون ، خوفندن ، اوباقکمز ناصل  
 بوکولدی ، ناصل بوزولدی !..

« سهرلرده ، سديرلرده ، طرحلرده باغچوانلرک نظر  
 احتراصی ، دست تعرضی آلتنده جبراً آچیلوب ، صاچیلان ...  
 قدری دائماً جعلی برنمایشه وسیله اولمقدن عبارت اولان ...

آڪلات قدن صوڪره يان جيپندن چيقار ديني بردسته مڪتوبلردن  
آتيده کي کاغدي او قومغه باشلادی :

## §

» هانکي چيچکي زياده سوديکمي بکانه ايجون صور ميورسکز ؟  
سزک کي نازک نواز شلر ، رقيق اهتماملر ، نازلي نازلي تقيدلرله  
بويومش ... ترتيب وانتظامدن ، نزاکت ولطافتدن باشقه برشيله  
انسيت ايمه مش برکوزله ناصل خود بخود فکرمي سويله يهيم ؟  
قورقارم که بنمله استهزا ايده جکسکز ، قورقارم که اوصني کللر ،  
آتشرنک آچليالرله مزين شابقه کزک آلتنده ، طلوع ايدر کي  
دوران قويو قومرال صاچلرکزک سايه اسمريننده کي آلا  
کوزلرکزدن بايفين برشراره استهزا فوران ايده جک ... بلکه  
استهزا کزه شمه اغبرارده قاريشه جق ! فقط مادام که امر  
ايتديکز ، اطاعت ايمسه م سزي دها زياده قيرمش اوله جغم .  
ذاتاً فکرم آفرينکزه بدل قضاء نفرينکزه باعث اولورسه اونى  
درحال تعديل ايده جکمدن شبهه ايتميکز . حسياتم حسنکزه فدا  
اولماسينمي ؟

» مقدماتم سزي قورقوتدي ، دکلي ؟ بندن اميد ايتديککز  
شيلر ايشيده جککز خوفيله ايشته صارارمغه باشلادیکز ، مينى  
مينى سرچه پارمقلرکزي چيتلاته رق ، انجيلي يوزوککزي خيزلي  
خيزلي چويرييورسکز ، آياغکزي آياغکزک اوسسته قويدکز ،  
شيمدى شوکاغدي آلرکزک آره سنده بردشمن کي صيقه رق





برنجی مکتوب

## صیطر

بك اوغلنك اُك لوش ، اُك بويوك بيره خانه لرندن برينك  
 راطب ، قويتو بر كوشه سنه كامران بلكه برابر اوطوريويردك .  
 بن ، استعجال واستيضاحي اياما ايدر صورتده ، باشم اوك طرفه  
 دوغر وبوكولمش ، كوكسم ديمديك بروضعيت آلمش ... بويوك  
 براستفهام ايشارتي هيئتنه كيرمشدم . ارقداشم بدبخت برخيال  
 پرستلكي كوسترن ضعيف ، رنكسز چهره سنك حزتي تزيب  
 ايدن نظرماتمرنكيله اطرافى برسووزدى . باستوننك اوجنى  
 اوكنزده كي مرمر ماصيه ياواشجه اوره رق غارسونه امر  
 وپرمسيله برابر اُلديونلرني اعتنا ايله اُللرندن صيپردى ، چيقاردى ،  
 ايكي سنى ده اوست اوسته كتيردكن صوكره بياض مرمرك  
 اوستنه قويدى ، وديرسكى اونك اوستنه دايدى ، بكا توجه  
 ايدرک ، كچن ياز بويوك آطه ده جريان ايدن معاشقه سنك مابعدني



چچکار

اوینار : لکن !.. قضا را بریری قیرلیمی ، برنومیدی عصبی  
ایله اوده دیگر برعضوینی — قیرمقدن چکنمز . کوزینی چیقا-  
رر ، باجاغنی قوپارر ؛ چاموره آتار ؛ ایسترسه برده تکه اورر .

۲۷ شباط ۳۱۱



بر دعوت تذکره سی ! .. جلیل ! .. جلیل ! .. اوت ، جلیل  
تکرار ازدواج ایدیورمش . یاربی ! دنیاده اُک شاشیله جق ،  
اُک ممکنسز برشی وارسه اوده بوایدی . آه ! ... خاصه نسیان  
جناب حَقْک انسانیته اُک بیوک بر اثر مرحمتیدر . اوتاریکی  
غفلت اولسه ، تسلی .. امید .. بوایکی نازنده مشفق ، خیره بخش  
بصیرت اوله مزیدی .

دوکونده جلیلی کوردم . کمال شطارتله مسافرلرینی آغیر-  
لایوردی . قارشیدن بی کورونجه کوزلرنده برشهله خاطره  
پارلادی . سیاه ردغوتنک اراسندن آلارینی پانطلوننک جیلرینه  
صوقمش ، سیاه اوفاق بویون باغی برپارچه انتظامی غائب ایتمش ،  
قاشلرینک اوزرینه دوغری اینن فسنگ پوسکولی — برنشۀ لا-  
ابالی بی ایما ایدر طرزده — اوکنه کلش ، نیم مست برحالدۀ بکا  
طوغری کلدی ؛ ایکی آلمی آوجلرینک ایچنه آلدی ؛ بی کندیسنه  
دوغری چکدی ؛ اوصولجه قولاغمه بر قرار عظیم تبلیغ  
ایدر کی :

— دنیا بویله در ، ایشته عزیزم ! ... دیدی .

نه مستکره ، فقط بر حقیقت ! .

اوت ! .. حسیات محبت بر معصومه نِک بیکنه بکزر : اولا  
اونی پک ، پک سهور ، اوقشار ، اوپر ، اونکله کوزل کوزل

« کیم صبر ایدر؟ عزیزم! سفیلم، پک سفیلم! .. »  
 جواب ویره مدم. بر صاری یوسون پارچه سنه توجه ایدن  
 نکاهم طالمش کیتمشدی؛ ایکم زده سکوت ایدیوردق.  
 اوچوق بکزلی خزانک زمین، ضعیف افشام کونشی  
 قره جه احمدک، سرویلردن متشکل یشیل کفتی بیرتہ رق، مائل  
 انهدام برقبرک طاشلرینی تنویر ایدیوردی. اونک باش اوچنده  
 بهارک بادم چیچکلری قدر بیاض، برکلبکک، سرویلرک ابکم  
 اوغولتیسینی استماعه مؤکل برملک ایمش کبی، وقورانه پرواز  
 ایده ایده، خاتمہ سرنوشتی بر فاتحه دن عبارت اولان اولحد  
 فرسوده نک سینہ سنده کی پاپاتیہ لرک اوزرینه، نور کبی اینیورمسی  
 بزی ایقاز ایتدی. آریلیر ایکن جلیل: « بن یاشایه میه جغم ..  
 اراتق یاشایه میه جغم! » دیوردی.

## §

بوندن سوکره جلیلی اکثریا کورور، حالنه آجیردم. بلی  
 بوکولمش، رنکی اوچش حرکاتنه بر بطاات عارض اولمش،  
 یوزی بوروشمش پڑمرده بر مزاره دوئمشدی.  
 دائماً: بدبخت چوجق بونجه مصیبتلر، بوقدر بالاردن  
 سوکره آراتق خلاص بولماز! « دیردم.

ایکی سنه کچدی.

برکون قلمه کلدیکم زمان ماصه نک اوستده سوسلیجه بر  
 ظرف کورددم. درحال بر تجسس متلاشیانه ایله ظرفی بیرتدم.



« کوزلرندن صاحیلان شراره مههم استیضاحه آرتق ویره جك »  
 « معنی بوله مدم . »

« نهایت اوچ آی صوکره او معصومه بی ده شورایه کومدیکم »  
 « زمان کوزلرم خیالات سیاهرنگ ماتم ایله مالی اولدینی حالد »  
 « شو اوولو مزارلقدن جیقار ایکن چهره مده حیاته قارشى »  
 « منتفر ، مستهزی بر تبسم پارلادی ... »

« کولیوردم ، آکلایورمیسین ؟ هم کولیور ، هم »  
 « بورادن قاجیوردم .. »

« حکایم سنی تعذیب ایتدی ، لیکن دها تکمیل اولدی »  
 « آرتق حیاتی فضله عدایدیوردم . یکانه اکلانجهم بورایى »  
 « زیارت ایدی . شوراجنه دیکریکم بفشه لره باقار ، بویونمی »  
 « بوکر ... شبنملرینی کورر ، آغلاردم ، برکونینه برمعتاد »  
 « زیارته کلیر ایکن بو طرفلرده برقوزی سوروسنك اوتلادیغنى »  
 « کوردم . برده نه باقیم ، بنجه دنیالر دکن او یادکار ماضیدن »  
 « اثر بيله قالماش . یرده نه قدر طاش بولدمسه برچوجق »  
 « کبی سه ورویه طوغری فیرلادم ، بالله قویونلرله غوغالر »  
 « ایتدم ! .. هیئات ! دنیاده اوزمان بتون بتون یالکوز »  
 « قالدینمی ، آرتق هوسسز .. املسز .. کیمسه سز یاشادیغمی »  
 « آکلادم . ایشته او وقتدن بری برنجی دفعه درکه بورایه »  
 « کلیورم . اومقدس وجودلرک ، اوچنك ده خیالی ، کفنسز »  
 « تابوتسز کوکلده مدفوندر . بوبار اضطرابه کیم طاقت کنیرر ، »

— بارگاه الوهیتہ دوعری رفع وترتیل ایدیلن بر مرثیہ کی —  
 موقعک مہابت روحانیہ سنی تزید ایدیوردی . جلیل سکوت  
 ایتدی . خاطرات ماضیہ سی کوزینک اوکنہ کلمش کی کوزلری  
 طالدی . ینہ آغلاوردی .

« اوت ! ہمیشہ سہیلہ دہ برسنہ یاشادم بوقیصہ مدت »  
 « ظرفندہ چکدیکم مادی ومعنوی عذابلری اللہ بیلیر . لطیفہ یہ »  
 « ورم ہمیشہ سندن زیادہ یاقیشوردی . نہ رقتدی او ! مرحوم »  
 « آبلاسنک روحی اوکا تمامیلہ انتقال ایتشدی : چہرہ او ، »  
 « اندام و خرام او ، ناز و نزاکت او ... بودہ اک اوافق بر شیتہ »  
 « ایچین ایچین آغلار ایدی ، اک عادی بر سرورمہ چوجق »  
 « کی قہقہہ لرلہ اشتراک ایدردی . بودہ اونک کی یاقیندہ »  
 « اولہ جکنی خیال ایتیور ، غافل بر تسلیمیت ایلہ اعادہ صحتی »  
 « بکلہ یوردی ! تبدیل ہوادہ تغیر قضا ایدہ مدی . »

« لکن بن بومناظرہ الیشمشمی ایدم ، نہ ایدم ؛ اونک دہ »  
 « تابوتی بر قیش کونی — یاغان قاردن بیاض بر کفنہ صارلمش »  
 « اولدینی حالہ — شورایہ کتیرر ایکن اطرافندہ آغلایانلری »  
 « بر کور کی کورمیور ، بر صاغر کی ایشتمیوردم ، یوریوردم »  
 « کوزلرمدن بر طاملہ یاش بیلہ آقیمیوردی . کندی کندیمہ »  
 « قیزم صاغدر آ ، نہ یاپایم ! دیوردم . »

« بر کون اوہ کلوبدہ صیراجہ دن یاتدینی یردن قیملدایہ میان »  
 « یدی یاشندہ کی کریمہ مک آلنندن اوپدیکم وقت ، اوپارلاق »

« س-وردم . ورمه محکموم ایمش .. نه بیلهیم بن ۰۰۴ »  
 « بش س-نهك بر س-ودادن صكره ، بر کیجه یاریسی ،  
 « حرارت آتشیـن سكران — ضعفیتدن اینجه لئمش دوداقلرینی  
 « قوروتدینی زمان — تتره یـن قوللرینه اتکا ایله یـتاغـنك ایچنده  
 « طوغریله رق ویوزینه دوشـن چیتشـمش صاچلرینی ، اینجه  
 « پارماقلریله قوللرینك ارقه سـنه طوغری ایتـرك ، اوزون  
 « سورهن بر ایگاتی ایله ، بندن ایستهدیکی برقدح شرتی ائلدن  
 « آلدی ؛ یوزمه فری اوچش کوزلرینی دیکهرك ایچركن ، انکی  
 « صیجاق کوز یاشی ده یانافلرینك اوستنده پارلادی . دوداقلرینی  
 « بیهوده چارپدی ... بر کله تلفظ ایدمه دن کیتدی . بنی ده  
 « شودنیاده برملك یاوروسيله براقدی ! او هفته ایچنده ایکی کره  
 « انخاره تصدی ایتدم ، چونکه کندیسنی پك س-وردم ..  
 « نه ایسه ! .. »

« رحیمه نك ایکی وصیتی واردی . بری آلله یتشدریدیکی  
 « بنفشه لری مزارینك اوستنه دیکمه م ، دیکری همشیره سیله  
 « ازدواجم . اوف ! طاقفرسا تکالیف ! .. صانکه آشیانه  
 « ویرانه محرمیتمه باشقه بر پری تسلیس ساز داخل اولورسه  
 « اوایلک یادکار سوداسی اولان قیزم خجسته یه تماميله باقیله میه جق  
 « ایمش .. آجانم بونلر هپ ، هپ قدره معاونت ایچون مراجعت  
 « اولنان تدابیر بیهوده ، تشبثات مبهمه .. عقل ایرمیورکه ! .. »  
 بوصرده جوشان روزکاردن سرویلرك رفرف متلاطمی

دیرسکینی مرمره دایامش .. حرکتسز طور یوردی . یانه  
 کیتدم ودر حال طانیدم : مکتب رفیقلمدن جلیل ایتمش . هم  
 زواللی آغلایورمش ... بنی کورنجه مون اولمدی ظن ایدرم که  
 پک قیصه بر آشنالق ایتدی .

بی چاره یه دقت ایتدم ، صاچلری اغارمغه باشلامشدی .  
 اسکی رفیقیمی تعجیز ایده حکمی بیلدیکم حالده ، بلکه تسلی  
 ایده بیلیرم امیدیه محترزانه اسباب زیارتی سؤال ایتدم . باشی  
 قالدیردی ؛ قوتسز ، آهنگسز بر صدا ایلد . باب اوله رق  
 یالکسز بر :

— اوف ! عزیزم !..

دیه بیلدی . لیکن بردن بره جوشان کوز یاشلری سوزینی  
 اتمامه مساعده ایتدی . یاره لرینک آل قانلرینه باقوبده صاراران  
 مجروحلر کی ، بو بدبختده — یاننده کی لحدک سینه سنده کی  
 کلله نظری انعطاف ایدنجه — رنکی اوچو ویردی . آغلادی .  
 آغلادی ... هم بلا اختیار بنی ده اغلاتدی . کدرینه اشتراک  
 ایتدی کی حس ایدنجه بر آرمه تسلی اولدی . باشی صول  
 اوموزینه طوغری بوکهرک ، وژا کتک یان جیندن چکدی کی  
 مندیلی ایله متمادیا دوکیان یاشلرینی قوروده رق — کسیک بر  
 سسله — حسب حاله باشلادی :

« شو مرمرلری صارارمغه ، کتابه سنک یالایزلری دوکلمکه  
 « باشلایان لحد برنجی زوجه مک مزاریدر . بن اونی پک چوق

کوچوب کیدنلرک چین جیننه بکزه تهرک ، اوعتاب اخرویه  
کتابه لرینی اوقویه اوقویه ، پیش نگاهمه صانکه باب ابدیتک  
قانادلری آچیلووردی ... دیواردن هدف هوسات ماسوا ،  
بریغین مزار طاشی شکنده قارشیمه دیکلدی ... دماغه  
چوکن بارکران حسیاتدن بویونم بوکلدی آرتق دوشونیور ،  
متادیاً دوشونیوردم ...

سرویلرک تیتزه کولکسی ، اینجه ، سیاه برتول کبی ،  
قبرلرک آراسنه غیر منتظم سریلش ایدی ..

هر طرفده یشیل ، صاری ، ترنجی ، سیاه ، بیاض ،  
رنکلرده یوصونلردن لکه لاله مستور ، چوکمش لحدلر ، قبرلش  
مرمر فسار ، میدان چیقمش کیکلر ، صارارمش دیکنلر  
حوصله سوز بر منظره تشکیل ایدیوردی . اورته لقهده چیت  
یوق ؛ روزکار اُسمیور ، یاراق قیمیلدامیور ... یالکز برایکی  
قارغه نك قانادلرینك صداسی بوقوجه مزارلرده عکسلر حاصل  
ایده ایده اوچیوردی ...

## §

باشم کوکسک اوسنه دوشمش ... بینم ، کوزلرم  
یورلش ... طالغین طالغین عودت ایتکه باشلادم . غریبدر !  
کوکلهده مظلوم بر آرزوی تفلسف حاصل اولدینی حالدده شیمدی  
بر دورلو دوشونه میوردم . یاقینده بر قارالتی کورددم . بنم کبی  
بری ده مزارلرک آراسنه اوطورمش ، باشی اوکنه ایکمش ،

متحصل رطوبت حالا باقی .. ایصالق چنلری چیکنه یه رک ،  
 آیاغم کیللی چامورلره باته رق ، کوجلکه یورویوردم . سرویلردن  
 متشکل اوطوفان حضارتک ایکله یه ، ایکله یه ، تلاطمی قارشیدن  
 نظر ابتصاره تصادف ایدنجه قورقغه باشلادم و او عمن  
 عدمک کنارینه واصل اولدیم حالدہ دروننه کیرمکه بردرلو  
 جسارت ایده مدم ! ..

صاری یشیل قوزالقلرک ، قیریق طاشلرک ، قورو  
 داللرک دیکلرک آراسنده یوریوردم . مزارلغک طوبراقلرینی  
 — یالکز کوز یاشلریله ایصالغمش کی — پایمال ایتکه قیامیوردم ..  
 یوره کم تتره یوردی .

روز کار شد تلندکجه ، باپراقلری دوکولمش سروی داللرینک  
 یکدیگرله . صادمه سی — برچوق چیریل چپلاق قدیدلرک  
 بری برلریله چارپشمه سی کی — مخوف برولوله قوباریوردی .  
 بایقوشلرک قهقهه هول انکی زینی ارواحک چیغانی ظن ایدیوردم .  
 باصدیغ طوبراق ییغینلرینک ، چوکش مزارلرک اورته یرلرنده کی  
 دلیکلرک آلتدن ، تراب آلود چشمه خانه لرک بکا مسته زیانه منعطف  
 اولدقلرینی دوشونورکن ، یانمه دوشن برقوزالاغک ، اوستنه  
 باصدیغ بردالک چتیردیسندن قورقیوردم .

قارشیدن — نمازه طورمش بر جماعت کی — صامت ،  
 متوکل ، صف صف طوران مزار طاشلرینک جبهه لرنده کی  
 غیر منتظم قیریقلری ، چاتلاقلری بونجه سنه در اقلیم عدمه





## محمای دل

بن مقبره نی بر جو جفک مر بیه سی سومه سی کبی قور قورق  
سومرم . مقبره ازلیت ایله ابدیتک فدا ایله بقانک بر محفل تلاق  
نهایسیدر . اُک صاف ، اُک غریبانه کوز یاشلری بورایه دو کولور .  
اُک وجدانی دعالر بورادن یوکسلبر ... هیج بر شیله نهایت  
بولامایان آمال بشر بوراجفه منتهی اولور ... مزارستان بر  
نهالستان خزان رنگ سکوندرکه بهاری آنجق صباح محشر ،  
نسیمی یالکنز سور اسرافیل اوله بیلور !

اکثری ، کونش باتار ایکن ، بر صاری باپراغک — اختضارنده  
تتریه تتریه اللهم یالوارر کبی — سقوطی ، غریبان بردالک —  
تأثیر روزکار ایله دائماً — ارتعاشی بکا کیزلیجه اولومی ارئه  
ایدر ، آجی آجی کولمسهرم .

رحمت رحمانه امانت ایله دیکم تعلقاتی زیارت ایچون کچنده  
اسکدارده کی قره جه احمد مزار لغنه قدر کیتمشدم .

هوا کوزل ایدیسده ایکی کون اول یاغان یاغموردن



معمای دل



شیمدی برنادم بنی عفو ایتسین یاوروم ! بوندن صوکره سنک خرم  
 برپدرک ، والدہکک مطیع برکولہسی اولہ جغم . باق اغلایورم . سویلہ !  
 سن بنی عفو ایتدیگک کبی والدہکدہ عفو ایدہ جگمی ؟ سویلہ ! ...  
 ایکی آی صوکرہ ، پدری ینہ والدہ سنک حضورندہ ندامت کوز  
 یاشلری دوکرکن ، رعنا شادان و منشرح ، زوج مسحورینہ نغمات  
 سعادتتی انشاد ایدیوردی .

وهرقیریق قلبی ترمیم ایدن زمان ، بولانه منکسری دہ بریاوروا لیلہ  
 تعمیر ایلہ مشدی .

— ۲۷ نیشان ۱۳۱۷ —



كوكله تعلق ايدن بويله بر مسئله نك ، هنوز بر سنه در يوزني كوردیكي ،  
 وانجق پدر كدر دیدکاری ایچون طانیدینی بو آدم طرفندن  
 بو صورتده بی رحم و شفقت رد اولندیغنی کوریجه عصبی قادیلرده  
 تصادف اولان ناچار بر جرأت ایله کوزیاشلرینه قاریشان بر حنیچ قریقله  
 « نیچون ؟ » دییه فریاد ایتدی .

نریمان اعتدال ورا کدیتنی محافظه ایدر ك جواب ویردی :  
 « نیچونمی ؟ بيلمیورمیسن ؟ سن ازدواج ایدر ، کیدرسه ك والده  
 اوکیمسه سز قادین یالکیز قاله حق ، اونو یالکیز بر اقمه مانك ، بی بویله  
 خراب ، اونو بویله مأیوس ترك ایتمه مه نك چاره سنی بول .. صوکره  
 سن ده بر خوردار اول . اکلادکمی ؟ ... »

رعنا شیمدی « اووح ! باباجم ، باباجم .. » چیغلیله پدرینك  
 قوجاغنه آتلمشدی و بو اختیار اولمش ، زنیکی اوچش کوزلردن  
 دوکیلن استرحام و ندامت کوز یاشری قیزینك صاری صاچلرینی  
 ایصلادیوردی . بو بر لوحه رجد و استغراق ایدی هرا یکی ده  
 کوله رك بختیار و متهیج آغلا یورلردی . رعنا پدرینك مقصدینی  
 اکلانمشدی . شیمدی ، باباسی . . والده سله و بودفعه ، آرتق آخر  
 عمرینه قدر ، باریشمق و تکرار ازدواج ایتك ایسته یوردی .

رعنا والده سنه یالواره حق ... یالواره حق و نهایت رقت قلبندن  
 امین اولدینی ایچون اونو اقتناع ایده جکدی و بو اعتمادینی پدرینه ،  
 بیك بوسه شفقت اراسنده ، سویله دیکی زمان باباسیینه اغلا یه رق :  
 — قیزم والده گه دی که بن بر بدبخت ایدم . بن برسفیل ایدم .



پدرينك لساندن چيقه جق حکم قطعی به انتظار لر ايچنده کوزلريني برده کی حالی نك قير مزی چيچکری اوستنه دیکم شدی .

زيمان آغيزاغنی کيرر کبی ديشلرينك اراسنه قيصدير مش ، قير دوشمه که باشلامش درت گوشه صاقلانك براوجنی صاغ اُلنك اورتا پارماغيله بورارق شيمدی او طه ده کزنيوردی یکدن قيزينه طوغرو کلهرك وا کيلهرك ياواشجه صورتی :

— رعنا بواتخاب اولنان آدمی سن ايسته يورميسين ؟

رعنا ويره جك جواب بوله مدی خليجان ايچنده ایدی .

— بو آدم سنك قوجهك اولميه جقدر ديسهم بكا كو جنه جكميسين .

سويله طوغرو سويله ، بكا كو جنه جكميسين ؟

قیزی ارتق بوقدر تضيقه تحمل ايده مدی ، پدرينك هيچ مأمول ايتديکی بومعامله سندن حاصل اولان تأثير المله کوزلرندن ياشلر دوکولمه که باشلادی . هنوز يره مرکوز اولان نظريني تبديل ايتمامشدی اوطور تسليميت وسکونتله ياشلريني پدرينه کوسترمه مک ايسته يور ووالده سنك بو آدم حقنده بسله ديکی درين ، نهانی نفرتنده نه درجه حقلي اولديغنی بودقيقه اکلایوردی .

— آغلایورسين ، رعنا ، ديمک که بواز دواجك حصواني

محقق ايسته يورسين . اويله ايسه بيل که بواز دواج اولميه جق اوسنده بو آدمك رفيقه سی اولميه جقسين !

شيمدی يه قدر اُك اوافق ارزوسنه بيله ممانعت ايدلديکني کورمه مش ، محروميه ايشمامش اولان بوايچلی ، ضعيف وجود حياتنه ،

ایله تعمیر ناپذیر صورتده خراب اولان حیانتندن اورکمش اولان  
 مهربان برکون مطلقاً بوجوچوغه ارثاً انتقال ایده جکنه اعتماد  
 ایله دیکی ناساز ، خائن بر طالعک عاقبت قیزی نه ده صارصه جغه قائل  
 ایدی . قورقوردی . فقط بو وهمندن کیسه یی خبردار ایده میورد  
 و مشئوم فکرندن طولانی هر کسک اونی تخطئه ایده جکنی بیلیوردی  
 قوه مغویه سی منکسر اوله اوله دنیا ده کندیسی ایچون اضطرار بدن  
 اذیتدن باشقه برشینک وقوعه احتمال ویره مدیکندن قیزی نه چیقار  
 بو قسمتی بیه نعمت دکل بر سکون قبری ایچنده کچن او آخر حیات  
 اخلال ایدن بر فلاکت کبی تلقی ایدیوردی .  
 سیغاره سنک سوزوله رک یاواشجه یوکسلن ، اوچوق ماوی دومار  
 خلقه لری اراسندن ، ایجه ، صولغون دوداقلرینی تیره تهک  
 کندیسینک والده سنک قوجا غنه دوشه دیکی کبی ، برکونده کندی  
 « آغوشنه انسه حکم بی قورتار ! » فریادیه قیزینک یقیله جغو  
 دوشوندکجه یومروقلرینی صیقه رق بهوش قانا پنک آرقه لغنه باشو  
 بر اقیویریوردی .

رعنا ازدواجی خبرینی پدرینه تبلیغ ایتدیکی صرعه ده اونی امیه  
 ایتدیکنندن آز بوایشه اهمیت ویردیکنی کوردی . پدری جواد  
 ویرمیوردی بیتیردیکی سیغاره یی تجدید ایدرک اوزون نفسله یکه  
 سیغاره سنی چکک رک باشی دومانلر ارقه سنده غائب اوله جق راده  
 کلییوردی . برکیزلی بحران ایچنده ایدی . رعنا محجوب و متهمیه

چکديکي اضطرابات کوزلرکه سياه برتول چکمش کي قيزينک پدرندن  
معلومات کتيرمک خصوصنده کي انهما کني او، کورميوردی .

رعنائک سياه ايری کوزلريله ، صاری صاچلرينک اوچوق  
پنبه چهره منه سرپديکي سایه تضاد ، کورنلرک نظر تقديريني جلب  
ايدیور وياواش ياواش فيصيلدیلرله باشلايان مطالبات و کوريجی  
سوزلری تقرر ايدیوردی . برکون احبادن برينک مخدومی حقنده  
مهربانندن موافقت جوابی المشردی . مهربان شيمدی قيزينک ده  
کنديني ترک ايدم جکندن عادتاً قورقهرق خودکاماني اياما ايدن بر محبت  
عميقه مادرانه ايله بومطالباتک ممکن مرتبه تأخيريني فلماً ارزو ايدیور  
وبونک ايچون وسيله لر ، مانع لر ايجادنده بويوک بر مهارت ارنجاليه  
کوستريوردی . فقط صوک تکليف او قدر مکب وقطعی و او قدر  
املفريب ایدی که بو خصوصده قيزينک ده تمایلي حس ايدنجه ،  
موافقت جوابی ويرمکده مضطر قالدی . قيزيني چاغیردی بر طور  
حزين وقورانه ايله بو خبری تبليغ ايدرکن ، عمان ماضينک افق لرندن  
قوپوب کلن بر صرصر دورادور خيالک کنار قلبی کيرديکني حس  
ايتيرمه مک ايسته يه رک ، برايکی دامله ياشله دومانلانا بايقين  
کوزلريني برايجه منديل ايله قاپادی و « بر کره ده پدرينک مساعده سني  
آلميسين » دیدی .

مهربان پک سوديکي قيزينک استقبالی ايچون ، آجی تجربهلر ،  
خوف قضالر کچيرنلرده کوريلن ، بدبين قورق اقلقله فنا ، مزعج  
انديشه لره قابيلور . کنديسنک چکديکي چله لر دن ، بر زلزله قضا

تحمل ايده مامشدي . بوضربه نريمانی كوچرتمش ايدي . شيمدي  
بو آدمي زقاقده كورن آشنالري اوني طانيه ميورلر . او قدر  
دكيشمش او قدر بوزولمش ... صاچلري آغارمش ، بلي بوكولمش ،  
يوزي بوروشمش ، كوزلرينك فري اوچمش ، اسكي متلون ،  
هرجائي ، پرهوس ، پرامل نريماندن مغموم ، جامد بر هيكل  
قالمشدي .

پدرينك دعوتی اوزرينه ياننه كيدن رعنا باباسني بكنمه مش ،  
حاله آجيمشدي . والده سئنه پدريله ملاقاتلري حقنده ايضاحات  
ويره مدي . آرتق نريمان بونجه سئنه در آراماديني قيزيني شيمدي  
نوازشلره ، هديه لره غرق ايديووردي .

— قيزم والده كه نه قدر بكنزيورسين . بيليورميسين كه بزده  
والده كله سنك ياشنده ايكن تأهل ايتمشدك . بوتون اطوارك ،  
اوضاعك ، هله كله لري تلفظنده صوك حرفلري عجله ايله خذف  
ايديشلرك هپ والدهك اوزمان كي حاللريني آگديريور .

رعنا والده سنك ده بالهكس كنديسن هر زمان پدرينه بكنزتديكني  
سويله نجه ، آرتق نريمان طايانه ميور . و آغلايه رق وهرمسؤوليتك  
كنديسنده ، قدرده ، اخلاقنده اولديغي سويله يوب ، اون درت  
سنه اول ترك ايتديكي بوي چاره قادين حقنده قيزيندن تفصيلات  
ايسته يور ، و بتمز توكنمز ، صميمي سؤالريله قيزيني عاداتا تضديق  
ايدهرك مشكل بر موقعده براقبوردي .

رعنا ايسته يوردي كه والده سي ده پدرندن بحث آچسك . مهربانك

ایتمش واکا « نه اوله جق ؟ اوبابانک صلبندن کله مشمی ؟ » دیمشدی ..  
 یوق آرتق بوقدری چوق ایدی . اولادینی آلدی وایلك دفعه  
 نریماندن آیرلیدینی کبی صمت و سکوت ایله دکل بر فریاد وحشیانه ایله  
 بو آدمک خانه سندن ده فرار ایتدی وینه والدہ سنک یانه کیمدی .

آرتق راحت ایدی . قیزی تریه ایتمکدن واونک مسعودیتنه  
 چالشمقدن باشقه دنیا ده برأملی قالمامشدی . اوشیمدی ایلك زوجک  
 ایلك عشقنک ، ایلك سعادتنک بر تمثالی اولان بوقیزده بویودکجه  
 پدرینک ، آثار و علائم مشابہتی تزیید ایتدیکنی کوریوردی ارا  
 صیره پدرندن بحث ایتدکجه والدہ سندن آجیقلی بر شہیق هجرانندن  
 باشقه جواب آله مایان رعنا والدہ سنی اوزمه مک ایچون پدرینی  
 لسانہ آلامنی اعتیاد ایتمشدی .

مهربان اوقودینی بو صرارارمش مکتوبلری قاتلادی ینه  
 چکمه سنک ایچنه « بی چاره قادینلق ! » دیه رک قویدی . یدی  
 سنه درکه بویله بی امل ، بی نیاز یاشایور وقیزینک مسعودیتنی قورقورق  
 دوشونیوردی .

برکون اوکا خبر ویره شلردی نریمان استانبوله یالکیز اوله رق  
 عودت ایتمشدی . نریمان ایکی سنه در بکار ایدی . درس عاده  
 عودتنک اک مهم سببی ده بو آدمک تکرار مجردنده کی فاجعه ایدی .  
 نریمان دوچار اولدینی بو بادریه تحمل ایدہ میه رک عودته مجبور  
 اولمشدی . اون ایکی سنه در تحت ازدواجنده اولان زوجہ -  
 سنک بر صباح بر آدمله فرار ایله دیکنی کورمش و بوناموسسزلغه

فرقی کورمش واوزمان دیمش-دی که : نه ایچون بوتون مسؤلیت  
معنویه نریمانده ایکن ، او کندیسندن تازه ، بر رفیقنک یاننده مسعود  
اولسونده ، بن کناهسنز لغمله ، صوچسنز لغمله برابر بو اختیارک آغوشندم  
انکساف ایدیم . اوح ! نه دن او ، بنی ازرکن ، بنم اوازه اشتکایه  
بیله حقم جرأتم اولسون . بنم ضعفم ، اونک قوتندن مستفید  
اوله حق ایکن ، او بنم عجزمدن انتفاع ایله ، بنی بویله چور و اتسون .  
صوکره بری ده بن بیترکن ، آرقه سنه دونوب بر دفعه ظلم دیده سنه  
باقاسین بیله ...

کریم افندینک اللی سنه نك جوارنده کزن یاشی ، ثروتنک دغدغه سی  
اراسنده کوچلمک ایسترکن ، مهربانک حزن عمیقنه برخنده تسللی  
تودیع ایدمه یین ، اسمر چهره سنده کی بوروشو قلردن تاریخ تولدینک  
قدیمی اوقونیوردی .. مهربان برکون کلوبده قیزی ائندن استرداد  
ایده جکلرینی دوشوندکجه نلر ، نه اضطرابلر چکمش-دی . قیزی نه  
قارشی دائماً تزايدیدن محبتنه کریم افندی تحمل ایدمه یور .  
واوکی قیزی اوفاق بروسیله ایله خیر پالامق ارزوسنی یکی قوجه سنده  
کورن بوقادین فوران ایدیوردی .

کریم افندیله کچن بش-سنه نك حیاتی ، برنجی زوجنک خیالی  
وقیزینک محبتی اراسنده بر عذاب جهنمی ایدی . قوجه سنک درشت  
معامله سنه ، کندیسکی کبی دنیاده ازیت چکمکله مبشر اولدیغنه ارتق  
قویاً قانع اولان بوطالعسنز قادین یینه قاتلانجه قددی . فقط قیزی بر  
آقشام یینه اغلایوردی . اوکی پدری هیچ برشی ایچون اوئی تحقیر



فیرلا تمقدن چکینمیور . بدبختلغه ، سفالته طوغرو کندیسـنده ،  
سراثر انکیز برتمایل ، برانجذاب حس ایدیور . هرزمان آغلامق ،  
هرزمان کولمک کبی اونی اوصاندرمایور . حتی ، تقدیر ایتهدن ،  
اک صوکره ، بردوره اضمحلاله کلیور ، ایکله یه جک یرده سفالته  
قارشى شطارتلرله کویور و بر غلط حس ایله ، یارواغیارینی ده کولدیرمک  
ایچون اذیتلرینی ، تبسملریله اشباع ایده ایده نقل ایدیور . بویله  
بازیجه قضا ، تشنه جفا ستمدیدهلری ساده جه « طالعسز » توصیفیله  
یاد ایده رک ، سـقـوطـلرینک اسـسـبـانی آ کلامق ایسته میورز . بلکه  
بونلر یاقیندن تدقیق اولونسـلـر کدرله ائلافلرینک . خارجه بر  
سـائـق بوانـرق بونلره مرحمت ایدلدیکی قدر ، مسـیـلرینه لغت  
ایتمکده . مضطر قالیردق .

مهربان ، کندیسینی ترک ایدن زوجنک ، شیمدی بر یابانچینک  
آغوشـنده ، کندیسینی اونوتدیغی دوشونمکدن متولد ، الم رقابتک  
قارشیسـنده ، یالکیز قالمقدن قورقدی ، اوقدر قورقدی که قیزینک  
بوصیره ده حزن ایله مشبوع ، صولغون نظرلرندن ده قاچهرق ،  
بر بازار ایرتهسی کونی نکاح ایچون وکالتی اعتراف ایتدی . بو  
جرات تصدی زیمانه بر مقابله ، اوندن براختار ایدی . سابق  
زوجنک بواز دواجی خبر آلدینی زمان چکه جکی اضطرابی تخمین  
ایتمکله منبسط اوله جقدی . قادیلری کله تشبیه ایدنلر ، اونلرک  
مأیوسیتلی زمانلرنده سراپا دیکن اوله جقلرینی البته دوشونمشلردر .  
مهربان کریم افندی ایله روبرو کلنجه ، ایلمک زوجیله اونک



كنديسنگ ، قوجه سنگ برده اولادينك خرابي ايسته مك ، اوچ  
كوكلې بردن ازمك پك كناه اوله جقدى . بوني كيمسه ارتكاب  
ايدمه زدى .

نهایت ، ذاتاً خراب اولان قلبی ، بر کون صوك بر ضربه  
املشكنله يقيلدى . نريمان اوراده بر اجنبى ايله تأهل ايتمشدى .  
ارتق هر اميدلر محو اولمشدى . بوضيف وجودينك تحمل  
ايدمه جكي بر چله ايدى . دوشدى . ياتاغه شدتلى بر حما ايله  
دوشدى . او آرتق ياشايه ميه جقدى . اولمك ايسته يوردى . اولوم  
بر ييلان كې او كا صاريلمش ، بوتون وجودى قطره قطره  
زهرلر كن ، او ، ينه بيلمىوردى كه نيچون ياشايوب دورىوردى .  
والده سى قيزى ناصل تسلى ايدمه جكندن اظهار عجز ايدىوردى .  
بووالده ايله قيز ، بويله عذابلر ايچنده ياشاركن مهربان والده سنه ،  
بر صباح ديدى كه « آننه ارتق بن يالكز ياشامه دن قورقييورم . »  
والده سى ده قيزى يالكز ياشاتمقدن قورقييوردى .

طول بر قومشولرى وار ايدى كه ، بو عائله نك بوتون سرگذشتى  
بيليردى . كريم افندي نك برسنه دن برى مصرأ وقوع بولان ازدواج  
حقنده كى تكليفلى مهربانك والده سنه « يالكز ياشامقدن قورقيديغنه »  
دار اولان اعترافدن صوكره مجبورأ قبول اولندى .

سعادت واقباله طويه مه يان عمر فاني ، بعضأ اوليور ، ريان  
سفالت ده اولامايور . بدبخت اولدقجه — بلكه حس ايتمكميزين —  
تمادى اضطراب ايچون تعامى ايله كنديسنى ديكر بر كړيوه ألمه

اونوته رق ، مسعود اوله جقلردی . اوح ! حالا قوجه سنک چیلغین  
 برعاشقه سی اولان بوقادین ایچون ، بووعدلر نه املپرور تسلیلر  
 ایدی . نریم-انک محل مأموریتندن یازدینی بومکتوبلر ، ایشته  
 صولمش ، پڑمرده وعدلر حالا قوجاغنده طور ییوردی . بوسطرلر  
 بوکلر یالان سویله یین برر مجرم پریش-انلغیله شیمدی کوزینک  
 اوکنده محجوب وخجیل تیره یورلردی : « اوروپانک بودغدغه  
 سفاهتی ، مهربانسز اونک کوزنده دکلش . کیجه لری بریره  
 چیقمیورمش ، یالکیز سویکیلی مهربانی دوش-ونیورمش ، نهایت  
 ایکی سنه صوکره یینه برابر بولمق ایچون استانبوله کلدیکی زمان  
 هرشی اونوتیله جقمش ، بوا یکی سنه ظرفنده هر زمان یاننده  
 کزدیردیکی رسمنه باقهرق متسلی اوله جقمش . چوجغنی کوره جکی  
 کلش . اونکده رسمی ایسته یور . « بیچاره قادین ، بومکتوبلره  
 هرشیئی اونوتمش کبی جوابلر یازمشدی . لکن جوابسز قالان  
 صوک مکتوبی ، بلکه واصل اولمامشدر ، خلیاسیله تا کید ایتدی  
 یینه جواب آلامادی . ایکی سنهده بویله کچدی . بوقادینه خبر  
 ویرمشلردی که مخبره لرندن خبردار اولان قوجه سنک والده سی  
 اوغلانی مجدید مناسبتدن منع ایچون اوغلی نریمان اوزرنده کی نفوذینی  
 استعمال ایتمش ، وحقی مخبره یه دوام ایتدیکی تقدیرده اولادلقدن رد  
 ایله یه جکینی ده علاوه ایله ، اوغلانی تهدید ایله مشدی . مهربان  
 بوارجیفه احتمال ویره میوردی . کندیسندن بوقدر نفرت ایتک  
 ایچون قائم پدرینه ، باخصوص قائم والده سنه نه قتالق ایتمشدی

صیغه لری اراسنده کومولش کل یاپراقلری کبی رنگنی رانجه سنی  
غائب ایتمه کله برابر ، کولر یوزلی دقیقه لری مخاطر یادکارلر اولدینی  
ایچون دکرلرندن زیاده کیزلی قیمت لری واردی .

قیزی رعنا ، والده سنک مههم سوزلرندن ، کندیسنه اکلاتمق  
ایسته مدیکی برش یله مشغول اولدینی حس ایدهرک ، دائماً محزون  
اولان نینه سنی برقات دها اذعاج ایتمه مک ایچون بر بهانه ایله او طه دن  
چیق دینی زمان ، یالکنز قالان مهربان تکرار ، بومکتوبلری او قومنه  
باشلادی .

اوح ! بوکچن اون درت سنه ظرفنده نه لر اولمشدی ؟ شیمدی  
بر حکایه فلاکت اولان ماضی بو قادینک دماغندن کچیور . زیمان دن  
افتراق دن سوکره قوجه سی والده سنک اصرارینه مقاومت ایدهمیه رک  
کندیسنی تطلیق ایله دیکی طویولنجه ، حمرا ده بو صیره ده ظهوری  
طبیعی اولان بر چوق کفتکولردن احترازاً زیمان ایله ازدواج  
جرات ایدهمیه رک وظیفه انتقامنی ، بو افتراقه وسیله اولمغه موفق  
اولدیفندن طولایی ، اکمال اولمش عدايله زیمانک تکرار تکلیف  
ازدواجی ردایدوب موقه اقرباسندن بریله طشریه کیتدی . زیمان ده  
استانبولده طورهمدی بر شهیندر لیکه آوروپایه کیدرکن ، بوتون  
بومناسر لقلرینه وفاسر لقلرینه رغماً یینه مهربانه امیدلر ویره رک ، کیزلی  
وعدلرده بولونمقدن چکینمدی . استقبالی تامین ایله برایکی سنه یه  
قدر ، پدرینک ثروتنه محتاج اولمیه حق متواضع بر موقع اشغال ایدر  
ایتمز تکرار قاریسنه آغوشنی آچه حق وکچن فلاکت لری الی الابد

نریمان ، « پکی ، دیدی ، فقط وعده ایت که بنی ابدیاً ترک  
ایتمه جکسین مهر بانجمن ، وعده ایت که بنی عفو ایده جکسین . »  
بونلری سویلرکن ، مهربانک ایلریله دیکنی کوردی . وقوشدی ،  
بویوننه صاریلدی . قاریسنک صارارمش ، ضعیف یاناقلرینی اوپمکه  
باشلادی « وصاقین بندن افتراقه چالیشمه . سنک حسرتکه دایانامام »  
دیه فریادیدیور . مهربان قاپونی اچارکن تکرار ارقه سندن قوشیدیور  
ودیوردی : « طور ، بکا کیجه لک کوملکنی براق ، بن اوکا سنسز  
کیجه لرمده صاریلیم ، بن اونی قوقلایم ، اونی اوپیم . بنی الله  
عشقنه براقه ، برهفته والده کده اوطور ، استراحت ایت ، ینه بن  
کلوب سنی آله جنم . » مهربان حاضر لانان عربه سنه دادیسی وچوجغیله  
بیزکن ارقه سندن قوجه سنک اغلادیغنی ایشتمه یوردی .



— نینه کنیدی کندینه نه یه کولیورسک ؟

— هیچ ! ..

— اوصارارمش کاغدلر نه ؟

— اعاده اولنماش بورج سندلری

— اسکیمش مکتوبلره بکزیورده ...

— خایر قیزم .

مهربان آرتق اون اتی یاشنه کیرمش قیزینک قارشیسینده ،  
بوکون حقیقتی اعتراف ایده مییوردی . اوت اوکاغدلر اعاده اولنماش  
بردین سعادت عائد خاطرملردی . اواسکی مکتوبلر بر مجموعه اشعارک

نتیجه نك هیبت و وحشتندن قاجق واونی ایشتمه مك ایچون کری یه  
چکلیور و یوزینی صارارمش ، تیتزه یین آلرله اورتیوردی . نهایت  
قوجه سی هرشیئی صوکنجی دفعه اعتراف ایتدی . حمرا ایله ازدواج  
ایده جکدی . و باشقه برخانه تدارك ایله یه جکدی . ایکی کیجه مهربانك  
یاننده قاله حق و برکیجه یی اوتوده ، اونك یاننده کچیره جکدی .

بوتکلیفلری ایشیدن مهربان آغلامیوردی . تیتزه میوردی ،  
طونمشدی . بوغازینه برشی طیق-انمش ، نفس آلامیوردی .  
« اوف ! ... زیمان ! یتیشیر ! صوص ، ! » دیدی قوجه سی  
متصل آغلا یور و هیچ برزمان زائل اولیان عشقندن بحث  
ایدیوردی : « بیلمزسین مهربان سنی هیچ برزمان شیمدیکی قدر  
سومدم ... و دایما سوه جکم . سندن آریله مم . اوته کی بنی اولدیره -  
جك . فقط سن یاشاتاجقسن . بنی یالکیز اونك ألنه براقه ، براقه  
مهربانچم ! »

مهربان آرتق کندیسینی غائب ایتمش ، بایلامشدی . کندیسینه  
کلدیکی زمان « پکی دیدی ، پکی . براقکیز بنی والده مه کیده مم .  
فقط قیزمی ده بکاویریگز .. یتیشیر ، بکاووندن آرتق بحث ایتیکز ! »  
مهربان آغلا یوردی . قزینی یاننه آلمش جارینی کییوردی . شیمدی  
قوناغك ایچی قاریشمش ، مهربانك قائم والده سی بوفلا کتی اولدن  
بیلیورمش کبی ، قابونك اوکنه کلمش . یالکیز بر « آیول نه اولو -  
یورسکیز ، استیضاحیله دیواره ، برهیکل منجمد کی طایانمش نتیجه  
حاله انتظار ایدیوردی .

اعتراف ایتدی و نه یاهیم مهربان ، دیدی ، او قادینک خیالی  
 قارشیسنده بوتون متامی غائب ایدیورم . بوا عترافلر عینی سرز-  
 نشلرله تکرر ایدیوردی . مهربان اوضعیف خسته یه بکزیوردی که  
 ورمه مبتلا اولدیغندن قطعیاً آمین ، و برقاچ کون سوکره صولوب  
 اوله جکندن خبردار اولقلله برابر ، ینه حیاتی هر زماندن زیاده  
 سوهر ، و هر کسدن زیاده آتی حقنده امیدلر بسله ردی . شیمدی .  
 یوقادینده قوجه سنی بو وفاسزلقلرینه مقابل ، بلکه هر زماندن زیاده  
 سو ییوردی و اونک قادینلنی ازن اذیتلرینی ، بردقیقه سوکره  
 اونوته جق و عفو ایده جک بر حال اسارته کلشیدی .

تموز ایچنده بر مهتاب کیجه سی ، نریمان کج کلشیدی . قاریسنک  
 معاونتنی طاب ایتهدن صویوندی . یاتاغنه کیردی .

صباحه قدر او یقوسنک آراسنده « حمرا ، حمرا ! » فریادیله  
 صایقلا دی . مهربانده قوجه سنک بو اولدیر یجی ، چیلغین افغانلرینی  
 ایشیدیوردی ، بوتون کیجه کندی کندیسنه آغلادی ، آغلادی ،  
 آغلادی ....

صبحا حلین مهربان قوجه سنی کینمش بولدی . ارتق نریمان  
 قاریسنک آیاقلرینه دوشمش و « برشی تکیلیف ایده جکم مهربان ،  
 دییوردی ، بنم حیاتی سن قورتاره جقسین ، اولیورم . تکلیفم ،  
 سکا بامکه کوچ کله جک . لکن بکا مرحمت ایت ! بوندن سوکره  
 سنک هر زمان زیاده کوله ک اوله جغم . بکا آجی ، بنی حمایه ایت ! » .  
 مهربان تیتیریور ، برشی آکلاما مقسزلقدن متولد بر قورقو ایله



خافل ، وفاسز قوجه سنی آر آدی . اوکا بولوحه بی کوستره جک  
ودیه جکدی که : « سن اوقادینک آیاغنه قاپاندیغی بن خوش کوریم .  
فقط شو ، بکا بویوتی بوکن کنجک ده ، بنم آیاغنه قاپاندیغی ، سن  
خوش گور . نریمان ! سن اوقادینی اوپدجکه ، بن ده بوکا کولهیم .  
اولمازمی ؟ بو مقاولیه راضی اولاجقمی سین . شیمدی بولوحه بی  
پوره کک تیرمه دن ، قانک غلیان ایتمه دن تماشایده جکمی سین ؟ »

فقط قوجه سی بوجیع لوحه دن اورکمه سین . یا معصوم  
قیزلری مرور زمانله تلوث ایدیه جک ، بویکی لوحه نک حضورنده  
پایمال اولان استقبالنه آغلایه رق ، مسیبلرینه لغت ایتیه جکمی ؟

مهربان دماغنده برصرصر اضمحلالک فوراتی حس ایدیه زهک  
اوطه سینه چیقیدینی صره ده « نه جیم بودهیم بن ! » دین قیزی ،  
آغلایه آغلایه قوجاقلادی . یوق او . بویولده دنی برانتقامک ،  
ادنی بر مقابله نک اهلی دکدی . مهربان هرا حتماله مقاومت کوسترمکه ،  
بالکه قوجه سنی ارشاده موفق اوله جق ایدی و بونی امید ایدیوردی .

آرتق قرار ویرمشدی بوتون استهزالی ، حقسنز تخطئه لره صبر  
ایله مقابله ایدیوردی . هر کیجه نریمان بر بهانه بولوب حمرانک  
کوزلله کندن ، حسن طبیعتندن ، کوزل کینیشندن ، پنجره نک  
آلتندن دیکله دیکی پیانوسندن بحث ایدیوردی . بوبختر اراسنده  
نریمان « مهربان ماذونیت ویرسه اونیه ده نکاح ایدردم و پیانوسیه  
بزی اکلندیروردی » تکلفی برقاق دفعه تکرار ایتدیکی حالده قاریسندن  
کوز یاشلرندن باشقه بر جواب الامادی . برکون حمرانی سودیکنی ده



ایده مه دن یاشامق ایشته باخصوص کوزل قادینلره چیلغین بر یأس  
ویره جک بر عذابدر . اوت ، شیمدی مهربان اولیویرسه قوجه سی  
وحررا سـوینه جکله و « اوح بو آنکل بر طرف اولدی . ارتق بری  
بریمزه قالدق . . دییه جکله .

مهربان بوتون محاکات دور ودراز نتیجه سـنده ، اویقوسز ،  
ألمسز کیمسه سز کیجه لرك فیصله دیرله شیمدی کوکلنده طوغان ،  
ویاواش یاواش بویون طبیعی بر سـوق حسـه ، فتح وضبط قلوب  
حسنه تمایل ایتشدی . ارتق اوده سومسه بیلله ، سودیرمک ایچون ،  
مثلا اوافق بر نگاه ، کیزی بر تبسم ایله ممکن اوله بیلله جک ، صمیمی  
چاره لره تشبث ایده جکدی . بو صورتله هم کندیسنی دوشوندیره جک  
وهم انتقامنی آلمش بولنق لذتیه شادگاه اوله جق . . وکندی عجزندن  
استفاده ایدن قوجه سنک یوزینه مستریح و مطمئن ، استهزالی باقیشلر  
فیرلاته جق ایدی .

سفالتله کچن ازدواجنک بویله ده ایکنجی سنه سنده بو قادینک  
قلبنده انتقام ایچون — درشت ، قیمت ناشناس زوجه قارشى —  
برهوس ، آرککلردن آلدیغنی ینه آرککلره ویرمک اوزره اونلرك  
فوقنده ، اونلردن بویوک کورونمک هوسی طوغمه باشلادی .

برنجی خطوه یی آتدی . اوکنج ایچون حاضر لادینی تبسمی  
تودیع ایتدی . کنج طرفدن تعقیب اولوندی . او یا بائینجک بویوتی  
بوکدیکنی و مرحمت طلبنی ایما ایدر . بر وضعیت آلدیغنی ، بوقلبنی  
ییرتان چارپنتیلره تماشا ایتدی و بوسیره ده اطرافنده نرمانی ،

یاشامق دوام ایتیمه جک ، هر زمان کنجک اله کچمه جک ! .. نریمان ،  
 سوکیلی نریمان ، ایشه اونی دوشونمور ، اونی الداتیور . هم الداتمله  
 برابر ، بوتون اذواق مظلمه حیاتک قابولرینی ایلله آچوب ، اوکاساپار  
 یول کوستریور . اوده اونوتلمش ، الداتلمش ، مقهور یاشامقدنسه ولو  
 لوز یاشلریله اروا ایدهرک ، حیاتنده برکلزار خاطرات طرح ایده مزمی ؟  
 اوده ، مثلاً شوقارشیکي کوشکده ، هر زمان کندیسنه ییه جک  
 کبی متحسرانه باقان صاری بیقلی کنجی ، بر نظره تشویق ایلله تسخیر  
 ایدهرک ، اونک بر معبوده یکانه سی اولق حسیله متلذذ اوله رق ، موقه  
 اولسون ، شوهران یاره لرینی تداوی ایده مزمی ؟ کیزی ، مؤثر بر انتقام  
 حسیله انشراح ایده مزمی ؟ نیچون قوجه سنه حیاتی تودیع ایدی ؟  
 یاشامق ، برعائله تشکیل ایتک ، مسعود اولق ، سویلمک ، اوپولک ،  
 تقدیر اولونمق ایچون دکلی ؟ ایشه بوکون بورابطه لر کاملاً بتمش .  
 زوجی شیمدی بر دیکرینک مسعودیتنی اکمال ایدیور . بر باشقه سنی  
 س-ویور . بر باشقه سنی اوپویور . بو حالد کن دیسنه نه قالدی ؟  
 انسانلقده سویلمکه ، تقدیر اولونمغه عائد بر سوق طبیعی واردر .  
 یاشادجه ، اولدکن صوکره اونوتولمق اندیشه سی ، بزى مایوس ایتکه  
 کافی ایکن ، حیاتده ایکن اونوتولدیغمزه واقف اولق ، سویلمه یوب  
 ترک اولندیغمزی آکلامق ، بزى چیلدیر تمازى ؟ ظن ایدیورمکه  
 بوتون سرائر انجاسی مجهول قالمش اتحارلرک سبی ، سودکری  
 طرفندن اونوتولمق فلا کتندن منبعث اولق لازمکیر . رابطه سز ،  
 بر ایز بر اقمه دن تعقیب حیات ، فائده سز بر عمر ، کیمسه یی مشغول

یوزینه کوزلری دیکوب آغلامقدن باشقه برسوز سویله میوردی .  
 آرتق مهربان قوجه سنک هر خانی ، هر حرکتی ، هر سوزینی  
 صیقی بر تجسس آلتنده طوتیور . قوجه سنک آغزندن برکله قابوب  
 بوتون ، بوتون زهرلنک ایچون اویومايور واونی تفحصلریله اذعاج  
 ایتمکدن چکینمیوردی . جیبلرینی قاریشدریور ، کاغدلرینه باقیور ،  
 کوزلرنده کچمش بر خاطره نك ایزلرینی آراشدریوردی . وداثما  
 موفق اولیوردی . گاه نریم-انک جیبنده بولنش بر چیچک اونی  
 آغلاتیور ، وگاه اویقوسنک اراسنده ایشیتدیکی یاری آ کلاش-یلیر  
 بر صایقلامه اونی اولدیریوردی وکونلر کچدکجه قوجه سنک معامله سی  
 دکیشیوردی ... حتی حمرا ایله قرانک ، نیچون ، کندیسنه کورنیمسینه  
 مساعده ایتدیکندن طولای زوجی کوچک مجادلر بیله چیقاریوردی .  
 مهربان بیلوردی که زوجی ، والده سندن سرگذشتلرینی صاقلامغه  
 لزوم کورمکدن ماعدا ، قائم والده سی اوله جق بومر حتمسز قادیندن  
 تشویق بیله کوریوردی . مهربان بوعدابلر آلتنده قیوراندقجه ،  
 اعتدال اخلاقی ده صارصیلیور . او بر کتابده او قومشدی که « کیمسه یی  
 قیصاندر مقایسته مینلر قیصقاندیر ییلر لر » دوشونیوردی . — « ایشته  
 بردوغرو سوز بن نریماندن اول باشلامش اوله یدم . مادام که او  
 اقتدار بنده ده وار . »

شیمدی بو سوسه کیتدکجه تزايد وترقی ایدیور . اوت ، اونی  
 مادام که قوجه سی سومیور . لیکن اونک سولمکه احتیاجی وار .  
 متروکه او ، فقط نیچون ؟ معشوقه اوله مازمی ؟ ... مادام که هر زمان

بواذیتارله قیورازر ایکن قوجه‌سی اوکا « خنده کاروی لطافتسکیز! »  
 دییور . لکن بونوازش‌لره معروض اولمق ، یالکیز کندی حق  
 صریحی دکلّی ؟ حمرا نه صلاحیتله ، نه نام ایله کندینه عائد بو حق  
 غصب ایدیور ؟ شیمدی حمرا ایله زیمانک اراسنده کی مناسبتک  
 درجه‌سنی ، تفصیلات حقیقه‌سنی اکلامق ایچون برچاره آریور .  
 مهربان بودقیقه نفسنده شدید برقیصقانجلق طویمایور . یالکیز  
 حقیقه‌مطلع اولمق ، نیچون ، نهدن ، ناصل آلداتلدیغنی بیلمک  
 ایسته‌یور ؟ حالا او ، قوجه‌سنی جدی ، منفعتسز احتیاطسز  
 برحرمت عمیق‌ایله سوییوردی . بومکتوب ، بوشرقی عشقنی رخنه‌دار  
 ایتمکدن زیاده ، عزت نفسنه دو قونیبور . وتکمیل مسئولیتی حمرايه  
 عطف ایدهرک صاف و پاکیزه قوجه‌سنی اخلاص سبب ، بوقادینک  
 ساخته عشوه‌لری اولدیغنه قرارویرنجه ، دماغی زهر آلود تصمیملر  
 قهار فکرلرله طولهرق ، بوتون آمال مزعجه‌سنی بردن اجرا ایچون  
 برقرار آنی ویره‌جکی صرهدده ، ضعف وعجزینک حیولتنی تفرس  
 ایله ، اغلامغه باشلایوردی . رقابت سودا بر طفل محبتدرکه والد‌سنی  
 زهرله‌ین بریلان یاوزوسنه بکزر ... مهربان بویله بر قصد و بر امل  
 نتیجه‌سیله ، صرف برسوق طبیعی نسویتیله کیمسه سز لکک ، چاره سز لکک  
 اُک زیاده حس اولندیغنی قارانلق ، سس سز کیجه‌لرده بویله متروکیت  
 عشقیله زهرلنه زهرلنه ، اعتدالتی غائب ایدیوردی .  
 زیمان قاریسنی آووتیق ایچون بولدیغنی فنا برتدیوره مراجعتله  
 دئاسوسله نوب کز مه‌سنی درمیان ایله‌دیکی زمان ، مهربان قوجه‌سنک

دیمک که شیمدی قوجه سنک کوکلی تمامیه همراهه ... کندیس حیات  
 بیهوده ، فضله طوران بر بدبخت ، بر کیمسه سز ... شود قیه اولسه  
 کیمسه اوکا آجیمیه جق ، حتی زیمان سوینه جک ، حمرا سوینه جک .  
 عمری اونلرا یچون بر بار کران . زیمان ، کندیس یله ایشه بر آیدن بری ،  
 لاقیردی بیه اتمکه تمایل اتمز ایکن اوکا شرقیلر تنظیم ایدیورمش .  
 شیمدی یه قدر لسانندن بر منظوم سوز ایشتمه مش ایکن بوقادینک  
 عشقیله زیمان شاعر اولمش :

« خنده کلروی لطافتسکز ؛  
 نورسکز ، روح محبتسکز ؛  
 آلهه عرش ملاحسکز ،  
 آفت هنسکام شبابتسکز !  
 ایتمش ایدی لطفکز احیا بی ؛  
 اولدیریور ؛ شیمدی اوخلیا بی ؛  
 قورقیدیور آه ! .. بوسودا بی .  
 قورقیله جق مرتبه آفتسکز !... »

بیلیم قاچنجی دفعه در ؟ مهربان بونی روحی یانه رق ، او قویور  
 و دوشونیوردی .

ایتمش ایدی لطفکز احیا بی !! .

قوجه سی بوقادینک لطفه ده نائل اولمش . اووف !! بوفکر ،  
 مهربانک صبرینی تارمار ایدیور . بوحیاتنک بر قیامتیدی بوکا تحمل  
 ایده میه جک . کوکلی بوباری چکه میه جک ... بلکه شیمدی کندی

باقیشلرینی تماشا ایدرکن « پک خوش ، پک خوش » اعترافی ایما  
 ایدر بر وضعیتله ، عکس اندامنه ، کوچک برخنده تقدیر وباشیله  
 برتمای آشنائی یوللادی . بیاض قصورسنر دیشلرینه باقدی ، بول  
 یگلی قوللرینی قالدیره رق ، بغته عریان اولان بیلکلرینی تدقیق ایتدی ..  
 آللرینی قالچه لرینه دایایه رق ویان طرفه تمایل ایدوب برطور مسحورانه  
 ایله ، بوینی ، بلنی ، بویوتی - سوزدی ... سوزدی . شیمیدی  
 دوشونیوردی : « خیر ، مهربان مقصدم سنی اوزمک ، عظمتکه  
 باصوب یوکسله رک کبرکک ناصل قیرلدیغنی کورمک ، حمراپی چکه ممه نك ،  
 حمراپی راست کلدیکنه چکشدیرمه نك جزاسنی ترتیب ایدیورمک ...  
 ایشته بو او یون بو قدرله بیته جک .. نریمان ! سن ده ییرتمه ، بو وجوده  
 صاحب اولمق لیاقتنی هنوز کیمسه ده کورمه یورم ... کوز یاشلر که  
 اچیورم .. فقط ... »

أوت ، صمیمیتله آقان یاشلر هیچ بر زمان تأثیرسنر اوله مازلر .  
 بوقطره لرک دوشدیکی زمین ، نه درجه چوراق اولسه ینه اوراده  
 کوچک بر نهال شفقت بلیرمک احتمالی واردر . حمرا نك اوزرنده  
 بودقیقه نریمانك کوز یاشلرینک بر تأثیری واردی . لکن بو تأثیر  
 او یاشلرک قورومه سیله برابر زائل اوله جق درجه موقت اوله بیلور .  
 حمرا صویونوب یاتاغه کیردیکی صره ده بو کونکی کچن دقیقه لرینک  
 کندینی ممنون ایتدیکندن دوداقلرنده ، کوزلرنده بر ایتسام مسرت  
 اوچیوردی .

بو ایکنجی مکتوبدی که مهربان قوجه سنك جیینده بولوب او قویور ،



دویارسه ، ایشه اوزمان بومضحکه ، بر فاجعه یه دونه جک . بر  
چوق کفتکو اوله جق . ایکی عائله ارکانی بری برینه کیره جک .  
صوکره حادثه آطیه ، بوغاز ایچنه ، استانبوله اشاعه اولنه جق .  
بوتون دوستلر دویه جق . هر یرده کنه دیسندن بحث اولنه جق :  
نتیجه ده عمرنده بر دفعه ده اکلنمش اوله جق .... لکن  
نریمانک عشقی ، چیلغین ، متجاسر بر عشق ایسه . یازوجه سنی  
براقوب کنه دینی آلمغه قالقارسه ... قالقارسه اوطور یاوروم دیه  
بیله جکمی ....

حمرا قالدی ، صدفلی ، سکز کوشه لی براسکمله اوزرنده  
یاری آچیق طوران سیغاره پاکتندن ، اکیلدی ، برسیغاره آلدی .  
کبریتی چاقه رق اوزانمش دوداقلری آراسنده صیقیشان سیغاره نی ،  
ایکی کوچک علو ضربه سیله عجله یاقدی وکبریتی سوندورمیه رک اندام  
آینه سنک جوارنده طوران ، اوچزلی برشمعدانی تنویر ایتدی .  
شیمدی برافق رونقدارک برکوشه سنه بکزه یین ، ایری آینه دن  
انعکاس ایدن ، شعله لر ، پنبه دوشه مه لی بو اوطه نک ایچنی ، برشفق  
بولوطی کذرکاغنه بکزه تدی . اوجی ، ایری دوداقلرینک ایچنه  
کومولن ، سیغاره نی لذیذ براشتها ایله ایچرکن ، آینه نک اوکته  
کچدی . طوردی . کنه دینی تماشا یه ، صاچلرینک اوتعیریه کله یین ،  
صوک بهار صباچلرنده آسن قورو روزکار ایله قاورولمش ، یانمش  
یارقاقلرک قیرمزی بی آکدیران رنکته بکزه یین صاچلرینک لاین  
طراوتی ، چهره سنک پنبه رنکی ، کوزلرینک عشوه لر اختراع ایدن

کوله دن ، یاشامدن بدبخت اولور . بولورسه ، بنم کی ، هرمانه یی  
 چیکنه یه رک ، برانجذاب طبیعی ایله مشـتاقنه قاووشمق ایستهر . بن  
 سزک ، یالکز سزک ایچون یارادلمشم . حیاتی اکیل ایدیکنز . بن سز سز  
 یاشایه مام . سزک شونارین لباسکزدن یاییلان رایحه بنم روحدر ..  
 صاچلرکزک رنکی بنم روحدر . حرمانیکزک قاترلری بنم روحدر ..  
 شوکوچیچک آیاقلر بنم روحدر . بوتون خنده لرکز ، دوشونجه لرکز ،  
 امیدلرکز ، شوخلرکز بنم روحدر . بن یالکز سزک ایچون  
 یارادلمشم . حیاتی اکیل ایدیکنز ، سز سز یاشایه مام ....

— نریمان بک جوشدی و بن اوشودم . همشیره ارتق کیده لم .  
 شیمدی نریمان بربحران محوم ایچنده مفتور و پریشان  
 آغلا یور و غلیان حس شغفله دومانلانا کوزلری حرکاتنک غلو  
 واجدینی کورمیور . سـوزلرینک شوخ قادین اوزرنده کی تأثیرینی  
 ا کلامق ایسته میوردی . مهلک برسـودا ایله سـودیکی حرانک  
 قارشـیسنده ، بوتون راز درونی دوکه دوکه یالوارمق  
 و بویله جه ترک حیات ایتک حس الیمیله مدهوش ایدی . حرانک  
 همشیره سیله بوتون بوفغانلرک بحران پریشانندن اورکمش کی ، فرار  
 ایتدکلرینی کورینجه ، اونلری آلیقویمق و آیاقلرینه قاپانق ایسته -  
 دیکی زمان ، اونلر کوشکک قاپوسنی ، نریمانک کوزیاشلرینه قارشى ،  
 قاپامشلردی بیله ....

حران هان اوطه سنه کیده رک مانتوسنی ، باش اورتوسنی باشندن  
 فیلاتوب : « اوح ربم ! نه وقعه ، نه وقعه ؟ » دیوردی . یامهربان

— نچون؟

— سزی اولک ایچون سویورم!

— پکی فقط اوبوسوزلرکزی دویارسه...

— او دویارسه هر شینه حاضرم. فقط سز عشقمی، بوخی

قهر ایده جک عشقمی رد ایدر سه کز اولورم، یاشامام. بنی قور.

تارک. قارشیکزده کوردیککز شوزریمان روحسز بروجوددر، اونک

روحي شوکل رنکی آووجکزک ایچندهدر.

— فقط سزی، اونی سودیکزده آلدیکز، دیورلر.

— سزه پرستش ایدیورم. بنی رد ایتیمکز. اگر عشقمک

شدتی بیلسه کز سز....

— زوجه کزی دوشونکز!

— اوکا مالک اولمیه ایدم، سزه مملوک اولمیه جقدم. روح

وارددر که نصفی باشقه سنندهدر. اونلر یکدیگر لرله اکال اولنق ایچون

یار ادملشدر. بری دیکرینی قارانقلر، خسرانلر ایچنده آرار

طوغان قره صورار... برخرام موزونک آهکننه صورار.. بر

قماشک فشاشنه صورار.. ایپک صاچلرک قیور یقلرنده آرار..

مسعود خنده لک تیتره ین الحاننده، مغموم کریه لک سه کوتنده

آرار.. برشمسیه نک اسمر سهاسنده آرار.. باقیشلرک معنای سرا-

رئنده آرار.. آشنی آرایان برقری کبی اونی هر یرده هر آن کوکلیله

آرار.. عقلیله آرار.. خیالیله آرار.. حسیله آرار، یورولونجهیه

قدر، اولونجهیه قدر آرار؛ بولمادن اولورسه محروم سعادت،

قولاقلرنده اوغ-ولدایره ق ، بر سودای لذیذ و نوین ایله تلاش  
ایچنده چارپینان کوکلنه قدر نفوذ ایده میوردی .

برقاج آدیم آنمشلر ایدی که حمرا :

— بیلور میسکز زیمان بك ، بو آقشام مهربان ، سزی بزه  
کوسترمکه بر درلو راضی اولدی . اقربانك بری برندن فراری  
مناسب اولدیغنی سویلیدیکم حالد ...

— اوندن شیمدی بکا بحث ایتمکز افندیم .

دائما یوریورلردی . صیق آغاچلی برتیه کلدیلر . حمرا

علاوه ایتدی :

— لکن حرمکز دگلی ؟ اونی یالکیز کوشکده براقوب بزه  
نه سویلمکه کلدیکز ؟

— سزك عشقکز بی اولدیره جگنی سویلمکه کلدیم .

حمرا بودفعه آرتق بوتون قوتیله کولیوردی و :

— اوح ! عشق ، سودا ، محبت ، سومك ، نهیرانمش ،

قوللانلماش ، پورسومش لادقیردیله . باخصوص سزك کبی برأولی  
آدمك آغزندن بونلری ایشتمك .

— سزی سویورم ، چیلدیره-ییه سویورم !

— حرمکزی سومیور میسکز ؟

— سزه پرستش ایدیورم !

— لکن سز مهربانك قوجه سیدسکز !

— سزك کوله کزیم !

نریمان مشكل بر موقعه ایدی . تدارك ایتدیكى جمله لك  
كافه سنی ، شیمدی اونوتمش ، سوزه نره دن باشلامق لازم اولدیغنی  
شایر مش :

— بیلیرمیم اقدم . بو آقشام همشیره كزه ، بن كچرکن ،  
بو قاپودن چالغنه چیقاقغكزی سویلیوردیکز . بنمده سزه اوقدر  
آ کلاتیله حق شیلرم ... آیاقلر كزه دوکه جك كوز یاشلرم وار  
ایدی که ...

شیمدی حمرا ، کوزلریله ، دوداقلرندن قهقهه شیمشکلری  
صاچهرق :

— نه غریب ، آیاقلر مزه دوکه جك کوز یاشلری وار مش . آمان  
نه غریب شیلر بونلر ؟ پکی اولسون !.. فقط او یاشلرک هپسینی بردن  
دوکیكزده چابوق بتسون . قیویریلوب بوکولان ، سورینوب  
أزیلان مراسمدن خوشلانام . همان لاقیردیعی سویلیه جكسكز  
یوقسه آغلایه جقمیدسكز . هایدی بش دقیقه ایچنده بتیرك ..  
و یورویك شویله ایلری کیده لم .

حمرا ایله قرا اوکده آنکلرینی قالدیره رق یورورکن نریمان  
آرقه ده بوایکی وجود نازکترینك جاذبه طاقتسوزیله آتلدینی بوکردباد  
سودانك سکران تاثیریه محوم ویتاب وهردرلو احتمالاته قارشى  
ظهور ایدمبیله جك نتایجی ، موانی چیکنه یوب کجه بیله جك درجه  
کوزلری دومانلانمش ، قارار مش وا کثریا برعشق مشروعه قارشى  
ایدیلن ایلک تصدیلرده قلبه عارض اولان مغدور وکریان بر خیال  
موظك « بنی اونوتمه ! بنی اونوتمه ! » این سیاه نیازی ،

قالدیردی ... وکنارلری پنبه لشن او کوچک کوزلرک ایچنده محتاج اولدینی لمعه امیددی بولدی .

\*\*\*

زیمان چاملرک — کوتوکارینی طوته رق ، کوچوک قایلرک اوستنندن آباغی قیارق ، سنده لیه رک تموز کیجه سنک طورغون سماننده پارلایان ، یدی سکز کونلک بره لالک ایشیغنده ، کوزلرینی کوشکک آرقه قاپوسنه دیکدی . قابو آچیلدی . کیجه نک سکوئی اورتیسنده بردسته ایپکلی قماشک فشافشی آراسنده برکه وره ک قهقهه ، تیتیه تیتیه چاملرک آلتیه یاییلدی . ایکی یوموشاق کولکه « آ ! واه تحف سین قاردهش ! » آوازه سیله ایلریله دی .

زیمان کوکسندن چیقاردینی بر اوافق دسته بنفشه یی حمراه : « مساعده ایدک شو دمتجک دوداقلرکزی قوقلاسون » دیه اوزاتیرکن ائکنه طوغرو ایکیلدی . حمرا خفیف بر چیغلقله « دستور ، دیدی ، بوکیم ؟ کیجه قوشیمی ؟ »

— سزه اورلمش بر قوش !.. زیمانک تیتیه یی دوداقلرندن دوکیان کله لرده کی اهتزاز ، سوزلرینی آکلاشیلمه یه جق درجه ده بولیوردی . قمر ا همشیره سنه دیدی که :

— آی زیمان بک ایمش ...

حمرا علاوه ایتدی :

— سزک بوراده نه ایشکز اوله بیلیر ؟.. بوده عجائب . نه ایشکز

اوله بیلیر ؟ یوق جواب ویرک . چابوق چابوق !!..



هجرانیدر ، ایکی جناح مدد کاریدر . اونلرله برابر ارتقایینه اونلرله برابر انحطاط ایدر . اکثریا عشقه عائد اک محرک رقابتلر ، دوشدکاری کؤکلرده بارینه جق ، اسرار انکیز برکوشه بوله میهرق ضعف اخلاقی ایما ایدر . برتدیرسز لکله ، اشاعه اولندیغی دقیقه ، اوزی آغلالتان هجرانلر عادی برقیصقا بحلق کسوه فرسوده سنه بورونه رک خلقی کولدر مکدن باشقه برشیئه یاراماز .

قادینلرکه دنیاده بوتون مالک اولدقلری شیلره تجا اوزی کوزللیکلرینه تعرضه ترجیح ایدرلر : صرف حسنلرینه عائد عزت نفسلرینی پایمال ایدن استرقابلری کیمسه یه اعتراف ایده مه مک مجبورتی ، اونلرک اک خراب دقیقه لرنده ممون کورینه لرینی منتج اولورکه ، آرککلر اکثریا بویله معمارلر قارشیسینده بولمقله دوچار حیرت اولورلر .

مهربان شیمدی راز پنهانیله قارشى قارشى یه قالمش وکندیسنی تهدید ایدن قریب بر فلاکتک آدیم آدیم یاقلاشدیغی کوروب فریاد ایتمک ایسترکن ، دیزلرینک دیننده اویونجاقلریله آلدانان قزینک ، بوکابوس پیایی فلاکتله استهزا ایدن که ورهک ، پوروز سنر سسیله « نه جیم » دیه کولوشندن صاحیلان نور مسرت ، بوتون قاره خولیالرینی تارمار ایله مشدی .. اولادینی قوجاقلادی واوکا هجوم ایدن اژدره بوانجی دیشلردن دوکیلن بر بیکک پاکیزه خنده لريله مقابله ایتمک ایسته یه رک ، اونی بر سه پر کی قاورایوب هوایه

بالا التزام یابدیغی سوسلر، آرایشلر، شوخلقلر حضورنده ، موازنه سنی  
 غائب ایدرک، سنده لیه جگنی، وبرکون کوکلی پارچه لاش، روحی  
 پاصلاشم اولدینی حالده اوپک قورقونج، پک قارانلق وپک درین  
 اولان فلاکت اوچورومنه طوغرو یووارلانیرکن کندیسینی ده،  
 اولادینی ده، بوتون ارکان سعادتیی ده برابر سوروکله یه جگنی  
 دوشونیور، وبوزمانک حال حاضره نظراً پک یاقین اولدینی کوریور  
 وبرتازه قادینک غلیان ایدن غرورنسویتیه بو اوچورومدن اونی،  
 اوسودیکی، قوجه سنی، ضعیف قوللریله قوجاقلایه رق بالذات  
 قورتاررکن، او اوچورومک قعرندن کیندار یومروقلرینی کوسترن  
 عفریتلرک، عقربلرک، جانورلرک یوزلرینه توکورمک ایسته یوردی.  
 بوتون بو هاثلر، بر عصبی قادین اوزرنده کی تأثیر مبالغه  
 کاریسیله، مهربانی صیقیور وعجزک بر جلوئه مسعوده سیله موقه  
 اکتساب ایلدیکی بر جرأت محموه نك سوقيه، چاره سزالکک،  
 مأیوسیتک ویردیکی صوک بر قوت اعجازه قایلوب، خود بنحود  
 میدان مبارزه یه آتلمق وکندیسینک کوز یاشلریله اُکله نرک،  
 وقهقهه لرله جگرینی، جگر پاره سنی پارچه لامق ایسته یین بوبادره  
 فلاکتی، اینجه پارماقلریله بوغمق، کوزلرندن صاچیلان ییلدیر-  
 ملرله یاقق ایسته یوردی.

رقابت عشقندن متولد غیضلر، دائماً کیزلی یاشارسه، قوت  
 فجاعتی محافظه ایدر.. قلبده، قلبک قارانلق برکوشه سنده  
 باریندجه حزن شعریتیه بویور. حس ایله روح اونک ایکی اشنا ی

صوك واپوره قدر آطه ده بر قاچ دور ايتديكنى كوردك . سن نه قدر  
 مردم كرىز ايسهك قوجهك او قدر نشئهلى . بزه كلديكى زمان  
 سلامقه پذرله قونوشور ايكن قهقهه لرني ، اچريدن بز ايشيدنجه  
 نه دن بحث اولنديغنى بيلمديكمز حالده بزده كولردك . بويله آدملىر  
 كسكين اولور . قاردهش ، سكا نصيحتم اولسون ، تتيك داوران .  
 مهربان بوصوك ضربه يه تحمل ايدمه دي وشدتله پروتستو  
 ايتدى :

— بن دكل ، اونك آرقه سندن قوشانلر تتيك داورانسونلر .  
 ايكي رقيه يينده آراق اعلان حرب وقوع بولمشدى . بوسره ده  
 كوشكك او كنده طوران عربنهك اچندن ، قائم والده سنك كنديسنى  
 چاغريديغنى كورن مهربان قيصة بروداع ايله عمجه زاده لرندن آريلير  
 ايكن بونلر عربنهك يانه كلهرك « افنديم كلين خانم بو آطه يني  
 سوديرملى ، ديورلردى .

مهربان كوشكه عودتله او طه سنه آتليدينى صيره ده كنديسنى ،  
 داديسنك آنده كي اويو بجاقلرله اكله نن قزينك قارشيسنده بولدى .  
 قوجه سى نريمانك قاره كوزلرينك كوچك بر نمونه سى اولان ببكك  
 هنوز رنكي تقرر ايدمه ين قويو قورشونى كوزلرينه باقهرق ،  
 بر والدهنك اويالكنز صوچسز بر اولاد قارشيسنده دو كديكى  
 شمسز ، ساكن كوز ياشلريله ، آغلامقه باشلادى .

بك كنج ، بك تجربه سز اولان قوجه سى ، حمرا كى اويناق ،  
 هر جائى ، اهانتة منعطف متجسس پارلاق كوزلره مالك بر قادينك ،

بوسوز حمرانك ایدی . لکن بوهیج سومدیکی بویوك اطیه ، بو  
 کندیسنك اضمحلالنه بردام احتیال اولمق ایچون بولنش بوصیفیه  
 نیچون کلمکه راضی اولمشدی ؟ قوجه سنك اطیه کلمك خصوصنده کی  
 اصرارینه نه ایچون ممانعتده ثبات ایتمامشدی ؟ دیمك که بوکوندن  
 صوکره اوکنده بر میدان رقابت آچلمشدی . اساساً حسنه ،  
 کوزللكلرینك شعشعه سنه قاپیلان کنجلی بیله ، سوء شهرت لرینك  
 شایعاتیله رجعتیه مجبور ایدن بویکی دلاشوب ایله اوغراشمه نك  
 کوریندیکی کبی ، قولای اولدیغنی اکلامقده مهربان تأخراقمدی .  
 شیمدی کندیسنه رفاقت ایدن سعادت ایچون مضرومز عجز بردشمن  
 اولان عمجه زاده لرینك ، ایکی البسه لرینك سورتونمسندن  
 چیقان فشافشی ، حیاتی ایصیرمق ایسته یں برییلانك صفیرکینی کبی  
 اونی تیره تهرک بونلرک بوتون خائلكلرینی ، سویلنمیه جك تحقیرلرله  
 یوزلرینه چارپمق و صوکره بورادن قاقچق و قوجه سنی بونلرک اُلندن  
 چکوب ، قورتاروب قاقچق ایسته دی .

حمرایکی دقیقه دوام ایدن سکوت متهیجی اخلاص ایتمك  
 ایسته یهرک :

— مهربان ، دیوردی ، ایکی هفته در اطه ده سیکز ، کزمیور .

سین ، اکلنمیور سین .

— بن آطهی هیج سومییورم .

— زیمان بك بالعکس بك سویور غالباً . سز نقل ایتهدن

هر جمعه و بازار بوراده ایدی . کاه بزه کلیر ، پدرله کوریشیر ، صوکره

خفیف لکيله يورويوشلارنى كورمك ايستمهين مهربان ، ياننده  
يورين بوايى كوزل رقيه نك سوسلرينه اكسزىن باقدى . حمرانك  
پنبه بنغاليندن ، پلهرينلى بول مانتوسى ، يوقايدن اشاغى قات قات  
قيوريقار ايچنده ايدى . حمرانك ايكيسنك اورته سنه كيرمش وشيمدى  
ارقه لرندن خرستوس تپه سندن قايرق وچاملغك اوستندن سوزوله رك  
اوزرلرينه كلن باغين ، صولغون كوشه حائل اولق امنييه سيله  
ايللوزيون ديدكلرى ، اينجه ايك تول كوپوكلريله ، قاباران شمسويه سنى  
اچمشدى . باشنه اورتديكى آچيق پنبه ايك اورتونك آلتندن  
وآلنك اوستندن فيرلايان لوله لوله صاچلر اقشام روزكارينك  
كوچك فسكه لريله قيوريله قيوريله تيتريورلردى .. همشيره سى  
قمرانك تواتى دى حمرانك صاريسى ايدى .

مهربان بوايى همشيره نك طنطنه تريناتى قارشيسنده كوچلمش  
كبي كوزلرني قيرپه رق ، بويونى بوكه رك قوجه سنك بونلر ايچون  
نهديدىكنى دوشونيبور . وقتيله زيمان ، بونلرى بويله قيوريم  
قيوريم تواتلريله ، قاتمر قاتمر توللريله ، لوله لوله صارى صاچلريله :  
« برينى پنبه ، اوبرينى صارى قيريزاتمه » بكزتمش . وايچنى چكه رك  
« نه شاعرانه حاللرى وار .. » اعترافنده بولمشدى .

آرتق هيچ شهبه يوقدى . آرالرنده كوچكدن برى حكرمان  
اولان بر حس رقابت حمرانى ، مهربانك قوجه سنى كندى  
آلندن چلمك خيانتنده بولمغه سوق ايتمشدى . اوكا  
ديمشلردى كه « كندى كبي كنارك دلبرينه زيمان كبي قوجه ممنوعدر »



— بحر كنسز . الله ايجون بحر كنسز . يانمزه كلك ايستهدى  
باقسهك آ . احتمالى يوق . قرار ويره مدي .

حمرا ديدى كه :

— بنم زيمان بكدن قاجق خاطر مه بيله كلز . انشتهدن قرار  
معناسز اولمازمى ؟ نه دير سين مهربان ؟

— طبيعى !

بعضاً دوداقلرك بتييره مديكى جمله لرى كوزلر اكال وقاشلر تفسير  
ايدر . مهربانك بونا تمام ومبهم جوابى ده ، شيمدى مانتوسنك  
قتمرلرني آلريله قيويرر كن ، اونلرك اوستنه دوشن فريادكار بر نظر  
سريع مهترى آتامه ، وعمجه زاده لريني تهديد وايقـاظه كفـايت  
ايتدى . دمـين مانتوسنك قيويرملرى اوستنه دوشن اونظر ، مبنای  
سعادتنى ييقمق ايجون ، صارصان ضربات نهانينك شدتندن انشعال  
وفوران ايدن بر قيويـلجم ايدى كه شيمدى ياننده ، كنديسـنك  
صفوت قلبندن استفاده ايله ، يالكز زوجنك عشقنه بورونمش  
كوكلنى بويله معذب استهزالرله چديكله ين عمجه زاده لرى حمرا ايله  
قرانك ، بوايكى رقيه مستنانك ، جراثلريني تخريبه كافى كله جك ظن  
ايتدى . حمرا مهربانك شطارتسز لكندن بوبحثك دوام ايده ميه جكنى  
اكلامقـله برابر يكدن اياغه قالقـه رق : — بوكوزل هواده قاناپـه چيوى  
كـي ميـخلانمـقده بر معنى كوره ميورم . هيچ اولمـزسه يولـده كـزينه لم .  
اشتهامن آچيلير ، ديدى .

اوچى ده قالقـمشـلردى . بوايكى همـشـيره نك نفحه روزكار



کلیندن قورتارمق ایسته یورز « فریادیله مهربانی همان زورله ، یارم  
ساعت قدر ، شوراده باغچه ده قانا په لرك اوستنده ، کافی کچی سیر  
ایتمک بهانه سیله چکدیلر ، آلدیلر . قائم والده سی ناچار برابته سام  
ظریف نزا کتله مساعده ایدرکن ، حمرا و هم او قدر اکلایله جق  
شیلر من و ارکه ... « دیوردی .

مهربان قمر ایله حمرا نك بویکی همشیره نك آراسنده بولنقدن  
بر عذاب مزعج حس ایدیور و عسرت تنفسه اوغرامش برخسته  
اذیتله کنه دیسنده لاقیردی سویله مک ایچون اقتدارك ، یوره کینک  
چارینتیلر یله ، آزالدیغی دویوردی . شیمدی حمرا مهربانك  
سوسنی ، برنگاه سریع تنقید ایله ، سوزه رك :

— قاردهش بویکی مانتوكمی ؟ بیلیم که فس رنکی مانتو یاپدیرمق  
تره دن خاطر که کلیر .

— بونی بك ایسته دی .

آرتق ایکسی ده طایانه مدیلر . قهقهه لرله کولرکن :

— او ! بلك حسن طبیعتنه دیه جك بولماز . شیمدی بورادن  
کچدی . سویله سه کزده فسنی او قدر قاشلرینك اوستنه ایندیرمه .  
بوصره ده نریمان عرب سیله کچوردی . عرب سنی طور دیرمق  
ایسته دی ، جرأت ایدمدی . زوجه سیله حمرا و همشیره سنك  
اقربالغندن استفاده ایله یا کلرینه کیتمک ایسته شدی . نریمانك  
اظهار ایله دیکی بوترد و تلاشه قارشى کوشكک باغچه سندن فیرلایان  
قهقهه لر ، اوزا قلاشمقده اولان نریمانك قولاغنه قدر کلدی . شیمدی  
قیریلیش یورلر و علاره ایدیورلردی که :

برقع کشف رکودیت و منزویتنی آتەرق ، شوخ و شاطر بر شهرلی  
قیزاڭجه لکيله ، کوردیکی ، کوریشدیکی نونهالان اصالت رفیقه لرینک  
آراسنده بر موقع ممتاز اشغال ایتکه باشلادیغی بر صیره ده ، ازدواجی  
وقوع بولدی .

مهربان بوکون بوتنهك نمایشيله ستره چالیشدیغی ، درین بر  
انفعال مایوسك مرارت نهانیله ، بویوك آطهك چاملر اراسنده کی  
یوموشاق توزلی یوللری اوستنده عربهك اوکنده باشلری بر  
طور نخوتله صالایه رق یورویان برچفت ایری حجار بیکرینک  
رفتار موزوندن متحصل طنطنه مطردینی ، دالغین دیکلرکن  
کوزلرینک اوکنده بوتون بونوازشلر ، نعمتلر ، کبارلقلرله آچیلان  
کلرک انصافسز دیکنلری ، اونک روحنی اینجیدیوردی . دیاسکه لوس  
یولنده عربه چاملقلرک اراسنده شاله طرزنده انشا اولمش بر تیرشه  
کوشکک اوکدن کچرکن شیمدی یه قدر ، عربه ده کندیسنه توجیه  
خطاب ایتین ، قائم والدە می ، سیاه ایری قاشلری قالدیره رق بر نظر  
مستیزی ایله مهربانه : « باق ، دیدی ، قمر و حمرا سکا سسله -  
نیبورلر . » و عربه جی یه طور مەنی اشارت ایتدی .

شیمدی بویکی تازه ، اکسزین قفسلرینک قابوسی آچیلویورن  
برچفت قاناریا شاقراقلیله چیرینه رق ، سوزوله رک ، سکه رک ،  
قوشه رق کوشکک دمیر یارمقلی قابوسندن چیقوب عربهك یاننه  
کلدیله . و مهربانک قائم والدە سندن مساعده استحصال ایچون لطیفه لر  
ایجاد ایدوب ، قمر کوله کوله « والله افندم ، بواقشام قاینانای

مهربان خانم ، ولایات شاهانه دن برینه منسوب ، اون سنه دن  
بری استانبوله نقل مکان ایدن ، غایت زنکین برعائله نك یکانه  
قیزی ایدی . پدرینك ثروتی پك آز زمان ایچنده ، استانبولك  
کبار عالمی آراسنده ، کندیسندن غبطه و سرزنشلرله بحث ایتدیره  
ایتدیره ، تزویج ایچون برچوق نامزدلره ، آنکین خوالیالر ایراث ایدن  
مهربانك ، بر بوجوق سنه اول اکسزین نریمان بکله ازدواجی ، خیلی  
قیل و قالی موجب اولمشدی . اوکون شرکته بکاربکنه اوغرایان  
واپورلری ، یکدیگرلرندن فضله معلومات آلمق ایستین ، سیرجی  
قادینلرله طولمشدی . او پنجشنبه کونندن بدأ ایله ایکی آی بوتون  
بودوکونك داراتی ، شعله سی استانبولك کزیده حرملری آراسنده  
مبالغه لرله چالقانه ، قاباره ، یاییله رق یاشادی . ثروت و اصلتک بوصورتله  
امتزاجی آك پارلاق بر ازدواج اوله رق قبول ایدلمشدی . بوکوندن  
بحث ایتك ایچون کندیلرنده ، اوصانمز بیقمز برهوس بولان  
متجسس خانملرك نغماتی شونقراتده قرار قیلیوردی :

— فقط دها کلین بر بیک ، کوکی بر چوجوق .

مهربانك پدری استانبوله یرلشمکه قرار ویردکن صوکره  
یالکیز نمایش پرست ، بعض ولایت اهالیسنده وریلن تجربه سز بر  
استعجال ایله قیرینه مکمل بر تحصیل و تربیه ویرمک تلاشنه دوشه رک  
قوناغنه آلمان مربیه لری ، ایتالیان موسیقی استادلری ، فرانسه  
معلمه لری اوشوشدیردی . مهربان بوهای هوی تلاش و دغدغه  
آراسنده عصبی بر ذکا ایله اون بش یاشنه قدر اوزرندن ولایتک

یولنده کزرکن کورینجه ، آه بوکوزل قادین ، بربری به بکزیور ،  
 انک ایزینی تعقیب ایدیم خلیاسیله سنی تعقیب ایدیم ، سنی قاچیره -  
 جقمشم ، اوچوره جقمشم کبی چارپنتیلرله ، اذیتلرله کیزلی هجرانلر ،  
 عذابلر چکهرک ، محروم امل برشوریده سودا تهاکیله پیشکدن  
 آیرلیهیم . صوکره سن بنم اول . مرارت تحسرك حلاوت  
 وصالی بویله طاتمیش بولنهیم . ویاشاردیغمی اکلایم .

— اوت بیلپیورم .. صوص بیلپیورم !

بو « صوص » ، مهربانک بودانتلار ، بوسوسلر آلتنده کیزله دیکی  
 بوتون بر فلاکتی ، قوجه سی زیمانه اکلاتمق ایسترکن ، دوکدیک بر  
 دامله یاشدی . او بویله اوپوله اوپوله ینبهلهشن یاناقلرله ، اوقشانه  
 اوقشانه دورتوله رک ، ایتله رک سیره کیتمه نک نه دیمک اوله جغنی  
 کشف ایدیوردی ... قوجه سنک کوزلری شیمدی برصاعقه  
 شعاعیله پارلایه رق اوکا دییوردی که : « خایر . یورورکن سیننه ک  
 وجودکدن ایلری کیتملی . روحک سیننه کک اوستنده چیرپینرکبی ،  
 اوچق ایسترکبی یورومه لی . حمرا خانمک یورووشی . بوتون  
 عشوه . دقت اتمیورمیسین ؟ ... »

اوت ! ینه حمرا ، ینه اوقیز . قوجه سنک لسانندن هرکون ،  
 هرکیجه برصورتله فیرلایان بوقیویلجم ، هر دفعه باشقه اشکنجه لرله  
 قیوریلهرق مهربانک قلبکاهنه صاریلیور .

— عربه حاضر . بلکه یولده بری بریمزه تصادف ایدرز .  
 دیاسکه لوس بو آقشام غلبه لکدر .

تن شیرین و منوردن غیغلاچی ، او انسانی ، بردقیقه ایچون  
آجی آجی یاقوب ، صوکره طاتلی آتشی سرتاپسا وجوده یاییله  
یاییله ، بوتون سیکرلری قیران ، قویران ، بایلیتان ، مدید بوسه لر  
طویلامغه باشلادی .

بودقیقه سکران ایچندن مهربان « صاحبلمی بوتون طاغندک ،  
بودرلمی اوچورتدک ، آوازه سیله صیریلدی ، چیقدی .

— اوح ! بودقیقه نه کوزلسین !..

— هر زمان .. دگلی می ؟

— ایسترم که اوده کی کوزلاکگی ، شعریتکی زقاقده ده محافظه  
ایده سین . دلنواز و ذکی آیاقلرکه قالدیرملری اوقشادیغک وقت ....

— بن یالکز سنک کوزلک ، سنک شعرك اولق ایسترم .

— یوق . اوقدر خودکام که سنی زقاقده کورنلر ، بویک

کوزل مخلوق ، نریمانک قاریسیدر ، بختیار آدم ، مسعود فانی  
دیسونلر . بویچینک صدفی بن ، بوککک صاقسیسی ینه بن اولدیغ  
فیصلدانسین .

— خیر فیصلدانماسین . حتی اوقدر فیصلدانماسین که ایشه سنی

اوشرفدن محروم ایتک ایچون بوکون چیقیمیجغ . وبوکون الکلک  
اکمال ایتدیگک سوسلرم ینه قارشیکده طاغیلسین ، سنده چیقمه .  
بنده سنی کییدیرهیم . بویون باغکی ائیمله باغلایهیم . بیقلرکی ائیمله  
قیویرهیم . سکا طاتلی ، قومرو حکایه لری سویلهیم .

— بن سنک اکلنمه کی ، کزمه کی ایسته یورم . سنی مثلا معدن



— پکی ! کل ، یاقلاش ، دها کل . کوزلر مه سورمه بی ده  
سن سور . بوکون سن بنی سوسله . بن کوزلرمی قاپایم . سن ایستد-  
یکک کی سوسله . کیدیر . بنی برلوحه کی ترسیم ایت . ذوق سلیم کی  
کوستر .

مهربان کوزلرینی قاپامش ، قوجه سنه کوله رک تسلیم وجود  
ایتمشدی . نریمان سرمه دانی ألنه آلدی . تتره بن آلر یله کاه کیر-  
پیکلرینی آچدیره رق ، یشیله باقان اومائی کوزلرک اطرافنه برهاله  
سیاه چکدی .

— بوکوزلر ایستدیکم کی باقمه سنی بیلپیورلرمی ؟

— او یله ایسه طور ! کوزلرکک ایچنه باقیم ، آلرکی آووجلر مک  
ایچنه قوی . بویله . اوح ! ایشته بویله . کوزلرکی کوزلرمله  
اوپه ییم . . . . . باقمه سنی بیلپیورلرمی ؟

نریمانک حار و مغشی برغلیان دمک تکمیل وجودنده فورانی  
باشنی آتشلر ایچنده براقدی . دیزلری تیتیریور ، آلری تیتیریور  
دوداقلری تیتیریوردی واکثریا ایراد ایتدیکی :

— آرککلرک قادینلر حضورنده آغوشلری آچیلیر . چیچکلرک  
کونشه قارشنی یاراقلری آچیلدینی کی ...


سوزلریله قاریسنی در آغوش ایتدی . ومهربانک قیوریق صاچلر-  
ینک ظلام زوینی ایچنده نریمانک کوزلرندن چاقان تیترهک شمشکلر ،  
حزارتلی ایزلر براقه براقه ، قاریسنک صدفکون ا کسه سنده  
طاغیله رق ، دوداقلری برطاطلی میوه رکی غمخورالتذاذ شاپرتیلرله





## لازم فائز

- صاچلرکی اويله قیویرمالیدک که انعطاف ایدەجک نظرلر  
اونلر اراسنده طاقیلوب قالمالی ایدی .
- بویله چرکینمی یم ؟
- سیاه پچەنک مایوس رنکی آلتنده صاری صاچلر عادتاً  
آغلار . دها اینجه پچەک یوقی ؟
- کول رنکی جارمله پچەمی کییهیم می ؟
- چهرەکک بو آل رنکینی اورتهجک . یازیق دگلی ؟
- بوکون سن بنی کیدیر .
- کوزلرکک اطرافندهکی سورمه آز؛ کیرپیکلرک اوقدرسیاه ،  
اوقدرسیاه اولملی که اراسندن اوچان نظرلرک سیارەلرک نور شخوریته  
بکزه سون . باقیشلرکدهکی روحانیلکک سوز کونلکلری حضورنده  
کوکلرده پرستش چیلغینلقلری اویاندرسون .



لأنه منكسر

شیمدی نسرين نوش ، کندیسنی دراغوش ایده جك ، برید  
قوت و خارا مبارزه حیاتك اذیتلرینی اونوتدیره جق ، بردست  
شفقت بولمشدی .

بولنشده دن تسکین شطارت ایدهمین اختیارینه سویله یور :  
— قادینلر ، وحشی آغاچلره صاریلوب ، رایحه لی داللریله  
اونلری تزیین ایدن ، صارماشقلره بکزرلرکه ، ارککلری ازهارعشق  
ایله دراغوش واحاطه ایدرلر . قادینسز ارکک درشت اولور ،  
منزوی اولور . مربی معنوی اولان شفقت ونوازشك نرم  
خنده مؤثریله درکه ارککلرده حسیات رقیقه علویه منجلی اولور .  
وعلاوه ایدیوردی :

— قادینلرده کوزلك اولمسهیدی ، ارککلرده بویوكلك  
اولمزدی .. ارککلرده بویوكلك بولمسهیدی ، قادینلرده کی کوزلك  
کورینمزدی .

۲۰ تشرین ثانی ، ۳۱۶



حیاتی ایچون چاره لر دوشوندیله . نهایت اوکون مغاره ده قالان  
معهود اختیارک تدابیر و تجاربنه مراجعته قرار ویردیله .

اختیارک سرگذشتی اک کوچک تفصیلاتیه استماع ایتدکن  
صوکره بوتون کهانت هندیه سنی تجربه ایدرک صباحه قدر  
چالیشدی . صباحلین کونشله برابر ، نسرين نوشک وجودنده کی  
کلرده اطرافه سرپیلدی . وقادین بوتون قادیلغیله ، بوتون  
شفقت شعریته طوغیوردی .

شیمدی ، نسرين نوش ، بویله قوی بازولر ، آتشی سینهلر  
آراسنده بولمقدن متولد برشوق مغرور نسویتله اطرافه کلنخده  
حسنی سرپرکن ، بوتون شوچوراق جبال وها مونده کی سیاه  
وغمناک دیکنلر ، آل کلاره ، مور سنبلاره تبدل ایتمش وقادینلغک  
بونیم خنده سحاری ، یبوست هجران ایچنده قاورولان روحلره  
بونجه سنه در چکیلان عذابلری برآنده اونوتدیرمشدی .

ینه بودقیقه مسرت ایچنده ، آطه ده ، حائر اولدقلری قیمتک  
تقدیر اولنماسندن ، سورینن الماسلر ، اینجیلر ، زمردلر ، لعللر ،  
یاقوتلر ، فیروزه لر ، صفیرلر بوتون نسرين نوشک آیاغنک آلتنه  
دوکولدیله . و اوکا مشعشع و مبجل برسدیر ابتهاج تشکیک  
ایلدیلر . بوجاذبه آن وحسنی تماشا ایدن اختیار ، باشی صالایه رق  
دیوردی که :

— اوت ، سودازیر صاچلر اولمینجه ، الماسلرک ، کلیر .  
پارماقلر بولونمینجه یاقوتلرک زمردلرک ، بیاض کردنلر اولمینجه  
اینجولرک نه حکمی ، نه لطفی اوله بیلیر ؟

وخارانك اويدىكى ، یرده عینی سرعتله بر کل آچیلیوردی ..  
 بر حالده که خارانك دوداقلرینك اراسندن بوشانان شالاله بوسه  
 ایله آچیلان کلردن نسرین نوشك وجودنده کشاده و عریان  
 بر نقطه قالماش کی ، و — برشیدن خبردار اولمیان — والده سی  
 خارانك یانه کلدیکی زمان نسرین نوش بر کل دسته لطیف حاله  
 کلشدی .

اختیار قالدین ، قاشلرینی چاته رق کنجه ورودینك سبب  
 صوریوردی . خارا اکلایوردی . النده کی کل دمتی کوستیریور .  
 بوتون قوتیله دمتی قاورایوردی . عجوزه بوأرکی بر آن اول  
 آطه دن طرد ایتکی اولا واهون بولدی . عصاصنی اوزاته رق  
 چکیلیمسنی امر ایتدی .

خارا در حال بوکل دسته روحی دراغوش ایدرک صاندالنه  
 آتلادی . نسرین نوش حالا بیهوش ایدی . جریانك یاردیمیه  
 جزیره خارستانه یا قلاشقلری زمان کنج بوتون رفیقلرینی ساحلده  
 کندیسنه منتظر بولدی . بونلر ارقداشلرینك غیبوتندن متولد  
 جدی اندیشه لرله ، جزیره نك ساحلنه اوشمشلردی . خارا  
 بوکل دسته غنیمته صاریلوب ، اونی قره یه چیقاردینی زمان  
 آرقه داشلری ، بونجه سنه دن بری ، متحسری اولدقلری بوکلری  
 قوقلامغه باشلادیلر . خارا سرگذشتی اونلر نقل ایدنجه بوتون  
 رفقا تحسینلر ، حیرتلرله ممزوج بر تأثرله حکایه یی دیکلهرک  
 حیاتلرنده کی بو بویوک نقصانك ، بولازمه عمرک ، بو قالدینك اعاده



خارایه بوتون بونلری اکلایمق ووالده سنک غضبندن ، کلدیکی  
یره کیدوب قورتولمسی سویلمک ایستیور ، لکن بر دورلو  
افهامه موفق اوله مییوردی . نسرین نوش اغلایور . کوزلرندن  
دوکیلن یاشلر ، آل یاناکلرندن برر ایچی اولوب قوملرک اوستنه  
دوشیوردی .

خارا بو اغلامه دن بر شی اکلامادی . لذا نذ سابقه نک  
دماغنده بر اقدینی چاشنی لاهوتی شوق و شغفله نسرین نوشی  
قوجاغنه آلوب اوطاشان احتراصیله یاشلی کوزلرندن ده اوپدی .  
نسرین نوش ، ایشک وخامتی اکلایمینه خاری پنبه اللریله  
ایتیوردی . خارا کندینی ایتن اللری ده یینه عینی تکلفسز لکله  
اوپیوردی .

ارتق نسرین نوش بر خوف مسکک تاثیریه چیرینه رق  
بو وحشی سودانک فسونکار آغوشندن قورتلمق ایسترایکن ،  
اوزاقدن والده سنک — اوقیزینه بر اُرکک الی دکمه سنی منع  
ایدن — والده سنک ایاق سسلرینی دویدی بو تصادفک شباتتی  
اکلایوب ، ایلله خارایه صاندانی کوستره رک چکلمسینی اخطار  
ایتمک اوزره کنجک قوللری آراسنده بایلیویردی ... بایلمق  
نهر ؟ اونیده هنوز او کرمه مش اولان خارا بو غیر  
مأمول سکونی بر نوع تسلیمیت و موافقه عطف ایله آرتق  
بلا انتظام و بلا انسجام صاچلرینک اراسندن ، آیاقلرینه قدر  
متصل اوپیور ، دایما ، اوپیور ، اوپیور ... اوپیوردی .

طالغہ لر قییلرہ طوغرو ناصل قوشار ؟ کونش ناصل کائے اتہ  
 دوشر ؟ آریلر ناصل چیچکارہ قونار ؟ روزکار ناصل موجوداتی  
 اوقشارسہ بوایکی بیکانہ روح آشنانک دوداقلری ده یکدیگریہ  
 طوغرو عینی طبیعیلک ، عینی سکونتله اوصولجہ قاووشیوردی .  
 بوصفیر محرم بوسہ ، ابدی بر رخاوت آلتندہ کوشهین ،  
 دورغون بر عمرک بار ساکنیلہ یورولان بوجزیرہ بر جریان  
 انتباه اسالہ ایتدی . بونلرک اوپوشوشلرندن بوتون قوشلر  
 بردن اوتمکک باشلادی . بوتون غنجلر بردن کللندی . بر کرد  
 آهنگ ورنک ، بر زمزمہ دورادور ایلہ بوفضای نائی چینلاتدی .  
 بو آن کرم ہر ایکسینی ده مغشی ومدھوش براقشدی . خارانک  
 اوزمانہ قدر حس ایدوبده تلذیلہ شادکام اولہ مدینی بونششہنک  
 لذت شیرینندن چشمہ خانہ لری بویومش ، قوللری صاریلیمق  
 ایستہر کی آچیلیمش . کوکسی قاباریور ، کوکلی اوچہ جق  
 بر قوش کی چیرپینیوردی .

بوتحول نا کھانیدن اورکن ، نسرين نوش ، عریان بیلکینی  
 یوزندن چکدیکی زمان ، دوداغنک اوستندہ ، بوسہنک قوندینی  
 یرده ، بر کلک اچیلدیغنی حس ایدنجہ ، والدہ سنک اخطار تہدیدکارینی  
 خاطر لادی . ہرشی محو اولمشدی . شیمدی نہ پایہ جقدی ؟ ... بو  
 خطایی والدہ سنہ ناصل اعتراف ایدہ جک ، وبویابانجی نہ اولہ جق ؟ ..  
 واو زمان اکلادی کہ اوئی اوپن بر ارککدی ... بو بویوک بر  
 فلاکتدی . فقط بو بویوک فلاکت ، طاتلی بر فلاکتدی ..

نوش و نسرين نوشك ابتسا-امندن خارا هم نوع اولدقلريني  
اكداديلر . نسرين نوشك آل برونجكلري خارانك ، كييك  
پوستي ، مقابلنده بوروشدي . اوزولدي . آريلمق ايسته ديلر  
كورديلر كه بري برلرينك آلريني صيقمشلر ...

خارا اوموزندن صيزارق ، قوملر اوستنده متردد بر يول  
بولوب ، ايكريله بوكريله آقان قانلرينه باقنجه ، أَلنده كي سلاحي  
يره آتدي . نسرين نوشده بر حيرت متزايد ايله اوقني أَلندن  
دوشبرمشدي . شيمدي ميانه ده تكلفسز ، مراسمسز بر انسياق  
سرائر انكيز ايله بر آميزش نهاني پيدا اولدي منسرين نوش  
صوريوردی: « ندر؟ نرمردن كلدی؟ نيچون وناصل كلدی؟ »  
خارا اشارتلاييله اكلاتيوردی: « اوزاقلردن... ديكنلردن...  
طاشلردن... »

كنج آووجنك ايجنده كي أَلك يوموشاقلغندن ، صيجاقلغندن ،  
تكميل وجودينه سرايت ايدن ، بر حرارت محومه ايله تاعمق  
جانندن قوپان بر ارتعاش مؤثر ك ، زبوني اولمش و آقان قانلردن  
چهره سنه رنك ابتلايه بكزر بر طونوقلق چوكمشدي .

نسرين نوش ياواشجه اوقی چيقاردی . صيزان قانلري توللريله  
سيلدي . يارمني ييقادی . كيتدی ، ياقينده كي چاملردن ساقز  
ويلسنكلربولدی . بودوالري خارانك اوموزينه قورايكن ، ايكي  
نظر ، ايكي روح ، ايكي امل مبهم ينه قارشيلاشدی . بودفعه  
ايكيسنك ده يانان كوزلرنده جانفروز بررقوييلجم پارلادی .

او زمانه قدر قورقمق نه در حس ایتمه مش اولان کنج شیمدی  
 خلجاندن تیره یوردی. یایی کردی. هر احتمال قارشی حاضر لاندی.  
 بوضرر رنگ و سحاب دونه، یووارلانه، یاییله خارانک  
 بولندی قو ملغه قدر کلدی. بولوط صیبریلنجه، قوملرک اوستنده  
 بر جسم منور قالدی؛ خارا کواش-لرمی بورایه اینمش؟ یوقسه  
 کندیمی کوکاره ارتقا ایتمش؟ یکنظرده اکلایه مدی. نه یایدیغی  
 دوشونمده ن صاندالندن چیه قرق، معنادی اولان «های» آوازیله  
 یاینه داوراندیغی ائنده، ایقاظکار برصفیرایله قارشیدسندن کلن  
 براوق خارایی یاره لهدی.

نسرین نوش دائما تزايد ایدن قسوت و آلامی دفع ایچون  
 والده سندن، آطه نك اطرافنده شکار ایچون، مساعده آلمشدی.  
 بوصباح ندیمه لرینی یوله براقه رق، متذکر آهم استحمام وهم  
 صید ایچون ساحله قدر اینمشدی.

نسرین نوش شیمدی ~~و~~ تیرجانسوزیله یاره لهدیکی بوججه ول  
 آوه طوغرو قوشار ایکن، شکارک سرعتله اوکا یاقلاشدیغی  
 کوردی. وتکرار اوقنه مراجعته وقت قالمقسزین کندیسینی صیدینک  
 آغوشنده بولدی. ونظرلری محرومیتک بوتون آتشریز حرارتیله  
 یکدیگرینه قاریشدی. نسرین نوش ایچون خارا برشکار، خارا  
 ایچون نسرین نوش یرتیجی بر قوش-شدی. فقط نه دن و ناصیل  
 اولدی اکلاشیلمه دن بونلرک نظرلری یکدیگرینک کوزلرنده  
 قاینادی. ایکسی ده پر خايجان ایدیلر. خارانک فریادندن نسرین

کیجه یاریسنی کچمش ایدی . بردن برده خارا شیمدییه  
 قدر ایشتمدیکی ، نارین وزمین بر بابل صداسی قارشیسنده مستان  
 نشئه کوره کلری براقدی . طوردی . نغمات بابل ایله روایح  
 کل ، نفایح روز کارک سـوقیله ، یوقاری تپه لردن ساحله قدر  
 اینمشدی .

خارا بو آقشام مهناک استنارندن ، اطرافیی کوره مدیکی  
 حالده بو فوق العاده لکی ، بوراحت روحی ، بو صفای اُملک  
 ایسترکی ، دوداقلرینی آچمش ، باشنی آرقیه براقشدی . بیرتیجی  
 حیوان غریولرینه آلیشمش قولاقلرینی ، بابل سسلری اوپدکجه ؛  
 دیکنلرله بیرتیلان وجودینه ، بوکل قوقولری صاریلدکجه  
 ایرکیلیور ، سکیرلری برتقاص اشتیاق مبهم ایله کریلییوردی .  
 خارا اودرجه مستکام ودلشاد ایدی که بوکیجه کی نشئه سنک  
 اخلال اولمنسی خوف ورجاسی ییتنده متردد صاندالندن  
 چیقاما یوردی .

وقنا که صباح اولدی . کردونه کلکونه آفتاب ، مطلع  
 احتشامندن آغیر آغیر ایلریله دکجه ، معکس طراوتی اولان ،  
 پنبه لی ، یشیللی صحرالر او یانمغه ، یاریلدماغه باشلادی . خارا نره یه  
 کلدیکنندن ، نه لر کوردیکنندن غافل ، متجسس ومتحیر کوزلرینی  
 آچمش باقیدیوردی . بو اُشاده آغا جلرک آرقه سنیدن برپنبه بولوط  
 کردبادی ، پرقه تته و پرزمزمه خارانک بولندیغی طرفه طوغرو  
 ایلریله مکّه باشلادی .

بیله جکفی ؛ یورہ کندہ دائما آجیان یارہنک چارۂ التیامنی  
 دوشو نیور . باشقہ افقلر کشف ایتک ، باشقہ شکارلر صید  
 ایلمک ، اوهر زمان قعر جاننده حس ایتدیکی بوشاخنی دولدیر مق ،  
 طویدخی نقصانی اکمال ایتک آرزوسنه غایہ ایدہ میہ جک بحرانی  
 بر چاغہ کلشدی .

اشتهاسی وار ، یمکنی بیور . قوتی وار قارشہ یسنہ چیقان  
 سباعی مغلوب ایدیور . یاشامغہ آرزوسی وار ، مبارزہ لرندہ  
 غلبہ بی تمنی ایدیور . یاهر زمان ، هر یرده کنیدیسنی حس ایتدیرن  
 بونقصان نهدن ؟ اونی آکلایہ میور ؛ اونی آکلامق ایستہ یور .  
 وبونی آرقہ داشلری آکلایہ میوردی .

خارا، اوولوو بر آغاج کوتوکنی اویمقلہ اعمال ایتدیکی صاندالہ ،  
 برکیجه مہتابدہ بنمش ، یانہ سلاح وبرچوق نوالہ آب جزیرۂ  
 خارستانہ وداع ایتمش ، عمان ایله چارپیشمغہ چیقہ مشدی .  
 اولوم ، دیور ، نهدن ؟ وناصل ؟ ... بوتون کیجه صباحہ  
 فدر گاہ کورہک چکیور وکاه کوتوکی جریانہ برافہرق ایلریلہ -  
 یوردی . انفلاق سحرلہ برابر اویقوسزلقدن بی تاب و محمور ،  
 ایری کوزلرینی اوزاقدن کورینن بر نقطہ یہ طوغرو نصب  
 ایتدی . بر فضای خواب ایچندہ قاراران دل وجانی بوارض  
 موعودک رؤیتلہ ، بر تازہ حیات منور کسب ایتمش ، اوسوینجلہ  
 کورہ کلرہ ، آقشامہ قدر یورولاق بیللمہ یں برابتلا ایلہ ، صاریلمش  
 وکیتمشدی .



اونی یا قلامق ، طوتمق ایستدی . لیکن بر آز اول تپله دیکی بر  
 آرسلان کی اونکله ، امکانی یوق ، مبارزه ایده میه جکفی ، بلکه  
 اوقدر ألوان ایچنده ، اوقدر احتشام ، اوقدر یوموش-اقلقلر  
 آراسنده اینن بوشکاری یا قلامق ، اوکایا واش یا واش ، اصول  
 اصول کیتک ، اونی بویوتی بوکدرک ، یالواروب ، آغلا یه رق ،  
 اوقشایوب صید ایتک ممکن اوله بیله جکی دوش-وندی . وهمان  
 آلات رزم ووغاسنی بر طرفه فیرلتمش ، آیاقلرینک اوجنه باصه  
 باصه ، بولو طلرک اورتی-سندده طیران ایدن ش-کار شیرینه  
 طوغرو ایلریله مکه باش-لامشدی . ایکی آدیم آتامش ایدی که  
 خفیف روزکاره معروض بر نهال انخاس-یله بولو طلره باصه رق  
 بوخیال دلفریب چکیلمک ، اوزاقلاشمغه باش-لادی . وبردقیقه  
 صوکره یرده قایا پارچه لرندن ، چاقللردن ماعدا برشی قالمدی .  
 خارا ، بودقیقه عمرنده ، برنجی دفعه ، آغلا یوردی . مغاره یه  
 عودتله ، آرقه داش-لرینه سرگذشتی حکایه ایتدیکی زمان ؛  
 رفیق لرینک کیمی خلیا ، وکمی رؤیا دیه مقابله ایدیوردی .



۳

### شیرازه

هریطاشلق ... هرطرف دیکنلک ... خارا بو طاشلقلره  
 طیرمانمقدن ، بودیکنلره طیرمالانمقدن قورتولمق ممکن اوله

یره سرپهرك آرسلاڤك اوسته اوطوردی . متخیل ومتفكر  
نظرلریله ، كئتكجه آیدینلانان مشرقك تلونات نورینی تماشا  
دالدى .

آچیلغه باشلايان كیجهڤك سیاه كیرپكیری آلتندن ،  
سحرک صاری كوزلری ، كوكك اوراسنه ، بوراسنه  
صاپلانان آلتون اوقلر رنكندده ، كسكین شعاعاتی یایمغه  
باشلامشدى . كیجهڤك خطرات ظلامنه آلیشغین وسحرک ،  
موقعك ، كچن وقعنهك تأثیر احتشامیله قاماشان كنجك  
كوزی ، كوكلی بوباران مهترسایه ونورك آلتنده ، ایراقدن  
كورینن دكزك طنطنه بلندی حضورنده ، ساده براتراض حیات  
ایله متلذذ اولویوردی . بوصیرهده رقیق سیسلره صاریلیمش  
الوان خارهور فجرک برپارچهسی ، برقاناد شكلنده اوزانه اوزانه ،  
خارانك بولوندینى قامیشاغك نهایتنده کی طاشلغه یاییلدی . واورته -  
سنده اولامشوك ومتردد وصوكره عیان وواضح برشكل لطیف  
پیدا اولدی . بوشكل خارانك رفیق انزواسی اولان اختیارك ،  
بورغونلقلر ، اضطرابلر آلتنده بوكالدجه چكیدی هر آهك  
صوگنده « قادین ... قادین ... قادین !! » دیبه تعریف  
ایتدیكى ، خیال نازكترینه بكزه یوردی . خارانك ، آكلامه دن حس  
ایتدیكى بدیعه خیالیهڤك تأثیر ایجادیله یونتهدینى هیکلرك کمال  
بولمش بر نظیرینه بكزه یوردی . كنجك وجودی عریان برقلب  
رقیقه تیره دی . قوللرینى اوزاتدی . بوبررؤیامیدی ؟ قوشمق ،

بوصیره ده ، خارا شدید و مید بر « های ! » حایقیریشیله ،  
 اوستنه آتلايان حيوانك حذا سندن ، يان طرفنه صييريله رق كوچك  
 ياشدن برى بويله ورطه لرده احراز ايله ديكى رچيو يكلك و چاپكلكله ،  
 و بوتون قوت بازو سييله ، النده كى كرزى ، قيزوب قودوران حيوانك  
 ييني حذا سنه ايندير مكله برابر ، بلندن صييرديغى ياصى اوزون  
 ميزراغى سر سمله ين آرسـالانك قارينه صاپلادى . بواويله بر  
 صاپلايش ايدى كه تيمور ، قبضه يه قدر صوقولدى . حيوان بوسفر  
 جان هوليله دونه رك ، خارانك قولى اوستنده اصلى قالقانى ديشلرى  
 آراسنه آلدى . لكن بوصيره ده يرده فيشلايان ، ياييلان قانلرك  
 آراسندن ايرى باغ صاقلرده سورونمكه باشلامشى . حيوان  
 چوكدى . خارا تيمورى ينه بر « های !... » فرياديله وعينى  
 حدتله بردها صاپلادى . آراق آرسالان بوتون مغروريت جنسيته  
 رغما يره يووارلانمى . كنيج بودوشوش و بوم غلوييتى ، مشكوك  
 بر حيله عدايله متصل بر نعره ظفرله ، تيرينى حيوانه حواله ايدى و ردى .  
 شيمدى آرسالانك صارى ، طونوق ، دورغون كوزلى آچيلمش  
 ياصى پچه سنك اوچلرندن ايرى طيرناقلرى اوزامش ، فيرلامش  
 دهاش آغزى آچيلمش ، كمارنده كى بويوك ديشلرى ، قيرمزى قانلرله  
 ملمع دور ييور . خارا ، آوازه تيزستيزيله قرانقلرى تيره تن بوچنه  
 مهابت آياغك آلتنده كى حال مسكنتنه باقيجه ، كوكنك طاتلى  
 برغور جالادت ايله قابارديغى دويدى . اعتماد نفسـدن متولد  
 نمايش خودكامى ايله اوقى ، ياني ، قالقـانى ، تيرينى ، ميزراغى

قورقوسز لیکن مرا حتماله قارشى — متیقظ دوریوردی .  
 آرسلان شاپیرتیلرله یور ، کیریور ویالانیوردی . موفقیتله  
 نتیجه لیش برانتهامک ویردیکی نشئه غایتله قویروغنی گاه صاغ  
 وگاه صول بوکرینه چاریدوردی . حیوان بوخود کام ضیافتک  
 اک اشتها انکیز دقیقه سنده باشی هوایه دیکدی . قویروغنی  
 یوقاری بوره رق ، اوک ایاقلری اوسته قالقوب موسوس  
 برتردله اطرافنی نظر تفتیشدن کچیردی . کییک قیدینی ،  
 اوستنده یایشیق قالان قیزیل ائلریله ، انظار اغیاردن کیزلی  
 بریره صاقلامق ایچون ، سوووکله مکه باشلادی . بو صیره ده ،  
 بوصاری هیکل مشکک کوزلری ، خارانک باریندینی قامیشلغه  
 انعطاف ایتدی . شیمدی خارا یاریم ساعت اولکی احتشام  
 بلندک ، کوکلنه براقیدینی تأثیر عمیق مغلوب اوله رق ، بو غالب مغروری  
 تقدیرلرله تماشا ایدرکن ، اونک کنیدینه طوغرو توجه ایتدیکنی  
 کورونجه ، بر سوق طبعی مبارزه ایله وقوعی ملحوظ اولان  
 مدافعه یی حسابلایه رق ایرکیلدی . آرسلان داللری ، ایتهرک  
 بوکهرک ، قیره رق ، ازه رک ایلریله یوردی . آراتق مرا حتمال تقرر  
 ایتمش وخارا حیوانک یاک طرفدن هجومه حاضر لانشدی .

آرسلان داللرک خیشیرتیسندن اورکوب ، حیزله باشنی  
 قالدیردی . خارایی کوردی . خارا بوتعاطی نظر اثناسنده ، برثانیه  
 غائب ایتیمکسزین ، قالقانی سپر آلمش وکمانی چکمشدی . شیمدی  
 اوق برصفیر هوا چاک ایله ویزلایه رق ، حیوانک بویوننه کومولدی

آقان قانلری ایچنده ایکلویه ایکلویه قیورانان ، پنجه سی  
 آلتنده کی کییکه ، پارس برتهکم غیض آکین ایله قیملدماق سزین  
 باقارکن ، آرقه دن آرسلان مستریج آدیملریله ایلریله یوردی .  
 قرق قدم قدر برمسافه ده طوردی . وشدتله بردقه هومبور .  
 ده دی . پارسک یوکسک وجودی ، بغته کرکین برتقلاصله  
 دیکلدی . یورغونقلرینک بردقیقه ده برهوا اوله جغفی آکلادیغندن  
 بالکیز مایوسلرده کوریلان آنی ویک چاک کچه بیان برجرأتله ،  
 آرسلانله هرچه باد آباد مبارزه قرارینی کوسه ترر بروضعیت  
 آلیرکن ، اومه ابرتیز حیوانک عمق روحندن قوپان برنهره  
 ولوله خیز هجوم ، پارسک تکمیل وجودینه متزلل برارتعاش  
 ویره رک نحوت جنسییتی قارشیسینده ، محجوب ومنفعل ،  
 تلاشسزجه ، آوینی مغلوب شهرتی اولدینی آرسلانله ترک  
 ایدرک ، اولا متردد آدیملرله آرقه آرقه چکلدی . وصوکره  
 قودورمش برحیوان غیض وعبوستیله خوموردانه رق کوسترملک  
 ایستنیلمین برمسکنت تواضعله ، ایری باشنی اوغالب مدهشه  
 طوغر و بوکش ، کوزلرینی ، آرسلانک آتش صاچان کوزلرینه ، یان  
 یان دیکمش اولدینی حالده مقهور ومضمحل چکلدی ، کیتدی .  
 آرسلان ، چوقدن بری کییکک قانلی جسدی اوستنه  
 مستریحانه چوکمش واونک ایری پارچه لرینی ، قیدسزجه کیرمکه  
 باشلامشدی . پارسله کییکک مبارزه لرینی عدم تنزله تماشا ایدن  
 خارا ، شیمدی حیزران یاراقلری اراسنده کی پوسوسنده — یینه

آلوب اوکنه کان حیوانلره تسلطله هر کوردیکی برحس انتقام ایله  
پارچه لاردی .

کیجه .... باجاقلرنده حرمالیقلرندن اورولمش بردیزلك،  
صیرتنده چاراست واری آتمش برقابلان پوستی خارا حیزرانلر  
اراسنده ، برکوتوکه یاصلانمش دوریوردی . اوزاقدن اولا  
مهم ، صوکره واضح برحیشیرتی دویولدی . برکیك ظهورایتدی .  
اوکندن کچن برتیلکی بی بوینوزلرینه طاقنجه هوایه قالدیروب  
یره آتدی . کیك یالکز اکلنجه سی ایچون قییدینی بوکوچك  
حیوانه ، یان کوزله باقارکن ، اوتدن کوزیکن برپارسك ایاق سسلرندن  
ایرکیله رك قوشمغه باشلادی . خارا دایاندیگی کوتوکن طوغری ولدی  
شیمدی متهیج بردقت ایله کیك فرارینه ، پارسك تعقیبیه  
باقیوردی . کیك ترله مش ، قیصه ، یوکسك نفسلرله صولویهرق  
سرعتله سکر توب ، فرارنده امید سلامت قالماش کبی شاشیرمش ،  
اوافق قوسلر چویره چویره برداثره داخلنده چیرپینیوردی .  
هنوز یکریمی دقیقه قدر برمدت کچمه مش ایدی که پارس شکاری  
یا قالمش ونچه سی آلتنه آلمشدی . خارا بویله زحمتسز ، قیصه  
بر تعقیب ایله پارسك غالمیتنه تعجب وحدت ایتیکله برابر مداخله  
ایچون کندنده برارزوی مبرم دوییدینی صیره ده اوتدن ،  
قارانلقده ، درین ، مهیب کوکره ییشلرک اراسنده ، برکولکه  
ییغنی کوروندی . اگسه سنده قاباران صاری یله سندن کنج ،  
بو ، صحرالرك یکه تازینی طانیدی ... آرسلان !



آتیور و معهود اختیارك استهزا و اعتراضی آلتنده اونلره نه شكل ویره چكینی بیله مه یور.. طاشلرك برینی قیریور، دیگرینه باشلایور چالیشیدیور، چالیدیور؛ گاه اختیاره قوشیدیور، صوریور، صوریور: «قادین نه در؟ دیور. قادین؟...» اختیار کوزلرینی اوچان بولوطلره دیکلرك اكلاتیور. و صوکره: «نصفی میوه، نصفی چیچك.» دیور، صوصیدیور و اغلایوردی. شیمدی خارا کوزلرینی پیرك کوزلرینه، استفهامکارانه دیکمش ساعتلرجه اونی دیکلرینوردی... اختیار سرعتله قالقدی؛ کینچك آلتدن طوتدی. چكیدی. اوزاقلره کوتوردی. اورمانك اوخنده، برحرما اغاجی سایه سنده بویونلرینی بری برینه دولامش ایکی زرافه یی کرستردی: «کوریور میسین؟ ایشته! آکلایور میسین؟ ایشته!...» دیدی. خارا یینه برشی اکلاماش، برصقوت نظرله اختیارك یوزینه باقمش قالمشدی.

سنه لرجه ضایع اولان عمرك محصولی اوله رق، خارا برچوق هیکلر حك ایتدی. کینچك بوراسی برمعبدی ایدی. مبارزه معیشتدن یورولدانی زمان بورایه کلیر. بربحران آرزو ایله محوم، بو هیکلرك ایاقلری اوچنه چومه لرك و آلرینی قاووشده یره رق ساعتلرجه یالوادر، صوکره یینه ساعتلرجه مبهوت دالار کیدردی. ایستردی و بکلردی شو دائماً طالغالی دوران عمان هندینك آرقه سنده، نخیل ایتدیکی حقیقتلردن بو هیکلر اونی خبردار ایتسون و صوکره بروقتی اولوردی که تحلیلندن عاجز قالدینی برحرص وحشی سباعانه ایله اوقتی، یانی اوموزینه

آرقه داشلری ایله او قدر اختلاط ایتیمور . دوشونیدور ،  
 دوشونیدور ، دوشونیدوردی . و کوندوزلی اونی کیمسه  
 کورمیدوردی . ایزبه بریره چکلمش ، بولدیغی بر مرمر  
 پارچه سنی ، تدارک ایله دیکی ده میرلرله ، اختیارک تصویرینه مثل ،  
 خیالخانه دماغنده تجمل ایدن طرزده یونتمه باشلامشدی . بر  
 باش یاپدی . کوکسنی حک ایتدی . آلرینی میدان چیقاردی .  
 آطه ده چاقلارک آراسنده ، دکر کنارنده ، ایرماقلرک قییلرنده  
 پک مبدول اولان زمرد ، الماس ، لعل ، یاقوت کبی پارلاق  
 طاشلری طولاددی . بو هیکلک اوکسه آتدی ؛ کوزلرینی بیاض  
 وسیاه الماسدن ، دیشلرینی اینجیدن ، دوداقلرینی ، طیرناقلرینی  
 لعلدن ، یاقوتدن یاپدی . بونیکله بر سینه احتراصلر ، امیدلر  
 اینچنده اوغراشدی . اوغراشدی ، اوغراشدی ... بر کون  
 آرقه داشلری کلوب هیکلی کورنجه شاشیردقلری زمان ، اختیار  
 کولدی . و حقیقتدن پک اوزاق اولدیغی سویله دی . خارا  
 اینچون بو هیکل بر بدیمه خیالیله ایدی . کنج حسابنده کی تکمیل  
 قوتی بومرمره حصر ایتمشدی . صباحدن اقشامه قدر کوزلرینی  
 بوکا دیکر ، دالار و اودرجه کندینی غائب ایدردی که آرقه داشلری  
 یمک زمانی کندیسینی زور ایله بورادن چکرلر ایکن ، خارا بو  
 هیکلک قوللرینی آچار و دوداقلرینی اوزاتیردی .  
 بویله جه آیلر کچدی . خارا کوتوکلری ، طاشلری یووارلایوب  
 بورایه کتیریور و بوتون رؤیالرینی ، خلیلرینی بو طاشلر ،  
 بو کوتوکلر اوزرنده تصویر ایتک ایسترن آلآت نحتی آلندن

اوج کون بیهوش قالدی . خسته لغنده کیجه لرینی آتشلر ایچنده  
 صایقلامه لرله قیورانوب ، حرارتدن دوداقلری قاوورولور ایکن  
 ایستدیکی صوی ویرمک ایچون آرقه داشلرینی اویاندرمغه  
 آنیلری کفایت ایتیموردی . بو صیره ده اویانان اُک اختیارلری  
 دامارلری چیقمش قوللرینی کره رک و کرینه رک : « آه بر  
 قالدین ! .. بر قالدین ! .. » دیه خارانی تداوی ایدردی . خارا  
 نقاهته کیریوردی . بر آفشام ارقه داشلری یاتاغی اطرافنده  
 اوطوردرلر ایکن ، اونوتلمه امش ، اُسکی بر ترنم بو اختیارک  
 دوداقلری آراسندن دوکولدی :

عمر انسانی بر اویقو ، عشق اونک رؤیاسیدر !

خارا صوریوردی :

— عمر نهدر ؟

اختیار جواب ویردی :

— عشق !

— عشق نهدر ؟

— قالدین !

خارا تعمیق ، اختیار توضیح ایدیوردی . آرتق بو کنج  
 بیلوردی که حیات دائماً بویله قاتی و دیکنلی دکل ؛ بویله  
 بیرتلمقلردن باشقه برده اوقشانلمقلر وار . کنج بوندن صوکره

بویاره لر بیقاز ، صاریلیر ایکن آرقداشلرینک اُک احتیاری  
یانلرنده برقادین اَلینک ا کسکلیکنی حس ایدیور ومغاره قاپوسنک  
اوکنده کی طاشک اوستنه اوتوروب ، باشنی صالایه رق و آله  
دوشن آق صاچلرینی تیتره تهرک ، عمانک معندو حرچین طالعه لرینه  
طوغرو یومروقلرینی صیقوب ، بره لشمش کوکسنی آچه رق طالعه  
لغتلر ایدیوردی .

خارانک قیزغین برکونش التنده ، دیکنلی بایرلری طیرمانمه -  
دن ، یرتیجی حیوانلرله چارپشمه دن ، طاشلر ، چالیلر اراسنده  
کزمه دن اُلری قاتیلاشمش ، کوکسنی قاتیلاشمش ، دریلری  
مشینلشمش ، چهره سی یانمش ، طیرناقلری طاش کسيلمشدی .  
هر طرف دیکنلک ، هریر طاشلق ایدی ... بعضاً بردن بره  
طامارلرنده کی قانک فوران ایتدیکنی طویار وهمان کیجه یاریسی  
سائر فی المنام برشاعر هجرانیله نامتناهی لکک برکمارنده ، برطاشک  
اوستنه اوطورر . رؤیالرینی تکرار ایدردی . وبعضاً اولوردی که  
بو قدر وحشت وحده رغماً بر مرغ سحری غریب لکیله فخر  
خیالتنده کی روحنک ژاله لرینی طوپلایه طوپلایه یوروردی . ایشته  
اوزمان ، سیاه کوزلرینک بر فورتنه لی اقشام کولکه سنک تیتره -  
یشنه بکزر احتلاجی وار ایدی که ...

خارا یکر می یاشنک هجمات حسیاتنه مغلوب ومنفعل ،  
ا کثری کیجه لرینی طاغ باشلرنده اغاج اوستلرنده کچیرردی .  
بر آقشام خار ومختلج کهف انزو اسنه کیردی . یاتاغنه دوشدی .

آلئنده ، قامیشلرک آراسنده بوغاییلانلرینک ایصلقلری کیجه لین  
برروزکار اوغولتیمی کی اولویه رق طاغیلردی . هریر دیکنلک ،  
هر طرف طاشلق ... بعضی کیجه لر چیقان قاصیرغه بوقوی آغاچلری  
یکدیگرینه بررقدیدکی چارپوب ؛ قوملری ، ساحلده کی چاقلاری  
برتوز ییغینی خفیفلکنده شاقیردیله اوکنه قاتهرق یووارلادیغی  
صیره ده قاپلانلرک ، ماموتلرک چیلغین چیغلقلری آطه یی عمان  
هندینک قهرینه طوغرو سوروکلہ یوب ، فیرلاته جق برمحشر هیجا  
حاصل ایدردی . اوزمان بوکھف انزوایی برهول عمیق استیلا  
ایدردی . خارا وارقه داشلری یکدیگرینه اتکا ایله امیدسنزلکر ،  
تقلصلر ، نفرینلرله بوغلغله وحشتی دیکرلر و آجی آجی صیر  
یترلر ایدی .

برکیجه یاغان یاغمورک ، قوتلی سیللری ، مغارهنک چاتلاقلر-  
ندن کیرر ایکن چاقان شمشکک ، دوشن ییلدیرمک اورمانی  
طوتش-دیردیغی کوریلدی . بریانار طاغ شدتیه یانان اطهنک  
اورطه سندن ، اولویه رق ، کوکره یرک ، سورو سورو قاجان  
آرسلانلرک ، فیللرک برچوغی ، بوهنکامه یی سیرایچون ، دیشاری  
فیرلایان خارا وارقداشلرینک زهرلی اوقلریله ده وریلدیله .

هریردیکنلک ؛ هر طرف طاشلق ... بویدی کشینک هربری  
تدارک معیشت ایچون صباخلین طاغیلیر وجهه سنک دیکنلردن  
أللری ، یوزلری وطاشلردن آیاقلری صیریلمش ، یارلمش ،  
طیرناقلری چاتلامش اولهرق اقشامه عودت ایدرلردی . بوتون

ایده جک بر بوجاق تحریری ایدی . بولدقلری مغاره یه ماموت  
کبی ، پارس ، زرد کبی سباعک تهاجمدن امین اوله جق بر متانت  
ویردیلر . بویدی کشینک بری دائما خارانک یاننده محافظ قاله رق  
دیگرلری سورو ایله آوه چیقارلر و کتیردکلری جیران ویابان  
کچیمی سودلریله چوجنی بسلمکه چالیشیرلردی . خارابو یو یوردی .  
ایلك حسیاتی ، برنجی اندیشه سی کنیخی یرتیجی حیوانلردن  
محافظه ایتک واونلرله چاریشمق اولدی . دها آلتی یاشنده ایکن  
مغاره نك اوکنده ، اوکاطوغرو اوچان برقوشی فیرلاتدینی برقایا ایله  
یره دوشورمسی محافظلری ایچون برمسرت عظمی تشکیل  
ایلمشدی . خارا قوتی کافی کوردیکی راست کلن هرشیئی قیرار ،  
قوپارر ، اولدیرر ، اُزردی . اغاچلرک اوستلرنده تصادف ایتدیکی  
قوش یووالرینی بوزار ویومورطه لرینی تخریب ایدر ویاورولرینی  
یوغاردی .

برکون یارک اُتکندن کچن برکیکی ، باشنه یووارلادینی  
برطاش ضربه سیله دوشیرمش وسوروکله یه رک مغاره لرینک ده لیکنه  
قدر کتیروب رفقاسنک اوکنه برنمایش متجلدانه ایله چکیویر .  
مشدی . بوکیکک باشنی مغاره نك قاپوسنه آصدیلر . خارا کندی  
ایله صویدینی ، قوروتدینی دریسندن کندیسنه بر پوست والبسه  
کسیدی .

یاچین قایالقلر ، مخوف برچر کیندیکله آطه نك هر طرفدن کومه  
کومه فیرلامشدی . آبئوس وچنارکبی سرت اغاچلی اورمانلرک



دوریوردی . چهره سنک اشمنزازلرینی تسکین ایدن تنفسات  
لیل صموت ، دامارلرنده مسعود بر صحتک جولان ایتدیکنی احساس  
ایدیوردی . اوموزلرندن صارقان قاره صاچلری ، قابانیق  
برکیجهده قارا کلک دوران بر باط اقلغک حاره لری کبی سیاه  
ومویشلی برپارلتی نشر ایدیوردی .

بوکولکه شیمدی قوللرینی چاراستلادی . دریندن بوغوق  
بوغوق ایشیدیلن بر ارسلانک هومبوریتیلرله کوکره ایشلرینی  
برزهرخند ایله دیکله مکه باشلادی .

جزیره سرنیدیبن ، هندستان ساحلی بویله ارض بابله هجرت  
ایتمک ایسته یین صال خلقنک بر قسمی سنه لرجه چک دکلری  
مزاحمدن بیتاب ، جزیره العربک جنوب غربنده ، خالی بر  
آطیه دوشمشلردی . یوله ، اکثر رفقاسی کبی فیرطنه لردن  
هلاک اولمش رشلرینک هنوز پک کوچک اولان اوغلی خارا  
یدی رفیقيله قورتيله بيلمشدی . عائله ارکانندن صالده سیاحت ایتمکده  
اولان برقاج قادین دخی مزاحم سفریه یه نحممل ایده مدکلرندن یوله  
قالمشلردی . اوزمان خارا درت یاشنده ایدی . جانلرینی قورتاران  
یدی کشی رئیس لرینک اولادینی ده تخلیص ایتدیلر . اونلری  
بو آطیه کوملمک ابدیاً محکوم ایدن طالعہ رغماً بوکوکچک  
یاوروی حیات مسعوده سابقه لرینک بریادکاری کبی اعتناله  
بویتدیلر . صالده نه قدر آلات واسلحه قلمش ایسه آله رق  
آطیه چیققلری صیره ده ایلك مشغله لری خارانی حفظ

وجودینی ایصیته میور ... شیمدی اویلمدیکی ، ا کلایه مدینی  
 تخمین ایده مدیکی برشی آرایوردیکه اونی ایجتسون .. آجی نه در؟ ..  
 حسایتدیرسون . آجیتسون . اویله قوتلی ، جرأتلی ، قورقوسز  
 بردیش ، برطیرناق ایستوردی که بوتون مهـابت حسن و آننه  
 رغماً اونی کمیرسین ، طیرمالاسون ، ییرتسون ، پارالاسین ...



## خارستان

باعوباب ، اوقالیتوس ، حیزران آغا جلرندن متشکل ، باکر  
 بر اورمانک نفی کولکه لکلرنده حیوانات زاحفه نک قورو  
 یپراقلر اوستنده سورونشلرندن چیقان حیشرتی ، اورمانک  
 قارانلق کوبکندن قویان ، بایغین بر روزکاره قاریشهرق ، سرت  
 قایالره چارپوب دکزه دوکیلیوردی . حیات بو ظلمت فریادکارک  
 ایچنده تدارک غذا و اماتۀ زمان ایچون گاه سباعانه بر جرأت  
 وگاه وحشی بر احتراز ایله تیتیرهردی .

اورمانک ساحله قریب بیتدیکی نقطه ده منزوی بر قایانک  
 کنارنده برارکک کولکه سی حرکتسز غمکین ، ایری کوزلرینی  
 اقشامک بو ایصسز وقتده کورینن زهره یه دیکمش

بر صبح ، خلاف معتاد ، قلبنده ياقیچی بر حرارت حس  
ایندی. بلور کوشك قریبده آقان شالایه قدر کیتی. توللرندن  
صیرلدی .. جریانك قايناشان کوپوکلرینك قوتلی قاچیلری آلتده  
بر مدت حرکتسز اوزاندی . صوکره چیرپندی . اوشودی .  
پنبه لشدی . وعودتده وجودینی بیاض تویدن بر باتاغه آندی .  
شیمدی نسرین نوشه آغیر براویقو غلبه ایتشدی . او یودی  
او یودی ، او یودی . نهایت اوکله کونشـنـك قیزغین ، کاسـل  
شعله لری ، قاپالی کیرپیکلرینی ، صیجاق اوقشایشلریله آچار ایکن  
یاننده اونك بلی قاورایه جق ، قوللرینی صیقه جق ، وجودینی  
اورسـهـلیه جك ، سینه سی زده لیه جك بر شی ... بر قدرت ،  
بر وحشت آرادی . یاننده آغیر آدیملرله کزن ، لیکه سز ،  
بیاض بر قوهوی قوجاغنه آلدی . اونك یوموشاق بیاض کوکسینی ،  
خلجاندن چارپان یوموشاق پنبه کوکسینه طایادی . بویوتی ،  
بویوننه ساردی ؛ بوتون قوتیله صبقدی وبویله جه قوشك بیاضانی  
یوموشاقلنی آلتده ، کوزلری یاری آچیق ، وجودی کریمش ..  
بر زمان حرکتسز قالدی .  
نسرین نوش ، آرتق بو قوقولردن ، بورنکلردن ، بو  
چیچکلردن ، بویوموشاقلقلردن ، نارینکلردن ، بوتون بوتوللردن ،  
تویلردن بیقمش اوصانمشدی بونلردن قورتولمق ایستیوردی .  
آرتق کلرک سرفرولری روحنی مشغول ایده میور . رقاصه لرك  
پرنده لری کوکلنی اکلندیره میور . ندیمه لرینك اوغوشدیرمه لری

عنی سلسلهٔ نظم ایله عودت ایتدیلر . وکاشانهٔ بلورده حاضر اولان سفرهیه اوطوردیلر .

اکثری کونلر ، اوکله طعماندن صوکره نسرین نوش قیلولتی .  
 ببار . و آقشامه یاقین آوه چیقار و کونش قارارمغه باشلادی .  
 زمان استجماعی یایمق ایچون گاه ساحل بحره کیدر وگاه پیکار  
 باشنده صوینیردی . کل اکسیرلری ، ویا بنفشه اثیرلریله تنی  
 تلطیف ایدردی ، کیجهلری انیسهلرینی یانه دعوت ایدرک  
 اونلره گاه ماصالار وگاه نینیلر سویلتهرک اکلنیردی وگاه اوزاق  
 افقلرک ، مجهول سرگذشتلرندن اغلاقلر ، خلیلرله ایشلنمش  
 بمحشر آچیلیردی و بوزمزمه مکالمه بر منبع شفافک فشافشه  
 بکزهین براق ومدید برهبوب نغماتیله ، گاه بر قهقههٔ تیز ایله  
 قیریلیر ویا بر فیصلتی آرقهسنده غائب اولوردی . نسرین نوش  
 مهتاب اولورسه سودیکی رفیقهلرندن براییکسینی یانه آلهرق  
 یورومکه چیقاردی . بوصیرهده نسیم نارینک غیرمرئی بوسهلریله  
 قیویریلوب کوچک دالغهچقلر پیدا ایدن آل حرمانیسيله نسرین  
 نوشک یورویوشی آل برنهرک جریاننه بکزدردی . اوילה برنهرکه  
 کناری بیاض مینالره محاط اولوب باشنک اوستنده صاری کلر  
 آچار وپنبه بلبللر اوچاردی .

نسرین نوش بش یاشنده کلدیکی بواطهده اون بش سنه در  
 بومنوالده ، رایچهلر ، رفاهلر ، یوموشاقلقلر ، رحاوتلر ایچنده  
 یاشار ومجهول برطاقم خیالاتک قارشیسینده کونلری خندهلر ،  
 کیجهلری تبسملرله کچرردی .

براشارتيله طلوع شمسی آقیدشلامق ایچون صباحیلر  
 او قومغه باشلادیلر . و آل آله ، بلبله طوتوشوب کاه اوچوشه رق  
 وکاه قونه رق انوار آفتابک شرفه بررقص مستامسته باشلادیلر .  
 بوکلبسانک رقص و آهنگک جاذبه لطافتنه آغاجلر وروز کارلر  
 دخی قاپیلررق ، نسیم خفیف کردبادلریله دونه رک ، آغاجلر  
 اعوجاجلرله ساللانهرق بونشئیه اشتراک ایلدیلر وکلردن  
 سوزوان پنبه ژاله لری اُمه اُمه اودرجه مست و سکران برحاته  
 کلدیلر که بادیسحر بوندن استفاده ایله کونشه خنداخذند عشوه لر ،  
 نورا نور کوزللیکلر کوسترمک امنیه سیله بوتون بونلرک تولارینی  
 اوموزلرندن دوشورورک عربان براقدی . بو حاته دایانامیان  
 آغاجلر ، پرهیجان شوق وشفغ بوتون کللرینی ، غنچه لری  
 سیلکدیلر و بونلری برپنبه یاغمورک ، پنبه طالغالی ، پنبه کوپوکلر ،  
 پنبه سیللی ایچنده مست و مستغرق براقدیلر .

نسرین نوشک ، بونشئه ساریه شعریت ، متخلق اولدیغی  
 حمای هجرانی تشفیه ایتمش و مغشئ نشوه براقشدی .

بوتون بودودمان پری ، بللرینه قدر رنک و بویه باتمش  
 اولدقلری حالد آینه لرینه ختام ویردیلر . لکن بونشئه نك ختامنه  
 راضی دکلمر مش کبی شیمدی ده دالردن ، چیچکلردن صالنجاقلر  
 قوردیلر . ایکیشرایکیشر ساللانیدیلر ، اوچوشیدیلر ، کولوشیدیلر ،  
 صاچلیدیلر ، دوکولیدیلر . برمدت ده بوصورتله دمکذار اولدیلر .  
 نهایت نسرین نوش ینه کردونه سنه را کبأ و معیتی دخی ینه

شسيمدى نسرين نوش بر نفحه روزكار حلاوتنده آغير  
 آديملرله كزىنيور. وبريك خارمورومور كى ، پندن ، ايدىلر  
 برر برر ديك ومتعظم برطور ايله كليورلردى. بوتون يوكسك  
 آغاجلر بوملكه ملاحه ، خذالرينه كلكجه ، حضورنده  
 اكيلهرك ، اوكاك كوزل قوقولى چيچكلرينى عرض ايدىيور  
 ونسرين نوشده اونلرى بركلدن ، دها كوزل يارادلمش اولمقدن  
 باشقه ، برفرقى بولمىان ائيله اوقشايهرق ، نديمه لرينه قوپارمق  
 ايجون ، برنيم غمزه عظمت ايله امر ايدىيوردي . طوپلانه ،  
 طوپلانه زهره چينك ، كل چكانك ائىكلرنده بريكن كلرك  
 اك كوزلارندن برچلنك ياپلدى. ونسرين نوشك باشنه قونلدى.  
 بويلهجه صباحك سىسلرى آراسنده ، يورويه يورويه تپهك  
 اك مرتفع ومطلع شمسه ناظر برنقطه سنه كلديلر . نسرين نوش  
 عصاى احتشامنه ائىكا ايتدى . كوكسى وبوتون هيكل نازكترين  
 وجودىنى ايلرى طوغرو كرهرك ، باشنى كرىيه براقدى .  
 والاريله دوداقلارندن بركلبوسه قوپارارق طوغان كوشه طوغرو  
 فيرلاتدى . بو بر آين آفتاب پرستى ايدى. بوبوسه نك اقتطافى  
 حس ايدن خادمه لر قوشه رق ، سكيدهرك ، قيريليشه رق  
 يكدىكلرلىنى ايتوب چكرك ، غجيقلايه رق ، حوپلايه رق ، اوينايه رق  
 كولهرك صاچلارنده كللر ، باشلارنده تويلر ، تئلارنده توللر ،  
 اللارنده يلبازلر ، بللارنده غازلر ، كوزلارنده شمشكلر ،  
 كردنلارنده چيچكلرله مالكه لرلىنك اطرافه طوپلانديلر. واونك



بندی . یانه دعوت ایتدیکی موج نورک بر الیه بلنه صاریلوب ،  
 طوغان کونشه بکزر مهابتلی بروضعیت آلدی . دیکر ایلنه قهقهه  
 دالارندن دیز کینلری طاقوب « دیار کل » ه آمرینی متعاقب ، بر  
 کومه قیصه صاچلی ، پنبه تنلی کوچیچک پر یلر الارنده کی نفیرلری  
 اوقله یه رک یوله روان اولدیلر . بو ائشاده صاری سوکلونلر ، آل  
 بلبلار ، بیاض کوکر جینلر ، طاوسلر ، قیرلانغیچلردن مرکب  
 برجم غفیر کردونه نك اوگندن بیک درلو شاقلا بانلقلر ، چغلقلرله  
 سوزوله سوزوله اوچمه باشلادیلر .

کردونه ، قالدیرملری کاملاً کل باپراقلارندن مصنوع و مرصع  
 یولی برچالاکی برقانه ایله تعقیب ایدر لن یردن قالقان پنبه توزلر  
 کردونه نك بلورین تکرار ککرینه ، قوشلرک قانادلرینه قوندجه  
 بو قطاره بر قوس قزح لطافتی ویریوردی .

کونش ، بحر قلزمک افقلارندن صاری صاچلرینی صاچهرق ،  
 دوکه رک کورینه که باشلادیگی هسکامده بو قافله اثری یونده نسرین  
 نوشک دیار کل دیدیکی شاهقه شمر وخیاله واصل اولدی .  
 بوتیه نك اطرافی اوولور وکل اغاچلریله محاط ایدی . پنبه ، مور ،  
 صاری ، ترنجی غجه لر شرف قدومنی تقدیساً هپسی بردن  
 آچیلهرق ، سیده لرندن جوشان قوقولر ، نسرین نوشک  
 بویونلرینه ، اوموزلرینه ، بللرینه آللرینه صاریلدی . نسرین  
 نوش کردونه سندن ایندی . آرقه سندن اونی تعقیب ایدن  
 اینده لری ، خادمه لری ، سازنده لری ده ملاقی اولدیلر .

یایلان صاری نیلوفر چیچک‌رندن برینه باصدی ؛ ندیمه‌لری دخی  
بوچیچک‌لرک قویو یشیل یاپراق‌لرینه استنادایله صباحک سیدسلری  
اراسندن چاغلايانك منبعنه طوغرو قائمغه باشلادیلر .

مشاطه‌لری پیکارده مالک‌لرینک صباح زینلرینی اکماله  
ایدرلرکن نسرين نوش صوده انعکاس جمالنه مستغرق ، قیملدا .  
مهدن کنه‌دینی تماشایا ایدردی . بوصیره‌ده یشیل و فیرمزی  
کله‌بکلرک بری برلرینی تعقیب ایدیش-لرینه باقار وایکی قومرونک  
اوغولتیلرینی دیکلرکن ، انیس-لرینک شطحیاته عائد ملاطفه‌لرینه  
دوداقلرندن یاواشجه اوچان برتبسم ایله مقابله ایدردی .

نسرين نوش انیس-لرینک ، خادمه‌لرینک کیمنه کل چکان ،  
زهره‌چین ، نازآفرین ، موج نورکی عنوانلر وکیمنه چیچک  
وقوش ناملری تخصیص ایدرک جمله‌سنده نام و عنوانلریله مناسب  
لباسلر ترتیب ایله مشدی .

صبح زینلرینک اتمامندن سوکره بوصباحه مخصوص رنک  
ونوردن منسوج برتوله صارینه‌رق پنبه‌نیلوفر یاپراق‌لرینه باصه‌رق  
ایرماغک جریانیه ساحله‌کلدیلر . بوراده ایکی تکرارلیکی . کوچک ،  
بلوردن برکردونه طوریه‌وردی .

اوک طرفه قوشولمش اوچ چفت دیشی قوهو قانادلرینی  
کرمشلر ، مالک‌لرینک رکوبنه انتظاراً اماده عزیمت بر  
وضعیتده بکله‌یورلدی .

نسرين نوش جوی روانک اوموزینه اتکایله کردونه‌سنه .

آچهرق و جودینی اینجه دن اینجه تدقیق ایتدی . و پیرانمش  
چهره سنده قاباران بر اشمئزاز عبوس ایله اظهار ممنونیت ایدرکی  
درین بر « اوح !... » چکهرک کلدیکی کبی غائب اولدی .

بو ، نسرين نوشك والده سی ایدی . بك زیاده قیصقاندینی  
قیزی بویله مراقشام او یورایکن کثیر تدقیق ایدردی .

بو اختیار قادین دوشو نیوردی که : « بوتون بو صاچلرمی  
یولان ، بوتون بودیشلرمی دوکن ، بوتون بو چهره می بوروشدیران  
أرککلردر .. نسلمك بوفلا کتله اوغرامه سنه مانع اوله جغم ! اونی  
بو آطیه کتیردم . اوکا نه قدر ممکنسه او قدر اکلاجه می ، سو-  
سلیری ، رفاهی ویردم . لیکن أركك نه در بیلمیه جك ؟ !...  
اوفلا کت نه در طایمیه جق ؟ !... آطیه أركك مخلوق صو ققدم  
شاید بن مطلع اوله دن بو آطیه بر أركك کله بك بیله کیرر وقیزمك  
بر طرفه قونارسه اوراده برکل آچلسون ده قیزمه زحمت  
ویرمه دن وحسنه خلل کله دن بن خبردار اوله میم . هر تدبیرم  
مکمل . آرتق کوکلم راحتدر . »

مهتاب صاراره صاراره نسرين نوشك وجود نرمیننی یکی  
طوغان کونشه تودیع ایده رك كوچك قانادلی نکه بانلرله کوشه  
اختفاسنه کیرر ایکن ، اطرافنده اوکا باغین صدالریله سحریه لر  
او قویان ندیمه لرینك عشوه لرینه قارشى محمور كوزلرینی  
اوغوشدیره رق پریشان صاچلرینی سیلکه رك ، قاشلرینی چاته رق  
قالقدی و چاغلایانك برکنارینه کیده رك ، آقان براق دره نك سطحه

ایرماقلرک سکودلرله ، آریلرک پاپاتیهلرله معاشقه لرینه داتر ماصاللر سویلر ، نشیده لر اوقورلرکن نسرین نوش کوکرجین ، سرچه کوکسی توپلرندن یاپلمش برسدیرک اوستنه اوزاندی . اکسیر اثیری مهتابی ، باد ریقی ، یاری آچیق دوداقلریله سوزه سوزه آمیوردی ، واهمه اومه کوزلری سوزیلیوردی . بردن آل اورتوسنک یگنک ایری قاتمرلری آراسندن بال رنکنده طومبول بیلکلری صییریلدی ، چیقدی . بیاض لیلای رنکنده آلارینی ، ستاره لرک اهترازندن نرمین ، صاری صاچلرینک آلتندن کچردی . قوشان قرق آرقه سندن کیدن بولوط کومه لرینی ، سوزکون کوزلریله تعقیب ایده ایده کیرپیکلری قاپاندی . کندنن کچدی . آهسته آهسته اویودی .

شیمدی سسلر کسیددی . فیصلدیلر بیتدی . رامشکرلر صوصدی . شالالهلر صوصدی . قوشلر صوصدی . روزکار صوصدی . اطرافنده کی ندیمه لری بو حسن مجردی مفتون و مسخر برمدت والهانه تماشا ایتدکن صوکره ایچلرینی چکه رک اونلرده پیغوله لرینه چکدیلر . بواشناده بیاض قانادلی برطاقم مینی مینی پرلر کومه کومه کله رک نسرین نوشک جوارنده اوچوشمهغه باشلادیلر . بونلر نسرین نوشک نکهبانلری ایدیلر .

برایکی دقیقه صوکره آغاچلرک اراسندن بوروشمش براختیار قادین نمایان اولدی . آئنده کی اوزون عصاسنه دایانه رق اوصوله نسرین نوشک یانه صوقولدی . وجودینی یاری اورتن آل تولی

امر اوآندی . شیمدی موسیقی به برقص پرینه ، برقص رقیق نورانی قاریشدی .

پنجهزار نیتلره صارینش یکر می ، اوتوز قیزك سوزولوشلر کریلشلر ، کریشمه لر ، قیریشمه لرله بر بیاض دومان کبی دونه رك قیوریلان ، اوچان توللرك آلتندن اوستندن برر کلبك خفیفلیکله نیم پرنده لری ... الوانك ، انوارك انحلال واجتماعی تقلید آبری برلرینه کیریشوب آیریلمه لری ... صاریلوب ، چکلمه لری ... قالچلرك موزون ومطردنموجاتی ، دونوشلری ، ایکیلشلری ، قاتمرلشمه لری ، صاری ، لپسقه ، صاچلرك برر برکان کل کبی دالغهلانه ، دالغهلانه فورانی موسیقی ایله امتزاج ایدهرك سلیس و بلیغ بر آهنگ مسکر حاصل ایدیوردی که هانکیسی موسیقی ، هانکیسی رقص قولاقلر تمیز ایده میور . موسیقی می رقصان ، رقص می نغمه ساز کوزلر ا کلایه میوردی .

نسرین نوش بوتون بوتوجات رقص و آهنگی ندیمه لرندن جوی روانك دیزلرینه یاصلامش مهمسه میهرک ، ا کلنه میهرک کوزلرینی درین بر اندیشه معنوی آغیرلغیله سوزوب تماشا ایدیوردی .

بوطنطنات احتشام اونك روح نأمنه برقطره خنده سودا ، اوکا هراقشام کوردیکندن باشقه برشوقوصفا ارأئه ایده میوردی . بوکیجه کاشانه سنه کیرمک ایستمدی . مهتابك عربان وجودینه صاریلمسنی ارزو ایتدی . ندیمه لری اوکا روزکارك کونشله

بلورک قابوسندن کیردیلر ماهتابک ، زجاج دیوارلره عکسیله ،  
 نخل ایدن ضیاسی حولیده کی چاغلایانه انعکاس ایتدجکه طورنجی ،  
 آل ، صاری بر فواره نور ، کوز قاماشدیران بر زمزمه روحنواز  
 ایله جریان ایدیوردی . حوضک کنارینه یاییلمش ، اوسته لیمون ،  
 پورتقال ، ماندارینه اترنج چیچک کاردن اورتولر سریلمش ، بر  
 سفره نك باشنه اوطوردیلر . زبردن اویولمش طاباقلرده موزلر  
 آناناسلر ، خرمالر ، آوانلری ، بالقلر کتیرمه ، لاله دن ،  
 پیاله لرله ، راحلر ، رحیقلر ، کل شرابلری صوغه باشلادیلر .  
 حوضک دیگر ساحلنده رامشکرلر ، خواننده لر برخلقه  
 اولدیلر . ربابلر ، مزمارلر ، ربطلر ، ششتارلرله سلسبیلک جریانی  
 تنظیر آ نسرین نوشک آن وحسنه عائد نشیده لر اوقورلر ایکن  
 ندیمه لرك ایراد ایتدکری شوخ و شاطر ملاطفه لری اراسنده  
 ایصیریلان میوه لردن دوریلان لاله لردن ، بوشانان طاباقلردن ،  
 کوچک بر میدان حربه دون سفره مجروحلر ، مقتول لرله  
 دولمشدی .

رحیق لذیک ویردیکی نشئه ایله نسرین نوش پر شطارت  
 ندیمه لرینک قوجاقلرینه یاتمش ، دوداقلرینی امه رک مجهول  
 اوزاقلردن برشیلر اومار ، ارار کی انظارینی تمید ایدیوردی .  
 انیسه لری هر جرعه ده مالک لرینک آلارینی اوپمک ، صاچلرینی  
 قوقلامقله تلذذ دماغ ایلرلردی .

روحلر بخار نشئه دن کوپورمه که باشلامشدی که رقاصه لر



انعطاف ایتدیردی . لعل دوداقلرینک التتده شمشکله چاقان  
دیشلرینی کوس-تره رک اولره برخنده نشاط پارلاتدی « بنی  
اوغوکز ... » دیدی .

شیمدی خادمه لرندن اوچی اوموزلرنده کی صاری ، مائی ،  
بیاض توللردن سیدکمه رک فوللرینی ، سینه-سنی ، ایاقلرینی  
اوغوشدیرمغه صاچلرینی قورولامغه باشلادیلر . نسرین نوش  
قرک کندی ایچون سردیکی شهره زرینه طوغرو باقارکن  
زمردین دکزک برارغنون بلبلاتنه بکزه یین اوغولتینسی دیکله یور  
وآ کلایور کیدی .

بوآناده قایلرک قوغوقلرندن ، سازلرک آرالرندن آللرنده کی  
اصداف بحریه دن نفیرلری اوتدیرن برطاقم کوچک پریلر نسرین  
نوشه طوغرو اوچوشمغه باشلادیلر . نسرین نوش طوغرو لدی ،  
ماهتابه اللرینی صاللایه رق اوکا بوکیجه ایچون وداع ایتدی .  
ندیمه لرینک اوموزلرینه آتدقلری آل برومچکلره بروندی .  
برسحاب فجر رونقنده ، برسحاب فجر شفافیتنده حرمانیسیله  
وجود سربلند و شهلوندینک رنک ارغوانیسی قاتمرلشدیره رک  
یولنده ایکیلن کلره رغماً ، نسیمی بررقت وبرخرام دلال و ناز  
ایله یوزومکه باشلادی .

شیمدی کلر ، آلقیشه بکزر ، فیصلدیلرله اونی سلاملایورلر  
مینالر آیاغنی اوپمک ، صوکره ازیلمک ، اولمک هواسیله یولنه  
دوکیلیورلر . بویورومه ایکی دقیقه دوام ایتدی . برکاشانه

سراژ نكاتی بری برینه صاریله صاریله فیصلدا یور . دكزك  
كوکسی تنفس ایدرکی قاروب اینیور . بوتون موجوداتده  
برتازه لك ، بریپرانامشلق حس اولونیور . بور کودیت بی پايانك  
اورته سندن برصد افیرلاسه . دنیا کوله جك ، قانادلانه جق کی  
کلیور .

آطه نك اتمکندن دکره اوزانان اینجه قوملرک اوستتمده  
نسرین نوش ، اوزاقلردن طوغرو سرپلرک ، قلمک  
سطاحنده قایناشان سرو زرینک بریارچه سی کی اوزانمش ....  
طالغله ره قاریشمش ، عریان ، مهتاب قدر عریان ، روز کار قدر  
عریان ... وجودینه دوشن سلسیل قمر ، کردنك اوستتمده ،  
چپلاق صاچلرینک اراسنده تیره شیور . اوافق طالغله ره  
بری برینی تضییق ایده ایده ایمره نیشلر ، سوزولوشلر ،  
فیصلدیله ره ، بر لب صدف کوندن مصنوع وجودك گاه صاچلرینک  
آراسنه کیره رك ، گاه بیاض قوللرنده سورینه رك ، گاه سیمین  
سینه سندن سوزیله رك ، گاه أرغوانی آیاقلرینی اوقشایه رق  
برر برر بوسه لرینی الیلر . قعر اوقیانوسدن جبقاردقلری  
اینجیلری نسرین نوشك ایاغی اوجنه تقدیم ایتدکن صوکره  
احتراملر ، احترازلرله کری کری چکیلوب کیتیدیلر .

نسرین نوش بیهوش نشه برکسلان عمر نواز ایله اوصول  
اوصول کریندی . اطرافنده برهاله وضعیتنده کندینه ناظر  
بری قیزلرینه قدیفه اوچوقاغنده ، قدیفه ایلیقلغنده کوزلرینی




# خارسان و گلستان



## گلستان

بوندن بش بيك سنه اول ... بحر قلزمك ساحل جنوبنده  
براطه .. مائي بركيجه .. مهتاب .. قويو قورشوني برعمان ،  
اوستنده مهيب برسكونت ، دها اوستنده اوسكونتي ييره رق  
تنوره نوري ، بحر محيط هندينك ، افقاري كورنيز انكين  
سطاحنه ريزه ريزه سرپن بر آي ... اوستنده بر قوش بيله  
اوچين بر جو ... بوش برفضا .. پايانسز بر محيط راكد ..  
قورقونج بر كي مسه سزلك ، بوغيچي برسس سزلك ... چيت يوق ،  
اثر حيات يوق ... براق برتهائي بي انتها ، بر محشر سكونت :  
مهتاب دوشونيور . طالفه لر دوشونيور . قطرات قمر ك سيلاني  
آلتنده آرين كيجه نك آچيق كولكه لري دوشونيور . كزينن  
بولو طر دوشونيور . قلزمه روز كار ، بوتفكرات هول فرمانك

PL  
248  
M74H3



1018152

# خارستان و گلستان

Haristān ve gülistan

« دهاتدن نصیبی اولمیان عجزه ایسه براورم بچونک »  
« داخلی کندیلرینه مسکن افتقار اتخاذ ایتمش ضعیف »  
« وغریب قوشلردرکه قدرت پروازلری انجی - براغاجدن »  
« دیگرینه کیده بیلیمکه .. طاقت آوازلری یالکیز کندی »  
« کندیلرینه مداوله حسیات ایده بیلیمکه کفایت ایدر ۰۰۰ »  
ناچیز — استاد اکرم

معارفی نظارت جلیله سنک وخصتیه

استانبول — عالم مطبعه سی

اگستوس ۱۳۱۷

## ادبیات جدیدہ کتب خانہ سنک اجزای سائرہ سی

- حیات مخیل ، کوچک حکایہ لر ، حسین جاہد بکک . (موجودی یوقدر)  
 رباب شکستہ ، مجموعۂ اشعار ، توفیق فیکرت بکک . (ایکنجی طبعی)  
 بریازک تارنجی ، کوچک حکایہ لر ، خالد ضیا بکک . (ایکی بیکنجی)  
 + عشق ممنوع ، بیوک حکایہ ، خالد ضیا بکک .  
 + خیال ایچندہ ، بیوک حکایہ ، حسین جاہد بکک .  
 + ایلول ، بیوک حکایہ ، محمد رؤف بکک  
 + حیات و کتابلر ، تدقیقات ادبیہ ، احمد شعیب بکک .  
 صوافون دوت ، کوچک حکایہ لر ، خالد ضیا بکک .  
 + خارستان و گلستان ، کوچک حکایہ لر ، احمد حکمت بکک .

### طبع اولنمقدہ :

- قیربق حیاتلر ، بیوک حکایہ ، خالد ضیا بکک .  
 سیاه اینجیلر ، منشور شعرلر . محمد رؤف بکک  
 برشعر خیال ، کوچک حکایہ ، خالد ضیا بکک .

### طبع اولنمق اوزره :

- فانی تسلیلر ، مجموعۂ اشعار ، فائق عالی بکک .  
 بیاض کولیکلر ، اشعار ، جلال ساہر بکک .  
 مائی و سیاه ، بیوک حکایہ ، خالد ضیا بکک .  
 حیات حقیقیہ صحنہ لری ، کوچوک حکایہ لر ، حسین جاہد بکک .



خَاتَمُ الْبُحَارِ وَكَلَامُ الْبُحَارِ





PL  
248  
M74H3

Miftuoglu, Ahmed Hikmet  
Haristan ve gulistan

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---



